

PL

248

T396I24

1917

Tarhan, Abdülhak Hamit


Ibn-i Musa

PLEASE DO NOT REMOVE
CARDS OR SLIPS FROM THIS POCKET


UNIVERSITY OF TORONTO LIBRARY

18/700

Tarhan, Abdülhak Hâmit



عبدالحکیم




کلیات آثار
Ibn-i Mūsā

ابن موسی

یاخود


ذات الجمال



استانبول — مطبعة عامرة

۱۳۳۵

۷



PL
248
T396 I24
.1917

۵

بر هیئت مخصوصه طرفندن طبع ایتدیرلشدیر

سطر رایتہ - ابن موسی - اثرینک
 بکھانہ کافل اوصافی در . .
 چونکہ علوم سنا و ضایع تفسیر ی
 حبانہ عالیہ سیدہ زاتہ انفسی و امجدی
 می فیل علما و ادبایہ رونوہ بخش و صاحب آواز اولان
 سہارہ لہر مند و معارفی در
 رونوہ فی سہر عبد الجید اقصیہ ابہ عبد العزیز صاحبہ
 مؤلف مجدیہ مؤلف اتحاف تعلیم انصافہ
 عبد الحق

اشخاص

عربلر :

عبدالعزیز بن موسی .

مروان بن موسی .

موسی بن نصیر .

طارق بن زیاد .

زید بن کسادى .

مغیرالرومى .

ایوب بن حبیب .

طریف بن مالک .

حبیب بن عباس

حبیب بن غازان .

عبدالله .

معین الدین بن طارق .

محمد بن عوف .

خلیفه ولید وارکان وتوابعی وتابعائی .

سلیمان خلیفه وارکان وتوابع وتابعائی .

زهرا بنت موسی .

عذرا بنت عنز .

ذات الجمال

بر بربری وقاریسی .

بر بدوی وقاریسی .

عقبه
ولید

وبونلرک رفقاسی .

عبدون . سلمان . زیدون . یقی .

مسلم ياخود جوليانوس

قادين اركك برچوق خلق : كبار و صغار :

اسپانيوللر :

قرالچہ ايللا .

قرالچہ ساينا .

قونت تئودمير يعى تدمير .

اختيار آلبرتو .

ادلينا مرقادو .

فلوريندا قاوا .

پرنسس ايزابللا .

دوشس دولوزيطانيا .

قونتس دوناواريا .

قونتس دوواسقونيا .

مارکیز .

صوللا .

لوئیزا .

وسائر زادگاندن اسرا و کبار و صغار خلق .

سواری و پیاده عساکر

اشخاص اشریه

طیوف و خیالات .

ارواح متجسمه .

ملائک مخبله

کفن پوشان .

سیاهپوشان . [*]

[*] وقعه نك اولیاتی - طارق یا خود اندلس فتحی - اسمندہ کی

اثر منہ مراجعتہ معلوم اولور . ع . ح .

منظر

۱

طلیطله . قرالیچه ایلانک سرایدکی دائرة مخصوصه سنده براوطه . کیچه .
بر قاج مشعله .

مضار

پرنسس ایزابلا ، دوشس دولوزیطانیا ، مارکیز ،
قونتس دوناواریا ، قونتس دوواسقونیا ، ادلینامرقادو ،
صوللا ، لوئیزا . بونلردن ادلینا کزینور . صوللا برکنزاده طورر .
لوئیزا کنلاک . باقیسی برکوشه یه چکامش اوتورر لر . هپسی ده سیاهپوش ماتم .

لوئیزا

انسانلر ، بیلیم که نه زمانه قدر رقابت و مسابقت
یولنده قربان اولوب گیده جک ؟ بوانقلاب عالمی تسخیر
وتوقیف اولنه بیلیرمی ؟ بو اولوملر مشهرنده جنک وجدالاک
لزومی نه در ؟

قونتس دوناواریا

لزومی اولماسه حدوثی ده اولمازدی و حرب شهه
یوق که بر حال واجب الایحالی مظهر شرف و شان ایدیور ؛
فقط حرب نسوان بی توانی ده بویه پریشان و بویه بی نام
ونشان ایدیور .

پرنسس ایزابللا

اڱ غیرتلی بیلدیگمز معین ملت ، روابط حیاتک
انقطاعیله مفتخر ، جریحه سلاح عنده برنشاندر ،
حسابنده بدیعہ گبی رغبتی موجب اولور .

قونٹس دوناواریا

اڱ همّتی گوردیگمز امین دولت ، وسائط مملکت
اختراعیه مشہر ، مدیحہ صلاح نزدندہ ہدیاندہ ،
کتابندہ صنیعہ گبی نفرتی جالب اولور .

پرنسس ایزابللا

کیمی سفک دما دایہ سنہ مبنی ، توقی طرفداری در ؛
اجتناب جدال ایدر ، فقط مدخول اولور . بی حمیتدر .
مجترب دگلمی ؟

قونٹس دوناواریا

کیمی اعتلا داعیہ سنہ مبتنی ، ترقی ہوسکاریدر ؛
ارتکاب قتال ایدر ، فقط مقبول اولور ، ذی مزیتدر .
مستغرب دگلمی ؟

ادلینا مرقادو

ایکی موسی گلش : بری جبرائیل تربیتگرده سی
منکر ، بری فرعون پرورده سی مرسل ! [*]

لوائیز

نهدیمک ایستورسین : ادلینا مرقادو ، ای دایما
مستور ومبهم تکلم ایدن ظلمانی داهیه ؟

ادلینا مرقادو

هابله قابلی اونوتمه یگز. بر زمان گله جک که نه طوفان
بیلنه جک نه نوح !

قونئس دوواسقونیا

بن ادلینا مرقادونک نه دیمک ایستدیگنی آکلارم .
بر انسان سعید طوغمش ایسه مرئییسی شقی ده اولسه سعیددر .
حرب ابتدای خلقتدن بری طینت انسانیه ده موجود بر
استعداددر . تاریخک عاقبتی نسیاندر . دیمک ایستور .

پرنسس ایزابللا

انسان خصومت ایتدیگی آدمی افنایه قدرتیاب اولور .

[*] بومأله عربجه بریت وارددر . ع . ح

محبت ایتدیگی آدمی حیا ایدمه من. بختیار او ملتدر که افرادی
محاربه یوزندن اغلاماشدر .

صوللا

افرادده اولدینی گبی اقوامدهده حرص تفوق واردر.
سز، پرنسس ایزابللا، سز، دوشس دولوزیطانیا، قرال
رودریق ازدواجندن اول قرالیچه ایلانک هم محبه شبابی،
هم رقیه انتخابی ایدیگز. بوجاسده کریمه سی حاضر بوانان
مرقادونک ضیافتده ایلانک قرالیچه لگه نامزد اولدیغی
ایشدیگگز زمان بن اوزاقده دگلم. باغچهده رقص ایدنلرک
خاکپایلر نه یوزسورمش گبی ایدیگزده طوپراق رنگنه
گیرمش ایدیگز. صانکه غرور ونخوتگنرک جنازه سنی
گوستریوردیگز. شبانه رقصدن چقمش گبی دگلده
ظلمات ماته گیدیورگی اولمش ایدیگز. بالظارک استقبال
مدهشنی دیواره تحریر ایدن دست اعجاز سزجه وعدینی انجاز
ایده میه جکدی. سز یالگز، یاخود ایدیگزده یالگز
بالظارک ید ازدواجنه مائل، یعنی رودریقک تخت وتاجنه
نائل اوله بی تجربه ایدیوردیگز دگلمی ؟

پرنسس ایزابللا

ماضیده نه اولمش ایسه اولمش. بوگون همیز برحالدیه یز.

ابن موسی

قرالیه چه منزله برابر جمله مزده حرب اسیری یز. مساواة
گانهجه معادات گچر .

صوللا

اشته بك اعلايا . عربلر اقوام بیننده ده اومساواتی
وجوده گتیرمك ابچون حرب ایدیورلر .

پرنسس ایزابللا ضحك عمومی ایله

بتون اقوام عالم اونلرك اسیریمی اولسون دیمك
ایستیورسین ، صوللا ؟

صوللا

مقصد اسلام ابنای آدمك اختوتی در. عربلر برعصردن
بری اومقصده خدمت ایدیوردیمك ایستیورم .

دوشش دولوزیطانیا

بوماتم مجلس مزده بزی گولدریورسین. مادام صوللا،
تشکرلر ایدرز.

صوللا

شبهه یوق که گولش سزك وجه گزده بر زنجیه نك
دوزگونی قدر یاقیشقسز اولیور. بلکه ده آق صاحلی بر گلینك
نقابنی اندیریور. حالا گولیورسگیز !

ادلینا امر قادو

بن گولمورم، صوللا، بن محشرله برابر گوله جگم !..

دوشس دولوزیطانیا

اتحاد انسانیتک مهد یگانه سی میلاد عیسا ایدی .
اونی تدویر ایده جک یرده تغیر ایتدیلر .

صوللا

حایر ، بالعکس تعمیر ایتک ایسته دیلر .

مارکیز

مادام صوللا ، دنیایی بابل قله سنه دوندیرن ادیانک
برلکنی هپ ایسترز . فقط هیئات ! دیه لم که عربلرک
مقصدی جهانیه بخش عمران ایتمکدر . او عمران اولایزم
مملکتیزی ویران ایتمکه می باسنلایه جق ؟

صوللا

بیقوپده یایمق برهندسه حکمتدرکه اصابتی احیای
فوائد یولنده احای زوائد شانندن بولنان فیاض قدرتک
ذره جسمنده ، نقطه حکمنده اولان حشرات مشیمه بی

ابن موسی

برمولود وجوده گتیرمك ایچون عدمه گوندرمسيله ،
یاخود اجنه بطونی ابنای آدم ائمه سيله مبتدر .

ادلینا مرقادو

دیکله یگز ؛ واکلایگز :

ای نور حقیقی ! ای عمای وحشت ! ای ظلمات جهل !
ای خواب غفلت و بلاهت ! ای بحران بطلان ! ای
صبح شك و انتباه ! ای طلوع و عودت حقیقت !
شونی ده دیکله یگز ؛ واکلایگز :

ای آدم طبعی ! ای بودا ! ای براهما ! ای زردشت !
ای لات و عزرا ! ای موسی و مسیح ! ای الاله ! ای
خلقت و طبیعت !

حضاردن بعضیسی .

اکلادیگز می ؟ دیکله یك اماشته اوقدر . ینه
هپ مبهمات .

مارکیز

ادلینا مرقادونك بو سوزلرینی ادلینا مرقادوده
اکلامامشدر . بر شخص مجهول و غائب اونی بو یولده
انطاق ایدیور . بز کندی درد مزك بحثه گله لم . قرالیچه

حضرتلرینک ندیمه قدیمه سی اولان صوللانک اسلام
حقنده کی فکر ونظری موافق حقیقت اولسه ده بوندن
بزه برفائده ویا برتسلیت گله مز. بنم تسلیدن بعید اولان
اگدارمی دعوت ایدن حال بو محاربه ده دوچار اولدیغمز
مغلوبیتدرکه اونیده بزم هیئت عمومیه مز جلب واحضار
ایتدی. دوشندکجه ملیتمدن محجوب ده اطوغریسی هرگون
مغلوب اولیورم. حریت واستقلالنی پایمال استبداد ایدن
برملت قدر ادبار ومصیبتی سیرسریع ایله دعوت ایدر
آلت یوقدر. ادبار ومصیبت قدرده بر دعوته قولای
اجابت ایدن مسافر بولنه ماز. بزبرشخصک مغلوبی اولمش
برملت ایدک. برجهانگیر اردویه، غلبه ایده مزدک دگلمی؟
بوطیعی اولدینگی گبی عربلرله اونلرک مسلک ومذهبری
حقنده کی مطالعات ده حقیقت حاله مقرون اولسون. بن
ینه محجوبم. متهورم ومکدرم. تسلی ده بوله میورم
والسلام!

لوئیزا

صوللاملکه متبوعه مزک واقفه اسراری در؛ بلکه ده
مترجه حسّیاتی در. اواسرار ایله حسّیات بزجه مجهول
اولماقله برابر تأدباً قاله آله میور. صوللانک اسلامیه

دائر اولان سوزلرینی جرح ایتمک متبوعه عزیزه مزك قلبینی
جرح ایتمک اولور .

ادلینا مرقادو

یاخود قلبنده اولان یارده لری شرح ایتمک اولور .
بن و جاهاً سویلیه میه جگم بر سوزی غیاباً سویلک طرفداری
دگلم . بنم سکوتیم ایسه نمونه اوله جق بر ماهیته در . چونکه
ملکه نك حضورنده سویلگه حاضرلشم اولدیغم حالده
ینه غیابنده سکوت ایدیورم . فقط بنم سکوتیم مخوف
ومدهشدر ؟ اخفای رعد و برق ایدر ؛ موتا سکوتنه
بکزرکه روز جزای فردایی ، محکمه کبرای خدایی
آندیرر ؛ مجرم و متهملره قارشی صبور و متفکرگی طوران
سکوت منتقم کائنات ، اوالهام صموت آلهی مدهشدر !

منظر

۲

طلیطله . مسلمک خیمه سی درونی
خارجده اصوات

مضار

مسلم ایله عذرا بنت عز

مسلم

الله عشقنه بر لحظه طور! بر دقیقه انصاف : بر آن
مرحمت !!

عذرا

خارجده کی اصواتی ایشتمیور میسین ؟

مسلم

ایشیدیورم . فقط بز بر بر مزك اولمادقی ؟ برگون
برابر اولمایه لمی ؟

عذرا

بن بواردونك قزی یم . اردو بر ساعته قدر گیدیور .

مسلم

تأهل ایتدك : دها یارم ساعت اولمادی که تأهل ایتدك .
آیرلق ایچونمی اوله نیلیر ؟

عذرا

عسکر بر ساعته قدر حربه گیدیور . بن ده گیده جگم!

مسلم

آه ساقی نشاط اولان - غانیمد - ك دختر گل پیکری
خونریزی اولملی در ؟

عذرا

بن بولسان مستانه دن ، اساطیر و افسانه دن ا کلامام .
 اسلام عسکری گیدیور . اوپله بریره گیدیور که اطراف
 و آفاقده نوسال ، فقط حاکم استقبال بر ملتک ، قلیل فقط
 جلیل و معظم بر جمعیت ناجیه نک آمالی تحشید ایتش ! بریره
 گیدیور که حوزه مظهریتنده حاملزله استقبالز تلاق ایده جک !
 رفقای نکا حارندن اولدیغمز طارقله زهرا برابر ، عسکر ،
 اسلام - کری بر ساعته قدر میدان حربه گیدیور .
 بن ده گیده جکم ! میدان حرب ! اوراده آقه جق قان
 نهرلری صلح آتینک شفقی در ! برگون بتون انسانیت
 اونک سایه حسناننده تنور ایده جکدر !

مسلم

سن شیمدیدر اوشفقک صانع لرندن اولسهن اولمازمی ؟
 میدان حرب ، اومنظره مدهشه سندن صمدانیت رحیمه نک
 توّحش ایتدیگی محشر بشر ، اوقضا و قدرک بی طرف
 طور دینی جهنم ، انظار پیامبرانه قارشو بر پرده اولان
 اونار مظلوم و مشؤم ، فساد و شیطننت اوجاقلرندن فوران
 ایدن اوبخار احر ؛ عذرا گبی بر صیانت ملکنه می جولانگاه

اولسون ؟ خارجه اصوات . عذرا کیتدکجه متهیج بو جولانه
قارشی نصل دیهیم ؟ وجدان که ظل یزداندر ، رعشان
اولمازی ؟ ازلیت که عظمت بی پایانی سبیلله مظلوم گورینور ؛
ماتم ایتمزی ؟ ابدیت که ابعاد محیطه سی جهتیله مائی در ؛
لکه دار اولمازی ؟ والوهیت که عادل فقط قهار ، صبور
لیکن منتقمدر ؛ نه زمانه قدر صبر ایدر ؟

عذرا آرده الیه دیشارینی
کوستره رک

نم صبرم یوق ! بن حربه گیده جگم ! حرب وطنمک
یا احیا خود احیا وابقا اولنه جنی یر ، حرب حیات ایله
مماک تقابل ایتدکلری میدان ! حرب معصومین و مظلومینک
آه فریادیله مشتعل بر نأثره که هر شراره سندن بر وطن
وجوده گلیر ، که هر بر آووج کولدن بر مادر تشکل
ایدر ، که هر سمندری بر روح فدائیدر ؛ حرب ، بدبختان
سرمازده نک ایصندینی براوجاق ، که طمار لر مده کی قان ،
یورگمده کی حرارت سمواته عروج ایدن لهیندندر ،
که سکان زمین ایله سکنه آسمان اونده اثبات وجود ایدر لر ؛
حرب ، انسانیتک فنادن انتقام آلمسی ، عجزک قوتله ،
فنانک بقایله اوغراشمسی دیمک اولان حرب ؛ رودریقک

قلیجی جولیانوسک ضربہ سیلہ زیر وزبر ایدن واسطہ ؛
 بر ظالمک کلہ سنی بر مظلومک پنچہ سنہ توزیع ایدن آلت ؛
 ضعفانک ایاقلرنده کی زنجیری اقویانک بیونلرینہ گچیرن
 قوت ؛ بوگون افاقگیر استیلا اولدینی حالده بنی گیتمکدن
 منع ایتمک ایستدیگک حرب ؛ حدوحسابی اولیان مصائب
 ومناهیسی ، وآفات ودواہی بی تناهیسیلہ برابر سما قدر
 عالی ، ابدیت قدر معظّم وأولوم قدر الہی در !

مسلم غائبہ خطاب ابلہ

ادلینا مرقادو ! نرہ دہ سین ؟ بورادہ سندن دہایمان
 برداہیہ ، برداہیہ وطن وار ، گل . خارجدہ شہادت حرکت
 بر نازلہ دیانت ، بر آیت ، بر آیت ذیروح و مجسم ، بر معجزہ
 دلربای ملیت وار گل ، بر الاہہ جہاد واتحادوار ، گل !
 امتحانہ گل .

عذرا بردن تغیرلہ کولہ رک

بن گیدیورم . سن قالیور میسین ؟

مسلم قلیجی

ای بنی اقویادن زیادہ ضعفایہ مغلوب ایدن فطرت !
 ای الہ کہ سرائر حکمت و خالقنکہ ینہ برسر ، بر سر

نامکشوف اولان عقل وادراك ايرشمنز ! بنمی قادیتم ، بو
قزمی ارکک ؟ گولیور ! شیمدی نوبت نیم . بر طور مردانه
تصنع ایدرک عسکر بالطبع فرقه فرقه گیده جک بزهانگی
فرقه یه التحاق ایده جگنر ؟

عذرا ینه اختیاری کیده وک

هپسینه بردن ! آه ! هپسینه ...! یوق اوفرقه لرك
جمله سی ده بکا التحاق ایتسون ! گیدیورلر . حاضر میسین ؟

مسلم متأثر وقلبی

بردها کیم بیلیر نه وقت گولر ! اوسماوی نقاب یوزینه
نه گوزل حجاب ویریوردی می دیهیم ؟ عذرا یه توجهله و تقریله
آه ! ای بر خفیف تبسمی بر غائب اولمش فرصت پر غنیمته
بگزه ین دلربای علوی !

عذرا

علویت ده او قدر مبذولمی در ؟ ای برگنج شاعرنک
خیالی قدر واهی و هوائی اولان ارکک ! سنک اسلام
آراسنه گیرمکدن مقصدک بنی آلمقمی ایدی ؟ او یله ایسه
قرالچه نك معیتنه گیت !

چادر قپوسنک ایشیکنی کوسنر

مسلم

بن قرا لیچیہی حالا گورمدم . سببی ده سندسین .
سندن آریله میورم ، ای محاربه گاینی ! بن سنک اسیرکم ،
ای محبت عسکری ! نور حسنک ظلالی اولان صاحبک
لایقمی درکه بوزوج مجنونک اینچون بر علامت ماتم اولسون ؟
اصوات حرکت

عذرا تها لکله

گیدیورلر ! یوق ، گلیورلر !

مضار

عزیز بن موسی ، طارق ، مغیزالرومی ، زید بن کساد
و برقاچ معیت اسلام .

بونلر آیری آیری

مرحبا مسلم ! مرحبا عذرا ! مرحبا ! مرحبا !

مسلم

مرحبا ! ینه می گیدش ؟

طارق

سن هانگمزاله گله جکسین ؟

مسلم

هېڅکله برابر! عذرا اویله ایستیور!

عذرا

زهرا بنت موسی زړه ده؟

طارق

آت اوستنده؛ ظفر منک اعجاز کارانه اولمسیچون
بزمه برابر گله جک. بن دمنجک نکاحده آلدیغم امره [*]
امثالاً، (تاجه) نک منبعه طوغری گیدوب صکره ده
(سرقسطه) نی محاصره ایده جگم. موسی بن نصیر ایله
اوراده برلشه جگزر!

مغیر الرومی

بنده ینه بوشرفلی معیتده، بوظفرلی عزیمتده
بودوگونلی محاربه ده بولنه جغم!

عزیز بن موسی

بن (ایشیلیه) یه گیدیورم!

[*] دمنجک نکاحده النان امره - طارق - نام اثرده
مذکور اولان امردر.

زید بن کسادی

بن بورادهیم . (طایطله) محافظنی بگا ویرلدی .

مسلم لطیفه طرزنده

اشته يك اعلايا ! بزده زیدك معیتنده قاله لم كولشورلر

تمذرا مسلمه

نكاحده ویریان قراری اونو تیه لم . سن ده حاضر ایدك .

عنیز بن موسی

سز زید بن کسادی ایله برابر طایطله ده قاله جقسکمز .

عذرا

آه ! ینه می قالمق ؟

عنیز بن موسی

یاقینده برادریم امیر مروان بورایه گله جك ؛ بورادن .

اونزه گیدرسه سزده برابر گیده جقسکمز . خارجه اصوات

متزایده

حضاردن بعضری

عنیمت ! سفر یا خود ظفر ! الله اصهار لادق مسلم !

عذرا ، الله اصهار لادق !

عزیز بن موسی ^{نیدہ فقط عذرا یہ}
^{بافہ رق}

سزی اللہ، مملکتی ده سزه اصهار لادق !

مسلم

اللہ سلامت ویرسون ! موفقیت ویرسون !

عزیز بن موسی قلباً

بم برایشم قالدی که از چوق موجب صدا عدر. اوده
ملکۀ ملک ادا ایله وداع ! حضار هپکیدر عذرا ایله مسلم قالور
عذرا دوشربکی برسدیره یغیلورق

آه ! قیامت گونی بن اولو گبی می قاله جغم ؟ هر کسک
قارشوسنده گونشر طوغه جق ؟ بن سنک یوزیکه می بافه جغم ؟
عموم ایچون حرکت، فعالیت، هجوم ! بنم ایچون عطالت،
بطائت، سودای موت ایله، عشق شهادتله ا کدار و غموم !
اویله می ؟

مسلم

ایشتمدگمی ؟ طلیطله بی سکا امانت ایتدیلر.

عذرا تهاکله

براق چیقہیم، برازنفس آلهیم !

مسلم یولنی کسەرك

اسلام عشقیچون اوتور ! هیچمی نفس آلمه یم ؟
 عذرا اوتوروب هیجان ایله دیکر. یالکیز هایهولر عکس ایتدیکه قولیه
 اشارتلا ایدر. شمدییه قدر محاربهلر پرسی ایدک، ای
 عربستان - میزوا - سی ! برمدتده شاخ زیتون ایله
 تجلی ایتسهک اولمازمی ؟ « عذرانک یاننه کیدوب یره اوتورهق »
 سن بگا الله شهاب اولان - هه به - قدر هاجسه بخش
 اولیورسین ! قوتده - هرکول - ه دوندم خارجه کی کورلی،
 عذرانک یوزنده عریدهلر، سما وشائلنده معرکهلر. هیچ بو صلح
 وصیانت مؤکله سنک اندامنه بو عسکر قیافتی یاقشورمی ؟
 هیچ بوناز ونوازشدن خلق اولمش وجودک صاحبه سنه
 بو حدید طبعی جسیان اولورمی ؟ عذرا قالقه جی اولور اسلام
 عشقیچون اوتور ! بومسلح - هیمن - لباس طبعیسنی
 نه زمان گیه جک ؟ سویله ! الله ایچون سویله ! ارامزده
 بر - کوپیدون - گورمک ایسته مز میسین، ای - وه نوز - ؟

عذرا

سن بگا غالباً اسپانیولجه سویلیورسین !

مسلم

حایر؛ اسپانیولجه دگل، محبتجه، کوکلهجه سویلیورم !

ابن موسی

روح لسانیه فریاد ایدیورم ! ملک دگلم که سنک
لسانگی بیله یمده سویاییم !

عذرا

ناهنسکام اولورسه بن بوسویله دیگک دیلبرک هیچ
بریسنی اگلامام !

مسلم

ناهنسکامی؟ گاین چادرنده حماسیاتدمنی بحث اولسون؟

عذرا

محاربه میداننده دوگون اوتاغیمی قورولسون ؟
دیشاریده اصوات حرکت

مسلم

دیگله بنی ! عشقک بتون صیت و شهرتی ایشیت !
بن دوشیورم !

عذرا

دیگله شونی ؟ حربک طوفان شرف و شاننه سجده
ایت ! بن گیدیورم ! مسلم یرده قالیر : عذرا دیشارییه اوغرار .

منظر

۳

شام . خلیفه ولیدك سراینده بر بیوك دیوان

مضار

خلیفه ولید . ارکان دولت

خلیفه ولید

موسی بن نصیرك کریمه سنی طارق بن زیاده تزویج
ایتمی آرالرینه بر باریشقلق یلدیزی گیرمی دیمکدر .
مُنُونِیْتِمِی کندیلرینه تبشیر ایدیگز .

رکن اول

فرمان افندمزك . آمال هایوننگزه پك پارلاق بر
خدمت عرض ایتمش اولیورلر .

رکن ثانی

بوندن صگره سردارلر حسن معاشرتله اسلامه ده
بیوك خدمات ابراز ایده جکلرنده شبهه یوقدرا فندمز .

خلیفه ولید

آرتق اسپانیا غائله حربه سی نتیجه بولور صانیرز .

بویکی سردارمن وار اولسونلر که سایه حمیت و حماستلرنده
بیوک براقلیمک دها پادشاهلغنه ظفریاب اولیورز. همان
طرفزدن امرلر ویرلسون: تختکاهمزدده شنلکلرایداسون.

رکن اول

مملکت تمامیه فتح اولندقدن صکرده، دگلمی افندمز؟

خلیفه ولید

اوفتحده قریبدر. طارقله زهرانک ازدواجلری
بزمده دوگونمز اولسون دیمک یسته دک.

رکن ایل

هر حالده اراده افندمز. انجق محاربه زماننده
بویله خصوصیات نامنه بر شهر آیین یاپلسنده کی اصابتی
هر صنف اهالی تقدیر ایدمز؛ ملاحظه سنده بولیورز.

خلیفه ولید تبسمه

دیمک که بویله بر نیتم اولدیغدن خبردار ایدیگز.

رکن اول

اوت افندمز. حتی حضور هایونکزه بود لاحتظه
قاصرانه بی عرض ایچون گلدک افندمز.

خليفه وليد

بر حکمدارک منوی ضمیرینی گوره جک درجده نفوذ
نظر صاحبي ارکانه مالکیت او حکمدار ایچون بیوک بر
مظهریتدر .

رکن اول

عرض تشکرات ایدرز افدمز . انجق مقرین
شاهانه گز وکلا قوللریله دائماً تماسده بولندقلرندن افکار
هایونلرینه بعض کره اونلرک دالاتیله مطلع اوله بیایورز
افدمز . معلومیا ، افدمز ، آرامزده تکلیف وتفرقه
یوقدر . بر حکمدارک وکلاسی ده قرناسندن دیمکدر .

خليفه وليد

فقط بوازدواج مسأله سی موسی ایله طارقک ائتلافی
دیمکدر . بوائتلاف ایسه ممنونیت ملیه یی مستلزم اوله جفندن
خصوصی دگل عمومی بر حادنه در؛ بر عیدملی عد اولملیدر .

رکن اول

خلق ایشک دقایقنی تمیز ایده میه جکندن ینه بر چوق
قیل وقال اولور افدمز . فرمان هایوننگزک نفوذ معنویسنی

محافظه صد دنده بولمقله مفتخر اولان بز، وکلا قوللری،
او اعتقادده یز که ارادات سنیله‌ری دائماً مستلزم سرفرو
اولمی، فقط هیچ بروقتده باعث گفت وگو اولماملی در.

خليفة وليد

بزرگ حسن نیتگز دن امینز. فقط بزمکی ده
بر حسن نیتدن عبارتدر. بویله خیرلی بر ازدواجی تبریک
ایچون خلقک بزه اتباع ایتسنی مستبعدمی گوریورسگنز؟

رکن اول

حاشا اقدمز. هر خصوصده اجماع امت لازم اولدیغی
زدهایوننگزده مسلمدر. جوامع شریفه ده جماعتی استمزاج
ایده لم اقدمز.

خليفة وليد

باقه لم رفقا گز نه رأیده بولنورلر.

ارکاندن بعضیلری

جمله مزده بورأیده یز اقدمز.

رکن ثانی

طارق بن زیاد قوللری تأهلندن بر ساعت صکره

عزیمت غالبانه سنه دوام ایتمك اوزره حرکت ایتمش ،
(سر قسطه) ده موسی بن نصیر ایله ملاقی اوله جقلر ؛
(سر قسطه) نك ضبطدن صکره اسپانیانك فتحی
مقصودی حاصلی اوله جغندن اشته اصل اوزمان اجرای
شهر آیین ایدملی در افندمز .

عموم ارکان

اوله در افندمز . اوله اولسی دهها مناسب اولور
افندمز .

خلیفه ولید

هپکنز بر آدم گی سویلیورسکنز .

رکن اول

بینمزده دائماً اتحاد حصوله گلمسی مرضی ملوکانه گزده
توفیق حرکت ایتدیگمز ایچوندر افندمز .

رکن ثالث

بویکی سردار بعض عطایای هایون ایله تاطیف
بیورلسه لر نصل اولور افندمز ؟

خلیفه ولید

اکثریتجه تنسیب ایدرسه گنز بوصورتی بزده مناسب
گورورز . نه دیرسگنز ؟

عموم ارکان

پک مناسب اولور اقدمز . پک مناسب ومصیب
اولور .

خلیفه ولید

اوحالده بزده اکثریته اتباع ایدرز .
ارکان عموماً راکمانه عرض تشکرات ایدرلر

منظر

۴

برنجی منظرده کوستریلان قرالیچه دائره سنده کی اوطنه . حضار ینه منظرده
موجود اولانلرله ینه اوحال ووضعت . صکره قرالیچه ایلا کلیر .

لوئیزا

. امرا هپ گتیدیلر . عزیز بن موساده گیتمک اوزره
ایمش .

صوالا

اوت ، بزبوراده زید بن کسادینک حمایه سنده قالیورز .

ادلینا مرقادو

جولیانوس ، اومهدی دینلن مرتد زرده ؟ عجبا
عذراسیله برابر اوده حربه گیتدیمی ؟

صوللا

حایر، اونلر بوراده فقط غریب دگلمی در؟ جولیانوس
ملکه حضرتلرینک اقباسندن اولدینی حالد هنوز
زیارتنده بولندی.

ادلینا مرقادو ترنمله

ایدرلر برابر چکرکن عذاب ،
گنهکارلر یکدیگردن حجاب ؛

لوئیزا

ملکه حضرتلری گلیور. ظن ایدرم بورایه گله جکله.
اویله بیوریورلردی .

ادلینا مرقادو قرالیه نکه کلکده اولدینی
طرفه باقنه رق کسندی کسندینه

ملکه دگل، اسپانیا ! اوت ، اسپانیاده بوقادین گبی
قانسز ، بوقادین گبی صولمش . اونکده باشی بویله سیاه

ییلانلرک یواسی اولمش ! عربلرک پنجه سنده ، عربلرک
زنداندن بولنیورده او پنجه دن محرمانه بر مصافحه بکلیور
واوزندانده برجه گاه ایستیور ! تاجنی باشدن قوپاروب
آتان ابن موسایه قاب و قالبنی تسلیم ایدیور ! کیم دشمنه
اورولمش بر قادین گورمک ایسترسه ، اشته گلیور !

قرالچه کلیر. ادلینادن بشقه هپ راکمانه سلام ویررلر. ادلینا اوزانده
برکنارده بلا حرکت طور. قرالچه اوتور. محزون و مکدو. بر مدت
سکوة حرم تکارانه

قرالچه ایلا ادلینایی مرام ایله خودبخود

بو قزک شمانلنده ، بیلیم نصل دیهیم ؟ استقباله دأر
بر تاریخ ، اوتارینخده ایسه بکا قارشی بر توبیخ گوریورم.
سکوت باردندن قلبمه لرزش ، وهیکلی نظرلری باشمده کی
حاله می دیسه م ، بر سرزنش گلیور ! حضاره توجهله معزز
رفیقه لرم ، وقتمز دوشونجه لرله گچیور ، دگلی ؟ هب بر
حالده اولدیغمز ایچون دوشوندکمر مزده بر دره. او یله دگلی
پرنسس ایزابللا ؟

پرنسس ایزابللا

دوشنامک ایچون مساعدۀ حشمتانه گزی آلامشدم
افدمن .

قرالیه ایللا

فقط درد لشمک بر نوع تسلی در . مصاحب تگزیدن
مستفید و متسلی اوله جغمدن امیم .

پرنسس ایرابللا انخنا واعتنا ایلله
تلطفکار افندمز .

دوشس دولوزیطانیا

افندمز ، مادام که اخلاص سکوت مساعده بیورلدی .
بنده گز پرنسسه تقدّم ایده جگم .

قرالیه ایللا

هرسوزگزی حسن و قبول ایلله دیکلرم ، دوشس .

دوشس دولوزیطانیا

حشمتآب افندمزك قلب ملهملری بر مسرت ابدیه
ایچون خلق اولنمش اولدینی حالده بوندن بر قاچ گون
اوله گنجیه قدر طالعك بر جلوه حسودانه سی اثری اوله رق
دوچار اقدار اولمش ایدی . گوک یوزیله برابر قارارمسی
طبیعی اولان اشیای ارضیه گبی ذات سماویلیله برلکده

بزردہ سیاہلرہ غرق اولمشیدق. او برقاچ آید شو برقاچ
گون اولہ گلنجہ یہ قدر ایسہ خاطر ہما یونگر اولدقہ منشرح
بولندیغدن نسیم بہار ایلہ آچیلوب خندان اولان ازہار
صحرا، بلکہ دہ طور نغمہ سراگی افندمزک بو انقلاب
آفتابانہ سنہ مقابل بزردہ کشایش بولیوردق. فقط بونوروز
اتبساط، بوعید سعادت دوام ایتدی. جمال پرکالکڑک نقاب
نورانیسی آئندہ ینہ برچہرہ ملول گوریوروز. عجا سؤال
ایدہ بیلیرمی یم؟ بوگونلر دہ کی اغبرار ملکانہ کڑک علی نہ
اولسہ گر کدر افندمز؟

قرالیحہ ایلا

کدرم هیچ دہ معنوی دگل، دوشس؛ جسمانی برکدر:
کیفسنرم.

پرنسس ایزابللا

حشمتلو افندمز، بوگون ایچون برسیران وعدہ بیورلش
ایدی. هوا مساعد. برازتنزہ بیورلسہ نصل اولور عجا؟

ادلینا مرقادو

قصر موسایہ تشریف بیورسونلر! ہرکس باقتور اورانک.
هواسندن روحادہ شقایاب اولورلر، بدنآدہ!

قرالیه ایلا

• مادموازل ادلینا مرقادو ! دون لوئی مرقادونک قزی !
براز مکره توصیف ایتدیگنیز قصر موسی اگر بردار الشفا
ایسه ، اورایه سزده گیتلیسکنز .

ادلینا مرقادو

بن مرقادودن گلدم ؛ مرقادویه گیده جگم ! فقط
سز رودریقدن گلوب ابن موسایه گیدیورسکنز !

قرالیه ایلا

بن ماتملرایچنده برقادینم ؛ ماتلمر مسه رودریق ایچون
دگلدرد . گیدیگم سیاهلره مهتاب یاقشماز .

ادلینا مرقادو

سیاه رنگ برچوق قصور و قبا یحده سترایدرد ! دایما
نشانه ماتم دگلدرد . سز منوی ضمیریکنزک اشکنجه سنی
چکیورسکنز . ایشله دیگنیز گناهک دگل ، ایشلیه جگسکنز
گناهک جزاسنی گوریورسکنز ؛ بر فنا نیت فعله چیقمه دن
اول قلبه اضطراب ویرر . اواضطراب مجازاتدر .

قرالیه ایل

بن نه ایمشم ونه اولیورمشم ؟ بیلیمورم .

صوللا

ادلینا مرقادو بلکه بر منجمه استقبالدر ، افندمرک
ییلدیزنی گورر ، ییلیر ؛ اوفدکیاتدن دمن اولیور .
جاریه کز امور ارضیه کزدن ، احوال ماضیه کزدن بحث
ایده بیلیم . مساعده بیوررسه کز ذات حشمتانه کزه
ترجه حالگزی سویلهیم .

قرالیه ایل

بن ممنونا دیگلمر صوللا ، رفقه لرمدن استیدان ایت .

حضاردن همان جمله سی

زده کال ممنونیتله دیگلرز . سویله سون . افتخار
ایله ، احترام ایله دیگلرز ، اشتیاق ایله دیگلرز .

ادلینا مرقادو

عز زلر تاریخنی کیم دیگله مر ؟

صوللا عرض احترامدن مکره

ذات ملکسمات حشمتانه کز اسپانیا کبراسندن غرناطه

- دوکی - دون هازینک کریمه محترمه سیدرلر . دوره
 شابک اون یدنجی بهارینی گورمش برفدان اولنجیه
 قدر رخسار صباختگزی برگلستانده ویابر موقع سیرانده
 گورن اولماشیدی . دها اوزمان اسپانیا صحرا ،
 - اولپ - تنها ایدی . دها کیمسه معبودینی اتخا
 ایتمه مش ایدی . اورمانلر - ناپه - سر ، نهرلر - ناپیاد -
 سز ، مجلسلر ، مسیره لر ایلاسز بولنیوردی . سمنزار
 حسنکزه صبادگمهش ، - زفیر - . - فلوره - یه مالک
 اولماشیدی . اوزمانه قدر وقتکیز پدر معارفروریکیزک
 تعیین ایتدیکی استادلر حضورنده گچدی ، مخاطبه گز ،
 معلمه لرله ، مکاتبه گز عالم لرله اولدی . خالق ارض وسمايه
 عبادتده منزل تجلیاتی اولان معابده دوامده ، فقرای
 ملت صیانتده ، اعزّه دیانته احترامده اصلا قصور
 ایتدیگیز . اوزمانلرده اسکی الاله لک ادوار حکومتی
 گچمش ایدی . زهره ، سمواتک برکوشه سنده کندی
 یرینه سزک یتشدیگیز سیر ایدیوردی . عربلر
 سوریه دن حرکتی هنوز تصمیم ایتمشلرایدی . قرال رودریق
 طاغلرده حیوان شکارندن شهرلرده انسان صیدینه هنوز
 توجه ایتمش ایدی . اسپانیا قزلری بینه ده عرض وعفتدن

بحث ایدمك عادتی ترك اولمش ایدی . - فلوریندا - نك
 مشعله سی رودریقك گیجه سنی احیا ایتماش ایدی . هنوز
 الی یوز سنه اولمشیدی که اسپانیاده مسیحا تالیه ایدمش ،
 وسکسان ییل قدر بر زمان گچمش ایدی که شریعت اسلامیه
 صاحبی اسپانیا سفرینك پلانخی یاپه رق بودنیایی ترك ایتمش
 ایدی . عرب نامی اسپانیایه گیره لی آلتمش سنه گچمش
 ایدی . - مور - سیاره سیله - قوط - ثابته سی اسپانیا
 افق لرنده هنوز بر کره تصادف ایتمش ایدی . مصالحه خلیل
 گتیره جك علامم هنوز گورنمکه باشلامش ایدی . رودریق ،
 چیرچیزك کله سی ابن زبیر آئنده قالدیغنه اینامیوردی .
 طارق بن زیاد ایسه رودریقك باشی بر گون کندی آئنده
 قاله جغنی خاطرینه بیله گتیرمه مش ایدی . رودریقك پدری
 - دوک دو قوردو - نك گوزلری ایکی سنه اول چیقارلمش
 ایدی . - مایده سلیمانی - نك - سلی - شهرندن طلیطلاهیه
 گتیرلمسی - دوک دولوزیطانیا - طرفندن قرال رودریقه
 تکلیف اولمش ایدی . ویتی زیالرك مغلوبیتنی آلقشلامق
 ایچون ویریلن ضیافتده رودریقك تکلیف ایندیگی
 شرابی دون لوئی مرقادو ایچمدیکی ایچون شهرده
 برعظیم قیل وقال اولمش ایدی . مادام مرقادو هر اقشام

— تاجه — نهرينك گنارينه گيدوب ماضی ايله آتی
 دوشونیوردی . بر بیوک هزیمتک علائی هر طرفده
 گورینوردی؛ فقط دهامحاربهدن اثر یوغیدی. اسپانیانک
 استقبال مدهش و مشئومی گوک یوزینه مظلم بلوطلرله
 یازیلوردی. بونی مملکتده هیچ برگورن اولیوردی؛
 سز او قوش وازبرله مشدیگنر . اون یدیسنی تکمیل
 ایتدیگنر زمانده ایدی که اسپانیاجه اک بیوک تحولات
 ملکیه وبلکده حادثات فلیکیه دن اوله رق کهف قدسی
 انزودن چیقمش بر معجزه خدانما ویا اجرام سماویه دن
 اینمش بر نازله ملک سیماگی بردن بره اظهار موجودیتله
 مسیره لرده نظر ربای تماشاگران ، معبدلرده جسمانیت
 نمای مریم ، مجلسلرده خردسوز هنروران ، وگوگللرده
 جانشین روح اعظم اولدیگنر . اشته اوزمان (دونایلا)
 نامی اصالت پروان شهاب انجمنلرنده ثنالرله مذکور اولمغه
 باشلامش ، شعرای بنامز بر گوزل وصف ایتک ایچون
 — دونایلا مستثنا — فقط بوقادینده حسنا ، دیرلردی .
 ادب و عرفاندن بحث ایدمک اولسه لرینه اوناممدوحک
 صاحبه سنی یادایدراولمشدیلر . برقچی شمدی بوراده حاضر
 بولنان حاسده لرگزک اطوار ناهموارینه اغماض عین ايله

مقابله ایتدیگنزدن اونلردها زیاده متأذی اولور، بو حالی
گورن اختیار و بختیار صوللا ایسه گنج ولیه نعمتک دعای
عمر و عافیتی تکرار ایدر طورردی . تمام اون سکزیخی
سور یوردیگنر که مادموازل ادینا مرقادونک پدری
دون لوئی مرقادونک شبانه رقصده محضا افندمری
گورمک ایچون - دعوتسز اوله رق - گلن قرال رودریقه
ملاق اولدیگنر . قرال که دیدیگم تاریخده یگر می یاشنده
ایدی . او کیجه مفتونانه بر حیرتله گوردیگی افندمری
اوندن صکره مجنونانه بر حسرتله آرامغه باشلادی ؛
حریص فقط محروم اولدی . چوق گیچمدن اکیل
دولتی سرمعالی میسر گنرله اعلا بیوردیگنر . حیفا که
رودریق بواحسن آلہینک قیمتی بیلمدی : ازدواجکرنک
سنه سنده والد عزیزکرنک مسموماً ارتحالی والدہ
معززہ گزکده رحمت حقہ انتقالی انتاج ایتدی .
مسبب حیاتکزی تسمیم ایدن ییلان او ، آقشاملری
سزک بیونگنرہ صاریلان ینه او ایدی . سز بوندن
برخیلی زمان صکره خبردار اولدیگنر ؛ چونکه ییلان
چینغراقلی دگلدی . انجق باشی قوپارلدقدن صکره بر منبع
زهراب اولدیغی معلومکنر اولدی . اوزمان اسپانیایه

بیوک برانقلاب گلمک اوزده ایدی ، چونکه جولیانوس
 سبتیه گیدیوردی . اسپانیا سحرای کیره دونه جکدی .
 چونکه جزیره العرب سحرای محشره دونمش ایدی . خلیفه
 ولید تحتہ حیقمش ، موسی بن نصیر آتہ بینمش ، دون
 لوئی مرقادو بر مغاره یه چکلمش ، قرالیچه ایلا والدینک
 مزاری اوزرینه قاپانمش ایدی . دیدیگم تاریخدن اون سنه
 اول سایننا قرالیچه ایدی . دیدیگم تاریخده ایسه زهرا
 سلاخانمش ، فلوریندا ترک سلاح ایتیش ایدی . مملکتده
 زلزله اولیور ، سرایده رقص اولیوردی . موسی بن نصیر
 ایله طارق بن زیاد استقبالك زنجیرینی پنجه لرینه آلمش ،
 شدتله چکیورلردی ، رودریق آلفته لک صاحب لریله
 باغلانمش ، سرعتله چکیلیوردی . سز اوزمان هر کسک
 نظرنده بر قرالیچه ، فقط بی چاره برقادینک عندده
 بیچاره برقادین اولمشدیگنر . برگوک یوزینه ، برده سزک
 یوزگزه باقاردم . ایکی سنه صکره مادام مرقادو غائب
 اولدی ، که بوکنارسز دریای زمانک سیلابه لرینه قاتله رق
 گلن سیاه طالع لرمملکتتمزی استیلا یه هنوز باشلامش ایدی .
 دون لوئی مرقادو عیوقه چیقیور . ادلینا مرقادونک گل گی
 اولان یوزی کول گی اولمش ایدی . افندمنر ایسارودریقک

همسر بستری اولدیگنیز مدت، او حمد اولسون ایکی سنه دن
زیاده سورمه یین مدت پر محنت، ایچنده وقایه و قار وادامه
صبر و ثبات ایله معصومیتکنیزی اثبات جهتنی اختیار ایتدیگنیز
که بو حسن حال و حرکت اوقات مخصوصه ده بارگاه الوهیته
عرض ایلدیگنیز دعا لک اک مقبول و مستجابی عداولنسه
لایقدر . صوللا بورایه کانجه بر تعظیملی سلام و یروب چکایر . ادلینا مرقادو
برخنده ایدوب ینه طورر .

قرالیه ایلا

تبریک ایدرم ، صوللا ، مادموازل ادلینا مرقادو یی
گولدره جک بر حکایه سویلیه بیلدک .

ادلینا مرقادو

بنده گنر گولدم . فقط بعض کره آغلانه جق حالدره
انسانک گوله جگی گلیور .

قرالیه ایلا

بوکا بر صائت تبسمی می دیه لم؟ سز ذاتا گولریوز لیسگنر،
ثابت وصامت بر تبسمه مالک سگنر .

ادلینا مرقادو

سیلدن ، یاغوردن طوراق یاریلور ، بنم تبسم

اوقیلدن اولسه گر گدر . پدرمله مادر مک روحایتلرندن
نبدان ایدن معنوی گوز یاشلری یوزمی اویله گوستریور
اولمی .

برخادمه

افندمز ، اسملرینی سویله تمک ممکن اولمدی !
اسمیز واذنمز ایکی مسافر گلمور! مسلم ایله عذرا بنت عنز کیرر.

حضاردن بعضیلری

جولیانوس : مسلم ؛...

قرالیمچه ایلا

گل ، ژول گل ! حقک وار ایمش .

مسلم قرالیمچه تک الهی آلوب اوپه رک

متبوعه قلبمز اولدینی ایچون ید حشمتانه گزی ققیل
ایتدم .

قرالیمچه ایلا

خاله مک اوغلی ژول ! بنده سنک ناصیه کئی اوپه یم .
تلشیمدن سکره رودریقک دایما علمهداری ایدک . حقدار
ایمشین .

مسلم

آه ! رودریقك یر یوزینه دو گدیگی قانلر . اوشر
ایله مخلوط اولان قانلر وطن ملائك ، وملاك ارواح
اولان طبقات سمایه عكس ایتدی ! اعمال شنیعه سی جهنمك
قزغین طاشلر نده محكوك اولمی ! كاشکی عوالم سفلا نیه
ملكه سی اولان - پرزه فونه - قیامته قدر - اننا -
صحرا الرنده چیچك طوبیلا سیدی ده - پلاتون - ك نصیبی
اولماسیدی .

قرالیه ایللا

بكا امینتسز لگندن ، گیجه لك البسه سی بیله تلدن
ایدی .

ادلینا مرقادو

دوناصوللا ملكه حضر تلرینك حكایه حالنده بولندی ،
بنده مساعده بیوریلور ایسه قرال رودریقك حالنی حكایه
ایده یم . « قرالیه نك ألیله رخصت اشارت ایتدیكنی كوردكدن - كره »
قونت جولیانوسك رودریق بدبختی حقنده کی سوزلری
قسماً طوغریدر . رودریق مداهنلرله محصور ومحاط
اولدیغندن کندیسنك قصورلی بر حکمدار اولدیغنی

بیلیموردی . بر حکمدارک وظیفه سی اول امرده اڭ
 مقربلرینک مقبول و ممتاز آدملردن اولمسنه اعتنا ایتمکدر .
 رودریق مملکتده جاده لر ، جدولار اچمادی ؛ محبسلر
 مزارلر آجدی ! مدرسه ویا کتبخانه یامادی ، مقتلر ،
 سفالتخانه لر یادی ! خلیفه ولید سوریه ده قادینلردن
 مجاهده لر چیقاریورکن قرال رودریق اسپانیاده عسکردن
 جالاد و جانلر چیقاریوردی ! مملکتده ، او قدر خسته لق
 دعوت ایدوب طوررکن ، برخسته خانه ، و او قدر دشمن
 جلب ایتدیگی حالده بر استحکام یاپدیرمدی ! خلیفه ولید بلده
 بعید سندن بوملکک اعمارینی دوشونیورسه قرال رودریق
 بوملکک ایچنده تخریبات ایله اوغراشیوردی ! محکمه یوق ،
 قانون یوق ، سفینه یوق ، قلعه یوق ، حیوان یوق ، انسان
 یوق ! الکنز صالانور بر تخت ایله تتر بر تاج ، برده مدهنلر ،
 مستفرشه لر ، رقاصه لر ، محبوبه لر قالمش ایدی ! نظرنده محقر
 اولان آدملره نهایت محتاج اولدیغنی گوردیگمز رودریق
 گیده گیده افراد بشردن تنفر ایدراولمش ، دنیاده کندیسيله
 اطرافنده کیلردن بشقه انسان و مجالس عشرتدن غیری
 جمعیتلر بولندیغیچون حد تلیر ؛ اوله جکنی در خاطر ایتدجکه
 سمواته یومروقلر گوسترر ، صحرار ، گزینیر ، تفسندن

قوتلی بر حکمدار دگل ، حتی پروردگار موجود اولدیغنی
 دوشندکجه چلدرمه راده لرینه گلیردی . سافنک یادگار
 حکومتی اولان علما و ادبانی دفع و تبعید ایتدیگی گبی
 صکره لری کندی پرورده نعمتی اولان قرنا و ندمایی ده
 طرد و تغریب ایتمش ودها صکره آلفته لره مقابل ده استهاسی
 بیتمش اولدیغندن کندیکندینه اوتورر قالقار ، کتابی جادو
 ویا حواله صانیر ، قلمدن ییلان ویا قلیسج گورمش گبی قورقار ،
 حتی کندی آیاق سسندن اور کدیگندن اوطه دن اوطه یه
 قاجار ، اغلار ، حایققرر ، قبولری ، پنجره لری قیرار ، آلی ،
 قولنی ایصیرر ، ایستدیگی شیئی ویرسه لر قاپار ، ویرمه لر
 سالار بر جانور اولمشیدی ! فقط اوجانور صکره ارسلان
 اولمش ، طارق بن زیاد ایله پنجه لشمگه گیتمش ایدی . اسپانیا
 قرالی رودریق بتون سیئات ماضیه سنی چیگنه دی ! چونکه
 اسپانیا قرالی رودریق دشمنه عرض تسلیمیت ایتدی ! او یله
 دگلمی افندمز ؟ قرالیچه اودپرر

مسلم

قورقار بیوک مخاطره لر زماننده جسور اولورلر . اولوم
 قورقوسی جسارت ویرر . رودریق بومسلک سقیمی اختیار

ایدن حکمدارلرک عاقبتنی گوسترمک ایچون انسانیتک عدالت
خلقتدن منتظر اولان انتقامنه هدف وتلف اولدی . فقط سزه
اوهنکامه ظلمات ایچنده بر نازله نورانیه گبی محافظه
موجودیت ایتدیکنز . اگلنجه عالم لرنده بیگانه واحتراسات
محاربه لرنده بی طرف ویگانه قالدیکنز . بو بر ممتازیت درکه
مظهر مکافات اولسی قوای مغنویه دن منتظر در . بکا گلنجه
بنمده طالعمن ممنون اولمامه به صلاحیتیم یوقدر ! زیرا ،
چکدیگم بونجه محن ومشاقت صوکنده کندمی وجوه ایله
نائل مکافات بولدم ؛ شرف اسلام ایله مشرف اولدم .

ادلینا مرقادو کنده کنده

نه اعلا تسلی !

مسلم قرالجهیه

رفیقهم عذرایی سزه تقدیم ایدرم . بنجه اوده بر
هدایتدر . عذرا عرض تعظیم ایدر .

قرالجه ایلا

. تشکر ایدرم . تبریک ایدرم . سن مظهر هدایت
اولمشین ، ثول . بن نه اوله جنم ظن ایدرسین ؟ حکومت

تاجنی گیدیگم گوندن اونی سرنگون اولمش گوردیگم زمانه
 قدر قلبی بر آن کدردن آزاده بولمادم . دوچار اولدیغم
 مصائبه احوال وارادات ذاتیه مده بر عامل تصور و تعیین
 ایده مدیگم گبی جناب حقك ده مخلوقاتنه بلا سبب مكافاة
 و مجازات ایتیه جگی اعتقادنده بولندیغمدن - سرور و کدر،
 بالتصادف واقع اولان ، ظهورات قیلندن شیلردر . - دیمگه
 مجبور اولیورم . بن بر حکمتی خفایادن اولدیغیچون .
 اوگر ننگه چالشماق طرفنده دگلم . چالشیرم ؛ اگر
 اوگر نه مزسمه اونك حکمت اولدیغنه اعتقاد ایتیم . سن
 مكافات اوله رق نعمت هدایتیه مظهریتله دلیر اولمشین ؛
 بنسه مكافاة اوله رق قلباً و قالباً اسیر اولدم !

ادلینا مرقادو کندی کندیته

قلباده اسیر ایمش ! قلباً اسیر اولمق عقلاً قصیر
 اولمقدر .

پرنسس ایزابللا

اقدمز ، بونجه دواهی و مناهی زمانلرنده ، اول
 و آخر ، اختیار بیوردیغکمز مسلک تو کل حقیقه تبریکه
 شایاندر .

قرالیه ایلا

عجب بنم قباحتم نه اولسه گر کدر ؟

مسلم

اگر بر قباحتم ایشله دیکزسه البته بيلمیه رکدر .

ادلینا مرقادو

بيلمیه رک یاخود بيله رک ، اک قباحتمی آدم - بن

هیج بر قباحتم ایشله مدم - ده بندر !

برخادمه کیرد . ادلینا اوکا تقریبه کیزلیجه برشی سویلشورلو

قرالیه ایلا

شو حال اسارمده برتسللییه نائلیم ؟

صوللا

نائلسکز : حضور وجدان !

ادلینا مرقادو

حایر ، حضور ابن موسی ! قرالیه تغیر کو-ترو. هرکس

باقینور. ادلیغا براز صکره اوت ، ابن موسی حضور کززه گلکمک

ایستیورمش .

قرالیه ایللا

پکی ، فقط براسیر قرالیه نك تشریفاتیجیلغنی سز می
درعهده ایتدیگز ؟

ادلینا مرقادو

محترم زیارتکاریگز لک اسمنی سویله مکدن خادمه اجتناب
ایدیور . چونکه بوذاتک اسم عزیزنی اخبار زیارتی ایچون
عرض ایتدیکی زمان افندمزی یحضور ایتدیگنه ذاهب .
اولیورمش .

قرالیه ایللا کتم هجان ایلله

براز بکله سونلر ! خادمه چیقار . قرالیه کندیکندینه رداع
ایچون گلدیگندن امینم . اوت ، تسلی قلم اولان ابن
موساده گیدیور ! همده - سامسون - گبی کیدرکن
بولندیغی یری ییقه رق و بیگلرجه مخلوقاتی برابر آله رق
گیدیور ! پنجره کیدوب خارجه باقره رق فلک بکا ایام ماضیه مدن
دها قرا گلای گونلر حاضر لایور . بو ، گیجه البسه مک
رنکنده اولان شو فورقونج بلوتلرله همحال اوله جغم !
ایشم - نیوبه - گبی صباح محشره قدر اغلا یوب صیزلامق
اوله جق ! - ملکارث - ک مشعله سی ، - وستا - نک

بحمره سی گبی مؤبد آیانه جنم ! تهورله جهرأ نه زمانه قدر اولادکی
بیه جگسین ؟ ای - قرونوز - ! ای زمان !

ادلینا مرقادو

ای نوح ! نیچون عمرگئی اسپانیا ملکه سابقه سینه
ویرمیورسین . نیچون بو عصرده گلمیورسین ! ای طوفان !

قرالچه ایلا

أوت ، مادموازل ادلینا مرقادو ، تسلیم ده یوق !

صوللا

بو بر مظهریت در که ماضیگنر یاسلی ، گدورتلی ایمش ؛
شمدی او حالدن قورتولدیغکنر ایچون منون اولمق حقنه
مالکسکنر . گچمشده مظهر سعادت اولمش اولسیدیگنر .
بوگون اوندن محروم و بناء علیه مغموم اولوردیگنر .
حتی شونکله تسلیت بولگنر که هرکس نزدنده مذموم
ومشئوم اولان قرال رودریقک ، رفیقہ سی اولدیغکنر
حالده بوگون اوکا لعنت ایدنلر سزه محبت و حرمت
ایدیورلر .

پرنسس ایزابللا

شبه یوق که سرور و کدر دائما بر برینی تعقیب ایدر .

طینت بشر حیات ایله ممانک ده اویله اولمسنی ایستر !
وبکا اویله گلیور که ماضید مسعود الحال اولانلر چونکه
اوسعادت منقطع اوله جغندن ، حالد مکدر اولور ؛
وحالد مغموم البال اولانلر ، چونکه اوکدورت مندفع
اوله جغندن ، آتیده مبشر اولور .

ادلینا مرقادو

پرنسس ایزابللا، اینجیلی بر چیزمه دن زیاده چیچکدن
برتاج موافق طبیعتدر . مرصع بر خیال دن عریان بر حقیقت
اهون یعنی دها قیمتی در .

پرنسس ایزابللا

نه دیمک ایستیور سگر ؟

ادلینا مرقادو

نه دیمک ! بوگونکی محرومیت مطلقا یارین بر موفقیتی می
انتاج ایدر ! اویله ایسه نیچون اسکندرک مزارندن
بر جادو، ویا دارانک مفر و مقتلندن بر حکمدار حقیقمادی ؟
نیچون بر آثور یا سلطنتی گور میورز ؛ نیچون رو مالیرک جهانگیر
سزارلرندن اثر یوق ؟ هانیا بخت النصر نروده ؛ ساردانایال
نروده ؟ نه دن - ترووا - نک - نینوا - نک - بابیلون - ک

انقاضندن بلده لر، معموره لریا پلاماش ؟ نه دن - بعلبك - ده
بر سرای جدید یوق ؟ نیچون - تدمیر - خرابه لری بر عمران
قدیم حائده قلاماش ؟ - پومپه - نیچون یرالته کچمش ده
بردها سطح ارضه چیقماماش ؟ بونلره جواب ویریگز دیمک
ایستیورم ؟

پرنسس ایزابللا

دیدیکک شیلرا اولماماش . فقط اوله بیایردی . نته کیم
بوگون اسپانیا حکومتی یرینه بر عرب دولتی گلدی ،
آتیده برگون ده عربلرک یرینه تکرار اسپانیولر لگه بیایر .

ادلینا مرقادو

فقط پرنسس ایزابللا برکوره ده پرنسس ایزابللا
اوله میه جقدر !

قرالیه ایللا

آه ، بنم عزیزه رفیقه لرم ، بن دنیاده بی گناه ایکن
مجازات و گنه کار ایکن مکافات گورمش نیجه انسانلر بیلیرم .
مسرتلر ، سعادتلر ایچنده طوغوب اولنجیه قدر مسرور
وبختیار یاشایانلر اولدینی گبی مهددن لحد قدر روحانی ویا
جسمانی آلام واسقام ایچنده امرار حیات یاخود انتظار

مات ایدنلرده وارد در . قوانین طبعیه نك اڭ طوغریسی
قانون تصادفدر .

بردیگر خادمه سیر ب تعظیم یله

افندمز، ابن موسی حضرتلری وداع ایچون گلده کارندن
بر آن اول شرف مثوله نائلیت تمیسنده بوانیور .

قرالیه ایلا

مادام که وداع ایچون گلمش لر ، زیاده بکلمتیه لم .
سز هپ امیر بن موسی حضرتلرینك استقبانه گیدیگز .
بن بلکه تشییعنه گیدرم . هپ برر برر چقارلرایکن مادموازل
ادلینا مرقادو ، سز قالگنز . برایکی سوزم وار . یاقین
گلگنز . یالگنز قرالیه ایله ادلینا مرقادو قالیر . دها یاقین گلگنز .
« ادلینا ، براستاتو کبی ایکی ایدیم تقرب ایدر . » دها ، برازدها یاقین .
« ادلینا برادیم دها آتار . » تمامیه یاقین ؛ یانمه گلگنز .

ادلینا مرقادو بوسبتون تقریله

گلهیم ، فقط ... ابن موسی حضرتلری بکلیور !

قرالیه ایلا ادلینا نك الندن طوتورق

ضرری یوق ، سزی بکلمیوریا ! اوتوریگنز باقهیم
شورایه .

ایکیسی ده اوتورر لر

منظر

۵

سبته . مروان بن موصائک خیمه سی خارجنده بر آغاچ الی . بر یول .
بر اورمان . چادر لر . اورمانده معبد . شفق .

مضار

مروان ابن موسی . بنجد بن عوف . ایکی کچی قادین :
بری کنج . ایکسیده سیاهپوش .

مروان بن موسی قادیلری نزا کتله
توقیف ایدرک

سز کیمسکز ؟ .

یاشلی قادین

بری یاشلی ، بری گنج ، ایکی قادین .

مروان بن موسی

هر صبح بو چادرک اوکندن گچوب شو قارشوده کی
اورمانه گیدرسکز . غروب یاقین ینه سبته یه عودت ایدرسکز .
ویک محزون ومکدرسکز .

یاشلی قادین

ایکی سیاهپوش بیکس ! ایکی ماتمزدده ؛ طلوع ایله
غروب آره سنده گیجه دن ایکی یادگار !

مروان بن موسی

ققط کیمسگز ؟

یاشلی قادین

کیمسه سز قالندر کیم اوله بیایر ! ایکی بیگناه یاخود
گناهکار !

مروان بن موسی

ابن عوفه خطاباً
فقط کیزلیجه

تخمین دگل ، تأمین ایدرم .

یاشلی قادین

حقمزده برشبهه ویا سؤزنکزمی وار عجباً ؟

مروان بن موسی

حایر . ظن ایله شبهه عادتیم دگلدیر . دائماً برشیئه
یقین حاصل ایدرده حکم ایدرم . سز بیوک برخانداندن ،
فلکمزده اولمش ایکی اصیله سگز . فقط کیمسگز .

کنج قادین

سز کیمسگز ؟ فلکدنمی اینیورسگنزه که فلکمزده
اولدیغمزی بیایورسگنزه ؟ هر حالده سزده اصیل اولملی سگز که
بزده اصالت گوریورسگنزه .

مروان بن موسی

بن شمدیلک سبته محافظی یم ؛ موسی بن نصیرک اوغلی
مروان .

کنج قادین

تشکر ایدرز . بواختیار قادین رودریقدن اول
اسپانیا حکمداری ایلان قرال ویتی زیانک رفیقہ سی
قرالیچه ساینادر . قرالیچه ساینانک برادری قونت
جولیانوس سزدن اول سبته محافظی ایدی .

مروان بن موسی

جولیانوس یعنی مسلم . قرالیچه ایلانک خاله زاده سی
دگلمیدر ؟

یاشلی قادین

هم اوپله ، هم بویله . جولیانوس بنم برادریم ایسه
بوکنج قادینک ده پدری در .

مروان بن موسی

سز ، جولیانوسک کریمہ سی ، سز رودریقدن
حقارت گورن فلورینداقاوا ، اوپله می ؟ کنج قادین اوکنه باقاو

یاشلی قادین یعنی قرالیچه سایننا

اوت ، امیر حضرتلری ، اوطالعسر فلوریندا قاوا
بودر . بيلمم که قونت جولیانوس شمدی حیاتده میدر ؟

مروان بن موسی

برادرگز حیاتده ، عافیتده هم ده حسن حال و حر کتده در .

قرالیچه سایننا

بزم ایچون هرکس اولمس اولدیغدن صاغ قالانلر
حیرتمزی موجب اولیور . معلومگزدرکه وطن انتقال
ایدنجه عائله لرده برابر ارتحال ایدر .

مروان بن موسی

حالکزه شکر ایدیکز . اشته مرور زمان ایله رودریقدن
انتقامگز آندی . سعادت حالکز بلکه بشقه بررنگده
عودت ایدر .

محمد بن عوف

برادرگز ، پدرگز بزه سزدن اصلا بحث ایتماش ایدی .

قرالیچه سایننا

امینم که اوده بزم حیاتده اولدیغمزدن خبردارد گلدر .

خبردار اوله یی ایسته یوب ایسته مدیگنه دأر ایسه بزمده
معلوما تمز یوق. خصوصاً کریمه سی فلوریندا قاوا حقه ده کی
محبّتی باقی میدره، دگلمی در؟... اوده بزجه برامر مجهول
ومظلمدر .

صروان بن موسی

برادر یگنز صبور و متحمل ، جهان دیده و آخرت شناس
بر شخص کامل ایسه البته کریمه سنک معذرت و معصومیتنه
قائل اولمشد. بکا لطفاً براز کندیگنز دن بحث ایدر میسکنز؟
برشیئی ایکی کره بیلکم هر حالده یارم بیلشدن اولادر .

قرالچیه ساینما

بز « رووریق - ویتی زیا » مجادلاتندن صکره
سبته یه فرار ایتمش و بربریلر آلنه دوشمش ایدک . اوندن
صکره نه حاللره گیردیگمزی برسوزله اگلاتمق ایچون
- غائب اولمشیدق - دیمک کافی در . جولیانوس بزم
حیاتمزدن قطع امید ایدرک سبته دن گیتمش ، اوده غائب
اولمشیدی . طارقک اسپانیایه مرورنده تکرار سبته یه
گلدیگنی ایشتدک ؛ بوگون ایکی سنه اولیور . توقفدن صکره
امیر حضر تلی ، زمان بزی ینه میدانه چیقاردی ، فقط

اشته بوگوردیگگز حالدہ چیقاردی ؟ ایکنجی دفعه
اولق اوزره ینه سبتیه گلدکسهده پک بشقه درلو و پک
دگیشمش گلدک . ذاتاً مملکت ده ده گیشمش ، اهای ده !
سزدگیشدیردیگگز .

مروان بن موسی

بترمی ایتدک ، دیرسگزر ..؟

قرالچہ سایننا

اوله دیهم . فقط اصل دیهم ؟ مملکتله اهایسنک
هیئت عمومیه سنده خصوصیت یوق ؛ یبانجی برگوزلک
وارسدهده اواسکی محرمیت یوق .

مروان بن موسی

هرشی الفتدر . بوگاده الشورسگزر . برگون گلیرکه
غالب ومغلوب هانگی طرفدر ، بیانمز . هرایکی طرفده
یکصف اولور . دوست ودشمن براولنجه ضعف گیدر،
قوت گلیر ؛ خصومت گیدر، محبت گلیر . بزم مساعیمز
هب بوجهته مصروف اوله جقدر . ذاتاً مقصد اسلام اتحاد
اقوامدر . بز او مقصده خدمت ایدیورز . بن سزی اول
امرده جولیانوسله برلشدیره جگم . بویله هر صبح شو

اور ماندہ کی معبدہ گیدوب اقشامہ قدر عبادت ایدیورسکز
دگلمی ؟ آتیکز امیندر .

قرالچہ سایننا

اوت ، امیر مروان ، بیکسیر التجا گاهی اولان
معبدہ گیدیورز . اعتراف ذنوب ایدہ جکسہم دیہ بیلیرم کہ
دور اقبالزده معبدہ یالکز گورنمک و گوسترش ایتک
ایچون گیدردک ؛ واودیوان الہی بی مجرملرلہ مذنبلرہ
یاخودفقرا و جہلایہ مخصوص برکاربانسرای ظن ایدردک .
شمدی ، بوحال سفالندہ ایسہ معبد بزم ایچون دہ یکانہ
دارامان ، یگانہ عمر زمان اولدی . بز مجرم دگلہ کدہ
مجرملرہ منسوب ایدک : زوجم قرال ویتی زیا رودریقک
پدری - دوک دو قوردو - نک گوزلرینی اویدر مق و حشتمندہ
بولنمش ونہایت ہلاکنہ سبب اولمش ایدی کہ رودریق
بوندن طولایی سل سلاح انتقام ایلہ میدان حربہ آتدی ؛
غالب گلدی ؛ تخت و تاجمزی آلدی ؛ بزیدہ تارمارایتدی .

مروان بن موسیٰ

فقط صکرہ ، پک آز صکرہ نہ اولدی ، گوردیکز ؛
خالق صبور سزی چوق صبرلی اولغہ مجبور ایتہ مش ؛

رودریقك انتقامی ویتی زیادن ، ویتی زیانك انتقامی ده
رودریقدن انندیغیچون متسللی اولمیسکمز. انسانك گچد کدن
صکره غایت قیصه گورونن عمری ، گچدیگی اناده پك
اوزون سورر . اگر فنا اولمسه کمز ای یاشارسکمز .

قرالیه سایننا

فنا یاشادق . آی اولیه جگمز قورقوسنده یم .

مروان بن موسی

بو قورقو برهادیدر . طوغری یولده اولدیغکمزدن
امین اوله بیلیرسکمز . زنك ندامت مؤثر بر علامتدر .
غبار کدرله ییقانمش ، تمیزسکمز .

اولکیلر، حبیب بن غازان، صکره عبدالله ایله حبیب بن
عباس دها صکره بر ساعی .

حبیب بن غازان

مرحبا امیر ! چر چیزك حفیدی بشیك مسلح بربری
ایله عصیان ایتش .

مروان بن موسی

اهلاً وسهلاً ، حبیب بن غازان ! پك گوزل بر خبر
گتیریورسین .

عبدالله

گویا بوراسنی محاصره ایده جکلمش .

مروان بن موسی

بن ذاتاً سکون و عطاآلدن بیقمش ایدم .

حییب بن غازان

ذاتاً امیر حضرتلری ، دشمنی توقیف ایچون قارشو
یقه یه گچمک ایستیوردیگنر .

مروان بن موسی

اوایکی گونلک برایش . حیات عجولدر ، ذی حیات
اولانلره عطالت یاقشماز .

حییب بن عباس ایله ساعی کلیر .

ساعی آلدنه بوکولش برکاغد

موسی بن نصیر حضرتلرندن مروان بن موسی حضرتلرینه

مروان کاغدی آلوب برکناره طوغری یورو ، قادیلره باقار . قادینلر یواز
اوزاقلاشدو . دیکرلری مروانی احاطه ایدرلر .

حییب بن عباس

مطلق بر بشارت ظفردر .

مروان بن موسی یادی او قومهش

یا خود اشارت سفر .

حبیب بن غازان

اوده عینی معانی مفید در .

مروان بن موسی

وجوه ایله مفید بر خبر . او قویه یم : « و غلم مروان !
برادرک عبدالعزیز اشبیلیه گیددجک ؛ فقط شهرک
ضبطنه کافی قوته مالک اولم دینندن سن امداد ایده جکسین .
سبته نک حافظه سنی امرادن معتمدک هانگیسی ایسه اوگا
حواله ایدرک برادرکه پیرو اولمق اوزره سریعاً بو طرفه
گله جکسین . »

محمد بن عوف

اشته ، اول و آخر بکله دیگگز دعوت !

مروان بن موسی او قومقده دوام ایله

« بو طرفه گچدکن صکره اشبایه گیتمکه لزوم
قالمازسه سن طلیطله ده توقظه یرکه زید بن کساد یی اعزام
ایتمکده مختار سین . باقی سلامت اسلام . موسی بن نصیر »

امرایه توجه ایدرك بن رفقامك جمله سنی معتمد بیلیرم . معتمد
بیله میه جگمزگی اولان ذانارفاقتمزده بولنه ماز . هانگیزی
براقیم ؟

حبیب بن عباس

حبیب بن غازانی توصیه ایدرم .

حبیب بن نازان

حبیب بن عباسی توصیه ایدرم .

مروان بن موسی

ایکیگزده قالرسکیز . الله هیکیزدن راضی اولسون !
بن یالکیز عسکرك برمقدارینی آلوب گیدرم . اوچ گونه
قدر گیدرز . بواوچ گون ظرفنده چرچیزك حفیدی اولان
مسافری استقباله گیده لم .

امرادن برقاچی

بزعر بن ؛ مهمانسوازلقده قصور ایتیز ! بیورسونلر !

مروان بن موسی طرز معیندار ایله

أوت ، استقباله گیده جگیز ؛ - شایان احترام اصیله لر ،
سزی هیچ بر طرفه ایصال ایتیه جگم . چونکه برابر
گوتوره جگم .

قرالیچه سایننا

تشکرایدرز، امیر، بزی ینه دنیا به گتیره جکسگز!
« مکره جه » عقبایه گیتمه دن اول !... فلوریندایی دراغوش ایدرک
گل قزم، اول امرده تندیمزه گله لم !

منظر

۶

طلیطله . قرالیچه ایلانک دائره سنده کی اوطه، قرالیچه ایله.
ادلینا دردنجی منظرده کی قانا باده اوتور مقده .

قرالیچه ایلا

دمنکی گولشیرک و او مبهم سوزلرک معناسی نه در ؟
سز مصیبتلره ماتملره گولیورسگز ! سکوة بن صوللانک
تعریف ایتدیگی ایلا دگلمی یم ؟ ینه سکوة سز بنی چوجقا قدن
بری طایر دیکز . سکوة قرالیچه اولد قدن صکره دگیشد می ؟

ادلینا مرقدادو

حایر ، قرالیچه اولد قدن صکره دگیشدیکز !

قرالیچه ایلا

نه یاپدم ؟ بندن ده ها گوزل اولدیغکزی اقرار می

ابن موسی

ایتمدم ؛ مر حالدہ بگا فائق ، حتی قرالیچہ اولمہ یہ دہا
لایق اولدیفکزی ایچون سزه عداوتی گوستردم ؛ سز
شمدی . ، بشقه شکل وصفندہ می گوریورسکزی !

ادلینا مر قادو بغتہ قیام ایله

بن قارشومده زبانیله چکلیر برتختروان آتسه بینمش
برملک گوریورم .

قرالیچہ ایلا کذلک قیام ایدرک

یا کلش گوریورسکزی !

ادلینا مر قادو

اوت ، یا کلشکزی گوریورم : سز بوگون اسپانیا
قرالیچہ می دگل ، فقط اسپانیانک مثله سی اولدیگز ؛
اسپانیا ، اوسته وولقان اینمش برمملکت ؛ سز اوزرینه
برمملکت ییقلمش بر عبادتگاه ! فقط اوعبادتگاهده
بردشمن الاه بولنیور ، واوگا تعبّد اولنیور .

قرالیچہ ایلا

شوایمالری ایضاحه تحویل ایدیگزده سزی یا اسکات
یاخود تصدیق ایدیم .

ادلینا مر فادو

سز بر دشمن سرداری اولان عزیز بن موسایی
سویورسکنز؛ بو اسپانیاه اهانتدر !

قرالچہ ایلا

بن بلکه مغلوب طرفه غالب طرفك مرحتنی حلب ایدورم؛
بو اسپانیایی صیانتدر. ادلینا اچی برقهقهه ایدر گولیورسکنز !
سوزمده خطامی ایتدم؛ ادلینا، ادلینا ! محب انسانیت اولان
بر آدم هیچ بر ملتك دشمنی اوله ماز. کائنات اونك وطنیدر.
دشمن سرداری دیدیگکنز ذات بزم قدر اسپانیانك ده دوستی،
عربلرك سوریه بی حجازی سودیگی قدر اسپانیایی ده سور.
ینه گولیورسکنز .

ادلینا مر قادو

سزده بونك ایچون اونی سویورسکنز، او یله می ؟ بنم
گولشم آغلایشدن دها آچی بر گولشدر؛ فقط ، سز، بابام
- شریش - محاربه سنده تسلیم روح ایدرکن، عدم، اولیل
مؤبد، بتون افقلمزنی استیلا ایتدیگی زمان گولدیکنز ! فقط
سز، والدهم تاجه نهرنده قربان گیدرکن عدم، اودریای
سیاه، صحاری و جبالمزده طغیانلر ایلدیگی زمان گولدیکنز !

سز او محشرده بر فردای مشئومك صباحی گورمك
 ایستدیگز. سز او طوفانده او محیط ظلمانینك مالکھسی اولق
 ایچون اولمدیگز! اولیا واعزّه قانلریله مست اولق ایچون
 قالدیگز! آه! اولمدیگز سده - میرون - ک یابدیغی هیکلر
 بلکه سزدن زیاده جانلی در! هندوچین بتلرنده بلکه سزدن
 زیاده قان واردو! فقط افریقا سیلانلرنده سزده کی قدر زهر
 یو قدر! فقط سیریا قرتالاری سزک قدر جگر خوار دگلدر!
 سزده کی گوزللك ملکلك فوقنده در؛ سزک خوا بگاھکز بری
 او جاقلرندن دھاروحانی در. کوثر نهرلری بزّم وصلکزده
 جوشاندر؛ فقط بر ساحرّه روز گارسکز! فقط سزده کی
 شیطنت ایلیسده یو قدر! فقط سزده کی آجاق یاملمرده
 بولماز! فقط سزک نشئه گزک بوملته ویردیگی خماری
 بلکهده خشخاش تارالارینک روز گاری ویرمز! فقط
 سز برخاندانک توبه کارانه زیارت و برملتک تربہ دارانه
 وقف نظارت ایتدیگی اسپانیانک مزارینه صر تلانلرله برابر
 صولت ایتدیگز! بندن - نه یابدم؟ - ديه صورمه یك؟
 - نه لر یقمدم؟ - ديه سوریگز .

قرالیه ایللا

یاسز ، یابن ، ایکی مزدن بری مطلق رؤیا گوریور!

بوگوروب ایشدکلم حرکتی در ، کلامی در ! یوقسه
اضغات واحلامی در ؟ بیله یورم .

ادلینا مرقادو

بن سزه آنجق سزك نه اولدیغكزی اعلام ایدیورم ! بن
سزه شیریش محاربه سنده اولنلرك فریاد تلغینکارینی
ایشدیریورم ! بن اسپانیانك انتقامی یم که قارشوگزده
تجسم ایتش طور یورم ! آه ! اسپانیا قرالیچه سنك بر
دشمنله ازدواجی خبرینی آلدقلمری زمان بتون اسپانیا
خلق حیرته تحجر ایدوب - پومه - لیلرگی قیامته قدر
اوحالده قالسه لر سزادر !

قرالیچه ایلا

ادلینا مرقادو ، رجا ایدرم ؛ هیجانگزی تسکین
ایدیگز . عزیز بن موسایی گورمه مش ، طانیامشسکزی ؛
لایقینه نه اولدیغنی سز بیلسه گز اونك دشمن اولدیغنی
اکلاردیگز . عزیزك مظهر محبتی اولق بر فضیلتدر .

ادلینا مرقادو حدتدن ملائمه انتقال ایله

اونك محبتی بر محبت سیاسییه در . سیاسی محبتلر پایدار
اوله مز . اونك سزی آلمقدن مقصدی کندی ملت

ومملکتک منفعته خدمت ایتمکدر . اشته سکون ایله
سویلیورم .

عبدالعزیز بن موسی وهله کیرر . قرالیچه ایله ادلیناده حرکت متهیچه

مضار

قرالیچه ایلا ، ادلینا مرقادو ، عبدالعزیز بن موسی

عبدالعزیز بن موسی
استیدانسنز گلیورم ، عفو بیوررسکنز !

قرالیچه ایلا

سنزی بو حالده قبول ایچون سنز بگا اذن ویر ملیسکنز .

عبدالعزیز بن موسی ^{تباعد ایتک اوزره اولان}
ادلینایه باقرق قرالیچه یه

قهرمان مرقادونک گریه سی دگلمی ؟ گیتسون ،
قالسون ، بنم اوندن گیزی سوزم اوله ماز .

ادلینا مرقادو کندی کندینه

بکله دیگی او طه دن دیکلیورمیدی عجا ؟

قرالیچه ایلا

اوت ، قالسون . او بنم یار محبتکارم و محرمة اسرار مدر .
حضورنده محذور اوله ماز . کمالی پدرندن ، جمالی مادرندن
موروندر .

عبدالعزیز بن موسی لطیفه ابله

حسننا و مستننا بر میراث یدی .

ادلینا مر قادو

هر حالده ملتّمك پرورده نعمتییم ؛ اونك حقنی
سیوبده برسوء هضم دائمی به محكوم اولانلردن دگلم .
التفاتلر کوزه تشکر ایدرم .

عبدالعزیز بن موسی

شمدی مقصد زیارتی عرض ایدیم : ملکه حضرتلری
بن بو عالمده سزدن روحانی بوجود گورمدم ، بن عرش
اعلاده سزدن دها علوی بر ملک تصور ایدم ؛ سزی
انسانیتی سودیگم قدر سور ، و بقای حیاتکزی اسلامیتك
ابدیتنی ایستدیگم درجه ده ایسترم : اک بیوک المم ، اک مقدس
ماتمم سزك مجلس مصاحبه کزده زائل اولور ، بنی سزك قدر
سویندیره جك بر کیسه ، بر حال و برشی یوقدره . بنم سزدن
آیریلشم بتون لذا نذ حیاتیه دن آیریلق ، قلبمه ، روحمه هیچ
بر مناسبتی اولیان بر غیر یلقدر . بونکله برابر وظیفه وطنیه می
ایفایه گیتمک اوزره سزکله وداع ایتمگه گلدم !

قرالیه ایللا

— اوش-وزیاس — ك باش اوجنه گلن ملك گبی بکا
اوله جگم زمانیمی خبر ویرمگه گلدیگز ؟

عبدالعزیز بن موسی

استقبالك نهایتی یوقدر . استقبال ملّی ی تأمین ایتد کدن
صکره احتیاج قلبی تطمین اولنور .

قرالیه ایللا

مظفر اوله جغکزدن ، یاخود آتیده بنی صاغ
بوله جغکزدن امینمیسکز ؟

عبدالعزیز بن موسی

محاربه یه گیدن بر سردار ، ظفردن امین وامیدوار
اوله رق گیتملی در . عودتده سزی صاغ بولمق امید
ایسه مظفریتی تسریع ایدر .

قرالیه ایللا

یامعاذالله شهید اولورسه کز ؟

عبدالعزیز بن موسی

بر عسکره محاربه میداننده اولمک یاقشازمی ؟

قرالیه ایلا

گوریورم که سزك قلبگنزدده نیم یرم یوق !

عبدالعزیز بن موسی

دائما قلبمده سگنر، ملکه حضر تلری، ملک مفتوحگنزدده
گونش باتمدیغندن امین اوله بیلیر سگنر، الگزی و یریکنزدده
اوپهیم .

قرالیه ایلا

سز و قتیله نیم المی اتفاف ایچون ایسته مش ایدیگنر .
شمدی ایسه افتراق ایچون ایستیور سگنر . اوگون تردّد
ایتمش ایدم ؛ بوگون تمرد ایده جگم ؛ بنی یالگنر براقوب
گیتسگنزه مساعده ایتیه جگم ! سزنه دیر سگنر مادموازل ؟

ادلینا صرقادو

امیر حضر تلرینی دست قضان - یاخود - سفک دمادن
محافظه ایتلی . مساعده بیورمه یگنر .

عبدالعزیز بن موسی

برکرده شو منظومه نی دیکله یوب . ملاحظه ایتلی .
معانده بیورمه یگنر .

جیندن برکاغد چیقارر واقور :

وطن عزیزمتده ملتک دلیل راهی یم ؛
غزا یولنده برکتیبه نك امیدگاہی یم .
هوای وصل یارایله حیمتمی قالمسون ؟
که بن بتون مجاهدین امتک پناهی یم .
تماس لعل یارایله حرارتتم کچرمی هیچ ؟
که بوس تیغ آبداره تشنه لب سپاهی یم ؟
دگرمی قلبگاهمه خدنگ غمزۀ نگار ؟
که زره شرع پاک ایاہ مسلحتم مباہی یم .
جهاده عزم ایدنلرک بو عبدخاکساری بن ،
شهادته ایرنلرک حضور حقدہ شاهی یم !

کاغدی جیبنه قویدقدن صکره قیلجنی چکوب اوپروسرعتله کیدر .

قرالیه ایلا

مادموازل ادلینا مرقادو ! شمدی عزیز بن موسایی
براز گوردیگز می ؟

ادلینا صرقادو

تمامیله گوردیم ، ملکه حضرتلری ؛ فقط بردها
گورمگه تحمّل ایدم ظن ایدرم ! خلقة ده بیوک بر
دشمن !...

منظر

۷

طلیظه. بر میدان. برقاج یول. اشجار. بیوت. حرکت عمومی، اصوات مختلفه. عرب اسپانیول برطاقم خلق: ذکور و نسوان و صبیان، اولرک مناظرنده و ابوابنده تماشاگران مهوور عساکر؛ طبل و سوزنا و بقاره نقراتی. اوقلی، یایی، صابانی زنجی و بربری و بیاض عربلردن مرکب پیاده و متعاقباً نیزه‌لی، کرزلی، سپرلی سوارلی الایلری. منجنیقلر، سیار قلملر. نهایت ارکان و اعوامندن آتلورله محاط اوله رقیقیر آتیه بینمش برآدم که اونی ده برطاقم قطعات عسکریه تعقیب ایدر. ذخایر و مهمات ارا به لری، سفا باز کی بر لری، چادر یو کالی قاضلر، دوه لری. مجاهده لری. بو یکید بر مدت دوام ایدر که اومدت ظرفنده قاپو و پنجره لره سوقانده کی خلق آراسنده شو یولده سوزلر اولدینی ایشیدیلر.

بر اسپانیول قادینی بر عرب قادینه

بواردو نردیه گیدیور، حاتم؟ سزک خبر یکنزواری؟

عرب قادینی

خبر مزوار، مادام، سردار عبدالعزیز بن موسی اشبیلیه یه گیدیور.

بر چو جق

باق بیوک بابا آتیلرده گچیور!

بر اختیار اسپانیول انقیه چکدرک

هرگون گچیور لر او غم! فقط هانگی یره گچد کلری معلوم اوله میور!

ابن موسی

کلبانک

یشاسون عزیز بن موسی !

بر قادیان

اونه ؟ اونه قزم ؟ بوکندی کندینه یورون اولرنه در ؟

برکنج قادیان

اونلر برج سیاردرد ، نینه ، هیچ گورمدکی ایدی ؟

ینه او قادیان

بنسه عربلر مملکتی ده برابر گوتور یورلر صاندیدم !

برقز چوجنی

آننه ، اوبیاض آتده کی دلیقانیل کیمدرد ؟

بردیکر قز

اودلیقانیل بوگچنلرک الک بیوکیدر .

قز چوجنی

نصل الک بیوگی اولوریا ؟ اودها پک گنج .

برکنج قادین

فقط بیوک بر آدمک اوغلی در، کنج، اوت ! هم ده
یا قیشقلی دگلمی ؟

بر دیکری

هر حالده قرالیچه نک اوکا توجهی نابجا دگل ایمش.

ینه بر بشقه کنج قز

گچن گون آرابه ده برابر ایدیلر ؛ هم ده قرال رودریقک
فیل دیشندن مصنوع ، او محاربه دن چیقمش آرابه - سنده !
ایکی اسپانیول برکناره چکیلوب - ویله شورلر

برنجی اسپانیول

بو بر سر می ؟ یوقسه بر روایتی نه در ؟

ایکنجی اسپانیول

اگر سر ایسه روایت ایتمزلر .

برنجی اسپانیول

مملکتلر من عربلر ائنده ! کیمدن قورقولری وارکه
حقیقی کتم ایدم جککلر ؟ قصورسز بر حکومتک دوست
ودشمندن صاقلانه جق اسرار واجرا آتی اوله ماز .

شاید صاقلایورلر سه قصورایدیورلر . وقصویرایتدکلرینی ده
بیایورلر دیمکدر .

ایکینجی اسپانیول

اوله بیلیرکه حکومتک اینی بیلدیگی برنیت ویاحرکتی
اهالینک بر قسمی فناگورر . مثلاً قرالیچه نک عزیز بن
موسی ایله ازدواجلری مصمم بولنسی قضیه سنه گله لم .
بوندن بلکه اسپانیوللرک متأراوله جقلرینی دوشونورلرده
یوم زفافه قدر ایشی مکتوم طوتارلر . خلقی برامرواقع
قارشوسنده بولندیرمق حکمت حکومت اقتضاسندندر .

بر اوچنجی اسپانیول

هرکس حایق رشوب طوررکن سزگیزلی قوگوشیورسکیز!

برنجی وایکینجی اسپانیول

گیزلی ، اشکار ، ایستدیگمزگی قوگوشمغه مأذون
دگلمی یز ؟ مغلوب اولدقه ده کندمزه مالکیز . بیلم
ناصل دیهیم ؟ حریتلی اسیرلرز . معلوم یا ، شمدی اسکی
خفیه لر فالان قالمدی . بونلر خلوقایچمه قاریشور

اهالیدن ایکی عرب

ابن موسی

برنجی عرب

بوراده کیم محافظ قالیور ؟

ایکنجی عرب

شمديك زیدبن كسادى ؛ صگره مروان بن موسى
گله جك .

برنجی عرب

یابر بریه ده کی عصیان ؟ یاچرچیزك حفیدی ؟

ایکنجی عرب

بر بریه ده کی عصیان شمديك نسیان . عاصیلرك صوك
امیدی چرچیزك حفیدی ایسه عديم ایله سیان !
اصوات مختلفه و حرکات عومیه خلق مجاهد لر ! ... مجاهده قادین لر
گچیور ! آمان باقه لم ؟ قوش ! قوش ! . . . یاشاسون
عزیز بن موسى .

منظم

۸

طلیطله ، قرالیچه ایلانك یتاق اوطة سی

مضار

قرالیچه ایلا ، دوناصواللا مکره ادلینا مرقادو

صوللا

آتی ایچون امیدوار اولیه جق برسبب گورده میورم .
یهوده مایوس اولیورسکمز .

قرالیه ایللا

آتی نه اولورسه اولسون . بن شو حالمده مایوسم .
اڭ طوغری آتی ایسه آخرتدر . برچوق مفارقتلردن
عبارت اولان بو حیاته وداع ایدوب گیتلی .

صوللا

بیوکلرک حیاتنی دائماً کندیلمینک دگلدن . برنادر الوجودک
ضیاعندن اطرافنه عدم طاری اولور .

قرالیه ایللا

سن پک اعلا بیلیرسین که عزیز بن موسایی سومامگه
عزم ایتدیگم حالده موفق اوله مدم . بنم می قلم ضعیف !
اونکمی قوتی زیاده ! بنی پک قصه ورلیم ؟ اومی غایت
کماللی ؟ هر نه ایسه اشته گوریورسین که سومامگه قادر
اوله میورم . حتی وظیفه سی یولنده محبتنی پایمال ایتدیگی
ایچون بن اوننی دها زیاده سومگه باشلادم . او قودینی

منظومه نك مندرجاتی قلبمده محكوك بولنیور . قیو اوریلور
صوللا آچار . ادلینا مرقادو متفكر برحالده كیرر . مادموازل مرقادو ،
خلقة بیوك دیدیگكز دشمندن بحث ایدلم می؟

ادلینا مرقادو

بردها گورمه مگی اللهدن نیازایتدمسه ده گيجهرؤیامه
گیردی . بوسباحدن بری ده خیالی قارشومده ، خاطره سی
قلبمده ، بیوكلگی ده خاطرمدده بولنیور . اوبیوكلك ، او
خاطره ، اوخیال مدرك وحساس برقزی پایمال ایده جك
برضربه كال وجمال !.. بونكله برابر اوخیال ، اوخاطره ،
اوبیوكلك بنم نظرمدده مطمح تحقیر و نفرت در ، هدف
تشنیع واعتذر! اوگا حرمت ، خیانت و محبت ، جنایتدر!
بوخیال دنیاده نه قدر حقیقت وارسه هپسنی جامع ! بوخیال
اومخلوق، علوینك جناح سماویسیدر ! بوخیال ، بوخاطره
یمین ایدرم که جانلی ! حتی بگاویله گلیور که شمدی تكلّم ،
تظلم ده ایده جك ! فقط بن بومقدس خیالی ، بومعلا و مبارك
خاطره نی تحقیر و تنکیل ایدیورم ؛ اسپانیا قرالیجه سنه وظیفه
وطنیه سنی گوستریورم ! دشمن سرداری سزی نصل فدا
ایدوب گیتدیه بنده اونك خیالی ذهنندن طرد و تبعید

ایدیورم! بردن توقفه یواش یواش یوق، اویله دگل، حقیقت حال
 اویله دگل، بی تکذیب و تعیب ایدیگیز بن چونکه معشوقکیزک
 حسن حال و جاننه کافه افکار و حسیاتمله مفتون اولدم!
 سکوندن شده انتقال ایله مفتون اولدم، ای پدر! سنک مقدس
 باشکه جهنمک طاشلرینی چارپان اوقوه بازویه اودست دهّاش
 اقتداره مفتون و مغلوب اولدم بن! اودست دهّاش بی امان که
 خفایای سماویه پرده لرینی یرتوب والده جگمک گوزیاشلرینی
 نیم باشمه ریزان ایدیور! بنم، بنم، بنم باشم می؟ ممکن دگل.
 صاقین اینانم یگیز. بن مرقادونک قزی بن، ایکی طوفان
 بلوتنک چارپشمه سندن حاصل اولان بریلدیرم! هیچ بروقتده
 اوقدر دوشمیه جکدر! پنجره قوشه رق! هپ ایشیدیکیز، ای
 طلیظه خاتی! مریدا! قورطبه لیلر! الیرده! ملقه! اسپانیا
 شهرلری! ای پایمال اولان معموره لر! عزیز بن موسی سزک
 برج و بارولرکزی ییقدی! طرق و معابدکزی، مبانی
 عالیه کزی خندقلره تحویل ایتدی: خندقلرکزی قان
 سیلدریه طولدیردی! سزلسه اونک حضور پرغرورنده
 ابدی سجده لره قایاندیکیز! فقط بن، ای طلیظه سکینه
 سافیلنی! ای قوط حکومت سرنگونی! ای خون حمیتی
 قورومش خاکسار اسپانیاماتی! هپ ایشیدیکیز! ای عزت

ابن موسی

نفسنی بر هوا ایدن اسپانیا ملکه سی، خائب و خاسر قالان هیکل
عظمت، سن ده ایشیت ! هپ سر ایا گوش اولکنز : اودست
دهاش اقتداری بن قیره جنم !

قرالیه ایللا

غریب بر تضاد حسیاتک شاهی اولیورر : دیمک که
سز او پمک ایسته دیگکنز بر آلی ایصیره جقسکنز ! اینجی
دیشلر کنزه یازق دگلمی ؟

ادلینا مرقادو

دون اقشامه گلنجه قدر وطن نامنه سزک دشمنکنز
اولان بن ، دون اقشامدن بری همده رقیه کنز اولدم .
معشوق کنزی سزدن ، یعنی برملکدن قورتاروب بشقه
برملکه ، ملک الموته تسلیم ایده جگم !

قرالیه ایللا

ایشیدیور مسین ، صوللا ! بومضحک ومبهلک سوزلره
نه دیر سین ؟

صوللا

نه دیهیم افندمز ؟ بز ایشیدیورز . فقط بیلنمز که
سویله دیگی سوزلری کندیسی ایشیدیورمی ؟

ادلینا مرقادو

ایستمکدن ممنوع دگلسه کز گوررسکز! گوررسکز!
اعمالر گبی بتون موجودیتکزله گوررسکز! بن طاپدیغکز
گونشی سوندیره جگم؛ اسپانیانک اوسپاه یلدیزندن گوک
یوزنده ده نام و نشان قالمیه جقدر!

منظر

۹

طلیطله . مسلمک خانه سنده . براوطه

مضار

عذرا بنت عتر ، فلوریندا قاوا

فلوریندا

زید بن کسادى دیدیگکز ذات گلدیگمز گون بزى
استقباله گلن امیرمى در ؟

عذرا

أوت ، نیچون سؤال ایتدیگمز ؟

فلوریندا

سپته دن طلیطله یه گلدیگمز گون بگا پک تسلیتکار

نظر لر عطف ایتدی ده اونک ایچون ، بلدکه خاله م ییچاره
قرالیه ساینانک وفاتندن طولانی آجیمشدر . کیم بیلیر!
دیمک که همان یوله حقیقه جق ؛ اویله می ؟

عذرا

البته اویله در ؛ اشبیلیه ده اختلال وار ؛ یاخود
عصیان ، تدمیر ، مدهش تدمیر ؛ اونی بوسبتون تدمیر
ایتملی .

فلوریندا

امیر مروان ایله بز بورایه گله لی ایکی گون اولدی .
گلیر گلنزمی گیدیله جک ؟

عذرا

براز دها فعالیت ، حرکت ؛ صکرده بردائی رفاه
وراحت .

فلوریندا

بوحیات فانیه نک آتیبی ده قنادر ؛ ابدی راحت ،
نه مستبعد شی !

عذرا

حیات فنا بولماز ؛ تحوّل ، تسلسل ایدر ؛ والدیندن

بکا ، بندن اولادمه ، اولادمدن احفادمه ، احفادمندن ده
ابنای جنسمزه قدر گیدر . جمعیت بشریه نك منبعنه باقیله جق
اولورسه آدمله حیوانك حالا بر حیات اولدقلرینه حتی
دمنچك یاد ایتدیگن زید بن کسادى ایله فلوریندا قاوا
شکلنده گورندکلرینه امنیت حاصل اولور .

فلوریندا بر تأوهدن دکره

تدمیرك علیهنه کیم سوق اولنیور عجبای ؟

عذرا

عزیز بن موسی گیتدی . گیده لی اون بش گون
اولیور . شمدی ده یامروان بن موسی یاخود زید
یده جك .

فلوریندا

هانگی زید ؟

عذرا سولهرك

زید ویاعمر دگل ، زید بن کسادى .

فلوریندا

زده گیده جکمی یز ؟

عذرا

بوسئوالک جوانی امرا من ویره بیلیر، ذاتاً سز اسیر
حرب دگلسکیز، مادموازل فلوریندا ! ایستر گیدر، ایستر
قالیرسکیز .

فلوریندا

کاشکی سزی تصدیق ایدیه بیلسم ، سیده عذرا ،
کندی کندینه بن قلبا اسیرم .
خارجده مخاطبه

— اوده دگلارمی ؟

— سیده عذرا بوراده . بیورکیز .

— پک اعلا .

مضار

اولکیلر ، زیدبن کسادی ، صکره مسلم

زید بن کسادی فلوریندایه باقهرق قلبی

بوراده ایمش ! جهراً مسلم نردهده ؟

عذرا

قرالچهی زیارتیه گتیدی . نهوار نه یوق امیر زید ؟
کیم قالوب کیم گیدیور ؟

زید بن کساد

امیر عبدالعزیز اشبیلیه محاصره سیله مشغول ، امیر مروان بوراده قاله جق . ظن ایدرم که بنده محاصر لره امداد ایچون سوق اولنه جقم فلوریندا نك سریع بر حرکت تهیجه سنه دقتله مادموازل فلوریندا ، خاله گز قرالیچه سایننا قاج یاشنده ایدی وهانگی خسته لقدن وفات ایتدی ؟

فلوریندا

خسته لنی ادبار ایله اختیارلق ایدی . ذاتاً اختیارلق حیاتك ادباری در ؛ دگلمی افندم ؟

زید بن کساد لطیفه طرزنده

غریبدر که بن چوق یاشادیغم حالده هنوز اختیارلیه مدم .

فلوریندا

بنسه بالعکس ، امیر ، آزیشادم ، فقط چوق اسکیدم . لنگز قلبمده کی یاره لر تازمه نیور . اولوم یولنده کندمی بك گچ و بك گری قلمش بولیورم . امیدى قالمیان بر مخلوق نیچون یشارسه بنده اونك ایچون یاشایورم .

زید بن کسادى

یوق، یوق، ماد موازل؛ ماتملیر بیله مایوس اولما ملیدر.
بوصره ده امیر مروان ایله مسلم و بر چوق ارکان معیت کلیر .

مضار

عذرا بنت عنز ، فلوریندا قاوا ، زید بن کسادى ، مروان
بن موسی ، مسلم ، وارکان معیت .

مروان بن موسی

امیر زید ، اشیلله محاصره سنده کی برادر م عبدالعزیزه
ملاقى اولدیغکنز زمان امید ایدرمکه شهر ضبط ، تدمیرده
تسخیر اولمش بولور . طارق بن زیاده مهمات گوندریله جك
ایدی ؛ گوندرلیدی ؟

زید بن کسادى

گوندرلش اولسه گرك . مادام که امر ویرمشدیکنز .

مروان بن موسی

پدرمه ده ذخیره گیده جك ایدی ؛ گیتیدی ؟

زید بن کسادى سیقیله رق

مادام که امر ایتشدیکنز ؛ گیتمش اولسه گرك .

مروان بن موسی

گرك ! گرك ! لا ٲقيله ٲيلمیورسكز ديمك اوليور !
 اردولرمزك مركزی اولان بوطليطله ده قالمش ايديكز ؛
 شمدي ده اشبيليه محاصره سنه ، معين گيديورسكز . فقط
 ذخيره ومهماتك گيدوب گيتمديگنه واقف بولنمیورسكز .
 رجا ايدرم ، كنديكز ده ايشی تحقيق ايديكز . زيد بن كسادى
 برمحجوبيتله چيقار مادموازل فلوريندا قاوا ، بوچقان ذات
 زيد بن كساديدر ؛ عرب امراسندندر . عرب امراسندن
 زيد بن كسادى سزك رفاقت مشروعه كزی طلب ايدیور .
 قبول ايدرميسكز ؟ فلوريندا اوڤرر . كريمه كز قبول ايدیور ؛
 مسلم ، سز نه ديرسكز ؟

مسلم

فلوريندانك بن سبب حياتی ايسه م سز مسبب نجاتيسكز .
 امر كز بنم آرزومدر .

عذرا

مادموازل جواب ویرمیور .

فلوريندا

بونا گهانی برتكاليف دوشونمه دن نصل جواب ...

مروان بن موسی

دوشنمگه وقت یوق . زیرا بو آقشام گیده جک .

فلوریندا

امیرک بکا بر تکلیفی واقع اولمدی .

مروان بن موسی

بکاده هیچ برشی سویله مدی . فقط بر برگزی قبول
ایده جگگزدن امینم . بندها سبته ده ایکن شمه ايله تردد
عادتم اولدیغنی سزه سویله مشر ایدم .

فلوریندا

اعتیادگزنی دگشدرمگه واسطه اولمق ایسته مم . سز
بیلورسکنز .

مروان بن موسی معیتله کیدرکن

تشکر ایدرم . بیلورم که زید سزه مالک اولمدجه
نفسنه صاحب اولمیه جق .

مضار

مسلم ، عذرا ، فلوریندا

مسلم عذرايه

باق هر کس نصل قولای تاهل ایدیور؛ سنسه بنم
تکلیفی گوج حال ایله وبرچوق شرائطه قبول ایتشیدک!

عذرا

بنای ازدواج گوج یا بلیدر، چونکه قولای یقیلور.

مسلم فلوریندایه

یوری قزم، قرالیچه حضر تلیزیه سنی تقدیم ایدهیم.
نه دن او یله مبهوت طور یورسین؟

فلوریندا

ماضیده کی قره گونلرک آتی یه انعکاسندن قورقیورم!
ای گونلر مؤبداً گچوب گیدیور؛ فنا گونلر مستعد
عودتدر. بنی قرالیچه یه تقدیم ایدرکن قراله تقدیم اولندیغ
زمانی دوشونمز میسگز؟

مسلم

قرالیچه نك سكا التفات ایده جگندن بن امینم.

فلوریندا

لایق اولمدیغ بر التفاته سائق اولمق ده ایسته مم. اوکا

مظهریت ده ابر نوع محقریت در. بر انسانه تزییف و تمسخره
یا لکنر طالک حق او ملیدر؛ و او نی یا لکنر خالق تلطف ایتلی.

مسلم

دید یگت حالک حقیقت او لمسنی بن ده آرزو ایدرم، قزم؛
فقط هیات!... بوقعا علمنده هر شی فانی در، فنایه آلملی،
یا خود، بیلیم نصل دیهیم؟ بقایه چالشملی.

منظر

۱۰

طلیطله ده قرالیچه سراینده بر بیوک اوطه ایله بر کوچک اوطه .
بیوک اوطه ده :

مضار

قرالیچه ایلا، مسلم، عذرا، فلوریندا، زید بن کساد،
صولا صکره لوئزا .
کوچک اوطه ده :
دوشس دولوزیطانیا بر قانا پده او یور .

قرالیچه ایلا زید ایله فلوریندایه

هم سفر بر، هم برابر سگنر؛ تبریک ایدرم. بو ایکی
وظیفه حیاتیه نک ایکسندده مسعود و موفق اولما گنر
تمنسی اخص تمنیاتمدر .

ابن موسی

زید بن کسادی

عرض تشکرات ایدرز . افندم .

مسلم

بودرلو ازدواجلر ملتیریننده قرابت حصوله گتیرر .

زید بن کسادی

عربلرک اسپانیالی اولادی ، اسپانیوللرکده عربدن
اجدادی اوللی در .

مسلم لطیفه طرزنده

فقط بعض مملکتلرده قوجهلر مسلم قاریلر ظالم اولیور .
کولشورلر

قرالیه ایللا

فلورینداقاوا ، سزی بوزوج محترمگزک حضورنده
تأمین ایدرم که سزیم نظرمدده دائما معصوم ایدیگز .
ماضیده کی مظلومیتسگزده بالاخره بنده اشتراک ایتمش ایدم .

مسلم

امید ایدرم که قزمده سزک سعادت مستقبله گزیدن
حصه دار اولور .

قرالیه ایلا

ایکمزده برمقتلدن قورتولدق .

فلوریندا

براز فرقز اولسه گرک : ذات حشمتانه گز اومقتل
ییقلدقن صکره قورتلدیگنر . بنده گزسه ، مقتل طوررکن
کندم ییقیلهرق ؟ ... تأثرندن دوام ایده من

قرالیه ایلا

اشته اونک ایچون معصومسکزیا ؛ ظالمک تخریباتندن
خرابه لر مسئول اوله ماز . اولورمی ؟

فلوریندا

مسبب کیم اولورسه اولسون ، خراب اولمق قصوردر .
دگلمی افدمن ؟

قرالیه ایلا

قصورسز گوزلک اولماز . حتی گوزلرده بولنان ،
یاخود اسناد اولنان قصور گوزلک نشانه سیدر . حرص
وحسد ، طعن وتشنیع اونزهت آبادی تهدیدوتخریبه مؤکل
برر بایقوش ، برر چقال ؛ بهتان ایسه دائما گوزللک

اطرافنده طولاشور افتان وخیزان برطوپالدر . فقط
 اوطوپال چوق کره اك طوغری گیدنرك ارقه سندن
 یتشوب تعرض ایدر . دنیله بیلیرکه او یالکیز گجرفتار
 اولانرك رهبری در . سزه ایسه رهزنلك ایتمش ، نیم
 ایشی بویله بیلدیگمندن امین اوله بیلیرسکیز . بواقشام
 گیدیورسکیز دگلمی ، امیر حضرتلری ؟

زید بن کسادى

اوت افندمز ،

قرالیه ایلا

امیر عبدالعزیز حضرتلرینه سلامله برابر بومطنطن
 اسار ملوکانه دن ازاد اولمق ارزوسنده بولندیغمزك
 جمله مز طرفدن تبلیغی رجا ایدرم .

زید بن کسادى

امرگزى انفاذایله کسب فخر و شرف اولنورافندم .
 قرالیه ایلا ایله صولاقاوب دیکرلری تعظیم ایله سلام ویره رك چیقارلر

قرالیه ایلا

شمدی یه قدرسکابیه سویله مدم صوللا؛ بوفلورینداقاوا
 زواللیسی ، نیم اوزاقدن اوزاغه متعلقا تمندن اولان بوقز

ابن موسی

قرال رودریقك برگیجكك محبوبه سی اولمش ایدی . اونك
بردام اغفال ، برزدان عذاب اولان شبانه سفاهتده پیدا
ونا پیدا اولوب گیدنلردندر .

صوللا

سز بگا سویله مش ایدیگز . فقط بن هر کسدن ایشتمش
ایدم . بویالکمز سزدن صاقلی برشایعه ایدی .

قرالچه ایلا

بنسه اوشایعه بی برسرگی حفظ اید یوردم .

صوللا

کیم بیلیر نه قدر متأذی اولمش سگزدر .

قرالچه ایلا

بنی؟ هیچ بروقتده قیصقا نجلق حس ایتدم . بیلمز
گی سویلیورسین ، امشالی حقنده کی اعتیادم وجهله او
قز جغزه ده آجیمشدم .

صوللا

او حالده معیتگزده بولسان دوشسلره ، پرنسس
وقوتسلره ده آجیمالیسگز افندم !

ابن موسی

لوئیزا کله رک

طعام حاضر افندمز .

قرالیه ایلا لطیفه ایله

سنگله لوئیزا یه ده می او یله ؟

صوللا

بز اصلزاده دگلز . برده گر چگدن اصله اولان ادلینا

مرقادویه آجیایگز افندم کیدر لر

لوچک اوطه ده

دوشس دولوزیطانیا بردن بره خوف ایله
اویانوب قالقه رق

آه ...! نره ده یم ؟.. بوراسی بنم اوطهم دگلمی ؟..

اصابت که اویاندم ... رؤیاده باشمه بر صاعقه اصابت ایتدی!

حالا تیتیرورم ...! عجبا یا نمزده کی اوطه ده ، قرالیه چنک

اوطه سنده بر عربده می اولدی ؟... کیدوب دیواره قولاغنی قویه رق

کیمسه لر یوق . ییلان ، کیم بیلمر هانگی دلیکه گیر مشدره

اوف ..! بورؤیاده کی صاعقه !.. اوت ، یالان دکل ، ییلان !

ینه دیواره کیدوب دیکه دکدن سکره ییلدیرم دوشه جک یر اصلاشته

بوراسی ! اونک اوطه سنه دوشمیورده بنم رؤیامه گیر یور !...

دسیسه، فساد، بشقه چاره یوق. تحفدر! بنم بودوشوندیگم
 سوزلری ایشیده جکمش گی قور قومدن ینه شواو طه طرفه
 گیدیورم. واقعا بعض فکر لر گورینور؛ سکوۋده بعضاً معیدار
 اوله بیلور؛ حتی یرک قولانغی وار دیر لر. یره گچسون ده
 ایشتون! ییلانی زهراله مک نصل ممکن اولور؛ ازملی! از مگه
 ایسه بنده قوت یوق. ذاتاً یقلان تحتک التنده قالوب ده ازیله ین،
 والدینک انقاض موجودیتلری ایله ازدواج تملی قورولمسنه
 تحمل ایدن برقادینک عالمده نصل ونه دن متأثر اولمق احتمالی
 واردر؟ دیدم یا! دسیسه فساد، بشقه چاره یوق! وقتیله فرال
 رودریقک جلب قلبی مسابقه سنده هر کسه غالب گلدی.
 شمدی ده هر وجهله، اوت هر وجهله بکاشایسته اولان بریسنک
 قلبنی تسخیر ایتدی؛ عزیز بن موساده اوکا مجلوب؛ ایکی
 دفعه اسپانیا قرالیچه سی اوله جق! چونکه اختیار موسی بن
 نصیرک بو عز مکار اوغلنک برگون اسپانیاده بر حکمدار گی
 حکومت ایده جگنده شبهه یوقدر. بنسه ینه اونک معیتده،
 اونک امری آلتنده، اونک، اوایکنجی قرالیچه نک تحت
 تحکمنده، پای تحتنده بولنه جغم!.. دسیسه، فساد، بشقه
 چاره یوق دیورم! مثلاً برشایعه چیقارسم؛ دیسم که —
 قرالیچه نک عزیز ایله ازدواجندن مقصدی اسپانیا حکومت

عیسویه سنی احیا ایتمکدر. — عربلری اغضاب ایتزمی؟ یاخود
 عزیز، اسپانیوللری اسلامه دعوت ویاقتل عام ایده جک، ديه
 اشاعتده بولنسه؛ تأثیری گورلمزمی؟... تأثیری البته گوریلیر؛
 قرالیچه ده عزیزده اولدیریلیر. اووقت بنم باشمه نه لر گلیر.
 البته رؤیاده گوردیگم صاعقه گلمز، مروان گلیر!
 اووقت رقیسز اوله رق، مروان بکا قالیردی. نیچون
 قالماسون؟ بندن دها ایسنی، دها گوزلینی می بوله جق!
 عزیزا ولسون، مروان اولسون، کیم اولورسه اولسون؛
 بنی بر موقع اعلا به اصعاد ایدء جک بر آدم لازم. بکا
 آدم ده دکل موقع لازم. اوطءك بر طرفنده کی مجلا طاشدن آیینه نك
 قارشوسنه کچرک مروان بنی نیچون بگنمیه جکمش؟ هر شئیك
 چاره سی وار؛ انسانی گوزلش دیره جک بر چاره یوق!...
 فقط بن نه دن گوزل دگلمشم؟ اوتوز بش، اوتوزالتی
 یاشنده بر قادین بندن دها گوزل اوله بیایرمی؟ اوتوز بش
 یاشنده می؟... بن اوتوز بش یاشنده می؟ دونکی چو جوق!
 ببکیرله اوینادیغم خاطر مده، دها گچن گون یگر می یاشنده
 دگلمیدم بن؟ گرچه متوفی قوجه م رودولفو وفات
 ایده لی — اوت شبهه یوق که وفات ایده لی — بکا بر چوق
 سنه لر، بر چوق سنلر گچمش گی گلیور. عجا بوگون

بن گنجمی یم ؟ اختیار می یم ؟ اوتوز بش ! اوتوز بش ! ..
 دسیسه ، فساد ؛ بشقه چاره یوق ! .. بر حرکتدن صکره تامله
 فقط دسیسه ایله ، فساد ایله گنجلك ویا کوزلك عودت
 ایدرمی ؟ مرآت خلقتده گورلمسی محال اولان تجلیلر ! ...
 او یله می یا ؟ ینه آینه یه تقریبه بنم گوزلگم گنجلگم طور یور ؛
 گیتمدی که عودت ایده جك . غروب ایتدی که طلوع
 ایتسون . ماچلرخی کوستردك بو آلتون تللك اراسنده دها
 هیچ بر گوموش یوق . گوزلرم برر مائی یا قوت گبی
 لمعان ایدیور . هله اصلا یاشلانما مشدر دیه بیلیرم .
 دیشلرم ، فقط ؟ ... اوده بر قصور دگلدر که . قصورده اولسه
 مستور اوله بیلیر . بن حیوان دگلم که قاچ یاشنده اولدیغمی
 دیشلر مدن آکلایه جققلر ! وینه بن حیوان دگلم که اوتوز
 بش یاشنه قدر یاشایه مامش اوله یم ! رنگم ؟ رنگم او قدر
 بیاض دگل ، فقط اسمرده دگلم . هر کسک دیدیگی گبی
 اسمرده اولسه اوده بر نقیصه دگلدر . بکا صاری صاچلی
 مائی گوزلی بر اسمر کیم گوستره بیلیر ؟ شو آینه دن بشقه
 کیم گوستره بیلیر ؟ بنمکی مستثنا بر گوزلك ؛ گوزلکدن
 دها ای بر مظهریت حالبوکه بن اسمر دگلم ؛ بیاضم .
 یوق بیاض ده دگلم . بیاضدن دها مقبول بر صاری یه مائل ،

بغدای ویاجای پنبه سی بر رنگم وار. حایر، او یله ده دگل،
 کندمه مخصوص، بشقه درلو بر رنگم وار. او توز بش یاشنده
 بر قادین نهدن اختیار صایلسون؟ بن او توز بش یاشنده ده
 دگلم یا! او یله اولسه بيله خدا بیلیر که بن اختیار دگلم.
 صانکه او یله قارگی بیاض اولوب ده صوغوق گور نمکده
 نه لطافت وار مش؟. قرالچه نه در؟ یوزینه کیرج سورلمش
 گبی او یله ... متحرک بر هیکل، مرمردن بر مخلوق
 ذیروح، طاش کیللمش بر قادین! قرالک سرمق طوعی
 آئنده اوله رق عبدالعزیزک قارشیننه چیقیور! اومی بندن دها
 گوزل؟ عبدالعزیزده طاپله جق بوت بولمش! هیکل تراشمی در،
 پت پرستی در؟ بیلیم. نیم نور و حیرور صاحبلمی گور میورمی؟
 بلکه بر ملکک قنادرلنده بوقدر روحانیت یوقدر. ایلا
 دنیلان زواللی قادین اونک رتله بيله مالک اولماش؟
 بگا احسان اولنان گلستاندن اونده بر یاق بيله یوق! اومی
 بندن دها زیاده تازده و دها گوزلمش؟ بر چوق کولدن صکره
 بیلیم که بو عبدالعزیز نه در! ظلمات اها لیسندن بر طیف می در؟
 یوقسه بر گیجه قوشنک روحنی می طاشیور؟ بنی گوره میور؟
 باشمده کی نورانیقی گوره میورده ایلاتک ماتم رنگنده اولان
 صاحبلمینه میل ایدیور! نیم شو یولده یان باقیشم رود و لفوی

عادتاً بیهوش ایدردی . فقط یاندن باقیلنجسه برونم بیوک
 گورینورمش؛ گولدیگم وقت آغزم زیاده جه آچلیورمش .
 برون بیوکلگی صاقلانه جق بر عیب دگلسه ده ... بنم
 برونم پک او یله گوزه باته جق گبی ده گورنمیور . گولمگه
 گلنجه، اشته گولدم . آغزم هیچ ده دیدکری قدر آچلمیور .
 بعض ادبامزگی آغزینی آچه دن گولمک هر کسک کاری دگدر .
 ذاتاً بنم سیامه یاقیشان برون بودر . قارتال برونی که یرتیجی
 اولدیغمک علامتی اولور . ایچمده ایسه بر قاپلان یورکی
 چارپدیغنی بیلیم . هم گوزل هم قورقونج برقادینم . چهره م،
 اندامم ، تناسبم میدانده . میدانده اولمیان مظهریتلرم ده
 مکملدر . ذکا و عرفان چرکینلره بیله خوش بر جاذبه ، بر آن
 و شان ویرر . اوتوز بش یاشنده کیلر نه یه گنج صایلماسون؟ حالبوکه
 بن یگر می بش یاشنده ایکن ده بویله ایدم . بویله میدم عجباً ؟
 یوق، یوق بر ازدگشمشم . وقتیله بویله دگدم . اوت، بر از
 دگشدم . یوق دگشدم . اوتوز بش یاشنده ده دگم . عزیز
 اولماسون ده مروان اولسون . مروان ده اولمزسه ینه اک
 نفوذلی امرادن بریسنی تسخیر ایدرم . امرادن بنم گوردکلرمک
 ایچنده کیم وار؟ ابن غازان یاشلی، ایسته م . ابن عوف یو کسله جگه
 بگزه میور، ایسته م . اگر متأهل دگلسه ابن کساد ی ایشمه

گیر. او گنج، یاقیشقلی، هم ده تعالی ایده جگی بللی بر آدم.
اونی تسخیرایله تزوج ایتدیگم حالده قرالیچه ییده بر صاعقه
اصابت ایدر، اما رؤیاده دگل! دسیسه، فساد، بشقه چاره
یوق کیتمک اوزره قاپویی آچارکن پرنسس ایله قونتس کیرر.

مضار

دوشس دولوزیطانیا، پرنسس ایزابللا، قونتس دوناواریا

پرنسس ایزابللا

حوادثی طوید یکنز می دوشس؟

قونتس دوناواریا

هم غریبه، هم یگی!

دوشس دولوزیطانیا

نه وار؟ هیچ برشیدن خبرم یوق.

پرنسس ایزابللا

فلوریندا قاوایی زید بن کسادی آلدی!

دوشس دولوزیطانیا

فلوریندا قاوایی زید بن کسادی می؟

پرنسس ایله قونتس
زید بن کسادى !

دوشس دولوزیطانیا
اویله ایسه مروان !

پرنسس ایزابللا
اونه دیمک ؟ مروانى ؟

دوشس دولوزیطانیا

حایر، هیچ . اوتورگز باقه لم . کندی کندینه رؤیاده
گوردیکم صاعقه بواوله جق . اوتورده ن صکره قالقهرق هیجان
ایچنده یم ! اوتوره میورم .

پرنسسله قونتس ^{کذلک اوتورده قدن}
^{صکره قالقهرق}

حقکز وار دوشس ، بویک مهیج بر حاده !

دوشس دولوزیطانیا

وقتیله قرال رودریقک منظور آتسی اولان فلوریندا
قاوا ، بواوقز دگلمی ؟

پرنسسله قونتس

او !

دوشس دولوزیطانیا

ینه اوقز دگلمی که حجابندن سنه لرجه احتجاب ایتش
ایدی ؟

پرنسسله قونتس

او !

دوشس دولوزیطانیا

کیم بیلیر اوزماندن صکره دهانه قدر دالتلر ایتشدرد.
دگلمی ؟

پرنسس ایزابللا

سؤاله نه حاجت ، بدیهی ؟

قونتس دوناواریا

زید بن کساد کی محترم برامیر نصل اولوب ده آلیور ،
اوله بر قزی که ...

دوشس دولوزیطانیا

قز دگل ، قادین !..

پرنسس ایزابللا

قز دگل ، قادین ده دگل ، ارکک اوله مامش برشی !

دوشس دولوزیطانیا

دسیسه ، فساد ، بشقه چاره یوق !

پرنسس ایزابللا

نہ دیدیگنز ؟

دوشس دولوزیطانیا

هیچ ، نہ دیہ جگم ؟ صبرایہ ثبات . بشقه چاره یوق
دیدم ! گیدہ لم دہ باغچہ دہ براز هوا آله لم . بوراسی پک
مقسى .

پرنسس ایزابللا سمیتکہ حاضرلنہ وق

ذاتاً بورادہ ہرشی بادوہوا ؛ بزم ایچون اولیہ دیمک
ایستیورم .

قونتس دوناواریا

اوت ، نہ ایستہ سہک آلیورز . پارہ سنی حکومت ویر یور .

پرنسس ایزابللا

بونگلہ برابر هوا پرست اولما ملی یز .

دوشس دولوزیطانیا کندی کندی
ہپ کیدر لرن

یامروان بن موسی ، یاخود صاعقہ !

مضار

عذرا بنت عنز ، فلوریندا قاوا ، دوشش دولوزیطانیا ،
پرنسس ایزابللا ، قونتس دوناواریا ، واقع اولش برملاقانك دواپی
حالنده بولنورلر .

فلوریندا قاوا

سر انکار ایتسه گزده بن امینم که سز شمدی بنی
منفور گوریورسکنز ؛ حالبوکه قرالک منظوری اولدیغم زمان
محسودکنز اولش ایدم . سرایدن بنی قرال چیقارمدی .
بن چیقدم . سزك بتون موجودیتکنزله چالشوبده
گیرمك ایستدیگکنز سراپه ، یاخود فیخرأ گیردیگکنز سراپه
بن جبرأ گیرمش ایدم . سزك ظن ایتدیگکنز گبی جلب
وتلطیف دگل ، حبس وتوقیف ایدلادکن برگیجه صکره
سرایدن ده مملکتدن ده فرار ایتدیگمی بیلنلر وارددر . بندن
نفرتکنز بونك ایچونسه سزه مقابله شونی سویلمکدر :
کافه معایمله برابر بوگون امرای عربدن زیدبن کسادینک
زوجه سییم !

پرنسس ایزابللا

تبریک ایدرز ؛ بزنزه بشقه برشی دیمدک که ... ینه
تبریک ایدرز .

قونتس دوناواریا

بلکه سز بزی تحقیر ایدیجی تفوهاتده بولدیگز . بز
یالگزیان منویت ایتدک . تبریک ایتدک . دگلمی دوشس ؟

دوشس دولوزیطانیا

نفسندن امین اولیانلر هر کسندن تحقیر گوردکلرینه
ذاهب اولورلر .

فلوریندا قاوا

بن ذاهب اولدم . گوردم . سزده گورمک ایسته مدیگگز
برحالك شاهدی اولدیگز .

دوشس دولوزیطانیا

هر حالده غبطه ویا حسد ایدیه جک بر حادثه نك شاهدی
اولمدیغمزدن امینم . پرنسسله قونتسک تبریکلرینه اشتراك
ایله برابر ، سزك گبی گوزل بر اسپانیول اصیله سنك بر اجنبی ایله
اقتران ایتسی بنجه بر میمنت دگلدر ، دیمکدن ده امتناع ایده مم .
کیدر پرنسسله قونتس تعقیب ایدر . عذرا ایله فلوریندا قاور .

عذرا بنت عنز

حسدکار اولانلرک فکر و نظری بودر؛ نائل اوله مدقلری
بر سعادت حالی میمنتسز گوررلر. موسی بن نصیرک اوغللری
هر نه یاپارلر سه میمندر. بوندن امین اوله بیلیرسکنز، عزیزم.
زوجکنز امیرزید گلیوز. بن چکیله یم. بواقشام گیده جکنز.
نکاحدن صکره مفر یوق؛ فقط زفافدن اول سفر وار.

فلوریندا قاوا متحرناً

ماضیدن اوزاق اولمق ایچون بنجه رحلت بیله خوش آینده در.

مضار

زید بن کساد، فلوریندا قاوا

زید بن کساد

صوک سوزگزی ایشتم ، عزیزم . سرگذشتکنز
نه اولورسه اولسون ، سز بنم سرتاجسکنز .

فلوریندا قاوا

سزده بنی بوگوندن اعتباراً بختیار عدا یدیکنز.

زید بن کساد

بختیار او آدمدر که سزک گبی بر رفیقہ حیاتہ نائل اولور.
فقط محاربہ میدانی عسکر لک دوگون یریدر. بیلیم که او
نزہتگاه مهالکک شنلکک رینه طاقت گتیر میسکز.
اور انک موسیقیسی آه و این، رقاصه لری حرکات مذبحانہ در.
قان ایچیلیرده غم ینلمز. بنم سزکله تزوجی تصویب ایدن
ملکه حضرتلری سزده برآت هدیه ایتمشلر. بو خطرناک
سیاحتده بویله روح پرور بر رفیقہ یہ مظهریت بنجه عین رحمت
اولور سده سزجه زحمت اولور قورقوسنده یم.

فلوریندا قاوا

بن حضر وسفرده سزکله برابر اولمق ایسترم؛ دائماً
سزکله یالککز سزکله برابر!

فلوریندا نک التدن
طو توب یورو یه رک

زید بن کساد
تشکر لر ایدرم، عزیزدم. سز یانمده بر ملکسکز که
أولسه مده شهید اولمش اولورم؛ محاربده احراز شهادت
ایتمکه حاجت قالماز.

فلوریندا قاوا

دائماً برابر..!

زید بن کساد

یوق سز بردنیوی ملکسگز . برعسکر ایسه چوق
گره اخروی برانسان اولور.

کیدرلر

منظر

۱۲

اشبیلیه ، عزیز بن موسانک اقامتگاه .

مضار

عزیز بن موسی ؛ ایوب بن حبیب ، زید بن کساد ،
فلوریندا قاوا ، ودها برقاچ مأمور معیت .

عزیز بن موسی

أوت پدرمله طارق بن زیاد سر قسطه یه گیرمشلر .
مکتوبك تاربخنه باقیلورسه بزم بواشبیایه داخل اولدیغمز
گون اونلرده سر قسطه یی ضبط ایتمشلر .

زید بن کساد

ایشتدیگمزه گوره سر قسطه شهرینك خلقی سائر
بلاد مفتوحه اهالیسنك مظهر اولدقلری بخشایشلردن
محروم قالمشلر ، حتی اهالیدن خونههادیه ایسته دیگمز

تضمین نقدی کلیتلیجه اولدیغندن احاد ناسدن بر چوقلری
ناچار قاله رق کلیسالر مزیناتنه وارنجیه قدر تعرض ایتشلر.

عزیز بن موسی

بونلر اراجیف قیلنددر . بدخواه لرك اشاعاتنه
ایناقم لازم گیرسه اسپانیاده بریام یام اردوسی بولمیدیغه
قائل اولملی . بونکله برابر بزم علیهمزده اولان بواشاغاتک
لهمزده بر تأثیری گوریلیور : چونکه سرقسطه ده بزه
اسناد اولنان بو وحشت دیگر شهرلر اهالیسنه القای دهشت
ایتدیگندن بزم محاصره یه باشلار باشلاماز عرض تسلیمیت
ایدیورلر . هر نه ایسه شمیدیکی قراره گوره اک بیوک امر
عسکریمز پدرم موسی بن نصیر سرقسطه دن غول مملکتنده
«اربونه» شهرینه گیده جک ، صکرده برتات طاغلرینی
آشهرقینه اسپانیایه عودت وینه غربه توجه ایده جگدر .
طارق بن زیاد ایسه او بر طرفده قالان محملری ضبط
ایتمک اوزره معیتده کی فرقه لر ایله عزیمت ایده جگندن
سرقسطه ده مغیرالرومی قاله جقدر .

ایوب بن حمیب

طارق ابن زیادک ابره نه رینی پک چوق تلفات ویره رک
مرور ایتدیکی حکایه اولنیور .

عزیز بن موسی

أوت پدرمكده اشتورقهده خیلی ضایعاتی وار.

ایوب بن حبیب

مظفویتلك اهمیتی ضایعات ایاه آرتار، شان قانلی در!

عزیز بن موسی

مملکتلر قلب نسا گیدر. تسخیری قولایسهده اداره سی
گو جدر .

ایوب بن حبیب

فقط قلعه لرنده تدمیرگی برمدافع بولورسه اوپله
برشهری ضبط ایتك پك اوقدر سهل اولمسه گر کدر .

عزیز بن موسی

تدمیر حقنده باقکیز پدرم نه دیور؛ برکاغد چیقاروب شویله
اوقور «تدمیره غلبه ایتدکدن صکره عرض اطاعت ایده جك
اولورسه کنديسنی حرمتله قبول ایت؛ چونکه او،
بيوك بردشمن وقهرمان برعسکر در. اوپله برقهرمان که
وقتيله ایتدیکی سرکشانه حرکتلردن متولد خصوصتمی
یوگون استیحسانه تحویل ایتدی. اشبیلیهده کی مأموریتك

ختامه ایرد کدن، یعنی (اوریوطه)، (الیره)، (بنیره)
شهر لرینی آلدق دن صکره (طایطله) یه عودتله وصولزه
انتظار ایده سین . »

ایوب بن حبیب

حسابجه بزدمیرله نروده مصادمه ایده جگیز ؟

عزیز بن موسی

اونک بورایی ترک ایدن اردوسی شمدی - لورقه -
جوارنده بولنیور . بزده یارین حرکت ایده جگیز .

فلوریندا قاوا

عفو ایدرسکیز امیر حضرتلری ؛ بزده معیتگزده
گله جگمی یز ؟

عزیز بن موسی معنیدار ومتبسم برنظرله

حایر ، زوجکیزله سز برادریم امیر مروانک بورایه
مواصلتنی بکلیه جکسکیز .

فلوریندا قاوا

بوطوغریسی پک شایان انتظار برشرف ؛ سبب نجاتم
اولان برادر عزیزگزری گوره جگم . یاقینده گله جکلرمی ؟

عزیز بن موسی

اوت، ملکه حضرتلرینک معیتده گله جک. ملکه نك
 طلیطله دن مفارقتنده پدرکزمسلم موقه زمامدار حکومت
 اوله جقسه ده صکره اونک یزینه اصالة زوجکز ابن کسادى
 تعیین اولنور ظن ایدرم. پدرمک امور حکومتده نیتی ایله
 حرکتی برابر اولور. نه یامق ایستدیگنی یاپدقن صکره
 گوسترر .

فلوریندا قاوا

مساعده گزله شونی سؤال ایده یم : پدرم اهتدا
 ایتمش، محب اسلام اولدیغی بیلنمش ایکن طلیطله ده کی
 مأموریتنک موقت اولسی عجا اعتماد ایدلمدیگندمی در؟

عزیز بن موسی

اعتماد ایدلمش اولسه اوکا موقت بر مأموریتده
 ویرلمز ایدی. شمدیلک او یله یاپلق ایجاب ایتمش اولمی.
 کندی کندی نه اهتدالرك چوغی منفعت تحتنده در. دیانت
 دگشمگله طینت دگشمش اولماز. تبدیل تابعیت ایتمگله
 ملیت تبدل ایده میه جگی گبی. مسلم تشکیر ایتسون که
 یاننده رفیقه سی عذرا بولنیور؛ اوکا جولیانوساق ایتدیرمز.

منظر

۱۳

یولده بـرموقـع ، قرالیچه ایلانک چادری ایچنده

مضار

صوللا ، لوئیزا ، ایکیسیده یول قیافتنده

لوئیزا

بوراسی یاری یول ایمش او یله می ؟

صوللا

أوت ، ایکی گون صکره اشیلیمده عزیزه ملاقی
اوله جقمشز .

لوئیزا

فقط جوایانوسک ، نام دیگری ، مسلمک طایطلهده
محافظ قالمسی بکنا پک غربب گلیور . موقتده اولسه
بوگون حکومت اونک أئنده . جولیانوس بروقت انشته سنک
بروقتده دشمنی اولان رودریقک پای تختنده عذرانک
قوجه سی مسلم اوله رق حکومت ایدیور .

صوللا

عالمده نه لر اولماز . بزتارینخده گورلمه یین انقلاباتی

گوزمك او گنده گوردك. عبرت آلمه جق شی هیچ یوقدر.
 هله اك زیاده دگشمك انسانلرده گورولور . سینه لرك
 مروریه غالباً ایچ یوزمزه اختیارلاشیور . چهره لر ،
 جته لرگی فکر لر ، عقیده لرده دگشیور ، مثلاً شوگلن
 ادلینا مرقادو ... بوسبتون بشقه برقر اولدی . دهای
 آیی اولدی عجا ؟

لوئیزا

اونك آیلدی بر خسته لقدی ؛ خسته لنی نصل آیی
 اوله بیلیر ؟

ادلینا متفکر برحالده

قرالچه سزی ایستیور .

صولا ایله لوئیزا شتاب ایدرلر

مضار

ادلینا مرقادو ، صکره مروان ، دها صکره صوللا واک
 صکره دوشس دولوزیطانیا .

ادلینا مرقادو

گورمگه تحمل ایدوبده یره گچمك ، ویا گوره میوبده
 کدرندن گبرمك ؛ یرده گوکده نه قدر مخلوقات وارسه بگا
 اعنت ایتمسون که وطنمك انقاض خرایبسی اوستنده طورمش

اونك تجلیسنه انتظار ایدیورم ! گونش سیاهلره غرق
اوله رق مؤبدآباتسون، یلدرلر وحشت و خجالتله سمواتدن
سافلینه فرار ایتسون، روزگار فریاد و فغان ایدرك عرش
اعلايه التجا ایتسون که ادلینا مرقادو عزیز بن موسایی
سویور!.. حدت و شدتله اغلادقدن سکره عجب بختیار معشوقه سنك
اشیدیلیه مواصلتنی بکلیه جکمی ؟ عجب او شایان تنفر
عاشقه سنك حالا مفتونی گورینه جکمی ؟ ویا هر شیئی ترك
وفدا ایدرك ینه می وظیفه سی میدانه شتاب ایده جك !
یاری ، یاری ! عزیز بن موسی قولگه عجا سنك ده می
میل و محبتك وارکه بنم اوکا اولان مجذوبیتمی بکا بویه
منحوس و مستهجن گوستریورسین ؟ سنك سودیگك
بر آدمی بن نیچون سومیهیم : سن که اونك ده ، بنم ده
خالقمرسین ! سنك قدرت و جبروتکدن بر نمونه ، عظمت
بی نهایتکه بر ایشانه اولمق ایچون خلق ایتدیگك اوده ای
خارق العاده بی مفتون ایدن کیمدر ؟ وینه کیمدر که بی
مفتون ایتدیگیچون بی دلخون ایدیور ؟ بن سنك او خارقه
بشریتده تجلی ایدن معجزاتکی گورمهیم ده نه یاپهیم ؟
أولوم دنیلان ذات هادم اللذاته می طاپهیم ؟ أوله یممی ،
أوله یممی ؟ یاری!... أولیر سه می گوله جگم ؟ دوشنوب کزینره رك

فی الواقع، اوت فی الحقیقه... الوهیتله انسانیتک اره سنده خفی
و محرم بر واسطه، بلکه ده قلبی و روحانی بر رابطه اولان اولوم ده
مقدّ سدر. اولمک یالکزشان عبدیت دگل هم ده عین عبادتو؛
صوکه نفس لله دیمکدر. فقط انسان یاشارکن ده اولیرکن ده
خیرلی بر خدمت ایتمش اولمی. بن اگر بوجعیته مضرایسه م
عدم اوکا بر نعمت اولور، فقط مفیدایسه م رحمت اولماز.
ویران اولان اسپانیا اعاده عمرانی ایده جک؛ یالکزشاونک
انقراض منهدمه سنه بنم ده کیمکارم قاتلمش اوله جق! فقط
قاله یم ده بومنحوس اشتیاق دوامی ایتسون! بردن تغیر و تهووله
او، او، او، اولمی! بن کندمی دگل اوئی اولدیر ملیم!
جمعیته خیرم، وظیفه ملیهم، فریضه وطنیه بودر! بن
دشمن شکلنده گورنین او عنایت الهیه یه تحمل ایده میه جگم!
عزیز بن موسی کیمدر! بنم معشوقم. او معشوق کائناتک
فوقنده بر مخلوق. ایسترسه عرش اعلا یه قدر اعتلا ایتسون.
بن اوئی بنم معشوقم اولمق مرتبه سندن ایندیره جگم! او
اینه جک، یقیله جق، بن ده آنجق اونک ضربیله ازیله جگم!
اشته اوزمان حاکم بر ملتک موقع احترامی، محکوم بر ملتک ده
شرف انتقامی آله جق! بر حرکتدن صکره صوت بلند ایله الله ایله
عهدم اولسون! مروانک چادره کیرمسیره بو کیم؟ برادری
مروان!....

مضار

مروان بن موسی؛ ادینا مرقادو، صکره صوللا ودوشس
دولوریطانیا

مروان بن موسی

— الله ایله عهدم اولسون — دیه حایقران سزمیدیکز؟

ادینا مرقادو

بن ایدم، یاخود بن دگلم؛ سزک نه وظیفه گز!

مروان بن موسی

حق گز وار. عفو ایدرس گز. عجا ملکه حضر تلرینک
زده اولدیغنی صوره بیایر مییم؟

ادینا مرقادو

نم هیچ برکیمسه نک زده اولدیغدن خبرم یوق.
برآراق صوللا کادیکنده ملکه نک زده اولدیغنی، نه یاپدیغنی
ونه دوشندیگنی بو حامدن صوریگز! بنی تحقیر ایتمه یگز!
حدتله کیدر.

مروان بن موسی متعجباً

دونا صوللا، بو صورتله چیقان قزی یولده گلیرکن

گوردمسه ده کیم اولدیغنی بیلمیورم . خسته میدر ! یوقسه
دیوانه میدر ، نه در ؟

صوللا کیتکه مهیا برحانده

دیوانه دن بتردر : مرقادونک قزی در .

مروان بن موسی

ا گلادم . ملکه حضرتلری نره ده .

صوللا

دیشاریده ، نه رکنا رنده طولاشیور لر . صوللا چیقاردوشش کیرد .

دوشش دولوزیطانیا

بر حاضرلق وار ، امیر حضرتلری ، همان می یوله چیقيله جق ؟

مروان بن موسی کندی کندینه

یکدیگرینه هجوم ایدن ایکی خصمک تصادمگاهنده

بولنق خیرسز بر مجروحیتی انتاج ایدر . جریحه نک

نه طرفدن اصابت ایتدیگنی بیلیمه رک انسان اولیر ؛

اولدیرن ده بیلنمز .

دوشش دولوزیطانیا متعجب

امیر حضرتلری !

مروان بن موسی ینه کندی کندینه

بوقز جغزكده اولسه اولسه قلبی او یله بر برینه دشمن
ایکی حسك چارپشد قلری بر موقده بولنش اوله بیلیر .
جهراً وای ! سزمیسگنز ، دوشس ؟

دوشس لوزیطانیا

ظن ایدرم .

مروان بن موسی

- شمدیمی گیدیه جك - دیه سؤال ایدن سزدیگنز ؛
دگلمی ؟

دوشس لوزیطانیا

شودقیقه ده بوچادرک ایچنده بندن بشقه کیمسه
گورمدیگنزدن البته امین سگزدر .

مروان بن موسی

وقتنده مواصلت ایچون یارم ساعته قدر حرکت لازم
گلیور . ملکه حضر تلرینه عرض ایده جگم . مساعده گزله
گیده یم . چیقه جق اولور

دوشس لوزیطانیا

بنسه چوقدن بری ذات امارتگزی برلحظه اولسون
یالکز گورمک ایستیموردم .

مروان بن موسی

امرکز نه در ؟ تلقیه حاضرم .

دوشس دولوزیطانیا

امرد گل ، براملم وار .

مروان بن موسی

نجه اوامل ده برامر دیمکدر .

دوشس دولوزیطانیا

اوامل سزی گورمکه حاصل اولیور ! یالکز گورمکه؛
شمدیلک بویه . یالکز شمدیلک بویه .

مروان بن موسی کندی کندی

بواصلزاده لرك حاللرنده گیتدکجه غرابتلر گورینیور .
مرهونیتدن منعبت محرومیتلرک ایجابی اولسه گرك . جهوا
مرامگزی اگلایه مدم . عجبا سزده ، چونکه دمنجک

برگنج خانم بنی گورر گورمن کندیسنی تحقیر ابتدگمه
ذاهب اولدی ، سزده بلا سبب مغبرمی اولدیگنر عجبا ؟

دوشس دولوزیطانیا

مرایمی اکلایه مدیگنر ، اوپله می ؟

مروان بن موسی از کجه قلباً مکره جهرا

اوپله دیمک لازم . مع التأسف اوپله .

دوشس دولوزیطانیا

بعض مراملر ، سوپله نادن آکلاشیلور .

مروان بن موسی

حقیقهٔ مرامگزى اکلایه میورم . سوپله یگنر .

دوشس دولوزیطانیا

اتسان بعض کره استبعاد اولنان برحالی آ کلامق

ایسته من ؛ بو اوپولده بر آ کلامایشمی ؟

مروان بن موسی

اوپله ده دگل . ملکه حضر تلرینی بکلمیهیم .

دوشس دولوزیانا کاه عجز کاه نخوتله

اوله ده دگل ، پکی ! ملکه حضرتلرینی بکلمیه لم ،
 پکی ! . احتمالکه سز بنی تحقیر ایتمک ایسته مزسکیز . بونده ده
 شبه یوق . مرامم اگلاشلیور . موجودیم بیلیمور .
 اما شودقیقه ده سزک قارشوگیزده محقر* اولیور مشم .
 بونه دیمک ؟ عفو ایدرسکیز ، امیر ، دنیاده هرشی ایچون
 برطریق برقاعده واردر . یوقی یر ؟ سوزم سزه ویابکا
 عاند دگل ؛ هیچ برملکته اعلان محبت قادین ابتدا
 ایتمز . ایدرمی ؟ ایتدیکنی ایسته مک حقارتدر . سوز بکا
 عاند دگل . سویلیورم . هیچ مرامم اولیه رق سویلیورم .
 سز ذاتاً سویله سه مده مراممی اگلامق ایسته میه جکسکیز .
 ایسته میه جکمیسکیز ؟ بو برروایتدر . بن ده ایشتم . اره ده
 بر محبت پیدا اولنجه سس ارککدن چیقمالی دیرلر . بزده
 عادت بویله در . اما سز ... بلکه سزده ... بلکه سزک
 اعتقاد واعتیاد گز بشقه در . اوئی بیلیم ، بیلیمک ده ایسته مم .
 نصل بیلنیر ؟ اوت ، برقادینک نه دیه جگنی بیلیمه می فئا ،
 پک فئا بر حالدر . بر عذابدر . برقادین بر ارککک یوزینه
 باقارکن الی ایاغی تیتترسه ، لقردی سویلرکن دوداقلری

تیتترسه ، سوز بنم ایچون دکل ، سسی تیتترسه ، قلبی
 تیتتر، یوزی رنگدن رنگه گیرسه ، صکرده مرامی
 آکلاشلمزسه حقارت اولور . عذابدر . خجالتدر .
 گناهدر . دگلمی در ؟ بیلیم که دیلم می دونمور ؟ امیر ،
 سزه برشی سویلهیم . اینی بیلگنر که بن سزی سومیورم .
 سزی سومک خاطر مه بیله گلمز . سومشده اولسهم ؛
 فرض محال بویا ، آکلایه مدیغمی گورنجه - یوق یا گلش
 سویله م- آکلایه مدیگنری گورنجه سزدن نفرت ایدردم !!
 مرانی اکلایورس-کنز ، حالا اکلایورسکنز . اوپله
 دگلمی ! آه ، امیر ! سزی ، بن سزی سومدیگم ایچون
 بو حالدده بولنیورم . البته شبهه ایتمزکنز . قرالیچه هم گوزل
 هم قرالیچه . اوئی بکلمک نصل اولور . عیدر سز او قدر
 ذکیسکنز . قرالیچه اولمیان برقادین نصل سویلیر ؟ سز
 بودرجه بیوکسکنز . بن ، بن سزی نصل سوه بیلپریم ؟
 بن حدمی بیلزمییم ؟ بتون سوزلرم صاچه ، بتون
 حرکتلرم یالان ! اوتوز بش یاشنده برقادینک سومک
 نه حدینه ؟ سوز بگا عائد دگل ، بن اوتوز بش یاشنده دگلم .
 سز اوپله می ظن ایتدیکنز ؟ بلکه قرالیچه حضرتلری
 او یاشده در . هم نصل یاش ؟ قانلی یاش !! آخی برقیقه دن مکره

زهرلی یاش! ماجرالی یاش! تهلکه‌لی یاش!.. نهرکنارنده
سزی بکلیمور. بیورکیز! ایسترسه‌کیز برابر گیده‌لمده
گورکیز. هانگیمز دها گوزل، هانگیمز دها گنج،
بنمی، اومی؟... یاقیندن گوریکیز! یوق نه حاجت؟ بن
گیده‌یم سزقالکیز امیر مروان حضر تلی! بنم قاچ یاشنده
اولدینمی دیشلرمی کوستردیگم زمان گوررسکیز!

مروان بن موسی یالکیز

سلاح استعمالنه قدر تصدی! اویله‌می؟ برقادینک
محبتی خصومته وخصومتی محبته پک قولای تحویل اولنور،
بیلیرم. اگر بومستشا برخلقتده دگلسه عاجلاً استعمال
ایده‌جگی سلاحی تسلیمده‌ده استعجال ایدر. قادینلر،
نه‌غریبدر.، بزم کندیلرینی سومکدن بشقه ایشمز
اولمامسینی ایسترلر. حالبوکه زیاده‌جه سودیگمزی گورنجه
اوصانج گتیرلر. نه‌یاپمالی بیلیم.

مضار

قرالیمچه ایلا، دوشسده داخل اولدینی حالده معیننده‌کی
اصلزاده رهینه‌لر. زیدبن کساد. فلوریندا قاوا، اداینامرقادو.

قرالیمچه ایلا

وقت عزیمت للمش، اویله‌می؟ امیر حضر تلی؟

مروان بن موسی

أوت ، ذات حشمتانه گزری بر آن اول مشاق سفردن
قورتار مق ایچون .

قرالیه ایل

بک اعلا ، دائما بن ده اوله جق شیلرک بر آن اول
اولماسنی ایسترم .

صوللا

زید بن کسادتی ایله رفیقہ سی فلوریندا قاوا طلیطله یه
گیتمک اوزره اشیللیه دن گایورلر .

قرالیه ایل

گوروشه لم . «صوللا کیدوب اونرله برابریکیر . مراسم سلام و احترام» .

زید بن کسادتی

ملکه حضر تلری ، امیر عبدالعزیز بن موسی طرفندن
ذات حشمتانه گزیه تبلیغ تعظیبات ایله کسب فخر ایدرم .

قرالیه ایل

ممنون اولدم ، امیر . عافیتده بولندقلرینی ده استبشار
ایتمک ایسترم .

زید بن کساد

بو تبشیر ایله ده کندی بختیار عدایدرم ه انجق اشبیلیه یه
مواصت عالیه گزی بکلمگه وقتلری مساعد اولم دیغدن لورقه یه
گتدیله .

قرالیه ایلایه تغیره

تدمیر علینه می ؟

زید بن کساد

أوت اقدمز . اشبیلیه ده ابن حبيب ، ایوب بن حبيب
قالدی . بنده گزده طلیطاه محافظی مسلمی مشغله دن
تخلیصه گیدیورم .

قرالیه ایلایه

بنده اویله تخمین ایدیوردم . امیر مروان حاضر تلی ،
نه زمان حاضر اوله جغز ؟

مروان بن موسی

شمدی عرب به گز گوندریلور اقدم . " تعظیم ایله سلام ویروب
چیقار " .

قرالیه ایلایه حضاره

سزده هپ حاضر بولم لیسگن . " معیتد ، کیلر چیقار لر ایکن " .
امیر بن کساد ، رفیق گزی بر لحظه بکما امانت ایدرم یسگن ؟

زید بن کساد

کمال ممنونیتله افندمر .

« ههسی چیتار ، یالکز قرالیچه ایله فلوریندا قانور . »

قرالیچه ایلا

محرمانه بر سؤال ایچون سز یالکز گورمک ایسنه دم .
عزیز بن موسانک بنم حقمده کی افکاری نی نصل بولدیگز ؟

فلوریندا قاوا

پک خالص و موافق بولدم .

قرالیچه ایلا

قادینلر برار ککک تمایلاتی ارککلردن دهایی گوررلرده
اونک ایچون سزدن صوردم .

فلوریندا قاوا

بران اوّل ملاقاتکزه پک خواهشگر بولنیوردی .
اشیلیه یه تشریفکزی رجا بیله ایتشیدی ؟

قرالیچه ایلا

اشیلیه سیاحتی بن اختیار ایتدم . کیمسه اخطار
ایتدی .

فلوریندا قاوا

وجدانی مکالمه لرك سامعینی اوله ماز . محتویاتنه مطلع
دگلسه مده بینکزده بر مخابرءقلیه جریان ایتدیگنه قناعت
واردر .

قرالیمچه ایلا

هر حالده بزی بکلمه دن گیتمک اکلا شلماز بر حرکت
اولماسه گر گدر . بونکله برابر حاضر لانه لم .

فلوریندا قاوا

مضطر اولوبده گیتمش اولدیغندن امینم .

قرالیمچه ایلا

اوکئا گوره حاضر لنه لم ! عاجزلر وقوعاته انتظار
ایدر . قویلر وقوعاتی احضار ایدر .

منظر

۱۴

شام ، برقاق یول . بر میدان . اطرافده اولر . میدانده
برجسیم مسجد . بر تربه . مسجدك قیوسی اوکنده ایکی صلی که
بریسنك اوستنده محتمم بر جنازه کورونور .

مضار

سلمان خلیفه ، ارکان دولت ، علما ؛ مشایخ ، امرای
عسکریه ، اماملر ، عساکر ، خدمه سرای ، قادین ارکک
جماعت خلق .

برامام صوت بلند ایله

یا جماعت! ایسته خلیفه ولیدک نمازی قیلندی . بو آدمی
نصل بیلیرسکمز ؟

جماعت هب برآغزدن

ای بیلیرز . اعلی بیلیرز !

امام

الله ولید قولنک مقامنی جنت ایتسون !

جماعت

آمین !...

امام

اوبرچوق مسلمینک دنیا سنی اعمارایتدیگی گبی الله ده
اونک آخرتنی معمور بیورسون .

جماعت

آمین !...

امام

الله خلیفه ولید قوانی غربق رحمت ایتدجکه متبوع
مشروعمر سلیمان خلیفه نك عمر وعافیتنی مزداد ودائم وشوكت
وسلطنتنی شراعدادن مصون وسالم بیورسون !

جماعت

آمین ! ...

امام

الله اونی سلفنك اثرینه اقتفاءً طریق عدالتده گیتدجکه ،
توفیقنه مظهر وبوامت مرحومه یه رهبر سعادت وهدایت
اولماسنی نصیب ومیسر ایتسون .

جماعت

آمین ! ...

« بومدت سکوت . رکن اول سلمان خلیفه یه تعظیم ایله تقرب ایدر »

رکن اول

خلافتپناه افدمز . جنازه نك تخصیص بیوریان تربیه
دفنی ایچون فرمان هایوننگزه انتظار اوانیور .

سایمان خلیفه غایت مکدر

بندن بویه بر فرمان صدور ایده جگندن طولانی
 الیم بر حالت روحیه ایچنده یم . بلکه صوڪ نفسم چیقار کن
 بوقدر معذب اولمام ! فقط نه چاره ؟ تقدیر الهی بویه ایتمش .
 بزم ده گیده جگیزیر اوراسی دگلمی ؟ « تباکی ایله » مرحوم
 شوتربه بی وصیت ایتمش ایدی . بن اونک هم خلفی یم .
 هم ده تربه داری اوله حغم . و نعش مغفوری کنندی
 اوموزمده گوتوره جگم . جتمکانک بووصیتدن بشقه
 برده سیاسی براراده سی واردی که موسی بن نصیر ایله
 طارق بن زیاد اره سنده پیدا اولان مبیئتدن متأثر اولدیغی
 جهتله آرارینی بولمق ایچون ایکیسنک ده جلبه داثر ایدی .
 البته خبردار سگزر .

رکن اول

اوت ، افدنر . ایکسی ده دعوت بیورلمش ایدی .
 لکن صکره دن اومبیئت برطرف اوله رق ارالرنده مقارنت
 حاصل اولدیغدن جلبلرینه حاجت قالمدیغی ده کندیلرینه
 امر و اشعار بیورلدی .

سایمان خلیفه

بنم خصوصی مستخبراتم اوله دگل . ضدیت حالا

دوام ایدیورمش. بوايسه اردولر من بپنندهده سرايتی انتاج
ایدر، شو حالده مرحومك اولکی اراده سنی تأکید
ایده لم. امور عسکریه من ریاستنی عزیز ایله مروانه ترك
ایدرك موسی ایله طارق همان بورایه گلسونلر.

رکن اول

فرمان افدمزك !

سلیمان خلیفه

بالجمله ارکانمزی مأموریتلر ننده ابقا ایتدم « ارکان و علماء عموماً
را کما نه تشکر ایدرلر. » مرحومك کافه اجراءات حسنه
و تشبثات عادلانه سنده کندیسنه پیرو اولمه یی سز لره توصیه
ایله برابر کندم ده او طریق مشروعه دوام ایتمگی اخص
آمال بیلدیگمدن وظیفه خلافتی اوکما گوره ایفاییده جگمه
اونك نعش مبارکی قارشیسنده و حضور جماعته یمین ایله
مسلمینی تأمین ایدرم. الله جمله منی موفق ایلیه !

جماعت

آمین !...

سلیمان خلیفه

شمدی ده بومقدس و مؤلم فریضه یی اجرا ایده لم.

ابن موسی

« ارکان دولت و سائر ایلہ برلکده تقرب! یتدیی جنازه یی هب بردن قلدیروب
تکبیر ایلہ کوتوردکری واونلرک تباعدیلہ خلقک غافلغه باشلادیغی صرده
خدمه دن ایکی کشی کریده! قاله رق بروجه آتی غونوشورلر : »

برنجی خادم

نه دیر سین بوایشه ؟

ایکنجی خادم

سنگ دیه جگگی دیرم .

برنجی خادم

باق هر کسی الداتمق ایچون جنازه یی کندسی گوتوریور!

ایکنجی خادم

اوت ، حتی نه قدرده مکدر گورونه بیلیور ؟

برنجی خادم

خلیفه ولیدگی اولمگی ایسترسین آ ؟

ایکنجی خادم

سلیمان خلیفه گبی یشامنی ایسته میا !

برنجی خادم

موسی ایلہ طارق گلدکدن صکره نه لر اوله جق ؟.

البته بیلیر سین .

ایکنجی خادم

خصوصیله نیچون گلیورلر؟ اونی ده بیلمز دگلم .
فقط استقبالی گورن گوزلر مزی آچیله . صکره بو حریف
اونلری اویدرلر !

برنجی خادم

بزم استقبالمز خلیفه نك دوداقلرینه مربوطدر .
بیایم . لکن خلیفه نك ده استقبالی بزم صداقتنزه باغلی در .
بزاونك اڭ قورقونج اسرارینه واقف .

ایکنجی خادم

نیابت زماننده کی مظهریت او یله ایدی ؛ خلافت
گچدگدن صکره اوله حق تجلی بیانمز . بونلر هر کس
گی دگلدر . خالقك شمارمش قوللریدر . ولی عهد ایکن
مکمل گورونوب خلافت گچنجه نقیصه دار اولور .
ودون محرم بیلدکلرینی بوگون یبانجی کورمگی موافق
بولورلر . بر آدمی لطفاً و مرحمةً اولدیرلر ! حتی اڭ
سودکلرینی جنایتیه سوق ایدرلرده صکره جزایه چارپارلر .
خلیفه ولیدی استنا ایدرسه ك بونلر ك قسم اعظمی بویله در .

مرحومك اولمكدن ، فانيلر ايچنده بولمقدن بشقه نقصانی
يوقدی . بونگسه اك بيوك قباحتی موجودیتی در . بز پك
اعلا بيليرزكه موسی ايله طارقی بورايه جلب ايتمی ممالك
مفتوحه ده قالورلرسه براندلس دولتی تأسیس ایده بيله جكلری
واهمه سندن نشأت ایدیور . اوندن صكره نوبت جلب ،
ياخود صورت سلب موسانك اوغللری عبدالعزيز ايله
مروان حقنده تجلی ایده جگنی ده بيلمز دگلز . بونلر
هب ولايت عهد ايامنده تحصيل ایدلمش معلوماتدر . فقط
شمدی بيلمگه گلمز . قطعياً تجاهل ایتلی ز .

برنجی خادم

بن او قدر احتیاطکار دگم ، عقبه ! اوسنجه قورقونج
ایسه نجه قورقاق برآمددر .

ایکنجی خادم یعنی عقبه

قورقاقلردن حذر لازمدر ، ولید ! سباعك وحشیلگی
برازده تو حشرلرنددر .

برنجی خادم یعنی ولید

بن آچ قاله جق اولورسم بهایم بدن زیاده وحشی اولورم !

سن ایسترسهك گیت . رحمتی خلیفهك تربه داری اول .
بن دولتی خلیفهك خزینه داری اوله جغم .

منظر

۱۵

« اوریوطه » خارج سورده عزیز بن موسیك قراواهی . چادرلر .
شهر اوزاقدن کورینور .

مضار

عبدالعزیز بن موسی . امرای عسکریه . مجاهدلر ، ساعیلر
کلوب کیدر . آرادده مجاهده قزلر .

عبدالعزیز بن موسی

أوت ، تدمیر ، طاغده بایرده بزی آیلرجه اوغراشد .
یردقدن صکره لورقه محاربه سنده مغلوب اولدی ؛ اوریوطه
دنیلن شو محاصره ایتدیگمز شهره التجا ایتدی . بو آدم
مزیات عسکریهك کافه سنی جامع بر آدم . اگر موجود
معیتی بزدن زیاده اولسه یدی ، ظن ایدرم که محاربه مز
سنه لرجه امتداد ایدردی . دون بزدن ملاقات طلب ایتدی .
بزده موافقت ایتدکسه ده حالا گورنمدی . شهری تسلیم می
ایده جك ، نه یابه جق بیلمم .

برساعی
النده بوکولمش
برکاغده کتیره رک

ایوب بن حبیبدن عزیز بن موسی حضرترلرینه

عزیز بن موسی ^{کاغدی آلوب}
اوقود قدن صکره

بر تبشیر ظفردها ! ایوب - بزه - یه داخل اولمش .
دشمن ده - البیره - یه رجعت ایتمش .

حضاردن برقچی

بارك الله ! تبریک اولنور ! بیوک موفقیت !

عزیز بن موسی

بورانک ضبطندن صکره البیره یه بز گیدرز. ایوب
قشتاله ده طریف بن مالکک امدادینه گیتسون . زیرا
طریف گیتدکجه ضعیف دوشیورمش . بوکاغده اویله
جواب یازلسون .

براهیر

پکی اقدام . چیقار . بر مجاهد کلیر . برقچده مجاهده کورونور .

مجاهد

اقدام ! شهردن بر مجنون گلدی . ایلچی یم دیور .
ذات امارتکیزی گورمک ایستیور . تد میر طرفندن گلیورمش .

عزیز بن موسی

براقکزی گلسون .

برمجا هده

بوراسی عرب اردو گاهیدر. تیمارخانه دگلدر دیدک .
حایقیرمغه باشلادی. اویله اییچی اولورمی اقدام ؟

عزیز بن موسی مصرأ

براقکنز گلسون . « مجاهدله مجده لریکدر . » بلکه تدمیرک
گندیسیدرده متکراً گلیور . زیاده عاقل اولانلری عوام
مجنون صانور . ذاتاً عقلانک ائارجنت گوسترمسی بر
تنگردر . هر حالده بو گلن ایلیچی به نیم عزیز بن موسی اولدیغمی
آکلاتمه جق بر طورده بولنکیز . فی الحقیقه تدمیر ایسه
بر برمرزی تفریق ایده جگمزدن امینم .

خارجده بر سس

أی یا ، سلاحلرمی آلدیکیز . جانورک طرناقلرینی
کسیدیکیز ، دیشلرینی سو کدیکیز . دهانه ایستیورسکیز .
براقکنز گچهیم !

مضار

« اولمکیلر . ایلیچی یعنی تدمیر . مخلوط افراد »

ایلیچی شدید وحید

بوده بر غریبه : دشمنلرک قارشوسنه سلاحمنز
حقیقورم !

امرا دن بری

سزه سلاحگزی براقده اوپله گلك دیدلرمی ؟

ایلچی

دیگه حاجت قالمادی : نهم وارسه آمدن آدیلر !
ذخیره من مهماتمز یوق، امداد یوللری قابالی؛ یوقسه شهر
خاك ايله یکسان اولنجیه قدر تدمیر ثبات ایدردی. آمرگز
ابن موسی زرده ده ؟

عزیز بن موسی

اوشمدی برازا استراحت ایدیور. سزایلچی ایسه گز
سویله جگگزی سویله یك.

ایلچی

بن او ذاتك استراحت ایتدیگنه اینا تمام. اوبلكه رؤیاسنده
بیله فعال و محاربدرن. مركزك هر طرفده حاضر و ناظر
گبی اولان او امیر سمیع و بصیر استراحت ایتمز. مطلق
اونی یا گورملی یم یا خود گوریورم.

عزیز بن موسی

فرض ایدیكز كه گوریورسكز ؛ اوده بلكه تدمیرك.

ایلچیسنی دگل کندیسنی گوریور . اگر شهری تسلیم
ایدرسه گز ممنوناً قبول ایدرز .

ایلچی یعنی تدمیر

بربرمزی طانیدق ، اونده شبهه یوق . دشمنمده
اولسه گز بینمزده براخوت عسکریه وار .

عزیز بن موسی

یازق که سزکگی دلاور برمسلك برادرینی دشمن
طرفنده گوریورم . اگر اسلام طرفنده اولسیدیکز ،
بوگون بنم مقامده سزبولنوردیکز .

تدمیر

بنی متأتر ایدیورسگیز . یارین بن سزه شهری امانت
ایده جگم . سزده بنم روحمی قابض ارواحه تسلیم ایده -
جکسگیز !

عزیز بن موسی

قونت تدمیر ! سز آماناً وسالما بزم یانمزده قاله جقسگیز .

تدمیر

امیر بن موسی ! بن هیچ بروقتده اسیرقالیده جغم .

عزیز بن موسی

اسیر دگل ، امیر اوله جقسکیز .

تدمیر

ایسته م !

عزیز بن موسی

نه ایسترسکیز !

تدمیر

اگر اوله مگه محکوم ایسه م انسان جمعیتدن وانسان
قیافتندن حیق مق ایسترم . اوله بریرد گیتمک ایسترم که
انقلابات کونیه دن متأثر اولماسون ! بهایم دن غیری مجاوری ،
فصول و مواسم دن بشقه زائری بولنماسون !

عزیز بن موسی

انقلابات کونیه بی فصول و مواسم گتیرر . اوندن
نه جمادات و بهایم مصون اولور ، نه اقطار و اقالیم ! زیروح
ویروح بتون موجودات دگشمگه محکومدر .

تدمیر

ینه بشریت قدر دگشکیز . بن بشریتدن اوزاق اولمق .

ایچون، انسان چهره سنک نصل اولدیغی اونوتمق ایچون
تک وتنها بر مغاره ده اعتکاف ایده جگم ! مزارمی نسناسلره
قازدیره جغم ! مادام که انسانلر حیاتمدن استفاده ایتمگی
بیلمدیلر . نعضمی جانورلر ییسون ! سزک طرفده امیر
اوله جق اولورسه م خلیفه دن ده خلقدن ده گوره جگم تحقیر
اوله جق دگلمی ؟ ایسته مم !

عزیز بن موسی

سز - مورسیه - ایالتنه گیده جگسکزر . اوایالتی تشکیل
ایدن یدی شهر سزک ید اداره کزیه تودیعی ایدیله جک ؛
بر مقدار ویرگویه ربط اولنه جق ؛ اسمنده - ارض تد میر -
دینله جک . سزه حرمت ایتمگی بزه خلیفه نامنه توصیه
ایتدیلر . بر آد مه حرمت اینمک اونک قدرینه گوره
خدمت ویرمکدر . تکریمات قولیه داعی اشتباه اوله -
بیلیرسه ده تقدیرات فعلیه امنیت ویرر .

تد میر

بن بواهلنواز مکافاتی متبوعم اولان سابق اسپانیا
قرالرندن گورمدم . اونلرک قدر ناشناسلخی ، قیمتشکنلگی
بنی حمیت یولندن انحرافه سوق ایتدیگی گبی سزکده

بخشایش نواز شکار گز بر سائقه نکول اوله ماز . تودیع
ایتدیگنر ایالاتی حسن اداره ایتمکه برابر المدن گلیرسه
اسپانیا حکومتک اعاده سی اسبابنه توسل ایده جگمی
بیللمیسگز .

عزیز بن موسی

بیلسه کده اهمیت یوق . بزه حیّت ملیّه کزدن زیاده
اهمیت جبلّه کزل لازم . بوگون فصول و مواسم دیه مزسه مده
یارین دهور و اعصار بلکه ینه بر انقلاب استحضار ایدر .
آنحوق حال حاضرده اسپانیا حکومتی عودت ایدمه جگندن
بزه ایسته سه کزده اهانت ایده مزسگز .

تدمیر

بن سزه قارشو وجدانمی عیان ایتمک ایستدم . سز دشمن
سرداری اولدیغ کزدن دشمنلک حتم کزدر . او حق بن دده
حائرم ، دگلمی ؛ بونکله برابر حقلی و مجبوری اولان بو
عداوتی قاله الماسه ق بیله بنم بوگون اوچ بیوک دشمن وار
دیمک ایسترم . برنجیسی خلقة بندن بیوک اولدیغ کز
ایچون ذات امیرانه کز ؛ ایکنجیسی تبدیل دیانت ایتدیگی چون
جولیانوس ، اوچنجیسی زوجی اولان قرالک محاربه ده مقتولا

وفاتی متعاقب هوای نفسنه تابعیت ایتمک ایسته یین قرالیچه
ایلادر!

عزیز بن موسی

بنی بیوک گورمه کز اوزاقده بولمندیغ کز دندر. گورد-
یگ کز بیو کلک ده بزم دگل، شریعتمز کدر. جولیانوس اونی
گوردیگی چون مسلم اولدی. قرالیچه یه گلنجه رودریق
او کاسرا نی زندان، کندینی ایسه بر غریبه میدان ایتمش ایدی.

تدمیر

امیر ابن موسی! بر ملک یا خود ملکه اسیر اولدقن
صکرده ده اتحار ایتمزسه اونک حیاتی ذلیل اولمازمی؟ خصوصیه
اوله بر حیاته تنزلدن صکره برده دشمنلرینه التجا ایدرسه
نه درجه لرده تذلل ایتمش اولور؟ بر کره تأمل بیور کز.

عبدالعزیز بن موسی

- دشمنلرینه التجا - سوزینه محل یوق - ملکه
حضر تلرینک بزم طرفده هیچ بردشمنی اوله ماز. کندیلری
بوگون قرالیچه دگلسه لراسیرده دگلر در. مسلمان اولق
ویا خرسیتیان قالمق گبی احواله گلنجه انهار ادیانک منبعی اولان
فضای حقیقتدن نشأت ایتمش بر نادره قدرت ایچون دیانت

وملیت تفرقه لرینی دوشونمک اقتضایتمز. ایلا، بنم نظر مده
نه مسلم نه عیسویدر؛ دین وجدان ایله تدین ایتمش بر مخلوق
علویدر.

تدمیر

یالکز نفسمی دوشونمک لازم گلدیگی زمان بنده
اولیه دوشونورم. انجق بنم عیسویلکم حضرت عیسی
ایچون اولمقدن زیاده عیسویلر ایچوندیر. وطن ایدرمکه
سزده نماز گزده ظاهر آ امامه فقط باطناً جماعته اقتدا ایدرسکمز.
اسپانیایقرا ایچه سی اسپانیول جمعیتنی دوشونمدی. عیسایی ده،
عیسویلری ده هوایاتنه فدا ایتدی. او، سزجه، بر نادره
قدرت ایسه بنجه بر خاطره ضجرتدر.

ارقه سنده بر طاقم
افرادوالنده بر کاغد

بر ساعی

امیر موسی بن بصیر حضر تلرندن امیر عبدالعزیز بن
موسی حضر تلرینه !

کاغدی آلوب
خفیا اوقوز

« او غلم ! خدمات مهمه من ختام بولدی. طارق بن
زیاد ایله برابر طایطله یه گلدک. بیلیر سین که خلیفه ولید بزم
ایکیمزی ده سفره مسئله سنک حلی ایچون شامه دعوت

ایتمش ودعوته اجابت ایده جگمز صروده بوراده ایکیمز
 بینده مسأله فصل ایدلدیگندن عزیمتمزك تأخیری امر
 بیورلمش ایدی. فقط خلیفه ولید وفات ایتدیگندن....
 «علامت هیجان اوله رق تحرك ایتدکن صکره دوام ایدرك» خلیفه ولید وفات
 ایتدیگندن خلیفه جدید اولکی اراده نی تأکید ایدیور. سن
 بکاء، برادرک مروان ده طارقه وکالت ایتمک اوزره
 ایکیزک ده سریعاً طلیطله به کلمه کز مقتضیدر. پدرک
 موسی. «کندی کندینه» ایشته تقرّبندن قورق دیغم عاقبت!
 «کزینور. خلقده مراقلی مشافهات بر ساعی دهاء، آلهنده بر مکتوبله کلوب طورر.»
 اوده نه در؟ «ایکنجی ساعیدن مکتوبی الوب براز او قودندن صکره»
 زید بن کسادیدن ایکی آی گجیگمش بر مکتوب! بونه دیمک؟

ساعی احترام ایله

— لورقه — ده اسیردوشدم. شمدی به قدر — اوریوط — ده
 ایدم. عسکر نفری ظن ایتدکلرندن اوستمی آرایان اولمدی.
 آتله دیغم زندانده مکتوبی گومدم.

تدمیر

بو آدمک تانار اولدیغنی بز صکره دن آکلادق. حامل
 اولدیغی اوراقی دفعات ایله ایستدیگمز حالده گوسترمدی.

تهدید مزه تأثیر ایتدی. مکتوبی شمدی ویریور. اماء ذات
امارتکزه ویریور!

عبدالعزیز بن موسی

آفرین: اونه در، اَلکده بر مکتوب دها وار!

ساعی

بوده اون بش گونلک بر کاغد اولسه گرک. اوریو طده
سائر اسرا ایلہ برابر قویویرلدکن صگره یولده بورایه
گلیرکن بزدن ایکی تاتار بو طرفه طوغری قوشیورلردی.
قلعه دن اوق آتدیلر. کندیلریده هچینلری ده مجروح
دوشدیلر. بن یتشدم. طلیطله دن گایورلر مش. - بلکه
أولورز - دیهرک بومکتوبی بگا امانت ایتدیلر.

عبدالعزیز بن موسی

ینه آفرین سکا!.. چالق مجروحلرک امدادینه
برقاچ کیشی گیتسون. گوریورم که هب مراقده سکنز.
«ایکی اوچ مجاهد کیدر. عومه» خلیفه ولید وفات ایتمش؛ بوضایعات
عظیمه دندر. سلیمان خلیفه اجلاس ایدلمش! «کندی کندینه»
بوده حادثات الیه دن! «ایکنچی مکتوبی اوقویه رق» «پدرکیز

موسی بن نصیر حضرتلری و طارق بن زیاد ایله همشیره گز
سیده زهرا ، مخدوملری معین الدین ایله برابر یوگون
سوریه یه متوجهاً حرکت ایتدیلر. فتحنه مأمور اولدیغ گز
شهرلردن بشقه اسپانیانک هر طرفی صلح و سکون و امنیت
ایچنده در . امیر مروان اشیلیده ده ؛ طریف بن مالک
قشستالیده ؛ مغیزالرومی سرقسطه دن مریدایه گلدی .
حیب بن غازان ایله حیب بن عباس سرقسطه یه گچدکلر .
سبته ده محمد بن عوف قالدی . بنده گز زید بن کسادیده
طایطلیده تشریف امیرانه گزه انتظار ایتکده ایم . «
» بر حرکتدن صکره » بده البیره یی آلدق دن صکره سریعاً
طایطلیده گیده جگز !

تدمیر

هیچ بر طرفی آلمغه گیتمیگز ، امیر حضرتلری ؟
مادام که تدمیر یانگزه در ؛ ارتق بتون اسپانیاشهرلر بنک
قبولری سزک ایچون آچیقدر .

عبدالعزیز بن موسی

استقبال یولنده ماضیدن استمداد ایتما مک حاله ده
موافق اولور . قبولر آچلماز سه قیریلور ! سز شمذیلک

استراحت ایدك ! ایکی معناسیله مستریح اولك . بن عسکری
تفتیش ایده جگم . براز صکره ینه ملاقی اولورز . یاخود
ایکیمزده یولده بولنورز .

عنبرزایله بتون معیت کیدر . تدمیرقالور ، پرقاچ مجاهده برکنارده طورر .

تدمیر

اوقپولردن گوروب چیقانلرك حد و حسابی یوقدر .
ای سردار ! اسپانیانك محتشم و متحرك سریرلر سوار
اولمش حکمدارلری اوقپولردن گیردی ؛ فقط اسپانیانك
جنازه آلاپی ده اوقپولردن چیقدی ! حقیقت حال دوشو-
نیله جك اولورسه اوقپولر برطاقم خیالات اردولرینك
گذرگاهیی در ! سنك آایلرك ده گوروب یارین چیقار ؛
بوگون زرهبوش و مجهز ، یارین قدید و محقر ! بوگون
اسپانیاده سکا مفتوح اولان شهرلرك هربری ، برملتک
مقبره سی در ؛ ظلمات نسیان ایچنده کسوه تاریخنن بیاه
عریان ، طیوف حالتده ملتیر ! اوقپولر اومقبره نك سکا
آچلمش قاپاقلریدر ! اومخلوقات هیچینك بتون مقدّسات
وموجوداتکله برابر سنی ریر وزیر ، سنی بی نام ونشان
ایده جك قنادریدر ؛ ای بی خبر ! ... « کمرینوب بردن بره طوردارق »
نه غریب شی ! بن بر بشقه آدمی اولدم عجباً ؟ بوگونکی

حالی، بوشمدی بولندیغم حال و موقعی دوشنمیورم ده زره دن
 زره یه گیدیورم! ماضی غیر مورخ فکرلرینک، آتی
 آدمیتک بوچادرده نه ایشی وار؟ «ینه برتغیرله» اوت، بوپک
 طبعیدر؛ محاربه آچیلور؛ جمعیت بشریه نک برعضوی
 قوپار، دنیانک برطرفی یقیلوب برطرفی یاپلور. بربرینی
 یمیش انسانلرله طولو برمحشر؛ بربرینه گچمش کیکلرله
 بنا ایدلمش آبدلر عربلز مظفر، بزمنهزم! بونلر یچون
 اولیور؟ بوندن یتمش سنه اول اسپانیایی گزدکدن صکره
 عودت ایدن برعرب، حجازده ویاسوریه ده بردیگر عرب
 اسپانیادن بحث ایتمش، اونک ایچون اولیور! اسپانیانک ارضاً
 معموریتله اهاالیسنک طبعاً خراب اولدیغنی حکایه ایتمش،
 آب وهواسنی ثنا ایله برابر حکمدارینک تابع هوائات
 اولدیغنی و آزچوق، برهمتله مملکتک ضبط و تسخیری قابل
 اوله جغنی سویلش، اشته بو محاربه، بوانقلاب اونک ایچون
 اولیور!.. اگر اوعرب اسپانیادن عودتنده برقضایه
 اوغراسه یدی عربلر اسپانیایه گله میه جکلرمش دیمک!
 نته کیمن حکمدار اولسیدم، اسپانیاده بوقضایه اوغرامازدی!
 شمدی بیله... شمدی بیله... بن مطلق - مرسیه -
 ده نک طور میه جغم! عزیز نه یاپاجق؟ برابر می گیده جگیز؟
 بوقزلر؟... سز کی مسکیز؟

برنجی مجاہدہ

عسکرز. معیتگزده بولنیورز.

تدمیر

اسیر می یم ؟

برنجی مجاہدہ

حایر، سفیرسگنز.

تدمیر

برمأموریتگنز اولسه کرک ؟

برنجی مجاہدہ

سنزی محافظه ایتمگه مأمورز.

تدمیر

عجبا رؤیای گوریورم ؟

برنجی مجاہدہ

حایر، مقابله گوریورسگنز.

تدمیر

نهدیمک ؟

ایکنجی مجاهده

سزك برچوق اسپانیول قادینلرینی ارکک قیافته
صوفوب عسکرگی قلعهیه چیقاردیگز ومقابله ..

تدمیر

أوت ، عزیز بن موسایه بن قادینلرله مدافعه ایتک
ایسته مشدم ؛ بنی ده عزیز بن موسی قزلرله محافظه ایتک
ایستور . او یله می ؟ پک اعلا . شمدی نه یاپه جغز ؟

اوچنجی مجاهده

هر نه یامغی ارزو ایدرسه گز .

تدمیر

پکی اما ، سز پک گنج وگوزلسگز . اگر بویله
محافظه اولنه جقلرسه بتون اسپانیوللر اسیر اولمهی ایسترلر .
«کولر ، فقط مجاهده لر جدیتلرنده ثابت .»

بردیکر مجاهده خارجدن کله رک

قونت حضرتلری ، بکله نیورسگز .

تدمیر

کیم بکلیور ؟ نروده ؟

ینه او مجاهده

— البیره — یولنده . امیر بن موسی .

تدمیر

امیر بن موسی نروده ؟

مجاهده

ایشته آتیه بینور !

« خارجه اصوات و حرکات عکسلی و تقاریر . »

منظر

۱۶

طلیطله . زید بن کسادینک اقامتگاه . ساده براوطه .

مضار

زید بن کساد ، فلوریندا قاوا

زید بن کساد

نه قدر نورانیسین ، فلوریندا ! مهتاب حسنک رؤیامه
بیله عکس ایدیور ، گچن آقشام ، بن او یورکن ، باش
اوجده گلوب طور مشدک ؛ صباح اولدی صاندمد
اویاندم ؛ دگلمی ؟

فلوریندا قاوا

اورته لقدمه نه لر اولیور ، بکا هیچ سویله میورسین ده
رؤیادن بحث ایدیورسین .

زید بن کساد

ستم سویلرکن دوداقلرک حرکته باقیورم ؛ عیفله
برغجه نك آچلما سنه بکزیور ، آچلادیغی بللی اولیه رق
آچیلیور دیمک ایسترم . روحانی بر حرکت . مغوی
برسس ، برتکلم .

فلوریندا قاوا

هر حالده تأثیرمنز بر تظلم !... حرکم اولدمسه ده
محرمک اوله میورم .

زید بن کساد

گوزلرکده بتون ملکلرک جاذبه گودینی ، صاحب رکده
بتون یلدیزلرک انوارلرزه دارینی گوریورم . سنک یاکنده
عیوقه چیقمش گی اولیورم !

فلوریندا قاوا

بن احوال ارضیه دن ، وقوعات ملکیه دن ، محلیه دن
خبرلر ایستیورم .

زید بن کسادى

بنم سکا یالکمز محبتم وار. سهاده کیلرک یرلنه ارتباطی
اوله بیلیر ؟

فلوریندا قاوا

سنگ بکا یالکمز امنیتک یوق ! یرده کیلرک سما ایله
نصل اختلاطی اوله بیلیر ؟

زید بن کسادى

وقم یوق ، فلوریندا . او قدر مشغولم که سنی انحق
سومگه وقت بوله بیلورم .

فلوریندا قاوا

اشته ابن الوقت اولان عزیز بن موسی گلدی . بزدهده .
ایسته دیگمز قدر بوش وخوش و قتلر گتیردی . اطرافمزده
نهلر دوران ایتدیگنی سویله یه بیلیر سین .

زید بن کسادى

عزیز بن موسی گلدیسه ده یارینینه اشیایه یه گیدیور .
اوراسنی مرکز حکومت اتخاذایده جک .

فلورینداقاوا

نیچون ؟ اوراده برتهلکه می وار !

زید بن کسادى كوله رك

تهلكه يوق ملكه وار ؟

فلورینداقاوا

اسپانیانك سابق قرالیهچهنه شمدی اندلس حاکمه سی
دیه بیلیرز . مادام که حکومت تمامیه ابن موسایه ویرلدى ،
مادام که قرالیهچهنه ابن موسایه واریور ..

زید بن کسادى

اوت ، موسانك اوغللری اولجه مشترکاً حکومت
ایتمک مقرر ایکن صکره دن حکومت منفرداً بیوک اوغلی
عزیزه توجیه اولنوب مروانده اونك معیتنه ویرلدى .

فلورینداقاوا

موسى بن نصیر ایله طارق بن زیاد محاکمه سینه فصل
نتیجه ویرلدى ؟

زید بن کسادى

ویریلن نتیجه وخیم : حیفاکه اك صوك نتیجه لر

دائما اویله در. طارق موسادن اول شامه گیدوب حضور
 خلیفه ده اندلسه موسادن اول کنديسی داخل اولدیغنی
 واسپانیانك باشی اولان قرالی کندي پنجه سیله گوده سندن
 آیروب آتدیغنی حکایه واثبات ایدر . - مائده سلیمانی -
 دنیلان سفره نك ده زدنده حفظ ایتدیگی بر ایاغنی
 گوستره رك ، غنائیم مخصوصه سندن اولدیغنه خلیفه یی
 اقناع ایتدیگندن موسی بن نصیر بلا محاکمه محکوم اولور .
 ابن زیاد مقبول ، ابن نصیر معزول اولورسه ده او نامدار
 اختیار هیچ بر یرده قرار ایدمه دیگندن معموره لری ،
 سرایلری براقه رق بیت اللهه گیدر . شمدی او، حجازده
 بولندیغنی گبی طارق ده ایتدیگنه نادم ، قصورینی عفو
 ایتدیرمك اوزره رفیقه سی زهرا ایله برابر ابن نصیری تعقیب
 ایدر . بوگون ایکسی ده اوقبله گاه قلوب و مسیره ارواح
 اولان ارض سماویده بولنیورلر . اونلری اوبیوك محكمه
 صلحه ده الله بارتدیرمشدر .

فلوریندا قاوا

فقط موسایی تغریب ایتدکدن صکره اوغانی تطیب .
 ایتک نه دیمکدر ! بونده بر حکمت اوللی .

زید بن کساد

او حکمت نه گه لازم. زمانه کتم سر ایدمه من. برگون
نه وارسه تشهیر ایدر. بن شمدی سندن ویردیگم حواده
مکافاة... «فلوریندا نك ناصیه-نی تقبیل ایل» بویله بر عطیه ایسترم!

منظر

۱۷

شام. سرای خلافت. قرا کلقچه بر او طه.

مضار

سلیمان خلیفه، عقبه، ولید.

سلیمان خلیفه

ولید، عقبه، او غللم! بن سزه آچلدیغم قدر کیسه لره
آچله نم. کندمدن او طانیرم، سزدن او طانه نم. دینه لرمک
مفتاحی سزک الکزده در. گچمش عمرم بر کتاب شکنه
قونلسه ده او قونه جق اولسه البته هر صحیفه سنده سزک
اسملرگز گودولور. او کتاب سزک گوزیکزک اوکنده
دائما آچقدرد. بنم سرگذشتی بندن آئی بیلدیگن گزگی
بنده اعلا، بندن اعلا او گر نمش سگزدرد. بر آدمک
یوزینه باقدیغم ویا اسمنی آ کدیغم زمان او آدم حقنده کی

فکرو نظرم نصلدر ؟ دو حال آ کلار سگنز. هر اشارت مدن
بر مقصدم اولدیغنی گورر سگنز و او مقصدی بیلیر سگنز. سز
بنم ایکی قولم ، ایکی گوز مسگنز دیه بیلیرم . بنم یتشه مدیگم
هد فلره سز دأما اصابت ایدر سگنز: بنم گورده مدیگم طرفلرده
سز گورنیه رك گزر سگنز. هر زده سسلنسه م ، اك اوزاق
بر یرده بولنسه گنز، هر کسدن اول سسیمی سز طویار سگنز.
صانکه خیالم سزه خطاب ایدر ؛ صانکه گوردیگم رؤیا
حافظه گزیدن گچر . نصل ایکی قولم ، ایکی گوزم ؟ ...
سز بنم بر چفت بری مسگنز . گو کدن جذب رحمت ایدن
یوکسك طاغله ، اولو مشجره لر گبی افکار عالیله ده بر غریب
حال وارد در که اونلره الهامات سماویه منجذب اولور . صگره
اور رحمت طاغله رك اتکلرینه و اغا جلرك دیبلرینه قدر نصل
اینر سه بنم ملهمیت مدن ده سز او یله خبر دار اولور سگنز.
خلیفه ولید نیچون او یله فجئة یوق او یله دگل ، نیچون
او یله بغته وفات ایتدی ؟ .. کیسه بیلمز ، سز بیلیر سگنز .
موسی بن نصیر نیچون حقارتله عزل ایدلدی ده مدینه یه
کیتدی ؟ طارق بن زیاد نه دن موسایی تعقیبه مجبور اولدی ؟
حتی پدرینی منکوب ایتدیگم عبدالعزیزی نه دن اندلس
والی عمو میلگیله تعزیز ایتدم ؟ اونی ده ، بونی ده کیسه

بیلمز ، سز بیلر سگنز . حالبوکه ، ای نیم هر شیئی بیایر گچینن
صادق کوپکلرم ! بوگون نیم ایکی دشمنم وار که سزی
اونلره صالدر مق ایستیورم . اشته اونلرک کیم اولدیغنی
بیله مر سگنز !

ولید

- بیله مر سگنز - دیه فرمان بیورلماش اولسه سایه
شاهانه گزده اونلری ده بیلردک .

سلیمان خلیفه

بیلگنز باقهیم !

ولید

خلق ، دنیاده اک چوق سودیگگنز اوایکی آدمدر
ظن ایدر . حتی مظهر اولدقلری عواطفدن طولانی او
ایکی آدم بتون ارکان دولتگنرک محسودی اولمشدر . علمده
هر کسدن زیاده کیمه متوجه بولندیگنزی زوجه محترمه گزدن
سؤال ایتسه لر ذات الجمالی گوستررسه ذات الجمالدن صورلدیغنی
زمانده - اوایکی آدمدر . - جوابی آلتور . حالبوکه
اونلر سزک اک سوگیلی دشمنلریگنزدرد . اونلر اندلسده
حتی حیاتده قالدقجه افندمز ایچون راحت میسر اولمیه جق .

مقصود شاهانه گز انلرک ازاله وجود لیدر. چونکه اندلسده
قالور لسه حکومتدن سلطنته وسلطنتدن خلافته قدر اعتلا
ایده جکلرینه ذاهبسگنر؛ کرچه اوسلطنته خلافته سز
ایسته میهرک صاحبسگنر! نصلسه عزیزایله مروانی دشمن
عد ایدیورسگنر.

سایمان خلیفه

هیچ بر سزم سزک پنجه گزدن قورتولیور. انکار
ایتسه مده اینانیه جقسگنر. باری خاطر گز ایچون و خدمات
سابقه گزه مکافاة اعتراف ایدیم. شبهه یوق که موسانک
اوغللری بندن پدرلرینک انتقامنی آلق ایسترلر. حتی یرمه
گچمگی ده ایستسه لر حق لیدر. اشته بونک ایچون بن
اونلری بر چوق ذی قیمت هدایا ایله تلطیف ایده جگم؛
هدایای ده معیتلریکنزه درد رکشی آله رق اسپانیایه سز
گوتوروب تقدیم ایده جکسگنر..!

ولید

باش اوستنه افندمز! خاق طرف هایونگنر دن تلطیف
بیورد قلرینی گورده جک، بزده اورادن عودتمزده اوایی
آدمک قره خبرینی تبشیر ایده جگنر. یالکوز افندمز
تبشیر ایده جگنر.

سلیمان خلیفه

سن بگا افترا ایتمگه باشلادك ولید ! هادی باقه لم .
براز دها ایلرو گیدوبده خلیفه بگا - حجازده کیلرك برر
برر حققرندن گلده آل نصیردن اثر قالمسون - دیه امر
ویردی یولنده برخلط ایده بیلیرمیسین ؟

ولید

خلط ایده رم افندمز .

سلیمان خلیفه

سن برشی دیمیورسین ، عقبه ، غالبا سن بگا افترا
ایتمك ایستمیورسین !

عقبه

قولکنزده امر قولکنزم افندم . ولیدك اغزی طور میورکه
قولکنزه نوبت گلسون . هر حالده شعله مقصود کزك
یانوب کول اوله جق پروانه سیم افندمز .

سلیمان خلیفه

موسانك بورایه گتیردیگی اسپانیا اصلزاده لرینی
مملکتلرینه اعاده ایده جگم ؛ سزده اونلرله برابر گیدوسکنز .

بو خد م تگزده موفق اولور سه گز مکافاتم شاهانه اولور .
موفق اوله مدیغ گز تقدیرده ایسه نه یاپه جغمی کیمسه بیلمز ،
فقط سز بیلیر سگزر !

« کیدر . ولید ایله عقبه قالور . »

ولید

بو برکتلی حرکت ، عقبه ! گیمه دن اولده عطیه وار
گیدوب گلا کدن صکرده ده !

عقبه

بو قورقونج بر مأموریت ، ولید ! عادتاً یوره گم
تیتریور !

ولید

سن دیوانه میسین ، نه سین ؟ ایکی حریفی اورته دن
قالدیر مقله خلیفه نك گر چکدن ایکی قولی اوله جغز . بومی
قورقونج مأموریت ! طوقوندیغمزیر آلتون کسیله جک .
بونك ایچونمی یوره گك تیتریور ؟ اوشاقلقدن افندیلگه
چیقاجغز ، قرنادن وکلادن اوله جغز ؛ بلکه ده خلیفه نامنه
حکومت بیله ایده جگزر . دها نه ایسترسین ؟ بونلرک هپسی
حسابده وار .

عقبه

صكرهء أولمك وار ، ملعون اولمق وار .

لید

أولمك هانگی ایشك صوكنده یوق ؟ انسان راحتله
یاشامغه غیرت ایتلی . ملعون اولمغه گلنجه طاش طوپراق
كميك ملعون اولورمی ایمش ؟ اوتنه سی ایچون روایت مختلف .

عقبه

ولید ، بن بو آدمی سندن اول طانیدم بزبوایشده موفق
اولسه قده ، اولمسه قده بو آدم بزی محوایدر . کندی
عیبنی بزم طوپراغمزله اورتز ؛ کندی جنایتنی بزم قانمزله
یقار !

ولید

سن خلیفه یی طانیورسین ، فقط بنی دها طانیه مامشسین .
ولید او یله پك قولایلقله اولدیرلمز . بن هیج برشیدن قورقما دیغم
ایچون هر ایشده موفق اولورم . ایکی یاشنده کی چو جوغنی
کندی آیلله آصمش بر قاتلم بن !

عقبه

وجدان عذابندن قورقزمیسین ؟

ولید

وجدانمی ؟ های سرسم های ! وجدان عذابنی چکه جک
بر آدمک بوسرایده نه ایشی واردر ؟

عقبه

بورایه گیرن انسانلقدن چیقارمی ؟

ولید

عقبه ، سسکی کس ! بوراده اوپله قلب ، وجدان
لاقردییسی اولماز . حریف طویارسه قفالرمزی بربرینه
چارپارده تارمار ایدر . سن آرقه مدن گل ، بنم ، عقبه !
گل ده برابر گوتوره جگمزگی - بزگی ویا بزدن آلق - کیملر
وارسه دوشونوب آرایه لم . بوگونکی گونده وجدان پاره
ایتمور ؛ آلتون پاره ایدیور ! ... «اوطه دن چیقارلرمن» خلیفه ایله
لطیفه اولماز !

عقبه

لطیفه ایله ده خلیفه اولماز ؟

منظر

۱۸

«اشبیلیه . قرالیچه ایلانك اقامتگاهنده براوطه»

مضار

قرالیچه ایلا ، مروان بن موسی

مروان بن موسی

برادرم عبدالعزیز یارین صباح بورایه داخل اوله جق
استقباله گیتمک مجبوریتنده ایسه مده مساعدۀ حشمتانه لرینی
آلق ایستیورم .

قرالیچه ایلا

بروظیفه نك ایفاسی ایچون کیمسه دن مساعدۀ ایسته نلر .

مروان بن موسی

بیوکلری استمزاج ایتمک هر خصوصده مرعی ومفید
اولور . اونلر بزم ایی گوردیگمز برشیشی دهایی گوررلر .

قرالیچه ایلا

سزك بیوکلگکنزده بشقه لرینی استخفاف ایتمک
احتیاجندن وارسته بردرجه ده اولدیغنی بیلمه سه م بوسوزکزی
بیلم نه یه حمل ایدردم . بن بر فرومایه دگلسه مده مملکت سز

بر ملکیم . سزسه نه بیوکری لزومندن زیاده توقیره، نه ده
کوچوکری تخفیف و تحقیره تنزل ایتمز سگزر.

مروان بن موسی

بنم نظر مده سزینه پک نفوذلی بر حکمدار سگزر .
ناجگزی یوقسه ده رأسگزر شاهانه در . سلطنت حسنکزر باقیدر .
شعشه دار بر خلق تسگزر که انظار تحسّر ده مآتمکزیله تنور
ایدیور . «بوصره ده دوشس قیو ارالفندن باقوب ینه چکلیر .»

قرالیه ایللا

پک غریب بر لسان استعمال ایدیور سگزر ، امیر . عجا
بردیگری می مراد ایتدیگزر ؟

مروان بن موسی

ذات حشمتسماتگزره خطاب ایدیورم . لسانم محبت
لسانی در که بر صاحبه جمال اوئی آشلا مقده امال ایتمز صانیرم .

قرالیه ایللا

یوقسه برادر گز امیر بن موسی طرفندن بنی تجربه یه
مأمور می اولدگزر ؟

مروان بن موسی

اویله بر مأمور یتیم یوق ؛ مجبور یتیم وار .

قرالیه ایلا

بن سزی بیلزمیم! سزهیچ بر فردك رقیبی اولمغه
تنزل ایتزسگنر! برادرگزه رقابت نره ده قالور ؟
«دوشس ینه قابودن باقوب چکیلور»

مروان بن موسی متغیراً

نیچون برادرمه رقابت ایتش اولهیم ؟

قرالیه ایلا

اونلرك نامزدی دگلمییم یا ؟ یوق یوق . البته بی تجربه
ایتمك ایسته دیگنر .

مروان بن موسی

نامزدمی ؟ خدا علیمدر که بنم خبرم یوق !... سز بنم
برادرمك نامزدی میسگنر ؟

قرالیه ایلا

هرکس او یله بیلور . تجربه مأموریتی مقتضاسندن
اولدیغنه قائل اولماسم سزك بوتجا هلکزی پك غریب
عدایدردم . برادرگنر حسیات ثابته مدن امین دگل ایسه هیچ
برکیمسه یه میل ایتهمك عزمنده بنم نفسمه امنیتم واردر .
«ینه دوشس حرکت تجسسینه سنی تکرار ایدر»

مروان بن موسی غایت محبوب

هر حالده عفو یکنزی تمنی ایدرم . هر حالده دیورم .
تجربه اولسون ، تجاهل اولسون ، قصور می معترف عفو یکنزی
دیلم . برادر مک نامزدی بنم اگ سوگیلی همشیره مدر .

قرالیه ایلا کوله رک

استقباله برابر ، برادر گزی استقباله همشیره گزله
برابر گیتمگی قبول ایدرم یسکنز ؟

مروان بن موسی

ارزو گز اراده دیمکدر .

«عرض احترام ایدرک چیقار»

قرالیه ایلا

کندیسی بر در لویانه گله میورده اوزا قلدن صدا قتمده .
شبهه لرایدیور . محبتی اولماسه بلکه شبهه ایتدگه لزوم گور مزدی .
بنم بوگوز لرم حیاتمک ایکی قدیلیدر که اونک قلبمه القا
ایتدیگی ، یالکنز اونک انایده بیلدیگی بر حرارت مغنویه دن
مستیر اولیور گبی در . ظلمات شک پک چوق امتداد ایده جک
اولور سه او قندیلر سونوب گیدر . عشق بر مشاه ایسه اونی

بردست نوازشله اداره ایتلی ؛ هنر اودر . یوقسه اویک
قولای اطفای اولتور .

منظر

۱۹

«ینه اشبیلیه ده سرایده براوطه . مروان بن موسی هیجان ایله براوطه یه
کلیر .»

مضار

مروان بن موسی ، براز صکره دوشس دولوزیطانیا .

مروان بن موسی

غریب ، غریب !... غریب حالات روحیه ! عشق
بعضاً بر فضیلت ایسه بعضاً ده بر فضیحت اولیور انسانی هم
طبقه معالی یه سوق ایده بیلیر بر سائقه اعتلا ، هم اسفل
سافلینه قدر ایندیره جک بر صاعقه بلا اوله بیلور ! نه قرابت ،
نه اخوت ، نه عرض و حیثیت ، اوصاعقه یی دوستمکدن
منع ایده میور ! فقط بن ، اونک ضربه سیله از یلیه جگم !
غریزه مروان هابلله قابیل اولیه جق !... سودیکمی سومیه .
جگم ! . برادر مک نامزدی ایتمش اولیه می ؟ فقط بن بیل میوردم !
بیل میوردم ! بیل میوردم ! «دوشس دولوزیطانیا قهقهه ایله کلیر .»
اوکیم ؟ وای سزمیسگز ، دوشس ؟... نیچون گولیور سگز ؟ .

دوشس دولوزیطانیا

بیلمیوردیگنز او یله می؟ .. «ینه کولر»

مروان بن موسی

نه دیمک ایستورسگنز!

دوشس دولوزیطانیا

بك اعلا بیلوردیگنز ، امیر ، بلکه شمدی بیلدك

ایسته میورسگنز. فقط بیلدیگگیزی بن سزدن ای بیلورم!

مرا می آ کلامیورسگنز غالبا! .. آ کلا یور میسگنز؟

کندیگزی الداتمه چالیشورسگنز! چالشمیور میسگنز؟ ..

«ینه قیقه ایدر»

مروان بن موسی

دوشس حضرتلری ، سز کندیگزی الداتیمگنز!

حال و موقعی اونو تمه یگنز حالا گوا یورسگنز! بنم یانمده ،

بر عرب امیرینك اوطه سنده ، بر عرب اوردوسنده

بولندیگگیزی اونو تمه یگنز!

دوشس دولوزیطانیا

برادرگنك سودیگنی سزك بیلهرك سودیگگیزی هیچ

بر وقتده اونو تمه جغم!

مروان بن موسی

خاطر یگزدن چیقدیسه بن اخطار ایدیم ؛ سز حرب
اسیری بر قادینسگز!

دوشس دولوزیطانیا

او یله می ؟ ...

مروان بن موسی

عفواید رسگز اما ، او یله !

دوشس دولوزیطانیا

فرض ایدم که او یله اولسون . حرب اسراسندن
اولان بر قادینک لسانی ده می اسیر اولور ؟ ... هر حاله
قرالیه ایلا اسیر دگل ، عزیز بن موسانک نامزدی در .
بن ده اونک معیتدهیم . سزک تمایلات عاشقانه گز دن هر ایکسفی ده
خبردار ایدم بیلیرم ! .. مگر که ...

مروان بن موسی ثلباً

مقصود آ کلاشیلور . بومشوم بر قادین ! . « جهراً »
بن بر ار اوغلی ارم ، دوشس ! سزک قادینسلقلریگز
خوش گورورم . دیلگز ، دوداقلریگز و او اوزون صاحلی

عقلگزنله برابر بتون موجودیتگنز ائمه ایسه ده صیقمق
ایسته نم . برادر مده قالدین سوزینه اینانانلردن دگل در .
ایسته دیگگنزی سویلیه بیلیرسگنز .

دوشس دولوزیطانیا
سویلیه بیلله جگمده شبه یوق . مگرکه ...

مروان بن موسی

- مگرکه آرامزده برقرابت حاصل اوله - دیمک
ایستیورسگنز . حال و موقع مساعد اولورسه اوده بر
گون واقع اوله بیلیر .

دوشس دولوزیطانیا
وعد ایدرمیسگنز ؟

مروان بن موسی

وعدایتگی ده استقباله براقه لم . البته اوندن ده اول .
گوریه جک ایشلر من و اردر . ذاتا بر بر منری سومامک .
شرطیه اولمک براز تحف اولمازمی ؟

دوشس دولوزیطانیا
محبت بعضا ازدواج ایله زائل اولورسه بعضا ده ازدواجدن
صکره حاصل اولور .

مروان بن موسی

محبت ، او اگر بردن بره بیومزسه ، گیتدجه
کوچوکلشیر برچو جو قدر .

دوشس دولوزیطانیا

بن اونك بروالده مشفقہ سی اولہ بیلیردم .

مروان بن موسی زمرخند ایله

طوغسون ده ایله .

دوشس دولوزیطانیا

ایله ایسه نیچون قرالیچه نی دایه ایتک ایسته دیکز ؟

مروان بن موسی

اوشمدی نیم یالکیز همشیره مدر .

دوشس دولوزیطانیا

همشیره گزمی ؛ « برچوق کولدکن صکره » دیمک اونك

ایچون بکما اعلان عشق ایدیورسگنز !

مروان بن موسی

نه دیدیکز ؟

دوشس دولوزیطانیا

اوت ، بکما اعلان عشق ایتدیگیز . بونی انکار
ایده مزسگیز ، امیر حضر تلری !

مروان بن موسی

بونه غریب اسناد مزیت : سزی سومک شرفه می
ناثلتم ؟

دوشس دولوزیطانیا

سزانکارده ایتسه گز ، اوضاع واطوار گز بو حقیقی
اقرار ایدر ! فقط بن سزک عشق گزی نصل قبول ایده بیلیرم ؟
اسپانیا اویلزاد گانندن بیگلرجه طلبه محبتم طور رکن بنی
سزک طلبکار گز اوله جغم ؟ .. زجا ایدرم ، امیر حضر تلری !
کندیگزی بیلگیز و کندی ملت گز دن برقره تکلیف
ازدواج ایدیگیز .

مروان بن موسی

فقط بن کیمسه یه او یله بر تکلیف

دوشس دولوزیطانیا سوزنجی کسه رک

اصرار ایتدیگیز ! دیگه مم ، ایسته مم ، هیچ بروقتده
قبول ایتهم ! ..

مروان بن موسی

بنی لزومندن زیاده تلطیف ایدیورسکنز! لایق دگلم.

دوشس دولوزیطانیا

براسپانیا دوشسندن اودرجه تنزل بکله نلنز .

مروان بن موسی

شبهه یوق که بنمده سزی سومك حدم دگل .

دوشس دولوزیطانیا

نه چاره که الکنزده دگل ، نصلسه سومشسکنز . فقط
مأیوس اوله یلک . البته بر بشقه سنی بولور و بنی اونودورسکنز .
ذاتاً قصور گزی گورمکله برابر عذر گزی قبول ایدیورم ،
بونکله ده متسلی اوله بیلیرسکنز . بلکه اکا احتیاج بیله
اولماز . سز بر ار اوغلی ارسکنز . قادینقلری خوش
گوروب گچرسکنز . او یله دگلمی ؟ .. بزم قلبمز برأت
پارچه سی سز گکی پولاد دندر . سز بزم هر حاملزه تحمل ایدرسکنز
وبزی ینلمز بولنجه نفس گزی ینرسکنز . قرالیچه ایلانک
برادر گزه نامزد اولدیغنی بیلدیگنر حالده اگر ایسته مز-
سه گز بیلمز سکنز . بیلماک ده ، بیامماک ده اقتدار گز

داخلنده دره فقط بگا گلنجه وضعیت دگشیر : سزك بنی
سومه گزده سومه مگزده نیم المده دره کندمی سزه ایسترسم
سودیر یرم ایسته مزسم سودیرم .

مروان بن موسی

شودقیقه ده نه امرگزاوله جق ! سزی سوهم می ،
سومیه می ؟

دوشس دولوزیطانیا

البته گونك برنده بومسأله بی حل ایدرز . شمدیلک
سزی مراقده وایشی معلقه براقیه بی ترجیح ایدرم .
«کیدر . مروان حیرتله دوشسك کیتدیکی طرفه حصر نظر ایدر.»

منظر

۲۰

اشبیلیه ده خارج سور . سورده عسا کر . سنجاقلر . طاوولر تقاوه لر .
قلعه قپوسنك یمن و یسارنده کفالك صفوف عسکریه . صاری یشیل و قرمز
البسه لی مجاهده صفوری قلعه نك طبقات فوقانیه سنده برقوس قزح تشکیل ایدر .
هیجان ، انتظار اصوات دووا دوو .

مضار

عزیز بن موسی ، ایوب بن حبیب ، قونت تدمیر . برچوق امرا
هپ آت اوستنده ؛ بونلر برطرفدن کلیرکن مروان بن موسی
معینده کذلک امرای عرب ، اشبیلیه وجوهندن اسپانیالی اکبر ،
رهابین ، شایخ اسلام . بونلرده آت واسترنره بینمش ، قلعه

قبوسندن چیتارلر. عزیزایله مروان تقابل و تقرب ایدنجه ایکسی ده
آتدن اینوب عموم فارسلا امتثال ایدرلر. ایکی قارداش یکدیگری
در آغوش ایدرک اوپوشورلر. - یاشاسون عبدالعزیز بن موسی!
یاشاسون مروان بن موسی! - کلبانکی تکرر ایدر.

عزیز بن موسی

سزه اسپانیانک هر طرفدن ظفر گتیر یورم.

مشایخن بری

ظفرک مبارک اولسون.

عموم

آمین!...

مروان بن موسی

ای جماعت، ای عسکر! سلاح بدست صلح و صلاح
اولان جنگاورلر! اشته اسپانیانک بوگونکی حاکمی
عزیز بن موسی!

بانک عمومی

یاشاسون عزیز بن موسی!

عزیز بن موسی

یا شاسون خلیفه اسلام! یا شاسون جنود مسلمین!

کلبانک

آمین!...

عزیز بن موسی

علمای کرام! سزک معاونت علمیه گزه، سزکده
ای شیخلر! توجهات قلبیه گزه محتاجم. امیرلر، مجاهدلر،
غیرت و شجاعتگیز مشکور اولسون! مشکور اولمشدرکه
محضا اوسایه ده بو ظفرلر میسر اولدی!... وجود
مملکت! رهایین! ای سکنه اصلیه... سزلرده امین
اولگز. مسلم، مسیحی، موسوی بنم نظر مدده هر کس
مستحق عدالتدر. حقوقه هپگیز مساوات کامله یه مظهر سگز.
یالگیز اصداق ایله خونه تفریق اولنور. بونگله برابر،
خیانته میال اولانلرکده بن تزکیه حسیانته چالشه جغم.
عدالتک گیردبگی یرده شه کایت قالماز. قونت تدمیر،
اویله دگلمی؟

قونت تدمیر همدینلریه

امیر حضرتلری طوغری بیوردیلر . بوکا بن شهادت
ایدرم . سز قونت تدمیری بیلمز دگلسگز . حسیاتی
کتم ایده مز ، سویلر . بوذات حقیقه عادل و مساواة
پروردر . قول صادق و قلب مشفق صاحبدر .

راهبازدز بریسی

بز تأسس ایتکده اولان حکومت اسلامیه زماننده
حریت مذهبی مزه دهها زیاده صاحب اولدق . مأمول
ایدرز که بدرلری موسی بن نصیر حضرتلرینک اداره عادلانه سی
مخدوملری دورنده محافظه دیمومت ایدر .

وجوهدن بریسی

کمال اعتماد ایله جناح رافتگزیه صیغیورز .

عزیز بن موسی

بنده ، سز دن امید وارم ، امید وار مظاهرتم . او
صاحبلری مهمانسوازاوالمیلدر « مثلاً کندی کندینه » اگر سلیمان
خلیفه پدرله طارقه یاپدیغنی بزدهده یاپارسه اسپانیاده حقیقه
مهمان اولورز ! « بوآراق قلعه قپوسندن سرای خدمه سیله محاط

ابن موسی

وسن فیلدن مصنوع ، درت استرقوشولی بر آرابه نك كادیکی کوریلور . — یاشاسون
قرالچه ایلا — کلبانکی ایشیدیلیر . عزیز بن موسی شتاب ایدر . «

مضار

« اولکیلر . آرابه ده قرالچه ایلا ، معیت »

عزیز بن موسی

طالعك سعادتی بنی قلعه قپوسندن استقباله می گلیور
دیهیم ؟ نیچون زحمت بیوردیگیز ؟ « قرالچه نك آلی اوپر . »
قونت تدمیر ^{برألیله کوزلر نی قاپایه رق کندی} ^{کنندینه}
آمدهش ظهورات ! وطنکش منظره !

قرالچه ایلا

زحمت ، گلیر سه م دگل ، گلمز سه م اولوردی . سزی
عافیتد ، گوردیگمدن محظوظ اولدم . آرابه یه بیور من میسگیز ؟

عزیز بن موسی

بختم بکا یاورا اولدی . بن ده سزك یاورگیز اوله جغم .
آتلی گله جگم .
« اشارتیه امتثالاً آنی کتیر لر . بیز . دیگر سواریلرده سوار اولورلر .
آرابه ایله برابر هپ حرکت اولنور . »

کلبانك

یاشاسون قرالچه ایلا ! یاشاسون عزیز بن موسی !

قونت تدمیر خود بخود . نظریله کیدنلری تعقیب ایدرک

بن کندمی (موریسه) ده بیله جگم . نه طینتده
اولدیغمی اوراده گوره جگم . بومدهش پرده نك اوبر طرفنده
(موریسه) ایالتی وار . (موریسه) ایالتنك ایچ طرفنده
اسپانیا اختلالی وار . اسپانیا اختلالنك نهایتی اسپانیا
حکومتنك عودتی در . بن عزیز بن موسادن گوردیگم
بخشایشلرک شکرانه سی اوله رق عرب حکومتنه صادقی
قاله جغم ؟ یوقسه بودیدیگم احتمالاته بناء (موریسه) ده
براختلالی چیقاره جغم ؟ یاعرب اولق ، یاخود اسپانیول
قالمق !... انسانه دشمندن گوردیگی ایملک پك فنا نأثیر
ایدیور . اغلاتیموراما ، پك آجی آجی گولدیورور . یوق ،
بن البته اسپانیول قاله جغم ، عهدم اولسون ، اگر اسپانیول
قالمز سه م عرب اولایم !... «دوشفدکن - کرده» کاشکی اولابیلسم ،
کاشکی عرب طوغمش اولسیدم . البته اسپانیایی عربستان
ایدردم .

منظر

۲۱

اشبیلیه ده رزیتون مشجره سی ، برآقارصو . براق برهما . صباح آرکن .

مضار

ادلینا مرقادو . صکره عزیز بن موسی ایله قونت تدمیر .

ادلینا مرقادو یالکز

مصالحه می؟ اوت . مملکت تبدیل وضعیّت ، ملت
تبدیل تابعیّت ، تبدیل حاکمیت ایتدکن ، هر طرف
سیاهلره غرق ایدلدکن صکره مصالحه !... اولدکن
صکره ایستر ایسته من سکوة وسکون ، ایسترایسته من
مصالحه !... قصور ، قباحت کیمک؟.. کمال ، مهارت
دشمنک؟ قصور ، قباحت ، جنایت بزم !.. مصالحه دگل
بو! بنم محاربه م اولنجه یه قدر بتمه جک . زواللی طوپراق!..
اوزرکده گزدکجه سنک ، ایچین ایچین اینله دیگکی طویورگی
اولیورم ! شو اورمانده کی اغاجلر ، اوتلر ، سنک ، صاغ
قالان بزلی گوردکجه ، اورپر توگلرک میدر عجبا؟
بو آقار صولر بگا سمدن ، سنک حالکّه آغلایان سمدن ،
دوگولمش گوزیاشری گبی گلیور ! جیبندن برکاغد چیقاره رق
بنم بومرثیه مده اویله اولسه گرک ، ای وطن! ای ارض
مقدس! ای پایمال سافلین اولان خاک سہاپیه ! بنم بوسپاہ
گوز یاشرمده سنک ماتمگدر . مگر انسانلر گبی طوپراقده
اولیرمش !..

ابن موسیٰ

وطن مرثیہ سنی بروجہ آتی اوقور

۱

ینہ قارشومده وجه منکسفی ؛
گوگہ اورمش تندہ کی حمزت !
روی ارضہ نگاہ منعطفی
ایکی برق بلا گیر البت !
صانکہ نفرتلہ عالم بشرہ ،
فلک آرای ارتحال اولمش !
گوگدہ مظهر جلال اولمش :
باق حضورندہ کی فرشتہ لہ !
نہدہ نازک مزاج منحرفی ؛
دوش نازندہ لعلگون خلقت ؛
اوقیافتلہ عازم جنّت !..
ای وطن ! ای الہہ ملت !
سکا باق آل کفن دہ برزینت !

*
* *

۲

بگزیور کہکشانیہ یارہ لک ؛
موکب رحلتک اودر گویا !

یلدیرم عکسی در نقاره لرك ،
 سنی آلقشلا یور بروج سما ؛
 بشقه برطرز افتراقك وار :
 گورورم بیک هلال نورانی .
 ای مه آسمان قوطانی ،
 نه مهابتلی انشقاقك وار ؛ ...
 فلگی قاپلامش ستاره لرك ؛
 محشر اولمش او عالم بالا ؛
 حیرتم آرتیور بنم حالا ؛
 قدرگی ایلک ایچون اعلا ،
 صانکه گلمش جنازه گه ، مولا ! ...

۳

سجده ایتسون جهان بو هیتکه .
 ای پری شفق لباس قتال ! ..
 بگزیرور رحلتك ده نشأتکه :
 براولور ، مهرا یچون کمال وزوال .
 سنی اتلافه قیامش ربك ،
 که بشر جرأت ایلدی شقه !
 ستم ایتمه ، سن ای وطن ! حقه ،

بزه مخصوص اولاهمان سبک .
 مرکزایت ، برج قدسی رأیتکه ،
 طویلانوب اونده عسکرک درحال .
 رفع ایدر برندای عالالعال !
 عکس ایدوب تابو حال اضمحلال ،
 ایلسون آسمانی شرم ایله آل !

۴

یوق! نه دن خلقت ایلسون که حجاب
 بز دوشوردک سنی مخاطره یه :
 هریانک اولدی قلزم خوناب !
 بوله مم برنظیر ، او منظره یه .
 گوک یوری صافدر ، بو گوردیگمز
 حالکک عکسیدر او مرآت .
 باقیوب جانب سمواته ،
 ینه ذوق اولدی بونده سوردیگمز !
 سکا امداده چیقیمیوب ارباب ،
 برطاقم خائنان گیروب اره یه ،
 هم صویه حاکم اولدی ، هم قره یه !

اوغرادك عاقبت محاصره ده ،
داخلي ، خارجي مصادره ده !

۵

نیزه لرله یارلادی پستانك ،
گردنك گچدی تیغ وخنچردن !
یقیلوب قالدی جسم نازانك ،
قالدیرن اولمدی سنی یردن !
نته کیم خاک ایچنده بیک حشرات
بسله نیر مسقطنده اجسادك ؛
بولور نعشك اوزره اولادك ،
هر جریحه کده برغدای حیات !
نه بیوکدر بولطف واحسانك :
دها شیرین اوشیر مادردن ،
دها رونقلی رنك خاوردن ،
دها قدسی غبار مقبردن ،
دها رنکین حیاض گوژردن !

۶

صاحلرك برضیای سبحانی ؛
یری وار ایتسه غبطه لر مریم !

نصل اولمش اوراس روحانی .

قره سودالره عجب مقدم ؟

گیره جک یرده بز سنک یولکجه ،

سن بزمچون بوگون فدا اولدک !

أولیورکن بزه غدا بولدک ؟

هپ صارلقد ینه سنک قولکجه !

بزه سنسین الاله ثانی

سن وار ، اول روح اقدسه محرم ؛

اولالم بزده غرقه ماتم .

عالی قاپلاسون ظلام عدم :

گون یوزی گورمسون بی آدم !

« عزیز ابن موسی ایله قونت تدمیرک کلدیکنی کوره رک دهشتله »

ابن موسی ایله تدمیر!.. غالبله مغلوب برابر کلیورلر!

عزیز بن موسی

پک لطیف و مؤثر برصدا بزی بو طرفه جلب ایتدی .

ادلینا صرقادو

دیمک که وطنمز ایچون فریاد ایتمگه ده مساغ یوق !

عزیز بن موسی

مساغ وار ، مادموازل ، محل یوق .

ادلینا مرقادو

آرتق کندی کندی مزه سویلنمک ایچونده می سزدن
استیدان ایتلی؟ خنجر گزی بینمزه صاپلا یگزده دوشونیه لم! ..

عزیز بن موسی سکون ایله

بینمزه اویله شیلر اولماز .

ادلینا مرقادو

نه قدر اقتدار گز اولور سه اولسون، امیر، بلکه عربستان
قاپلانلرینک دیشلرینی، طرناقلرینی سوکر سگیز؛ فقط
نم عرق واعصابمه طوقونه مرسگیز! .. بلکه، یا جوج
وما جوج اردولرینک، یام یام سوریلرینک هجوملرینه قارشی
گلیر سگیز، فقط نم قارشومه گله مرسگیز! بلکه دنیایی
طاشیان اوکوزک بوینوزلرینی قیرار سگیز، فقط نم بیه
حکم ایده مز، نم قانمی لکه دار ایده مرسگیز! آکلادیگز می
امیر حضر تلی؟ .. بلکه یرده، گوگده پاتلایان طوپلری
صو صدیرر؛ طوفانلری، صرصرلری دیندیرر، سیلیری،
سیاله لری طور دیرر سگیز؛ فقط نم ملتدن عکس ایدن

بو آه وانیمی، وطنمدن گلن بو گوزیا شرمی طوردیره مز،
دیندیره مز سکنز !

« حدت و شدتله آغلار . »

عبدالعزیز بن موسی

بو قدر عتاب ایشیده جگمی هیچ تخمین ایده میوردم .
سز نه دیر سکنز قونت !

قونت تد میر

بنده اسپانیوللرایچنده بویه بیوک بر قز گوره جگمه
احتمال ویر میوردم .

ادلینا مر قادو

یا بن ! . . اگر سزك ایکی گزی برابر گوره جگمی
بیلسه یدم ، امله گوزلرمی چیقاروب کویکلره آتاردم !
« سسی دکیشه رك » یا خود ، کیم بیلیر ! بلکه ده قوردیغکنز ...
امان یاربی ! . . « کندی کندینه » آرقالدی حجه گاهه دیه جکدم !

عبدالعزیز بن موسی

ایکیمزك برابر اولسی صلح علامتی در . هر کس ممنون .
ایکی اردو بارشدی . یالکنز سزمی محارب سکنز ؟

ادلینا مرقادو

صلح می؟ بوزیتون اورمانلرنده بولندیغمز ایچونمی
صلح؟...

عبدالعزیز بن موسی

نیات ولدنیات نه اولورسه اولسون، اوکا مداخله
ممکن دگلدیر. فقط سنزك ممنون اولما گزی ایسترز.
البته بوکا مساعده ایدرسکیز. بوراده بزمه برابر اولمقدن
خوشنود اولمادیگیزی گوریورز. قونت تدمیر، که پدرکیزك
اسکی حمیت و حماست ارقداشلرندنذر، (مورسیه) والیسی
تعین اولندی. اونکله برابر گیدرمیسکیز؟

ادلینا مرقادو

قونت تدمیر دیدیگکیز گبی پدرمك همپالرندن اولسه
بوگون سنزك همرو لرکزدن اولماز، مرقادونك گیتدیگی یره
گیدردی.

عبدالعزیز بن موسی

اورایه اختیار ایله گیدلمز.

ادلینا مرقادو

اتحار ایله گیدیلیر.

عبدالعزیز بن موسی

بلکه بر مقصده مبنی گیتما مش قالمشدر؛ نه بیلیر سگن؟.

ادلینا مرقادو

قونت (موریسه) ده حکومت سورده جک؛ بنسه
اسپانیانک هر طرفنده سورونمک ایستیورم : .

عبدالعزیز بن موسی دوشوندرک

چوق شی !

ادلینا مرقادو

سزدها چوق شیلر گوره جکسگن !

» عبدالعزیز بن موسی متفکراً غائب اولور . «

قونت تدمیر ابن موسی کیتدکن صکره
محرم بره رزایله

مرقادونٹ قزی ! (موریسه) ده نه لر یاپه جغمی
بیلیور میسین ؟ ..

ادلینا مرقادو

ایکنجی ولی نعمتکزه ده می کفران حاضر لایور سگن؟

قونت تدمیر

کندکده اولان مزیتلری بشقه لرندن استعباد ایتمه !

بن بوعلامده اوچ کره سنک قدر یاشادم. سن ابن موسایی
 او قدر بگندیگک بلدکهده سودیگک حالده محضا وطن
 آجیسیله ترک و تحقیر مائل بولنیورسین؛ بن، ینه او آجی
 ایله بر سیاسی ولی نعمتی فدا ایده مز می یم؛ پدرک مرقادو
 شمعی بتون کائناته عرش الیهیدن باقیور؛ بن یر آلتدن
 عرش الیهیه باقه جغم! اللهمک بیوکلگی یاقندن ده
 گورونور، اوزاقدن ده. مرثیه کی ایشندیگم زمان قلبمک
 فریادی طویورم ظن ایتدم. سکا دها غریبنی سویله یم:
 بن سنی کندی قزم ظن ایدیورم. گل قزم، گل! پدریکک
 هر حالی بنده بولورسین. سن بر آتشپاره سین که البته
 بنم گیده جگم یولی تنویر ایدرسین.

ادلینا مرقادو

بن تنویر ایتتم، احراق ایله رم!

قونت تدمیر

اوده بر آیدینلق دیمک ایسه ده احتیاطکار اولمی یز!
 شمذیلک مشعله عربلرک ألدنه.
 «کیدرلر»

منظر

۲۲

« اشبیلیه ، سرایده باغچه به ناظر بر او طه . صباح ، ضیای شمس .
رفع نقاب عشق . »

مضار

قرالیه ایللا ، عزیز بن موسی .

عزیز بن موسی

بر حال ایله سز عصر جهالتده گلسه یدیکز ، البته
عربلرک آله سی اولوردیکز . ینه او عصرده یوناستانده
طوغمش اولسیدیکز ، بوگون نامکزه یاپیش معبد
خرابه لری گوریلور ایدی . رومانک ، مصرک هر طرفده
هیکلر لیکز بولنوردی . اها لی حضور گز دن سجده لرایدرک
گچردی . بوگون بیله ملکلر سزی تماشا ایچون عرش
اعلادن افقلره ایفسه لر سزادر ! سز نورسکز همده شفاف
برنورکه باقدجه او بر طرفده جنات عالیات گورینور !

قرالیه ایللا

فقط دها دقتله باقارسه کز ، ارقه مدده ملک الموتک
قنادلرینی گوررسکز . دقت ایدیکز ، اونک روز گاری
سزه طوقونسون !

عزیز بن موسی

هیئات! هر کس اونک سایه سنده یاشار: ایستر ایستمز
اونک سایه سنه التجا ایدر. فقط روح لایموتدر، پنجه موته
دوشدیگی زمانده اولمز. بزم بو حالزده بر مظهریت روحانیه در؛
فادن منزّه ودائی در. مع مافیه، بوگون دنیاده بولندیغمز
ایچون امور دنیویّه ایله مشغول اولملی یز. بن چکدیگم
مشاق و متاعبک اکرامیه سنی تملک ایتک، بونهایتسز انتظارک
نهایتی گورمک ایستیورم. هر کس ده گورمک ایستیور.
ازلی بر کیفیت نتیجه سز قالمالی در. مقدر اولان برشی اصل
ویا یچون تأخر ایدر؟ بیلیم. بن حادثات اجتماعیه ده حسیاتک
قارشمدیغی حال و مصلحت تصور ایده مز ایسه مده هر کسک
دیدگیگی گبی سیاسیا ته حسیات قارشماز دیلم، هر حالده بنم
حسیاتمه سیاسیات قارشما ملیدر. بن گردیگمز صلح و مسالمت
یولنده سزک دلا لتکزه محتاجم.

قرالیه ایلا

پدرگز تصویب ایدیورمی؟

عزیز بن موسی

تصویب شویله طورسون، تشویق و تعجیل ایدیور.

برخ دم سیره رک

دیوانده اجتماع اولندی . تشریف امیرانه گزه انتظار
ایدیور لر .

عزیز بن موسی

پك اعلا . شمدی گایور ز . نه بیور رسگز ؟ دیوانه
برلکده گیده لم می ؟ مصالحه بی تسعیداً بومقصدی ده اعلان
ایده لم می ؟

قرالیه چه ایلا

خليفة دن مأذونیت آلدیگزمی ؟

عزیز بن موسی

بزه شریعتك اذنی لازم . او استحصال اولمش بر
رخصتدو . سز مساعده ایدیور میسگز ؟

قرالیه چه ایلا

مساعده نكده ایلریسنه گیده جگم امیر . ارزو و اطاعت
ایدیورم .

منظر

۲۳

اشبیلیه . سرایده بر دیوان جسم . آچیق اولدیغندن بیوک بر میدان
کویونور . میدانده عرب ، اسپانیول ذکور و نسوان اهالی . عسا کر . سکوة
متادبانه . انتظار عمومی . تسعید صلح .

مضار

عبدالعزیز بن موسی ، مروان بن موسی ، ایوب بن حبیب ،
 زید بن کساد ، مغیر الرومی ، طریف بن مالک ، مسلم ، قونت تدمیر ،
 مشایخ ، علما ، امرا ، رهابین ، وحوه بلده ؛ قرالیچه ایلا ،
 پرنسس ایزابللا ، دوشس دولوز بطنایا ، قونتس دونافواریا ، قونتس
 دوواسقونیا ، مارکیز ، صوللا ، لوئیزا ، فلوریندا قاوا ، ادلینا
 مرقادو ، عذرا بنت العنز ، اسپانیا اصلتنه منسوب برچوق قادین ،
 مجاهده لر ، توابع وتابعات سرای ،

» بونلر درجه لرینه کوره صفرل تشکیل ایتمش بولنورلر . عبدالعزیز ایله
 قرالیچه بر موقع مخصوصده طورر . »

میدانده کلبانک جم غفیر

عبدالعزیز ، ای فرزند موسی !
 پیشنده لایق اولسه ق جین سا ؛
 هپ زیردستان ، آسوده وجدان ؛
 مسلم ، مسیحی ، شادان و خندان !
 هر فتنه اولدی سایه گده نائم ؛
 قال دولتکله عالمده دائم !
 ای یادکار آل نصیری .

اسلام امیر نصرت مصیری !
 سایه گده ایردک سمت صلاحه ؛
 راضی یز البت ترک صلاحه .

مالک گلنجه ملک اولدی سالم ؛
 دفع اولدی گیتدی دور مظالم .
 عبدالعزیزک ، ای رب اکوان ،
 عمر عزیزی اولسون فراوان !
 «بتون حضار دفع ندای آمین ایدرلر .»

عبدالعزیز بن موسی

یاشاسون خلیفه و خلیفه نك اردولری ! .. حقمده
 گوستریلان بو آثار توچه اونلره عأددر . سزه ، ای امرای
 عرب ، ینه سزک طرفکزدن تشکر ایدرم . ای نفرات
 عسکریه ، ای جماعت اسلام ! .. بکا بو مظهریت سزدن
 گلدی . موفقیت دنیلان کیفیت بر فردک کاری دگلدی .
 مطلق تعاون ایستر . اتفاق و اکثریتله مقصدلر حصول بولور .
 متبوعیت حقیقیه افکار و مقاصد عمومیه نك تشخیص ایتمسندن
 یعنی بر شخصده تمثیل ایتمش اولمسندن عبارتدر . عادل بر
 حکمدار پیرولرینک اشارتیه یورر بر دلیلدر . بنده اکثریتک
 تعیین ایتدیگی بر یولده گیتمک ایسترم . موفقیت اکثریتله ،
 رضای الهی ایسه موفقیتله استحصال اولمش اولور . قانونمز
 ابدی الاحکامدر ؛ کافه مخلوقاته شامل بر دین طیبیدر .
 «آوازه حسن» برادر مروان ! ... طنجه ایله قیردان والیلگنی

خليفة طرفدن سزك عهده گزده توجیه ایدیورم. اورالرك
اهمیت فوق العاده سی بونی استلزام ایدیور .

مروان بن موسی

تشکرایدرم. ارامزده حکومت ده اخوت پیدا اوله جق
دیمک اولیور . هان یوله روان اولورز .

دوشس دولوزیطانیا ایلرولیه رک

امیر حضرتلری ! بنم ده طنجه ده بولنان چفتاکلرمی
گورمک اوزره میر مروان ایله برابر او طرفه عزیزیمه مساعده
بیورمکنزی رجا ایدرم وظن ایدرم که کندیلمی ده مخالفت
ایتمزلر . « یواشجه » اولنره بعض اسرارسیاسیه تودیع ایتمش
ایدم . برلکده حفظ ایدرز .

« برمدت سکوت . تعاطی انظار »

عزیز بن موسی

جنحه وجنایت محکوملرندن بشقه بوگوندن اعتبار آ
کیمسه موقوف دگلدر . سیاست ایله اوغراشانلری ده حر
براقیورز. ایسته دیگنلر طرفه گیده بیلیرسکنز . « دوشس متشکراً
انحنایله چکیلیر . » سز، مغیز الرومی، ینه مریداده بولنه جقسکنز .
زید بن کسادى دائماً طیلطله یه مأموردر . قشتاله طریف ابن

مالکک اداره سنده قاله جق . مسلمله عذرا بنت عنزه زره یه
 گیتسه لر بر مسکن وبر معیشت بوله جقلردر . اسپانیانک هر
 طرفنده کی مأمورلر مزی شمذیلک ابقا ایدیورز . ایوب بن
 حبیب بوراده قاله جق و بزّه معین ومظاهر اوله جقدر .
 قونت تدمیر، سز قرارمز وجهله (مورسیه) ایالتی والیلکنه
 تعین اولندیگنز . سرعت حرکتکنز ملتزمدر . پرنسسلر،
 قونتسلر! بتون حاضر بولنان اسپانیا خانملری ! سوریه ده
 بولنان اقربا ومتعلقاتکنزک اسپانیایه عودتلیینه مساعده
 بیورلمش اولدیغندن قریباً جمله سیله ملاقی اوله جغکنزی
 تبشیر ایدرم . اولری ایستدیگکنز یرده بکلمگده مختار سکنز .
 ورودلری گونه قدر مختصصاتکنز قطع ایدلمیه جکدر .
 مشکلاته تصادف ایدرسه کنز سزه آروجه اقامتگاهلر
 بولورز . یاخود محاربه دن اول بولندیغکنز خانه لرده بیتوتکنز
 تأمین اولنور . رفاقتمز اثنالرنده بز سزدن دائماً خوشنود
 قالدق . سزکده بزذن خوشنود قالما کنزی ایسته دک .

اصیله لردن بعضلری

بزده خوشنودز . ممنون ومتشکّرز . هیمزی خوش
 طوندیگنز . اعزازوا کرام ایتدیگنز . حرب اسیری اولدیغمز
 بزّه حس ایتدیرمدیگنز .

ادلینا مرقادو

البتّه شخصمزه عاّند هیچ برشکایتمز یوقدر. حسیات
ملیه مزی تشریح اقتضا ایتمز، امیرحضر تلری! بن امرگزه
امثالاً قونت تدمیر ایله برابر (مورسیه) یه گیتمگه قرار
ویردم.

عبدالعزیز بن موسی

مادموازل ادلینا مرقادو! سز براز دیک سوزلی،
فقط تمیز اوزلیسگز. ویردیگگز قرار موجبنجه حرکت
ایدرسگز.

«ادلینا مرقادو متشکراً چکیلیرکن عذرا بنت عنزك کندیسنه مدھش بر
صورتده باقدیغی کورر ویسوک برتهلکدن تحاشی وضعیتنده تباعداید.»

عبدالعزیز بن موسی

شمدی خصوصی برمسأله قالدی. بوراده حاضر بولنان
ذواتک حسن رضالریله ملکه حضر تلرینک مظهر ازدواجلری
اولمق تمیزسندیم. کندیلری - ام الاعصام - کنیه سیله
دائرّه زوجیتمه گیرمگی قبول ایدیورلر.

کلبانک عمومی

یاشاسون ام الاعصام!... یاشاسون امیر بن موسی.
«بونی متعاقب آواز بلندایله ایبات آتیه بی اوقورلر.»

مبارك اولسون ازدواجك ای امیر !
ظہیر من ، امیر معدلت سمیر !
بوہمسر گلہ سن ہمیشہ ہمدم اول ،
محبتندہ ثابت اول ، مقدم اول .
حماستك بو عشق ایلہ وفاقی در ؛
کمال ایلہ جمالک اتفاقی در .



منظر

۲۴

طنجه ، ساحل دریا . ساحله برقاج یلکینلی و کورکلی کمی یا ناشمش ؛
کورک یرلرنده ، قیچده و باش طرفده عربان دن طائفه لر . کیمیلده شعله لر ، مهتاب .
ساحلده برطنجه لی بربری غورر .

مضار

بربری . رئیس . طائفه لر

برطائفه

شکرلر اولسون . روزکار مصالحه هواسی چالیور .
گونش باتمقله نه اولور ؟ بز باته حق دگلز آ ..!

بردیگر طائفه

بزم بویو لجیلر مزده بیلیم باته چیقہ می گلیورلر که بویله
کچ قالیورلر ؟

بربری

سؤال عیب اولماسون ، سز بورادن نره یه گیده جکسکمز ؟

طائفه لرک رئیس

قارشی یاقه یه ، اسپانیاه .

بربری

مروان بن موسایی طنجیه سزمی گتیردیگز ؟

رئیس

اوت ، اون بش گون قدر اولیور . اوزماندن بری
بش آلتی سفر ایتدک .

بربری

شمدی بویله برچوق گمی برچوق مشعله لرله اسپانیاه
کیملری گوتوره جکسگز ؟

رئیس

سوریه دن مملکتلرینه اعاده اولنان اسپانیا اویلزاده لرینی
گوتوره جکگز که ایشته گلیورلر .

"بربری کناره چکیلوب کورنمز اولور . طائفه لر حاضر لائورلر . کورکلر ،
یلککلر مهیسا . اوکلرنده بریریلدن مشعله پران اولدینی حالدیه بر جمعیتک
کلدیکی کورونور ."

مضار

اولکیلر ، برچوق اویلزاده لر . ولید . عقبه ورفیقکلرن دن
زیدون ، بق ودها بر قاق کشی .

ولید

آرتق بزه اذن ویره جکسگز ، افدیله . سوریه دن

بورایه قدر رفاقت ایتدک . انجق طنجه نك یکی حاکمی
مروان بن موسایی گورمک اوزره بر قاچ گون توقف
ایده جگزه . سزه حق سلامت ویرسون .

اصیلردن بری

بز وطنمزه مشتاق اولدیغمزدن بویله استعجال
ایدیورز . خلیفه حضرتلری بوگونه گلنجه یه قدر گرک
سوریه ده ، گرک یولده ، بزى هر درلو تسهیلاته مظهر بیوردیلر .
بومظهر یتمزده سزک معرفتکیزله واقع اولدی . هپکزه
تشکر لرایدرز .

ینه اصیلردن بری

جمله مزه آری ، آری جمله گزده مدعوسگنز . امیر
مروان حضرتلرینه سزدن نه قدر ممنون قالدیغمزی سویله -
دیگمز گبی بر قاچ گون صکره امیر عبدالعزیز حضرتلرینه ده
تشکر اتیزی عرض ایده جگزه .

ولید

بور فقیم عقبه ایله بن ، طنجه ده قاله جق ایسه کده
دیگر رفقا منینه معیتلر گزده سیاحت ایده جکلر در .

ابن موسی

«- اويله ايسه وداع ايدەلم . - اللهه اصهارلاق - الله سلامت ویرسون-
کې سوزلر تکرر ایدر. اصیازاده لر کیمله ارکاب اولنور. ولیدک دېکر وفقاسی
کذلک براز صکره دېکر برکمی یه بېندیریلیر . کیملر حرکت ایدر. برکمی قالیر.

ولید

مشعله جیلر، ایشته اسپانیوللر گیتدی. سزده یرلر یکنزه
عودت ایدە بیلیر سکنز.

مضار

ولید . عقبه ورفیقلمی .

ولید عقبه نك غیری ارقداشلرینه

سزکده گمیکنز حاضر. ویردیگم تعلیماتی بردها ویرمک
لازم ايسه اسپانیاده مسلم و مسیحی بتون اهایلی بی عبدالعزیز
بن موسی علیه قیام ایتدیره جگگنزی اخطار و تکرار ایدرم.
بومقصدک حصولی ایچون توسل ایدە جگگنز اسپابدن
باشلیجه سی ابن موسانک قرالیچه نك ائندە بر آلت اوله رق
قوطلر حکومتی اعاده و احیایه چالشدیغنه دائر قوتلی
شایعه لر چیقارمقدور.

زیدون ایله عبدون

زهب بر بریمزی حقیله بیلیرز. نه یابه جغمزی بر بر مزدن
اوگره نه جک دگلز .

ولید

معلوم یا . شمدی دگزه آچیله جقسکز ؛ صکره ده بن
سزی خلیفه سلیمانك دریای عطایاسنه غرق ایده جگم .
آچیلک باقه لم .

رفقاسی کمی به بینرلرکن

یاشاسون خلیفه سلیمان !

« کمی حرکت ایدر »

مضار

ولید ایله عقبه ، صکره بربری

ولید

عقبه ! بن سنی همان ده کندم قدر هرايشده ماهر ظن
ایدردم . سن مگر دها پک مبتدی ایتمشسین .

عقبه

نیات جانیا نه یه گلنجه باسکه مبتدی یم . هله فکر جنایتك
فعله چیقیمی مسأله سنده بوسبتون اجنبی اولمق ایسترم .

ولید

برامیدك حصوله چالشوب ده تام حصول بوله جنی زمان

اوندن فراغت ایتک نه دیمکدر ، عقبه ؟ قولمز بویله میدی ؟
سن مروانی ، بن عزیزی بیتیره جک دگلمی ایدک ؟ خلیفه نك
پنجه سندن نره یه قاجار سین ..؟

عقبه

خلیفه بنی بردها گورمیه جکدر . بن مروانه ده عزیزه ده
ایشی خبر ویره جگم !

ولید

احسانلر ! عقبه ، خلیفه دن احسانلر اله جغز ؟..

عقبه

بکما احسان آلمق لازم دگل ، انسان اولمق لازم !

ولید

بوگونمی بردن بره انسان اولدک ؟... بوگونه گلنجه یه
قدر نسناسمی ایدک ؟..

عقبه

محیطک ، رفیق لرك ، اعتیادک تأثیر یله انسان پک چوق
قنا ایشلر دوشونه بیلور . اودوشونجه لر بنده عارضی ایمش
دیمک اولور . بن شمدی اجداد مدن موروث اصیل قانمک

جولان ایتدیگنی حس ایدیورم ! سن شاملیسین . بن
قریشی یم .

ولید

خبر ویره جکسین ، جاسوسلق ایده جکسین اویله می ؟

عقبه

معصوم و مبارک بر آدمک حیاتی قورتارمق ایچون
جاسوسلغده مساغ وارددر .

ولید

کندی امتناعکله قانع اولیوب بنمده می استفاده مه مانع
اوله جقسین ؟

عقبه

سن خلیفه طرفدن عزیزله مروانی اتلافه مأمورسین .
بن من طرف الله اونلری قورتارمغه مجبورم .

ولید

قریشی یم دیه نبوت ادعاسنه می قالدشه جقسین ؟ سن
صانکه قصورسز ، لکسز بر آدمیسین ؟..

عقبه

لکه لرم وارسه سز لردن بولاشمشدر ؛ بن اونلری
اغلایه رق توبه واستغفار ایله ییقایه جنم .

ولید

اولکه لر او یله ییقانماز ؛ بویله ییقانور !
« قوشوب خنجر یله عقبه یی ایترک دکزه دوشورر . »

عقبه دوشرکن

آه ، لعین ! ...

« واید سرعتله اغتیاب ایدوب مختفی بربری کورونور »

بربری تلاش ایله جبهه سی آتهرق

بن مگر بوراده بونک ایچون طور یورمشم !
« دکزه اتلار »



منظر

۲۵

طنجه. بر میدان. بر کلیسا. آرا ده چاك صدائى. صباح. هوا صغوق.
بعضاً قار يا غار. متهور براختيار او شويه رك طولاشور.

مضار

اختيار آلبرتو. صكره دوشس دولوزيطانيا وبربريلر.

اختيار

چامورلر ايچنده يوارلاناتان شو كوى قزينه باق. بنم
مكتوبه جواب بيله ويرميور! ملعونه نك او غلمله ازدواجنه
او قدر مانع اولمق ايستدم. اولدى. بوكليسا ده نكاحلرينى
قيديلر. او غلم دوق دولوزيطانيا نك او كجه خدمتجيسى
صكره متره سى، ده صكره زوجه سى ولوزيطانيا دوشسى
اولدى. شمدى بكا، صهرى پدرينه، جواب ويرميور!
صغوقدن ده طونه جنم!.. چال، پاپاس، چال!.. ناقوسكى
باشمه گچيره جك ده اولسه ك بن او قجه نك نكاحى قيلان
يره بردها گيرم! او طانمه دن ينه او كليسا يه گليور!
»بربريلر برتختروان كتيررلر. دوشس دولوزيطانيا نك ده اينديكى كوره رك«
طور!.. سندن برشى صوره جنم. اللهم اوينه سن نه

جسارتله آياق باصیورسك ؟ او غلمك مزارطاشنه باصوبده
 بينديگك بوتختروان گليركن نصل اوليورده پوتلرتتريه رك،
 چا گير فریاد ايدرك ، دهشتله بومعبد یرندن قالقوب گوك
 یوزینه چكلمیور؟ مروان بن موسایه وارمق ایستیورسین،
 اویله می؟... رودولفونك ایچدیگك قانی تخرایدن صاچلرکی
 او قدر لکەسز بر آدمه یورغان ایتك ایستیورسین ! . .
 اویله می ؟...

دوشس دولوزیطانیا

بن سنی طانیورم ، مجنون اختیار ! رودولفونك پدری
 سکسان یاشنده، سندن چوق گنج ایدی. رودولفودن ده
 دهها اول اولدی . همده بنم قوجاغمه اولدی !

اختیار

نه ؟... نه ؟... نه ؟... بنمی اولشم ؟... بن ! ..
 رودولفونك پدری آلبرتو !... قاری !... قاری !... بنمی
 اولدم ؟..

دوشس دولوزیطانیا

البته سن اولدك ظاهر ! گبردك ، گومولدك ده خبرك

یوق. باقسگابر کره ، بتون وجودك چورو یوب دو کولمش،
 برونك، قولاكلرك دوشمش، گوزلرك اویولوب ایکیسنه ده
 طوپراق طولمش! قوردلر بیله نعلشگده ییه جك بوله میوب
 گیتمشلر! بویه قوری کمیک، مزاردن چیقوب گلمشین ده
 خبرك یوق! روز گاراسدکجه چکه کیگکدن برصد اچقیور.
 سن اونى کندی سسك ظن ایدیورسین! دگل، اختیار،
 دگل؛ اوسس روز گار، یل... سن اولوسین، اولو!..
 دیریلرك ایچنده نه ایشك وار سنك؟.. اوف!.. نه قدرده
 تعفن ایدیورسین، بیلسهك!.. دیریلر بو عفونته طاقت
 گتیره من! نه طور یورسگز؟ بر بریلر!.. شو چاغین اولوین
 مزارینه گوتورك!

بر بریلردن بریسی

امرگز وجهله بر زنجیر گتیرمش ایدك ه
 « اختیاره طوغری یورویه جك اولولر »

دوشس دولوزیطانیا

یوق طورگنز! شو غریبه خلقتی برازدها سیرایدهیم.
 « اختیارهیچ برشی سویله میوب اوضاع وحرکاتیه تهورینك ارتدیغنی کوسترر . »
 زواللی اخروی! نه قدرده معذب گورینور!.. ائی یا،
 او قدر حضور وسکونی بر اقوبده ینه بوغانله لی دنیایه

گلمکده نه معنی وارایدی؟ حیاتک نهایتنی گوروب آکلا دقدن
 صکره ده می حیاته محبت؟.. سن دنیا ده بولنانلره ده کندیلرینی
 آخرتده ظن ایتدیر یورسین! اشته گور یورسین یا، عالم ینه
 اسکی بیلدیگک عالم. یر، گوک، طاغیر، دره لر، دگزلر،
 اولر، اغاجلر، برطاقم ده مخلوقات. بیک ییل صکره ده
 گلشن ینه بویله. سن بوکلیدسانک اطرافنده نیه طولاشوب
 طور یورسین، عجا؟.. بر جنازه اولدیغکی اثبات ایچونسه
 یورله! عبادت ایچونسه ینه یورله! نه قدر یالواروب
 یاقارسن ینه اوله جغک بودر! نه ایستیورسین بندن؟
 چقتلکلرکی، سرائلرکی می ایستیورسین؟ سنک اولدیگکی
 بیلدیگیچون مروان اونلری بکا ویردی. اونلر شمدی
 نم. قیامته قدر سنکمی اوله جق صانیوردک؟ طیفلرگی
 مزارک گاه ایچنده، گاه دیشاریسمده بولنق. هم دنیا ده
 هم آخرتده یشامق می ایستیورسین، ای قودورمش اولو!...

اختیار

بن اولو ایسه م، ای متحرک شئامت!.. سن عجا
 صاحب روحی سین؟ روح قدر مقدس بر تجلی الهی بوملغت
 هیکنه تنزل ایدرمی؟.. سن کیم بیایر، هانگی عفریتک

لاشه سندن حاصل اولمش بر جادیسین !.. سن دور خرافات
بتلری گبی البته ایچکده کی شیطانله حرکت ایدیورسین ! بن
طوپراق قوقیورسهم ، سن قان قوقیورسین ، ای مردار
گوزللك ، توح سکا ؟...

دوشس دولوزیطانیا زهر خذرا یله بر بریره

سویلدیکی لقر دیلری سزا کلامز سگز ؛ اولولرک
لسانی در . فقط بن جادو ایشم ، اگلارم . ای ، صکره ؟

ینه او بربری

صاحی صقالی آغارمش براختیار اقدمزه اعلان عشقی
ایدیور عجبا ؟..

دوشس دولوزیطانیا

باق ، اختیار ، نه دیورلر ؛ سنک اورطوبتلی قبرک ایچنده
یوزیکک کیمکلی کوفلنمش ، باشک یوصونلنمش ده بونلر
اونی صاچ صقال ظن ایدیورلر .

اختیار

آه ! حقیقت حالده رودولفو ، سنک قارشوکه فصل
اولیورده او یله چیقیمور عجبا ؟.. قناد حکمنده کی جریحه لری

آچلمش، غضب انکیز بر ملک قیافتنده باش او جگه گلوب
 طور میورمی؟ آئنده طوتدینی صاعقه لغتی سنک بینک
 ایندیر میورمی؟ سنی آتشدن دها محرق اولان ندامت
 یاشلریله، قیامت طوزلریله بوغمیورمی؟ یوق، نه ممکن!
 رودولفونک خیال و خاطره سی بیه سکا تقر بدن حیایدر،
 سنی زیارتدن تحاشی ایدر. سیاهپوش اولان اومبارک
 و مبجل خیالر بر معبد گین جنازه آلابی گبی یالکیز بنم
 خاطرمه گلیور.

دوشس دولوزیطانیا

اویله دگل، سنک خاطراتک اسکی بر مزارک آلتندن
 چیقان میککر گبی در: ذهنک تمام قونلش ده صکرده دن
 تارمار اولمش شیلر! اولردن اسکی حالی استدلال قابل
 اولماز. سنک رودولفونک پدری اولدیغکی بن نهدن بیلهیم؟
 رودولفو، سنک اوغلك اولدیغنی سن نصل ات ایدر سین!
 اکیگزده حشر ونشر اولمش، خرد وخاش اولمش سکنر!
 رودولفوزنگین، اصیل ایدیسه بن ده گوزل بر قزد گلمیدم؟..
 فرض ایت که بن چالیلر، دیکنلر ایچنده یتشمش، باقوشلر
 یواسی اولمش بر فدان ایدم ده رودولفو بنی قالدیروب کندی
 سر اینک باغچه سنه قویمش اولسون. سن نه ایستردک، اختیار؟

گیدوبده رودوافونك مزارینه می دیکلملیدم ؟ بو گنج
 یاشمده اوغلکك ماتمله می امرار حیات ایتلیدم ؟ بنم
 گوزلدگم نه دن بر نقاب سیاهه رونسون ! گونشك قارشوسنده
 گيجه بر ظل زائلدر . شوچا ککری صوصدیرك ، بر بریلر !
 معناسز شماتلری اعصابه طوقیور ! « نغتروانچیلردن بر قاجی کلیسیاه
 طوغری قوشه رق کیدرلر . » بوراسی مسلمان مملکتی در .

اختیار

اذان صداسیمی ایستیورسین ؟ اسلام بزم حریت
 مذهبی مزه قارشمیورده اوئی سنی اخلال ایده جکسین ؟
 آه بیلسه لر ، سنك نه کافر ؤ نعمت اولدیغکي بیلسه لر او
 چا کنگرگي مؤذنلرده سکا لغت خوان اولور !

دوشس دولوزیطانیا

او کلیساده یالکیز بن عبادت ایتلیم !

اختیار

عبادت می ؟ .. الله سنك عبادت ایتدیگك بر معبدی کافه
 عبادینه مؤبدأ حرام ایتسه لایقدر ! سنی هیچ بر دین ،
 هیچ بر مذهب ، هیچ بر معبد قبول ایتمز ! یر ، گوک مصون

و منزه اولی سندن ! سن خیالات عالمک الاهی اولان
 ژوپترک محبوبه منکوبه سی گبی رله گولک بیننده آصیلی طورده
 خالق حقیقی مکوناتک بالمله مخلوقاتی زیروبالاتی خلقتدن
 سنک بوموجودیت خبیثه که طفولر یاغدرسون !

دوشس دولوزیطانیا

بکا باق ، ای دنیانک ابتداسندن بری یشامش
 فرتوت ! سن هابلله قابلك مقاتله سنده حاضر بولندگمیدی ؟
 مطلق سنک - آ تی یوکوس - له بر قرابتک اوله جق !
 بخت النصرک ترک ایتدیکی چفتلک کرده اوتلادیغک خاطرکه
 گلیورمی ؟ کیم بیلیر شو اسپانیاده قاچ دولنک انقراضی
 کورک ! باق طوفان نوحده گیدیکک یاغمورلق حالا
 صرتکده طور یور ! تیمارخانه یه گیدرمیسین ؟ بکا باقک ،
 بربریلر ! گتیردیگکز زنجیرله شوتاریخی دلی بی باغلا یگزر !
 صکرده قفاسنه برر تکمه اورکده نره دن گل دیسه اورایه
 گیتسون ! باغلا یک دیورم سزه ! ... زنجیرک براوجنی ده بکا
 ویرک ! «بربریلر امره امتثال ایچون اوغراشورلر» سن شمدی گیتده
 بر حیات اولدیغکی حکومته خبر ویر باقهیم ! آرتق لقردی
 سویلگی ده اونوتدک . حیوانات گبی یالکز خیرلیورسین .

زنجیر ایله صارلمش اختیار ییلان ! قیوران ده زهرک
دوگولسون !

« آجی برقهقه ایدر »

اختیار

آه ، رودولفو! رودولفو! اختیار بابا گک امدادینه
قوش ! قوش ! قوش .. قوش ..

دوشس دولوزیطانیا الفده زنجیر

زنجیر چینغردیسی آخرتدن ایشیدلنز!.. بندن رودولفوگئی می
ایستیورسین ! بن آدم یاراته مم ! بن اولو دیرلته مم ! نه یاپهیم
سکا بن ؟ نه ایستیورسک بندن ..

اختیار

مال و ملکم، چفتلکم! آه، باق او غلم ایچنده طولاشیور!
گور میور میسین؟ آه !

« قوشارکن دوشرقالور. نفسی کسلییر. تخترو انجیلر اطرافنه طوپلانورلر.
ایچلرندن بریسی آل اشارتیه اختیاوک اولدیکنی آ کلاتمق ایستر. »

بردیگری

اولو دیدیگک بویله اولور !

دوشس دولوزیطانیا طوتدیغی زنجیر آلدن

ایتمه یگزدی !..

منظر

۲۶

طنجه . مروانك خانه سنده ايكي اوطه . ليل . سكوت . اوطه لرك بريسنده
بريتاق . ديوارده برقادين كيجه لكي . براوچاق . اوستنده مجلاطاشدن معمول
آيينه ، برقوم ساعتی . برقندیل . كنارده برسدیر . ديكر اوطه : سدير لرله
مفروش . بيوك بر مشعله يانار . قپولرله پنجره لر قاپلی و پرده لرله مستور .

مضار

يتاق اوطه سنده وليد . دها صكره ديكر اوطه ده مروان ايله دوشس .

وليد

دامدن دوشرگي اولدم ! شوا و جاقدن بر يلدیرم گي
اينشم ديمك اوليور . همده برقادين اوطه سنده اينشم .
صكره ده بلكه اناختار دليگندن قاجارم ! بكا وليد ديرلر .
ابتدا شوقنديلك جاني الهيم ! « اطرافنه باقتور . قنديلی اوفلر و برقاج
يردن ديوارى ديكر . » مروانك اوطه سی بويانده كي اوله جق .
بو ، دوشسك يتاق اوطه سی ! عجا يا گلشمی گلدم . » بر
پرده آچهرق شهر ، بتون اهالی اويقوده ... بو ، بر اوطه
قپوسی . نه وار نه يوق ؟ طور باقهيم . « قپوی ديكه يوب صكره آچار
باقار . » كيمسه لر يوق . جنلر طوپ اويقيور ! بونه ايمش عجب ؟

«اونی قایوب بر دیگر قپودها آچه رق» بوزردبان!! قاپا!! شونی ده
 آکلا یه لم . «یاندۀ کی او طه نك قپوسخی دیکلا دکن صکره آ. وب بانه رق» بو
 مشعله آئی اما کیمک ایچون یانیور. خیالتلر اوجاغی میدر،
 نه در؟.. طور باقهیم بر سمس گلیور. ارکک سسی!
 قاری ده وار!! «ینه او او طه نك قپوسنك دلیکندن کورلیه رك» مروان،
 تا کندیسی!! تا کندیسی، مروان! بن شمدی نه یاهیم
 ولید؟.. نصل حقندن گلملی؟ «ینه کوزلیوب چکه رك» قاری
 اسپانیول!! «بردها کوزلیه رك» باق، باق!! مروانی بورایه
 گتیرمک ایستیور! گتیره جک!! یالواریور! قسمتی
 ایامه گتیره جک!! حاضر اول، ولید!! فرصت گلیور!
 نه ده آزغین مؤنث بو!! عمر مده شو یله برشی ألمه گچمدی که!!
 مذکرده نه قدر صبور و ثباتکار! گلیور لر. اوتده. بکلهیم.
 «یتاق او طه-مه قاچار.» خلاطم بو او جاقده اصیلی. حریفک ایشنی
 بیتردکن صکره اورادن قاچارم! قارشویه گچمک ایچون ده
 گمی حاضر.

«دوشس مروانی چکه رك مشعله لی او طه یه کتیرر. ولید یتاق او طه سنك
 قپوسخی اورتوب اختاردلیکنندن سیراید. دوشس دولوزیطانیا رنکی اوچش،
 صاچلری اوموزلرینه دوکولمش، آلی ایاغی تیتیرر برحالده، مروان ایسه نفرتیه
 قاویشیق بروضه مهیب ایله کلیر.»

دوشس دولوزیطانیا

بر بو او طه قالدی، امیر. یتاق او طه سنه بر... بر...

دوشس دولوزیطانیا

بیلمم که ایچریکی اوطه یه گیدرسه که قرالیچه ایلانک
خیالی سزی گوررمی ظن ایدیورسکنز ؟

ولید کندی کندینه

بوراده خیال یوق ، حقیقت وار !

دوشس دولوزیطانیا

اونه ، امیرحضر تلی؟ بوسوز بواسم سزه پکمی تأثیر
ایتدی ؟.. بردن بره نیچون برکاغدگی بیاض اولدیکنز !

مروان بن موسی

اوکاغده نه لر یازیلی گوریورمی سکنز ؟...

دوشس دولوزیطانیا

استکراه ، نفرت ، حقارت ، اغبرار گوریورم !..

مروان بن موسی

برده سکسان باشنده براختیار گورملیسکنز . سز بر
سیمین بدنسکنز، که صاچلرکنز مذهب برزنجیره بکنزیور !

دوشس دولوزیطانیا فناالشرق

آچکز قوللرکزی ! صاقله یگزی ، امیر ! آه ! ..
گورمیور میسکز که چکیورلر ؟ بنی زنجیرلرله اشاغی یه
چکیورلر ! اشته بر معبد ، بر تختروان ، بر طاقم بربری ،
یوقاریده کی گورلتی بی ایشید یور میسکز ؟

مروان بن موسی

بن هیچ برشی ایشتمیورم . هر طرف ساکن وساکت .
یا لکنز سزده بر هیجان وار !

ولید کندی کندینه

بن بومر مردن حریفک نرسنه صاپلاملی یم که خنجرم
قیرماسون !

دوشس دولوزیطانیا

او براوطه یه ، امیر ، او براوطه یه گوتوریگزی بنی ! ..

مروان بن موسی

بزم عرفزده بر قادینک یتاق او طه سنه شریعتک اذنیله
گیریلیر . « یواشجه فقط مدهش بر صورتده دوشسه طوغری یوروپه رک » او
اختیار سزک قاین بدرکز دگلمیدی ؟ ..

دوشس دولوزیطانیا هراان

برمفتري آدم. امير! بر... بر حيله کارا اختيار... بنم
ايچون... آه... شو بيونمده کي زنجيري قوپارر ميسگنز؟

مروان بن موسی

بگا سزدن شکایت یازان اختیار آلبرتو بی نه یادیکنز؟

دوشس دولوزیطانیا

بنمی!... بن هیسچ برشی یامسام!... بن نه یاپدم.
بن؟... آه! حفظ ایدیکنز، سز حفظ ایدیکنز بی! لطف
ایدیکنزده او براوطه یه گچه لم.. او براوطه یه .. آه!.. او بر
اوطه یه... قاچ امیر، قاچ!.. گلیورلر... آلبرتو ایله
رودولفونک سسلرینی طویورم.. قاچه لم!.. أولولرک
صدمه سندن خیاللرک هجومندن، روحلرک رعده بر قندن
قاچه لم! گلیورلر؟.. قاچه لم، امیر، قاچه لم!....

«مروانی چار په رق آچدیغی قاپودن یاننده کی اوطه یه ایصال ایتدیکندن
ولیدالنده حاضرلدیغی خنجرله سو قصدینی اجرا و اوخاغه القجا ایله فراو
ودوشس ایسه فریاد و فغان ایدرک استمداده ابتدار ایتدیکی صرهدده خدمه
سرای جوانب مختلفه دن اوطه یه شتاب ایدرلر. بصرهدده بالطبع « - نه
اولیور؟ - نه وار؟ - کیم بوقادین؟ - امیره نه اولدی؟ -
اورولمش! کیم اوردی؟ - « کبی اشخاص مختلفه دن سوزلر صادر اولمغله بر
طرفه ییقلمش کبی یاتان دوشس الیله بر جهتی کوستره. »

خدمه دن بریسی

مطلق بوقادین اور مشدر !

دوشس دولوزیطانیا

آہ بی دہ، امیری دہ اولدیرن ایشته!.. گور میور میسکمز؟

زنجیر ایله باغلی براختیار!...



منظر

۲۷

«طنجه . خراب برآوده . ایکی پنجره فی براوطه . پنجره لرك اېكيسنك ده .
پرده لری ایندی رلش اولدیغندن دیشاریسی کورتمز . بریتاق . عقبه یتاقده .
وقت صباح . او طایه دیشاریدن مختلف سسلر عکس ایدر .»

مضار

عقبه ، صکره ، بربری ایله قاریسی .

عقبه

بودیشاریده کی عربده لر نه در ؟ قلدانمغه مجالم یوق که
قالقوب باقیم ! بربری عودت ایتسه ده برخبر آلسم ! . .
دها ! صاغم . شوگورلتیلری ده ایشیدیوم . آه ! ولید ،
ولید ! . . یگر می بش سنه لک بر رفیقگی خنجرله یوب ده
دگزه آتار سین او یله می ؟ . . . یاشامق ! . بویله آغر آغر
یاشامق ! اولیه جک قدر یاشامق ! آجینک شدتندن ،
آجینک شدتنی طویمامق ! . طوغریسی نوپک مقدس بر
جریحه ! صانکه اونکله بتون مکو نات معنایی ، او عرش
اعلایی گوریورم . بوجریحه دگل ، ید رحمت ربانیه قلبمی
او قشامش ، اوح ! . تجدید حیات ایتدم . تبعید سیئات ایتدم .

تبدیل روح ایتدم بوگون! ... مروان بن موسی؛ بولندی
مرتبهٔ علیادن بگانه قدر نوازشله گولیور! ... ملعون ولید!
سنک سلاح ملعتک او ییلدیزه نصل تعرض ایده بیلیر؟
باق، سن بو عقبهٔ سفیلی بیله اولدیره مدک. عربده گیتدجه
آرتیور! ولیدکده برقلی وارمی عجا؟. هله عقلی یوق.
خیث اورادن مشعله جیلری دفع ایتدیگی زمان جوارده
پارلاق برتصادفک اختفا ایتدیگنی تیقن ایده مامش! نظر
الهی به برده چکله میه جگنی، اونک ظلمتدهده اصابت
ایده جگنی دوشونه مامش!.. گورلتی چوغالیدی. اوف!..
قالقه میورم... گایورلر... نردباندن چیقیورلر... کیم
او؟... کیم او؟... بربری ایله قاریسی. نرده قالدیکنز؟..
نه در بوقیامت؟

بربری

سن یرگدن قیام ایتدهده بز پرده نی آچه لم. باق!..

« دیدیکی یانجه برجه غفیر ایله طولش میدان، اورته پرده بردار آغاجی،
دارده اصلمش برقادین کورو نور. خلق رفیع صدای تلغین ایدر. »

عقبه

اونه؟.. کیمدر او اصلمش قادین؟

بربرینک قاریسی

دوشس دولوزیطانیا !..

عقبه

کیم ؟ .. هانی امیر مروانک مسافری ، مجنونه قادینی ؟ ..

بربری

مجنونه دگن ، ملعونه !.. امیر مروانی قتل ایتمش !..

عقبه

نه ؟ .. « یتاقدن صچرایوب قالقار. »

بربرینک قاریسی

اوتور ! نه اولیورسک ؟ باق اشته امیرک جنازه سی کچور !

« دیکرپ ددی آچار . محتشم برکتیبه ماتم کوردونور . اصوات تکمیر . »

عقبه

یمین اندرمکه ولید اولدیر مشدر ! « سکر دیر . باشی دونر .

سندهلر ، طوتارلر . »

بربری ایله قاریسی

یاره کی اونوتدگمی ؟ زه یه گیده جکسین ؟ ولید

کیمدر ؟

عقبه دوشه قالقه

اعلان ، اعلان ایده جگم ! .. آه ! .. یورومگی ده
اونو تمشم !

« زور ایله دیشاری به آتله رق کیدر »

بربری

دنیا بی اونوتدی گیدیوره ده ها بوگون لاقردی سویلیه-
بیلیور ! ولید کیمدر یقشوب ده طوتهیم ! چیقار

بربرینک قاریسی

ولید کیم اوله جق ؟ .. کندیسنی دگزه آتان پایید ! ..
یازق . شمدی ینه دوشوب ینه گونلرجه بایغین یاته جق !

بربری دیشاریده

دوشندی . قاپانمش یاره سی تکرار آچلدی ؟ گل ،
گل ، گل !

« بربرینک قاریسی ده قوشار . خارجدن دوام اصوات »



منظر

۲۸

« اشبیلیه . عزیز بن موساتك سراینده براوطه »

مضار

امالاعصام ، یعنی ، قرالیچه ایلا . دوناصوللا . براز صکره
عزیز بن موسا دها صکره عقبه نام مستعارى ایله ولید .

صوللا

نه دیه یم افندمز ؛ اسپانیایه تکرار حاکمه اولدیگز .
فقط بردرلو نفسگزه حکم ایده میورسگنز . بوقیلدن اوهامه
مغلوب دگل ، غالب اولملی . سزه دائما امید ویرمکده اصابت
بولندیغنی وقوعات اثبات ایتدی : برچوق انقلابدن صکره
معشوق عزیزگز ابن موسی برحاکم حکمدار آسا تعیین
اولندی . سزیده حکومت و حیات اهلیه سنه تشریک ایدرک
امالاعصام کنیه سیله بنام وبکام ...

امالاعصام سوزنی کسهرک

صوللا ، صوللا ! بنده نیگین اولمق ایسترم . فقط
ممکن اوله میور . بز ، اوت ، اوزولرمزگی کندمزده متحد

ومزدوج اولدق . فقط مملکتده اتفاقسزلق دینلن علت
ساریه حکم سوریور . موسی بن نصیر ایله طارق بن زیادی
مصاب ایدن بووبای مدهش بوگونکی افکار عامه یه ده
سرایت ایتدی .

« بوارالق عنیز بن موسی کیرر . »

صوللا عنیزی کورمیه رک

ملکة محترمه مز ، بونی نه دن استدلال ایدیور .

عنیز بن موسی

هرشیدن وهر کسدن .

صوللا شاشیره رق

امید ایدر مکه گر چکدن دگل .

عنیز بن موسی

افواه ناس دائماً حقگو و حقیقت شناسدر . اساسی
اولیان احوال دن بحث ایتزلر . دوران ایتکده اولان
شایعه بی ایشتمدیگزمی ؟ ... گویا بز بوملک خصال رفیقہ مزک
تشویقیله بوراده خرسیتیان حکومت قدیمه سنی احیایه
چالیشیور مشنز .

ام الاعصام

بن بر حرکتله بوشایعه نك بی اساس اولدیغنی اثبات
ایدرم . بواؤملك قدر ممکندر . انجق خلیفه نك سؤ قصد
اراده سی ... آه !

عزیز بن موسی

أوت ، معتاد قدیمه امتثالاً جلوسلرینی تبریک ایچون
یوللادیغمز هدیه لر تقدیم اولنورکن - بئکا لازم اولان
نصیر اولادلرینك باشلریدر - بیور مشلر .

صوللا

اوزاق یوللردن کلان خبرلره یوله پك چوق اراجیف
التحاق ایده بیلیر .

عزیز بن موسی

معلومکزددرکه خلیفه طرفدن گویا بزه مقابله بر طاقم
هدایا ، یاخود عطایا گلدی . بونلرک تودیغنه مأموراً
گوندریلن اشخاص میاننده عقبه نامنده بریسی وارکه بزه
صادق اولدیغندن خلیفه نك حقمزده کی سؤنیتی صورت
خفیّه ده اخبار ایتدی . حکومت عیسویه نك اعاده سی

شایعه سنی چیقاران ده ینه اوعقبه نك رفقاسی ایمش که بوکا
خلق اینانیورگی گورندیگندن اصل بنی متأثر ایدن
بوکیفتدر .

ام الا عصام

او آدم لر نروده ایمش لر ؟ نیچون بولدیروب توقیف
ایتدیز منسکیز ؟

عزیز بن موسی

اونلری توقیف ایتدیرمك ارزوسنده دگلم . ذاتا اخفا
ایتمش لر ، تعریفلرینی رفیقلری اولان شو جالب ایده جگم
آدم دن استماع ایدرسکیز : عقبه !
« ولید سلام ویره رك کیرر »

ام الا عصام

نروده او آدم لر ؟ رفقا کزك افکار واسرارینی بیلدیگکیز
حاله نصل اولیورده نروده صاقلاندقلرینی بیلمیورسکیز ! ..

ولید

عرض ایده یم : هر یرده فقط ینه هیچ بریرده دگل
بر طاقم آدم ، بر طاقم رجال غیب . هر کیمه تصادف ایتسه کز

اونلردن بری دگلدن . حالبوکه هر کس اونلردن بری
 اوله بیلیر . هیچ بریسنک دینی یوقدر، ملکه حضرتلری !
 فقط بر دینده حتی ایستدیگنیز بر دینده اک متعصب
 گوردیگنیز بر آدم اونلردن بریدر . سز گله برابر دشمنگزی
 آراکن سزی اودشمنک کمینه گوتورلر . اک امین بر
 محله اک زیاده اعتماد ایستدیگنیز آدملرک یاننده باتوب
 او یورسکنز، لیکن بردها او یانمز سکنز . پارمغنک قلمدان دیغنی
 گورسه گز، گوز گز چیقار . بونلر طاغده آرانلورکن یوکک
 ایچنده درلر . یاخود اوجاقدن اینرلر . «چیرکن برکولشدن صکره»
 سوقاقدن او یور بر آدم گورسه گز نه یاپه بیلیر سکنز ، امیر
 حضرتلری ! اشته معاذ الله سز او یویان آدمک یانندن
 گچرکن اولیر سکنز . کلیسا قاپوسنک او گنده فرضا ! بر
 دیلنجی قزی سزه بر چیچک تقدیم ایدر ؛ ملکه حضرتلری ،
 سز انصاف ایدوب صدقه ویرر ، چیچکی آلوب قوقلار سکنز ؛
 اولیر سکنز . یاخود شکل وقیافتی غایت مضحک بر آدم
 قارشیکزه چیقار . قهقهه لر ایدرک اولیر سکنز . اوله بیلیرکه
 امیر حضرتلری پک زیاده رغبتکزه سزا بر جاریه سزه بر
 گون مو انست گوسترر . سراپا صفایاب اوله رق اولیر سکنز .
 محترم پدر گزک خیالنی یاخود معصوم برادر گزک تمثالنی

سزه آغوش کشا بر حالدہ گوروب قوجاقلرینه آتیلیرسکیز،
 اولیرسکیز. دها غریبی وار: براقشام ملکک حضر تلی سزه
 کندی ایلله بوسه ایله مخلوط برقدح شرابا کرام ایدر؛
 نشئه سیله مست ومسحور بر طرفه سریلیرسکیز فقط الله
 رحمت ایلله، اولیرسکیز! اشته بنم رفیقلم بویله در.

عزیز بن موسی

پك گوزل، عقبه، پك گوزل. بزده اسباب وادوات
 مدافعه‌نی تهیه ایدرز. شمدی سزگیدوب راحت ایدیگز.
 «ولید حرمتله سلام ووروب چیقه‌جق اولور.»

ام‌الاعصام تهورله

طور! دیمك كه بو آدم‌لر سرایه‌ده گوروب چقیورلر!
 «ولید جوابه حاضرانور عزیز ایلله سکوۃ ایتدیر.» رفیق‌لرك بنم
 اسپانیول قزی اولدیغمی اونو تمسونلر؛ سکا او قدر سویلرم!
 چیق «ولید چیه‌ره» امیر حضر تلی، بگا جواب ویرمی
 یاخود حساب ویرمی لازم گلن بو آدمی نیچون بر اشارتله
 اسكات ایتدیگز؟

عزیز بن موسی دیشاریه چیقه‌جق اوزره

چونکه بن مقدّر بولندیغمی حس ایتدیگم بر حاله قارشی

هیچ بر تدبیر اتحاد ایتک ایسته مم . بن بوگون زائل اولنجه
البته بوندن قرق اللی سنه صکره ینه بزم خاندانمزدن بریسی
بومملکتده ینه بر حکومت اسلامیة تأسیس ایتک بختیارلغنه
نائل اولور .

ام الاعصام

بر لحظه توقّف ، امیر حضر تلی ؛ دوناصوللا ، سزده
دیشاریده بولونکژده کیمسه گلمسون .

صوللا چیقارکن خودبخود تبسمله

بن ده چیقهم دیمک اوله جق .

« عزیزایله ام الاعصام یالکز . تکلیفسزک »

ام الاعصام

نه لر دیمک ایستیورسین ، عزیزم ؟ مرامک نه در ؟
نه یاپه جقسین ؟

عزیز بن موسی

خلقک منفوری اولمش برامیر نه یایمق لازم گلیرسه ...
تفرت عامه ، بر اشارت تامه در . خالق فراغتی امر ایدیور
دیمکدر .

ام الاعصام

امارتد نمی؟ .. بند نمی .. نهدن فراغت ایده جکسین؟ ..

عزیز بن موسی

بلکه ده حیاتدن. برادرم مروانك عاقبتی گوردیگز؛
نمده نصیم او، اوله جق! الله رضاسی ایچون اوله جگم!

« ام الاعصام بردن بره آغلامغه باشلار »

عزیز بن موسی

سرنوشت بشر سیاهدر. عزیزم. اوهیچ بررنك ایله
تصحیح ایدلرز. نه میدان حوبك قرمزی نهرلریله سیلنیر،
نه اتیام واراملك مصفا چاغلیانلریله تمیزلنیر. نه ده منابع
سامان وسطوتك شعشعه سیله تنور ویا تغیر ایدر.

ام الاعصام

سکا سو قصد ایده جکلرده بن تماشا گرمی قاله جنم؟

عزیز بن موسی

سنك نه راده لرده کرمکار اولدیغك نجه معلومدر. سماوی
همدم. سن نم او گوزل ملکه الهام سین که مولای ذوالجلال
بارگاه رحمانیتندن آیرمشده گوندرمش! .. اوله بیلیر،

ام الا عصام اوله بیلیر که امارتدن فراغت ایدوب حجازه گیدرم.
 سن ده اوسفر مبارکده همراه اولور سین. آنجق بشقه یولده
 بر عزیزمته ده خاطره گلیر. مثلاً عزیز بن موسی او یله بریره
 گیده بیلیر که سن اونک یالکنز قابوسنه قدر برابر اولور، لکن
 دها ایلر یسنه، دها ایچریسنه گیده میوب قالیر سن. بن اوراده
 مختفی اولدجه اره صره قابونک فوقنده تجلی ایدر، بر
 مشهده عکس ایدن ظل الهی گبی کیمسه لره گورنیه رک گلوب
 گچرسین. ظاهری گوزلک باطنی ایلکه دلالت ایدر سه سنک
 بوز یار تلرکده بنم علامت معصومیت اولور که گورنلر سقوط
 ایدن یلدریز مک بر ملک شکننده اوله رق سر مرز ارمده لمعان
 ایتدیگنه ایمان ایدر لر.

ام الا عصام غایت مکدر

آه، عزیز! عزیز! عزیز!...

عزیز بن موسی

اوباب غریبه تعلیق اولنمش گوره جگک قنبدیل، امین
 اول عزیزم سنی استقبال ایچون چیقمش نور محبتکله یانان
 روحدر. قاتح الابواب اولان خدای لم یزل نه زمان فرمان
 بیورر سه قابو آچیلیر. سن ده او قنبدیلی آلکه آلوب گیررسین.

اشته اوزمان عوالم فوقانیه ده سا کن بولنا لر هب بردن غبطه
خوان اوله رق عتبه صمدانیده خطاباً - بزلر آشاغیده
دکلسه کده ، یاربی ! بولر بزم چوق فوقمزده گورونیور -
دیرلر !

ام الا عصام

سن اولیه جکسین ، عزیز بن اوله جگم ! « ناسکھانی برتغیرله »
اول امرده . نم برقرالیچه اولدیغمی اونو تاملی ! [*] اولیه -
جکسین دیدم . بوا مرمه اطاعت لازم !

عزیز بن موسی

سن یاقینده بو خاکستان فنایه دوشه جک محصول عمر مزک
نمره دار اولسی چون قاله جقسین . حایر ، حایر ، سن
اولیه جکسین ، عزیزم ، بن اوله جگم .

ام الا عصام

هیچ گونش گورمیان بریرده چیچک یتشمی ؟ ..
او ثمره عصمت بیتدیکی یرده بیتوب گیده جگدر ؛ بن او بیچاره
یتیمی خلکک پایمال تحقیری گورمگه طاقت گتیره مم . بن او
رأیت اصالتی مزراقلره طاقلمش گوره مم . بن او مبارک

[*] بوسوز تبخن مقدماتندن عد اولنه بیلیر . ع . ج .

غنجه نك دار اغاجنده آچیلماسنه تحمّل ایده مم . سن
أولیه جکسین ، عزیزم ، بن أوله جگم .

عزیز بن موسی

چیچك آجش بردار آغاجی گورمك ایسته میورسین ؟
یاسنك نهال حیاتك می غنجه سیله برابر نابدید اولسون ؟ ..

ام الا عصام مترنمه

قورویوب بلكه خاك اولور لكن
اوسنك سرومرقدك اوله ماز !

مضار

اولکیلر ، ایوب بن حبیب ، صکره ولید

ایوب بن حبیب آئنده بوکولمش برکاغد

عقبه نك کتیردیگی قره خبرك رسمیسی ده گلدی .
بیورگنز .

کاغدی آلوب برآز
اوقودقدن صکره

عزیز بن موسی

نصل ؟ .. نصل ؟ .. دوشس دولوزیطانیامی ؟ ..

ایوب بن حبیب

اوت ، اشته اونك ایچون دوشس ده اعدام ایدلمش .

ام الا عصام

اعدامی ؟ ...

عزیز بن موسی

حالبوکه بزم مخبر صادق ، عقبه ، - قاتل ولید در . -
دیوردی . زرده او ؟ ..

« ایوب بن حبیب عقبه اسمیله ولیدی چاغرمق اوزره قابونی اچدینی صرده ده »

ام الا عصام

بونک ایچونمی عزیز ، دوشس گی قیامته قدر اصلمش
طور مق ایچونمی سن اوله جکسین ده بن قاله جغم ؟ ..

عزیز بن موسی کیرن ولیده

عقبه بردها سویله ده ایشیده لم . برادر مزه سوؤ قصد
ایدن گیجه نزدنده بولنان دوشس دیورلر سن نه دیر سین ؟ ..

ولید

زوالمی قادینه افتر ایتمشلر . قاتل ، یمین ایدرم ،
ولید در . بن دگزدن قورتاریلوب چیققدن صکره بوجایتی
خبر آلدم وجانی اولان ولیدی کندی المله اتلاف ایتدم .
اگر بوده برجنایت ایسه جزا بیورلسون .

عزیز بن موسی

نامه نك آلت طرفنی ده اوقویه لم :

« دوشس دولوزیطانیا جلب ایدلدکن صکره بین الخلق
صرحومی ولید نامنده بر شخص مجهول اولدیرمش دیه برشایعه... »

ولید

اشته حقیقت حال .

عزیز بن موسی اوقومغه دوام ایله

« برشایعه جقیدیغندن تحقیقاته ابستار اولمش ونتیجه ده
ولید نامنده بریسی طرفندن ایقاع اواندیغنی خبرویرن مخبرك برفقیر
بربری معرفتیه دكزذن مجروحاً چتقاریلوب خانه سنده مسافر ایدیلن
عقبه نامنده بر شخص اولدیغنی اكلاشلمشدر . »

ولید اورپه ره رك كندی كندینه

عقبه می ؟ . . « بدن كندی طویلایه رق » اشته گوریور ،
اوقیورسكز ؛ عقبه قولككزم . عقبه نام شخص معلوم
مجهول دگل . « كندی كندینه » دیمك كه عقبه صاغ !... »

عزیز بن موسی

أوت مجهول دگل ، معلوم . هله براز دها اوقویه لم :
« آنجق عقبه نك جریحه سی هنوز التیام بولیوب كندیسی
سئوال وجوابه غیر مقتدر رحالده بولندیغندن دها زیاده تفصیلات
آلنه مدینی وعقبه نك اعاده عافیت ایتسنه انتظار قلندیغنی عرض اولنور . »

بو مکتوبک مألنه نظراً بر برینک اوندہ مجروح و مریض
بر عقبہ وار ؛ - امیر مروانی ولید اولدیردی - دیور . بر
عقبہ دم بورادہ وارکہ - امیر مروانی ولید اولدیردی -
دیور . ایکی عقبہ قارشیندہ بولنیورز . نہ بیوریلور ؟ ..

ولید شایر مش حالده

بن ... حایر ، بندہ گز ... بندہ گز نہ دیورم ؟ هر
حالده ایکی آدم دگلم . ولیدی بندہ گز اوردقدن صکره
دگزه آتمش ایدم . دیمک کہ قورتار مشلر ؛ بنم گی اوده
قورتولمش .

ایوب بن حیدب

سن نہ سویلدیگکی بیلمیور سین . امیر حضر تلی ،
بو آدمی توقیف ایتدیریگنر . بربری نزدندہ کی عقبہ جوابہ
قادر اولوب طنجه دن بورایہ گلنجه یه قدر بورادہ کی عقبہ
زنداندہ بکله سون . گل ! .. « سیرن خادمه » امیر حضر تلی ،
شو آدمک توقیفنی امرایدیور لر . آلوب گوتوریگنر !

ولید سیدرکن

سز صادقلره مکافاة ایتمگی بیلمیور سگنر . بن مروانک
دگل ، مروانی قتل ایدن ولیدک قاتلی یم .

ایوب بن حبيب

هر حالده قاتلسين، د گلمی؟ .. بز بلکه صادقلره مکافاة
ایتمگی بيلمه يز . ففط قاتللره مجازات ایتمگی بيليرز .

وليد کندی کندیته

لکن نم نه جانور اولديغمی بيله مزسگنز ! ... کيدو



منظر

۲۹

اشبیلیه . بیوکجه براوله . ام الاعصام ایله صوللا یکدیگره یاتین پک
مکدر بروضعیتده . قاپو آچیلوب مسلم کیرر .

مضار

ام الاعصام ، صوللا ؛ براز صکره ، مسلم . اک صکره ،
عذرا بنت العنز .

صوللا کندی کندیته

یار بّی .. یار بّی ! .. نه زمانه قدر انسانلر ، حتی بر
قومدن ، بردیندن اولدقلری حالده بربرینک قانی ایچمکه
بسلمنمک ایسته یه جک ؟ .. حشره قدرمی اصحاب قوت
ضعفای ازده جک ده ضعفای هب آه و فریاد ایله اکتفا
ایده جک ! بردور عدالت گلمیه جگمی ، یار بّی ! نه زمانه
قدر جهله واشقیای حرمت وتشویق گوروب علما واصفیا
تحقیر ومذلت چکه جک ؟ البتّه سن بنی آدمی بویله اولمق
ایچون خلق ایتمه مشسین در . یار بّی ؟

مسلم کندی کندیته

الاهه سنک حالته اغلار برعابده ... « یواشجه قادینلره تقربله
جهراً . »

حکمة اللهدر بو بررؤیا به بگزور قورقولی .
 بیل که یوقدر خالقک عالمده زاندر برقولی .
 اشقیا واصفیا هب لازم وملزومدر ؛
 مدرکین عندنده بومبهم دگل مجزومدر .
 هر نه دیرسهک اعتباریدر ، صفا یا خود اذا ؛
 عدل واحسان ؛ ظلم وعدوان صانديغک شیلر کذا .
 آغلایک ، فریاد ایدک ، ایستر گولک ، ایستراوتوک ؛
 بی اثر در ، هب بو حاللر ، هیچلکدر بوسبتون ؛
 هب اورؤیانک ، دیرم ، اضغاث ایله احلامی در ؛
 موت باقیسه اونک انجام بی آلامی در !

ام الا عصام تأمله

اشته اینی یا ، عزیزم مسلم ، ای بنم رفیق صباوتم
 جولیانوس ! بزده او انجامه توجه ایتمش ، بر آن اول واصل
 اولمق ایستورز . انجق ، بن حکمة الله دیدیگک رؤیایی
 سنک گبی گورنلردن دگلم . هر فرد فانینک بودار حیاتده
 کند ی عقلنه یا خود کند ی حسیاتنه گوره بروظیفه سی
 واردر که اوکما اراده جزئیة دنیلور . معنوی لکه لر عینیه
 جسمانی جریحه لر گبی در . جریحه لر محتاج التیام اولدینی گبی

اولکه لری تمیزلیه جک ده سیلان آیام اولمی . انسان معمر
اولدجه وظیفه انسانیه سنی ایفا حقنی محافظه و دیدیگمگز
انجام بی آلامی اوندن صکره ملاحظه ایتلی .

مسلم

فلسفه بی براقه لم عزیزم . نه دیمک ، نه یاقمق ایستیورسکنز !

ام الاءصام

یالکمز قالمه بی ایسته مدیگمدن تک طورمیه جغم . عقبه
دنیلان مخبر صادق بکا پک منافق گورینیور .

مسلم

اوشمدی موقوف دگلمی ؟

ام الاءصام

موقوف ، فقط امیر اونی سربست براقمق ایستیور .
بن مانع اولیورمده طور یور .

مسلم

منککراً حبسخانه یه گیدوبده او آدمی استطاق ایدیکمز .
اگر ایسترسه گمز بن لازم گلن تسهیلاتی اجرا ایدرم .
یولکزده هیچ برمانعه قالماز .

ام الا عصام

اشته باقیگزر ، سزده گوریورسگزر که ارباب حیات
مجبور فعلیاتدر . دنیای متحرک سکنه سی ده حرکت ایتلی .
دیدیکگزر گبی صوللایله برابر حبسخانه یه گیدر ، وظیفه مزی
ایفا ایدرز .

عذرا تلاش ایله کلرک

استیدانسر گلشمی عفو ایدیکزر . بزقریشی یز . بم
عقبه نامنده بر عرقداشم واردر که خلیفه خدمتمنده ،
سوریه ده ایدی . ایشتم که عقبه اسملی وشبهه لی بر آدم
اسپانیایه گامش ، توقیف ایدلمش ؛ هویتنی اکلماق اوزره
محبسه گیدوب او آدمی گورمک ایستدیگی امیر حضر تلرینه
عرض ایتدیردم . مساعده بیوردیلر . زوجم مسلمک ده
رأینی صورمغه کلدم . نه دیر سین !..

مسلم

پک اعلا ، ام الا عصام حضر تلریده گیده جگله . تبدیل
قیافت ایدرک هپ گیدرسگزر .

ام الا عصام

او آدمک سزک عرقداشگزر اولدینی اکلشیلورایسه

بگما برانشراح گلیر . چونکه سزك عرقداشگنز مضر ویا
متمم بر آدم اوله ماز .

عذرا

عقبه نك سراى منسوبلرندن اولمقله برابر ناپاك بر آدم
اولمديغنه بنمده قناعتم واردر . حكه مداران مقربيني میاننده
بعضاً ارباب عفتدن کیمسه لرده بولنور . دگلمی افندمز؟؟.

مسلم

بو بر حكه مدارك تجلیاتنه گوره تعیین ایدر . ایلر کوتودن ،
کوتولرده اییدن تباعد ایدر لر .

بر خادم کیردك مسلمه

دیوانده اجتماع اولندی . امیر مسلمه انتظار بیوریلیور .

مسلم کیردكن

سزده بوفرصتدن استفاده ایدر سگنز .



منظر

۳۰

اشیلیه . محبس . برقندیل . برکنه-ارده ولید . زنجیرده .
ویتاغک یاننده .

ولید کیندی کمندینه

بن ینه قورتلوق امیدنده ایدم . اما عقبه صاغ ! خیالی
جلاد گبی بوزندانده طولاشیور، کندیسیده اولوم گبی
اوزر مه گله جک ! اونى برملعون بربری دریای عدمدن
قورتارمش؛ یابخی بودریای مظلمدن کیم قورتاره جق ؟..
شیطانلرمی ؟.... بوزنجیر، بوظلمت، صکره ده کور بر
قندیل که بکا یالکن بر اوچوروم گوستریور !

« محبس قپوسی آچیلورکن اورکه رک یتاغه کیدرب یاتار وتناوم ایدر .
زندانبجی آلدنه بیوک برانختار وارقه سندن اوچ مستوره قادین صره ایله کیورلر »

مضار

زندانبجی ، ولید . اوچ . مستوره قادین .

زندانبجی

یوزلریگنر اورتولی . او یله ده اولماسه سز حقیقه ام -
الاعصام میسگنر ، دگله میسگنر اونى صور مق خاطر مه بیله

گلمز. بن یالکمز امیر مسلمک امریله بوزندان قابوسنی
آچدم. سزده گیردیگمز. اشته ایسته دیگمز آدم شوراده
اویویور.

برنجی قادین

قرا کلق، گوره میورز. بزکوندز گلدک. بوراسی گیجه.

زندانبجی یوزینه قندیلی الله آلوب ولیدک
یاقلاشدیررکن

بوندن صکره گیديله جک یر دها زیاده گیجه در.
یوزینه ایشیق اوردم باقکمز.

برنجی قادین ۱ کیلوب باقرق

بزم آراد یغمز آدم بو.

ایکنبجی قادین

بو آدم نیم عرق داشم اولان عقبه دگل. مس-تریح
اولدم. «ولید اورپرر»

برنجی قادین

بومتمک تهمتی نه اولدیغنی بیلیرمیسن، زندانبجی؟

زندانبجی

اونی بورایه دون اقسام گتیردیله. گندیسی ده دایما
اویویور. بن بو قدر بیلورم.

برنجی قالدین

اویاندر شونی باقه لم .

زندانبجی

بن تجربه ایتدم؛ ممکن دگل، زندان باشنه بیتسه اویانمز .
بیلیم که اولمگی می تجربه ایدیور .

اوچنجی قالدین

بز اوگا مایع بر منبه گتیردک ، ایچر ایچمز اویانیر .
سکره استنطاق ایدرز . ذاتاً آغزی آچیق اویویور . بر
یوظم ایچسه کافی .

زندانبجی

امیر مسلمک امری بورایه گیرمکز ایچوندی . گوردیکز؛
متهمی گوره جکدیکز ، گوردیکز . بوندن زیاده برشی
یاپمه کزه راضی اوله مام . راضی اولغه مأذون دگلم .

اوچنجی قالدین

برچوق انعامه نائل اولور سین .

زندانبجی

انعامه نائل اولسه مده اعدامه قائل اوله مام .

اوچنجی قارین

اونه دیمک؟.. زندانجی؟..

زندانجی

سز زندانجیلنی قولایمی صانیورسگز؟ بنم حالمده بر
نوع محبوسیتدر. اذلسز برحرکتده بولنه جق اولورسه م
نبی صاغ برامازلر.

اوچنجی قادین

امیر عزیز بن موسی حضرتلرندن برامر گتیردم.

زندانجی

سز بیلیرسگز اما، ایوب بن حبیب دن برامر گتیرسه گز
دها مؤثر اولور. اوزمان بو آدمه شفاده گلیر. زهرده
ویریلیر.

برنجی قادین

بونه دیمک! عزیز بن موسی حضرتلری مملکتک
حاکمی دگلمی؟

زندانجی

مملکتک حاکمی، لکن ملت عننده محکوم.

برنجی قادین

آه!.. او یله ایسه اوزه ری بکا ویرسونلر!.

« دوشه جك كې اولور . طوتارلر ، هېسی چیققدن صکره »

ولید یتاغنده طوغریلوب کولموك

عافیت اولسون!..



منظر

۳۱

اشبیلیه . برخرابه . کیجه . مسکوة عمیق یالکنز اوزاقدن
اوزاغه برنهرک عکس جریانی وآراده براوکیک قوشنک صداسی
ایشیدیلور . بیاضپوش بریسنک ویرانه لارده سنده اکلشلماز بر
صورته سویلنهرک برخیال کی طولاشدینی کوریلور . اوده نهایت
کورنمز اولور .

مضار

سلمان ، عبدون ، بقی مسکوه زیدون ، بیاضپوش .

سلمان

بن عمرم ایچنده ایلک دفعه اوله رق بویله برشی
گوریورم . نه اولسه گرک بقی ؟ .

بقی

غالبا ایکیگزده قورقیورسکنز .

سلیمان

نصل قورقولماز . ظلمتار ایچنده اویله بم بیاض بر
مخلوق ! تنها برخرابه ده اکلشلماز برصدا ! .

عبدون

ار ککمی، قادیمنی: بللی دگل! جنمی، انسانی؟ بللی دگل!..
 بلیر سز بر موجودیت! مشیمه شبدن طوغمش بر غریبه!..

بقی

زیدون ایله بن (مرسیه) ده بر سوقاقده، ینه بویله
 کیجه لین، اولیه بر خیالته تصادف ایتدیک. قونت تدمیرک
 اقامتگاهنه قریب بر سوقاقده که اوده بر خرابه جوارنده
 ایدی. اولغاندر، سلمان، دنیا گوزلره گورنمز بر طواقم
 مخلوقات ایله مالی در. بوتنها موقعلر، بو وحشی خرابه لر هپ
 مسکوندر. بزم ماتمگاه اتخاذا ایتدبگمز محللر دائرة نفوذ
 انظاره گیرمز بیکلرجه عجائب خلقکتک دوگون درنک یریدر.
 قوه باصره مز اولنری گورمکه مساعد دگلدر. احتمالکه مرتبه
 بزم فوقزده درلر و احتمال که مرجع اصلیمزه اولنلر دها یاقین در.
 اولنلر خدمه قضا و قدر در، عبدون، و هر بری بر انقلابه
 رهنموندر. بعض کره ایچلرندن بری - هر کسه دگل -
 فقط بزم گبی ارباب تشبیه نمایان اولور. حتی انسانلر ایچنده
 اولنلرک مرتبه سنی احراز ایدنلر یوق دگل در، گیده گیده
 اولنلرله هم حال اولانلر وارد در. وقایع مستقبلیه یی منبع

ازلیسنده گوردرلر. برده سن نه ظن ایدیورسین؟ عبدون!
صبح و مسایی خنده طلوع ایله گریه غروبی، موسم بهارک
دموع شادییی اولان آقارصولری، انفاس انشراح اولان
نسیم صباپی، یشیل طاغیرله مائی دگزلری والحاصل ارض
وسماپی آفاق واشیانی یالگزانسانلرایچونمی خلق اولنمش ظن
ایدیورسین؟ عجبا قوشلر شوراده آقان نهرک جریانندن صفا -
یاب اولیورمی؟ عجبا قوردلر، کوپکیر بزم سودیگمز قوشلرک
نغماتندن حظ ایتیمورمی؟ . . . ویا خود حرب زائلک آثار
تخریبندن اولان بوویرانه دمین گوردیگمز جئه بیضایه،
اوسایه ذی صدایه گوره برگلشنسرای صلح و صفا دگلمیدر
عجبا؟...

عبدون

نه اولورسه اولسون بقی، بزکندی ایشمزمه باقهلم .
موعد بوراسی ایدی . زیدون بورایه گله جکدی . بیچاره
ولید محبسه نه حاللره گیریور؟ فصل قورتاره جغز؟ و برده
سزمرسیه ده نه یاپدیگمز؟ بقی، دها لایقیله اکتایه مدق .
اوراده کی افساداتکمزک نتیجه سی نه اولدی؟

بقی کوله رک

- اصلاحات - دیه جگکه نهلسه - افسادات - دیدک .

نتیجہٴ اصلاحات شو اولدی کہ بوگون مرسیہ دہ کی اہالی
وعسا کر مسلمہ نک همان جملہ سی عزیز بن موسانک علیہندہ
بولنیور . حتی بز اورادہ طائفہ لطیفہ دن بر یاردجی دہ
بولدق .

عبدون

طائفہ لطیفہ دنی ؟ . . او نہ دیمک ؟

بقی

اوت . گاہ دمیردن ، گاہ قطیفہ دن . ہم سرت ، ہم
یومشاق . بعضاً شیطانہ ، بعضاً ملکہ بگز یور ہم ارکک ،
ہم قادین . دھا اکلا یہ مدیکزمی ؟ گوزل برقر اوغلان قز !

عبدون

آکلادق . کندیلری ہانگی ملتدن اولورلر ؟

بقی

اسپانیالی . اودہ بزم گبی عزیزک جانہ قصد ایدیور .
اودہ بزم گبی - عزیز قاریسنک اغواسیلہ حکومتی مرتد
ایدم جک - شایعہ سنی چیقار انلردن بولنیور . « بوارالق بیاضپوش
ظاہر وینہ غائب اولور . کورمنلر . » فقط اونک عزیزہ قصد ایتمکدن .

غایه سی بزم گبی خلیفه اسلامه یاخود خلیفه اسلامده کی
اوهامه خدمت اولماسه گرک در .

سامان

جانم بوینه او قزد گلی که هانی - قونت تدمیری اختلاله
سوق ایدیور - دیوردک ؟ .

بقی

او . . . حتی بو خصوصده تدمیرک خرستیان وجوه
ایله مشورتلره باشلادیغی ایشیدیلوردی . بر طاقم یرلیر
خفی اوله رق سلاخلندیریلوردی . عصیان بایراغی چکلمش
اما هنوز حرکت ایتمه مش ایدی . نهایت قونت تدمیر ،
متو فالر عالنه متوجهاً حرکت ایتدیگندن دغدغه عصیان
منقلب نسیان اولدی .

سلمان

تدمیر ، او خصم بی امان ، وطنسز قالمش بر ملتده وطن
محبتی اوله بیله جگنی گوسترر بر قهرمان ایدی .

عبدون

ای صکره ، بقی ، دختر اختلال پروری بردها
کور مدگمی ؟

بقی

حایر ، تدمیرك وفاتندن صكره اوده غائب اولدی .
« زیدون قورقوا ییچنده ارقه سنه باقنه رق کلیر . » نرمده قالدك ، زیدون ؟..
نه اولیور سین ؟..

زیدون

گور میور میسكز ؟..

بیاض پوش كلوب پكر كن

او ، اوله جك ، وطن دیر یله جك !... او ، اوله جك ،
وطن دیر یله جك !... او ، اوله جك ، وطن دیر یله جك !..
« سسی کیتدکجه اوزاقلا شەرق اغتیاب ایدر هپسی کیدوب ارقه سندن باقارلر . »



منظر

۳۲

ينه او خرابه ، ينه ظلمت ، ينه او اشخاص فقط كسب سكون ايتمش
كورونورلر .

زیدون

او خرابه ، اودهشتلی اورمان خاطر گده یا ، بقی !..
گوندوزین بیله گیجه یی ا کدیران او اورمانده بر گیجه
یولزی شاشیروب قالمش ایدک . او ظلمته برده بر سکوت
وسکون انضمام ایتمشیدی که نه بر یلدیز گورونیوردی ،
نه بر یپراق قلدانیوردی ، نه بر قوش اوتیوردی .

بقی

یالکنز اردهده صرمده پک اوزاقدن ایگلتی گی درین
برسس گلیوردی که بلوطلرک صداسی ایدی . مشافهه
ایدیورلر ظن ایتمش ایدک .

زیدون

او صدا ایله برابر ینه پک اوزاقدده ، قیزل برشی پیدا
ونا پیدا اولیوردی . اوشی یلدیرم ایدی . دگلمی ؟..

بقی

طبیعت متلون المزاج دره تبسم ایدوب طور رکن تکدیره
 باشلار . اشته صباحلین خندان اولان طبیعت او ساعتده
 ایگایه رک دوشنیوردی . اوبی کنار و بی ضیا مشجره نک
 و - بعض طرفلری، کیم بیلیر؟، هانکی جمعیت بشریه نک
 قدیدی اولمق لازم گلان - بر مزارسه - تانک علائم بیضاسنه
 مقر اولمش ایدی، که بونلرک اشجار اده سنده گاه گورونوب
 گاه گورنمز اولمسندن سیر و حرکت ایت - دکلرینه ذاهب
 اولیوردق . اولیه دگلمی، زیدون؟ « دیکرلرینه » بوسوزمه
 نشان قویگز . سزه دیه بیلیرز که بو ذهابک و بو کائماثل بر طاقم
 افکار و او هامک زهنمزدن خروج ایله او ظلماتک ایچنده
 اکتساب اشکال ایدرک بر جسم مخوف گی طولاشدیغنی
 گوریوردق دیکلیور میسکنز؟.

عبدون ایله سلمان

دیکلیورز . سویله وارتق بیتیریگز ،

زیدون

حالك منظرهك خارقیت تغییراتی زماننده انسانك

فکری، خیالی گبی حسی، اعتقادی ده تغیر ایدیور.
مثلا بر آراق او ظلمتی تألیه ایدر گبی اولدق. ینه مثلا
اطرافزده جانلی قیغاجملر گبی گورونان آتش بوجکلرینک
عرش اعلا دن یا غمش انوار رحمت اولدیغنه قائل اولیوردق.

بقی

بونلر بزه اوزاقده کی یلدرملرک سر پتییسی گبی ده
گیلوردی. ضیالریله طوائف ظلماتک منظوری اوله جغمزدن
قورقوردق. - مشجرده ده دفین اولانلرک ارواحیدر. -
دیدک؛ یوق او یله دگل - او موقع خالی پر یلرینک وسائط
مخبره سیدر. - دیدک؛ یوق او یله ده دگل، - عفريت
ویازبانیرک انفاس هوا سوزندن چیقان تهیدیلردر. - دیدک.
دها بویولده بر چوق محالاته ذاهب اولدوده حقیقته قناعتله
- حایر، بونلر آتش بوجکیدر. - دیمدک. او یله دگلمی؟
زیدون!

زیدون

او یله، بقی، اشته بز بو حالده ایکن یا نمزدن بیاض برشی.
گیچدی. سسمنز بر شمشک آن واحده ده گورونوب ینه.
غائب اولدی.

بقی

نشان قوبدیغیزی ایستدیگم بونک ایچوندی . او
مزارلردن بریسنک گز نمکده اولدیغنه ذاهب اولمشیدق .

زیدون

قز شکلنده بر شهاب ثاقب .

عبدون

اگلادق بتیریگز دیورم . دمنجک گورونان بیاض
شیده اوکا بگز یور دیمک ایستیورسکیز . کیم اوله جک ده
وطن دیر یله جک ؟ . .

سلمان

سن بزه ولیددن خبر ویر ، زیدون . اولومی ،
دیریمی ؟ . .

زیدون

زندانجی بی گوزل لکله قاندر مق ممکن دگل . حریفک
برده تحف بر عادتق وار : ویریلن بخششی قبول ایدیورده
ینه آدمک دیدیگنی یامپور . حبس خانہ بی باصمه دن قابونی
قیروب زندانجی بی ده سس چیقاره مز بر حاله قویمقدن بشقه

چاره یوق . ولیدی گوره بیلیمک ایچون تبدیل قیافت
ایتملی . سرای ادملرندن اولمالی . حاکانه بر صورتده گیتملی
ایمش . اوزر مزده حکومت قوقوسی اولمالی ایمش . شمدی
بنی دیکله یك . ایشک قولای طرفی . . .

سامان

ارقه گه باق !

بردیگر لری

گامور ! امان شونی بوسفر براقیه لم . دوت کشی یه
بر خیال نه یاپه بیلیر ؟

بیاضپوش ینه پکرکن

أورده جغم ! کندی أمله أوره جغم ! دیشلر ماه ،
طرناقلمله اولدیره جگم !

عبدون

ا: جسارتلیکنز بنم غالبا . . . بکا باق هی ! . . .
"بیاضپوش بردن بره طور" بویله تشریف سعادت ردیفکنز هانگی
جانبه عجب ! . . .

" بیاضپوش جواب ویرمن "

سلامان

امان قورقوتمه ، اویاندرمه عبدون ! بوایقوده
گزنلردن اولمالی .

عبدون

ذات مستوریت سات نائمانه گز کیم اولیورسگنز؟...

بیاضپوش

بن بوخرابه نک پریمی !

عبدون

عجبا کیملره چارپق هوای اجنه پسندانه سنده
بولنیورسگنز ؟

بیاضپوش

بن اسپانیانک مؤکله انتقامی یم !

عبدون

یوزیگزی آچسه گزده گورسهک .

بیاضپوش

یم یوزمی شیطانلر گوره مز !

عبدون

باق، بونده حَقْک وار. «ارقداشلرینه» عینی کرامت دگلمی؟
«یواش یواش شفق سوکر»

بیاضپوش

سز بنم حوزه حکومه تمه نه حق ایله گیریورسکنز؟

عبدون

بونده ده حَقْک وار. فی الواقع بزم گیرمدیگمزیرلردن
بررسی ده پری او جانغی ایدی. عفواید رسکنز، پری حضر تلی!
بز بورایه گیزی بر مشورت ایچون گلدک. ارقداشلر،
صبح اولیور! قاجه لم.

بیاضپوش

بندن هیچ برشی گیزلنه مز. سز اون کشیدسکنز.
بریگنزا شبیلیه ده محبسه ده، بریگنظنه جه ده بر برینک اونده،
ایکیگنز مرسیه ده ایدیگنز. شمدی بوراده درت کشی
اولدیگنز. او بر ارقداشلریگنز قرطبه ده، طلیطله ده،
مریداده، قشتاله ده، مقصد گنزا خود مأموریت گنز عزیز
بن موسایی اولدیر مکدر!

حضارك هر بری آیری آیری

سن نه بیایورسین؟ حاشا! .. هیچ اویله شیمی
اولور؟... افترا!..

بیاضپوش

اونی ده مروانك یانه گوندرمك ایستیورسگنز!

عبدون

پکی! گوندره بیله جگمی یز؟ «صکره جه» .. بوگا جواب
ویرمیوزسین. سن کیمسین؟ نه سین؟..

بیاضپوش

بن، شر و مفسدت دوشوننلوك یارد مجیسیم . بن
جنايت ايشله مك ايسته ينلوك دلیلیم! سز زاننده کی ولیدی
قورتارمق ایسته یورسگنز . قادین قیافتنده حبسخانهیه
گیرد جکسگنز . بوقادینلردن، یعنی سزك ایچکزدن بریسی
— بن ام الاعصام — دیه ولیدك تخلیه سیلنی امرایده جك.
زندانبجی مخالفت ایده جك اولورسه اونك اغزینی طبقایه جق
ولیدی قورتاره جغز . صکره ولیدی ام الاعصام قورتارمش
دیه برشایعه حقیقه جق . بونلر هپ اوله جق ؛ فقط یالاندن

قادیئلرك باشنده برده گر جكدن برقادين بولمق لازم.
ام الاعصام او اوله جق . اونمز حبسخانه يه گيره مزسگنز.
وليد قورتلماز. وليد قورتولمزسه عزيز بن موسی اولمز.
سز اوليرسگنز. لكن تلاش ايتميگنز! بوتشبت ايچون سزه
لازم اولان قادين اشته قارشيسگنزده طور يور !.

عبدون

امان يوزگزي كوره لم. برشفق ده يريوزنده گورنسون!
" بياضپوش يوزني اچنجه "

عبدون ايله سلمان

آه ! . . . آفت ! . . . روح ! . . .

بقی ايله زیدون

واي ! . . مرسيله ده گوردیگمز خارقه ! . .

بیاضپوش

آرقه مدن گليگنز ! اسپانيا سقوط ايتمش بريلديزاوني
قالديرمغه گيده جگنز !

عبدون

او بزه براز اغير گليز. خليفه نك امريله وهواي منفعتله

واقع اولان حرکتمز از چوق روسیاهانه ایسه ده اسپانیا
حکومتی اعاده واحیا ایتک ایچون حکومت اسلامیته نک
ازاله واقناسنی ایسته یه جک درجه ده کستاخانه و بدخواهانه
اوله مز . خلیفه مملکتک سلامتی موسی بن نصیر اولادینک
احسانده گوریور . یالانز بومقصدده خدمت، یعنی آمرمشرو-
عک امرنه اطاعت ایدیورز . بز بر آمر مجبرک مأمورلری ز .
خلیفه بو تشبثنده حقلی ویا حقسزمی در ؟ اوراسنی جناب
حق بیایر . موسی اوغللری معصوم ایسه لر خلیفه سلیمان
اونی کندی وجدانندن خبر آلسون . اگر بز بومأموریتمزده
موفق اولماز ایسه ک صاغ براقلمیه جغمزدن امینز . یاشامه نی
بیلمه ینلر اولملی در . بز یاشامه نی ایستیورز . هر حالده سزک
شریک افعالکمز اولورز ، فقط معین آمالکمز اوله میز .
عزیز بن موسی تلف اولور ، فقط اوکا بردشمن خلف
اوله مز !

بیاضپوش

بوتما میله استقبالده حل اولنه جق بر مسئله در . مقصد
جنایت حاصل اولسون ده نهایت فصل اولورسه اولسون .
نهایتسزک سمایه مخصوصه در . دنیاده قاچ کره دها گوناش
طوغه جغنی کیسه لر بیله مز .

عبدون

فقط سز عجبا او دیدی گنز ییلدیزك حسرتیله می
گیجه لین بویله خرابه لرده گزرسکمز ؟

بیاضپوش

ماتم انگیز فکر لر قرا کلقدن حظ ایدر .

عبدون

یوقسه بینلرنده مشابته اولدیغدن استقبال قرا کلقده
دها ای می گورینیور ؟

بیاضپوش

بئنا گورونن حاده شودر : سز کله بوگونکی غروبدن
صکره ینه بوراده برلشه جگمز . بر قاچ ساعت صکره گیجه
یاریسنه طوغری ولید قورتوله جق . اوندن صکره ده ؟ ...
مشیمه شبدن عزیزین موساتک جسم بیرو حی طوغه جق !



منظر

۳۳

اوتوزنجی منظرده کی محبس . ولید اضطرار ابلیه کزینیر . هرحرکتنده
 " زنجیر صدالری "

مضار

ولید . صکره زندانجی . دها صکره درت سیاهوش ابلیه
 بر بیاضپوش .

ولید باغره رق قپونک اوکنده

یمک !.. یمک ایسترم ! یمک !.. یمک !... ایواہ !..
 نه گلن وار نه گیدن !... شمدی نروده ایسه عقبه گلوب
 بنی ییه جک صانیورم !.. اوت . عقبه صاغ . ولید زندانده ،
 زنجیرده !.. حقیقی عقبه صاغ ، یامه عقبه آج ، صوسز !..
 قاپو دمیردن بر دیوار !.. یمک !.. یمک !.. یمک !.. هانی
 دیوارک قولانغی وارمش ؟.. زندانجینک بیله قولانغی یوق .
 یمک دیدیگم بر قوری اکمک پارچه سی ! طوپراقدن اسمر ،
 طاشدن قاتی ! اوح !.. آح !.. یمک !.. یمک !.. آه !..
 اوہ !.. خلیفه نک احسانلرنندن گچدم . نان ونعمتی یره

گچسون ! ینه او طاشدن قاتی ا کمگی ایستیورم ! «آباغیله تیویه»
هوارده رق آجم !.. آج ! آج ! یمک ایسترم ، یمک !
دیشا ریده برسس

زفت بی !..

« زندانجی کیروب قاپوی اورتره ائنده برسیاه ا کمک »

ولید

سنی بیله یرم !

« دالدیروب زندانجینک ائندن ا کمکی قاپار . برامتهای حیوانی ایله یمک »
باشلار »

زندانجی

سنک ده هیچ وقتک بللی دگل ، گیجه یاریسی ا کمک
ایجون باغیر یایرمی ؟..

ولید

بن گیجه یاریسی اولدیغنی نه دن بیله جگم ! نروده یتر ؟
باقسکا ، گوزگوزی گور میور . حیوان حریف !

زندانجی

وای انسان کامل وای ! حدک وارسه یمک یرکن
حیوانه بگزده مه باقیم !

ولید برکن

بویله ا کدگی کوپکار بیله یمز.

زند انجی

سن یر سین! انسانک ایسته دیگی هب بو.

ولید

برازده صو!

زند انجی

انسان هر مصیته آ شیر، عقبه.

ولید

عقبه صاغ!

زند انجی

صاغلق اولسون! ذاتاً اک بیوک مصیبت ائی شیلره
آلشمقدر. سکا دیه بیلیرم که..

ولید

هیچ برشی دیمه. صوگتیر.

زندانبجی

سکادیه مزیمی که بوراده بر قاج سنه قالسهن محبوبه سینه
ایصینرده بردها دیشاری به چیمقام ایسته مزسین .

ولید

اگر سن بکادو ویر مزسهن بن براز زیاده جه ایصینه جغم!

زندانبجی

آدم سنده ..! قدرتدن محکوم اعدام اولان انسانلرک
هربری قلعهبند احتراصاتدر . فرض ایت که خلیفه سککا
سوریهده بر سرای احسان ایتمش ، اونده قورولمش
اوتوریورسین ؛ فرض ایت که صباح آقشام حضورکزه
شاهانه سفره لر قورولوب اطعمه نفیسه نک بری قالقوب
بری قونیور ؛ فرض ایت که بویله زنجیرلر ، طاسمه لر اچنده
دگلسینده آلتون یالیزیلی دستاره لر ، صرمه لی قوشاقلر ،
الماسلی قلیجلر ، خنجرلر ، شال عنتریلر ، گوموش نعلینلرله
وبرچوق مپاره لرله باغچه گده گزیورسین ؛ گونک برنده
ینه طوپراقله اورتوله جک دگلمیسین ؟ ..

ولید

حایر ، بن صوایله بیقانه جغم ! « بردن تحرکه » بگا باق ،
زندانجی ! بوراده کی محبوسلر ایچنده فیلسوف ده وارمی ؟
وارسه سویله ده بگا برصو گتیرسین .

زندانجی

آقارصولر عینیه بو عالمده جریان ایدن وقوعاته بگزرر .
عقبه !

ولید سوزنخی کسهرک

عقبه صاغ ، دیدک یا ! ...

زندانجی

برکره دوشوڭ

ولید

دوشونه مم ! دیکله یه مم ! عقبه صاغ ! .. صو ! .. شمدی
یانغین واردیه باغره جغم ها ! .. صو .. صو ! .. « زندانجی کوله رک
چیقاره زندانجی میسین ؟ زبانی میسین ؟ . یوقسه علمای
حکمتدنی سین ؟

زند انجی الئد، برف و غاصو کتیر و ب ویر

آل!.. «ولید یا قالوب ایچرکن» طور باقهیم . دیشاریده
سیاهلی بیاضلی بر قاج کشی وار . نه ایستیور لر عجب!..
«تکرار طیشاری چیقار»

ولید

ینه او قادی نلرمی گلیور دیر سین ؟. بن ینه او یقویه
گیدهیم . «یتاغه کیروب یاتمه دن اول» قادی نلردن قور قارم . چونکه
اونلر بیلیمیه رک کندیلر نی تهلهکیه آ نالر . بر قسمی ده
تهلهکیه آتلقدن حظ ایدر . بوار ککلرده کی ملاحظه لی
جسارت قیلندن دگدر . او جنسه مخصوص بر ذوقدر .
حق بعضیسی اتحاری بیله تجربه ایتک ایستر . بن قادی نلردن
قور قارم . گلیور لر . هایدی او یقویه ! «یاتار . زند انجی کلیر .»

زند انجی

سن کیم اولیور سین که امیره لر ، ام الاعصاملر موقو-
فیتکله ده قناعت ایتیموب سنی مطلق یرک دیننده صا قلامق
ایستیور لر ؟ ینه می او یقو .. ساخته کارلق لازم دگل .
أوله جکسین ، او یان ! «دیشاری یه سسلنه رک» بیور یگز خاملر!
«بیاضپوش ایله سیاهپوشلر کلیر . هپسنت یوزی اورتولی»

بیاضپوش

بوگلیشمز بوندن اولکی زیارت گبی دگل، زندانجی!
عقبه نك بی گناه اولدینی اگلاشدی . کندیسنی محبسدن
قور تارمغه گلده. « ولید یتاغنده صچرایوب اوتور. »

زندانجی

امیر ایوب بن حبیدن امر گتیردیگزمی ؟..

بیاضپوش

اشته بن ، امیر عبدالعزیز بن موسانك حر می ام الاعصام .
سکا امر ایدیورم . شو آدمك زنجیرلرینی چیقار !

زندانجی

ابتدا بنی اولدیریگمز !

ولید

حایر، ابتدا بنی اولدیریگمز ! مقتله قدر گیتمگه نه حاجت ؟

بیاضپوش

زندانجینك آغزینی قپایك . مسنی چیقاره مسون !
اوسس صکره لازم اوله جق !

زندانبجی

امان !..

سیاهپوشلردن اوچی زندانبجی به هجوم ایدرك اوغراشه اوغراشه اغزینی
طیقارلرکن اوچنبجی سیاهپوش ولیده تقریبه زنجیرینی آچمغه اوغراشه جفی
صرده

ولید قورقارق باغیرر

بن عقبه دگم . بوراده می اولدیره جکسکنز؟ براق بندن .
نه ایستیورسین؟

اوچنبجی سیاهپوش یواشجه

سنی ایستیورز، ولید ! ارقداشلرکنز . بن بقی، بونلر
زیدون، سلمان، عبدون !

ولید

رؤیامی گوریورم عجا؟ اویقوده دگم .

بیاضپوش

اوزنجیری زندانبجی به طاقکنز. آئنده کی انختاری آلکنز .
قابویی طیشاریدن قاپایه لم . تا که بزنی تعقیب ایده مسون .
" هب امتثال ایدرلر. ولیدده یاردم ایدر. زندانبجی سس چیقاردیقه اغزینی قاپارلر..."
اولدی، بتدیمی؟...

ولید

اولدی، بیتدی . بن نصل اولیورده سـوینجـمدن
بیتمیورم بیلیم؟ بو بیاضلی خانم ام الاعصامی؟

سیاهیپوشلردن بری یواشجه ولیده

سن نه قدر عقبه ایسهن او، او قدر ام الاعصام!

بیاضپوش هپ کیدر زکن طوروب

طورگنز باقهیم . ^۹بر سس طویسورم . دیکایه رک
ایشیدیورمیسکنز!..

سیاهیپوشلردن ایکیسی دیکایه رک

حایر. هیچ برشی ایشتمیورز .

بیاضپوش

برصوت غائب بگا - ادلینامر قادو ! عذرا بنت عنزی
اونوتمه ! - دیورگی گلدی .

ولید

ادلینامر قادومی؟...

سیاهپوشلاردن بریسی بیاضبوشه

سزه او یله کلش اولمالی. بزهیچ برسس طوعادق. ام الاعصام حضرتلری!..
زندانبجی یی قاپویه قدر اغزی طیعالی اولدیغی حالده سوروکلر کبی کوتوروب هپسی
برر برر چیققدن وکندیسی ایتئرک دوشوردکن صکره شدتله دمیر قاپویی
اورتر و دیشار یسندن کایدلرلر. زندانبجی یالکیز قالور.

زندانبجی هم مضطرب، هم مزیف

بیلیم کیمک آهیدر بو یارب!

صوچسز بوجزایی گورمک، اغرب!

« یاتدیغی یرده سورونه رک »

زندانبجی ده فیلسوف اولور یا :

محبس ده سرای ده عینی رؤیا.

« ینه سورو کاتوب وینه طوره رق »

عمرم که دگلدی پک مذهب!

ذاتاً اوله جنک دگلمی زه ب؟

مألوفی ایچون، دگلسه نادان،

بر مضحکه در حیات زندان.

بردر نظرنده شیر و نخبیر؛

بر قهقهه در صدای زنجیر!

« کوله رک »

زنجیر ایله باغلی، همده محبوس.

جانی دگم، نه در بوکابوس؟

« صکره جه »

دردك هله معنویسی اولمز ،
 عاقل هیچ اونك انیسی اولمز ،
 حکمت اوگا اڭ گوزل دوا در .
 « دوشوندرک »
 یوق کیسه نك آهی هب هوادر .
 هیچ خسته اولور می روح اسلام ؟
 اوجاع بندر اصل آلام .
 « کیتدکجه یتاغه تقرب ایدرک »
 آماده ایسه مده ارتحاله ،
 عقلم ینه ایرمیور بو حاله .
 « متمسخرانه »
 اولسون گوره یم دوشك پناهم .
 یاتسون ، او یوسون غمم ، گناهم !
 « یتاغه کیروب اوزانه رق »
 برظل اوله یم بو حالده ممدود ،
 یارین آچیلیر یا باب مسدود .
 گلسون گله جککر ، اشته یاتدم .
 البت یا اولوم گلیر ، یایاردم !
 زندانه شیه اولنجه دنیا ،
 زندانجی ده فیلسوف اولور یا !
 « اویور »

منظر

۳۴

الیلا برصحراده ولید ، متفکر ، طولاشرق بروجه آتی سویله نور .

مضار

ولید یالکز

شب مهتاب ، خندهء ملکوت ؟

اختران سامعین بزم سکوت .

خواب راحتده کوه رایحه زرا ،

باد زن برنسیم روح افزا .

«سکرهجه»

بوسکوت آخرت سرودی میدر؟

یا اونک مژدهء ورودی میدر ؟

چارپیور قابه ، قلب پرخلیجان !

جنمی یارب ؟ نه در او آفت جان ؟

بگنا بردن عجب نه حال اولدی ؟

آه واه ایتمامک محال اولدی !

آه ، اوگوزلر ، اوقانلی مشعله لر .

هانگی نیردن اخذ نور ایلر ؟

گه یشیل ، گه سیاه و گه ماوی ،
اونه مبهم جمال سوداوی !...
« مکرهجه »

دها قور تلم بومیدانده :
صانکه روحم شو آنده زندانده ؛
منحصر قالدی مشغلهم عشقه ،
حوصلهم برشی آلیور بشقه !
« بردن فوران ایله »

نده جانسوز ایمش اوجسم اثیر ...
اولمز آتشد اویله برتأثیر !..
بکنزیور ، گه خیاله ، گه ملکه ،
اوجه جق حالده دائما فلکه !
حیرت افزای ساجد ومسجود ،
اوله مز دنیوی براویله وجود !
هر تجلیسی بونده لیلی در .
زهره دندر اویا سهیلی در !
« تبدیل وضع ایله »

قاله مم بن فقط تماشا گر .
آسمان خوابگاه اولور می مگر ؟

بکا او یماز بو عشق بی ثمره ،
عاشق اولمقدن ا کلام قمره .
بیلدیگم یولده سالک اولملی یم ،
حجله عشقه مالک اولملی یم .

« قورقورق و اعرافه باقورق »

طویماسونلر ، آمان ! بوسری ولید ،
« آغزینی مراد ایدرک »

درغیایه ایله وضع کلید .

زیر پاینده گلستان ارم !

« ینه باقورق »

بونده یوق کیسه . هر طرف محرم .
گل و بلبل اصم و ابکم و لال .

صلحی بن باری ایتمه یم اخلال .

« اشجار اینچنده غائب اونوب

کیدرکن ترنم ایدرک »

شب مهتاب ، خنده ملکوت .

اختران سامعین عود سکوت .



منظر

۳۵

اشبیلیه . لمرای امیرینک باغچه سی . صباح اوزکن .

مضار

عذرا بنت عترة . براز صكره مسلم . دها صكره ام الاعصام
ایله صولا .

عذرا یالکوز کزینهرک

چیقدی سر ظاهره گوزلر آیدین !

ام الاعصام دگلمش او قادین .

اولدی زندانده گونش نور افشان ،

شب مظلومه حقیقت رخشان !

بن اونک شوقنی ایتدم رهبر ،

اوله ماز مانعه هیچ بر شهپر .

اوچوران سنسین او ملعونی بدید ؛

یال وبالک اوله جق صكره قدید !

زوجه یم ، زوجه ؛ فقط اردو قزی .

بولورم بن سنی ، مرقادو قزی !

« ملهم کجا »

دوشوب اولسه کده عديم الطاقه

گليرم بن سنی استنطاقه !

« براز کستد کدن صکره »

عقبه نك اسمنی ایتمش تقلید .

بکاهمپامی اولور اويله پلید ؟

نه قدر اولسه ده خیزان ، افتان ،

ایتدی تأثیرینی اجرا بهتان :

سؤ ظنك سری اولمشدی نگون ؟

گلوب افکاره قناعتله سکون .

حسدندن اولیور کن حسّاد ؛

امالاعصامی او مظنون فساد ،

او فدا کرده اوهام وظنون

سر معصومی هبا ایتدی جنون !

اوچدی نوزادی جنین حالنده ؛

کندی مجنونه اینن حالنده !

« شققه نظره »

اغلا یور کن بيله براويله ملك ؛

گولیور چهره تاريك فلك !

ایدیور ظن اولنور استهزا ؛

یا نه وار بزده بوتزیفه سزا ؟

« تبدیل وضع ایله »

نه یه مسرور اوایور کن مفتور
 اوله انسان؟ بونه حقسنز دستور!
 نوله بیلیم بوسؤالده مال
 که جواباً گلیور عینی سؤال؟
 ای سما، ای سحر، ای بادصبا!
 نیجه در طالع اسلام عیبا؟
 بوگون آفاق دگل پک ساکن،
 بوگون اولدقجه مشوش، لکن،
 قانلی برگون طوغه جق بلدکه یارین؟
 که بو اڭ طوغریسیدر قورقورلک!

مسلم متفکراً کلامک

آه، عذرا، عزیزم! اشته حال بویله! الله انسانلرک
 جمله سنی ائی خلق ایدر، یاخود ائی اولق ایچون خلق
 ایدیور؛ فقط اونلر فنا تخلق ایدیورلر.

عذرا

بن اڭ حقیقی شیلری بیلیم که رؤیاده می گوریورم؟
 بوگیجه برقرا ائلق محله ناتم سیار حالنده بریاضلی مخلوق
 گوردیم. واوڭا - ادینا مرقادو! عذرا بنت عنزی

اونوتمه ! -- ديه ندا ايتدم . ايشتدی وقورقه رق سـقوط
ايتدی . اوياندم . اشته شمدي ملهم گي اولمش ده بيليورم که
اودهای شیر ملک وملت ایچون بر مصیبت عطا حاضر لیور .
بن بوکا مانع اوله میه جق ایسه مده اولمعه نك سقوطنی
گوره جگم .

مسلم

ایگری ایله طوغرونی تفریق ایتک محال دگلسه پک
مشکلدر ، عزیزم . انسان نه قدر یاشارسه اولومه او قدر
یاقلاشدینی گي چوق بیلمه اركده صوکنده شاشقینلق
واردر . سنك شقی بیلدیگك بلکه تقی در . عربان نظر نده
برلعین اولان ادلینا مرقادو، رهبان نظر نده برمعین اوله بیلیر .
برمملکتک اضمحلالی بر دیگر مملکتک منتج استقلالی
اوله گلمک شویله طورسون اخوان واقربا حتی ابوین واولاد
اره سنده بیله بوقاعدۀ مجهول المائده جاریدر . اونک خسرانی
بونک عمرانی در ، شوخالده . اگر بیطر فانه دوشونه جک
اولورسه ق ، حادثات کونییه ده نه حق گوریلیر نه حق سزلق ؛
بر مساوات گورورز که اونده نه ظم واردر ، نه معدلت ! عاقل
نصل شاشرماز که بوگون بر ملک بیله افترایه اوغرایور . گلن

سسی ایشید یور میسک؟ زواللی قرالیچه ایلا! ام الاعصام
اولدقدن صکرده زواللی دگلمی؟ بزاولیه دیورز. فقط
ادلینامر قادواویله دیمور. ادلینامر قادواونی وطنفدا و حیثیت.
جدا برقادین عدایدیور. هم لغته، هم جنسه هم ده انواع مجازاته
سزا گوریور. گلن سسی ایشید یور میسین؟ زواللی ام الاعصام،
تغنی ایدرک بو طرفه گایور.

ام الاعصام یاننده صوللا ایله اوزاقدن کزینهرک تقرب ایدرکن مسلمله
عذرا دیکار.

ام الاعصام بوجه آتی تغنی ایدرک

قانه بوغدیله، دها سوت طایمه دن،
طوپراغه دوشدی، قوجا قده یایمه دن -
خالقی هنوز تمام یارایمه دن؟
أوردی قز می دهشتلی بر ایصیلق!

عذرا آ کلاماش کی

ایصیا قمی؟..

ام الاعصام تغنی ایله

گورددم کوچو جک قلبنده خنجری!
گیجه یاریسی گیردیله ایچری.

آقپور بنجه اوکیجه دن بری ؛
دو کدکاری قان فقط برطامله جق !
« اغتیاب ایدرکن »
سکا قزم هب ملکلر آغلاسون ،
قوشلر آغلاسون چیچکلر آغلاسون ،
گوک یوزنده کی شمشکلر آغلاسون «
یره دوشمه سون یلدرملر آرتق !..

عذرا

— گیجه یاریسی ایچری گیرنلر — اویله می ؟

مسلم

شبهه یوق که اویله !

عذرا

اویله ایسه بن یمین ایدرم که گرك بوچوجوق جنایتك
فاعللری گرك مروان بن موسانك قاتللری بوسرایه گروب
چیقیورلر . سلیمان خلیفه نك زرده اولدقلری بیلنمه یین
بوعونه سنك باشنده ایسه بروقتدن بری گورنمز اولان
اوملعونه بولنیور . سن ده بوندن امین اولده آرتق نه سکوت

بیقید کله اوخونه نك تشبثاتی تسهیل ایتمش اول، نه حکمت
بیطرفانه کله رقیقه کی بو علمنده تجهیل ایت .

مسلم

بن تدمیرك یرینه مورسیه ایالتنه والی نصب اولندم .
بو اقسام گیده جگم . سن بنمله برابر گله جکمیسین ! یوقسنه
قاله جقمیسین ؟

عذرا

قاله جغم !

مسلم

نیچون ؟

عذرا

ادلینا مرقادودن انتقام آلمق ایچون !



منظر

۳۶

اشبیلیہ . دیوان امارت . انشامہ یاقین .

مضار:

عبدالعزیز بن موسیٰ . ایوب بن حبیب . امراء ، علما ، رهابین ،
وجوه و اشراف ہپ آیاقدہ .

عزیز بن موسیٰ

سز لری بویہ وقتسز اجتماعہ دعوت ایدیشم جملہ گزلہ
وداع ایتک ایچوندر . " حشارده تمییج " پدر محترم امیر
موسیٰ بن نصیری زیارتہ گیدہ جکمدن اندلسی ترک ایتہم
لازم گلیور .

ایوب بن حبیب تأثرلہ

حجازہ می گیدہ جکسکوز ؟

عزیز بن موسیٰ

اوت ، پدرم اورادہ ، سبب حیاتم اورادہ ، بتون عالم
اسلامک سبب حیاتی دہ اورادہ ! قبلہ گاہ مسلمینہ کیدہ جگم !

ایوب بن حبيب

خليفه دن برامری وارد اولدی ؟

عزيز بن موسی

اورایه امر الهی ایله گیدیلیر، یا ایوب ! حَقُّكَ غَیْطِیْله
مملکت ، اسلام اُئده بولنیور . سزه اول امرده ریاست
حکومتی ، صکرده رفیقۀ عزیزم ام الاعصامی امانت
ایدیورم . « هیجان حصار »

ایوب بن حمید

بن سنسنز نصل حکومت ایده بیلیرم ، یا عبدالعزیز ؟

عزيز بن موسی

اصل حکومت ایدن شریعت اسلامیه دره . بز هپمز اونک
مأمورلری یز . اوکا اطاعت ایتک هر ایشه عرض لیاقت ایتکدر .
« بوسرده ام الاعصامک نفیسی عکس ایدر . هرکس متأثراً دیکلر . سسی
طور دقن صکره » بونی ده البت شریعت حمایه ایدر . هر نه قدر
طبیعت وقایه ایتدیسه ده ...

ایوب بن حمید

معصومیتی ثابت اولدی . بوندن جمله من امینز .

حضاردن برقاچی

أوت ، هیچ شبهه ایتمه مک اوزره امینز . بی گناهدر .
بشقه لک جزای گناهی گوریور . نیچون حجازه برابر
گوتور میورسکنز ؟..

عزیز بن موسی

بلکه اوده بکا رفاقت ایده جمکدر . فقط حجاز یولنده
دگل !

«ینه امالا مهامک نغنیسی ایشیدیلیر»

ایوب بن حبیب

مؤثرشی ! بوده او ملکک براعلان بیگناهیسی دگلمی؟

عزیز بن موسی

یاخود ملک الموتک آهپسی !



منظر

۳۷

اشبیلیه . نهر جوارینده مظلم مشجره . لیل . شدتلی بر روزگار اسیر .
اورمان اوچه جق کبی صالانور .

مضار

یدی سکن سیاهپوش . صکره بریاضپوش .

سیاهپوشلردن برنجیسی

بزی بویاه سیاهلره غرق ایتک نیچوندیر عجبا ؟ گیجه
قرا گلغنده می اختفا ایده جگن ؟

ایکمنجی سیاهپوش

کندیسی دائماً بیاضلره مستور .

اوچمنجی سیاهپوش

ذاتاً دنیاده ایکی رنگ حقیقی واردر: گیجه رنگی ایله
گوندر رنگی .

برنجی سیاهپوش

اونلرک ایکسی ده گونشک تجلیاتندن در . بزم اوچوق

بگزلی دلیلہ من گوندز ماہتابنہ بگزبور . اونور پریدہ رنک
نہ زمان بو طرفہ طوغری پران اولہ جق عجبا ؟

دردنجی سیاہپوش

معلوم آ؟ گچن گیجہ کی باصقیندہ مرکب نہریمزک
قویروغی قوبدی . جنایتدن صکرہ عودت ایدرکن آرقالدی
بزمده اودمن قوپاجق ایدی . طائفہ لک ایدن آرقداشلر من
گمی یہ قولپ طاققلہ مشغول ایدیلر . ظن ایدرم ، اونلرد
نظارت ایدیور .

برنجی سیاہپوش

فقط ہم حالہ نظارت ایتیمور . یاخود ایتدیگیچون بکا
پک یمان نظرلر ایدیور .

اوچنجی سیاہپوش

بلکہ اورغون اولدیغکی آکلامشدرده اونک ایچون
طارغین در .

برنجی سیاہپوش

اوریلانلرہ آجیمق لازم گلزمی ؟ صیادلر ، جلالدر
بیله آجیرلر . اوگیجہ ام الاعصامک یاوروسنی خنجرلد کدن .

صکړه بن ده نه قدر آچیمشدم. بوجنایت خلیفه نك تعلیماته
داخل دگلدی. آنجق او آفته یار اتمق ایچون اجرا ایدلدی.
منون اوله جق یرده مایوس ومغبر اولدی. - کاشکی اور دینك
چو جق بنم اولسیدی ! - دیمك، نه دیمكدر؟ البته بونده بر
حکمت وار. حتی اونك امرینه توفیق حرکت ایده بیلسم یرده
امّ الاعصامی اتلافه موفق اولسیدم، ظن ایدرم که - کاشکه
امّ الاعصام بن اوله یدم ! - دیه جکدی. اصابت که قادین
حایق ره رق فرار ایتدی ده جنایت مشالشمدی. یوقسه
غضب آرتوب حالم دها فالشه جقدی.

دردنجی سیاهپوش

بوگیجه نه اوله جق؟ بوگیجه نه اوله جق؟ روزکار بر
شیر سویلیوب آغا جلر تیره یرك ایکیورلر! ای نقابدار
وکتوم چهره حادثات!.. سیه منظر قطعه زمانه! ای کیجه!
ای روزه دار استقبال اولان ابدی التولیدزنجیه خادمه قدرت!
مشیمه اسرار کده نه لر حاضر لانیور عجبا؟. عجبا ایچ
یوزکده بزم گبی مظلّمیدر؟.. یوقسه ینه بزم گبی سن ده
نه یاپه جغکی بیلیمور میسن؟ اشته گوندز مهتابی گلیور.

بیاضپوش بردن ظهور ایله

اوکما بن وضع حمل ایتدیره جگم! "هب طوردرلر" بو

گیجه نه اوله جقسه بن یامش اوله جقم! بوگیجه بر بیوک طوفان
طوغوب دگر لر اسپانیا سوا حلتک قیالرندن آشه جق! روزکار
گمیلری طاغله چارپوب اغاجلری ، اورمانلری بحر محیطه
دوکه جک!

حضار

دوکه جک! .. دوکه جک! ...

بیاضپوش

بوگیجه سکوت و سکون ابدیاً جهانیه وداع ایدوب
قبرستانلر شهرلره مستولی برر جیش خروشان و قباب
عالیه سی مقرر دعوات و درود اولان معبدلرده ابدی زلزله لر
نمایان اوله جق!

حضار

اوله جق! .. اوله جق ..

بیاضپوش

بوگیجه - بابیلون - انسان قانیله مست و مدهوش
یدی باشلی اژدرینه سوار اولوب بحار محیطه نک، قاصر غه لرک
ارده سنده سیران ایده جک و سفینه بر جنده اتزوا ایدن - نویه -
سمادن زمینه اینوب صکگره یینه زمیندن سمایه فرار ایده جک!

حضار

ایده جک !! ایده جک !!

بیاضپوش

بوگیجه حیلہ ایله خیانت تزوج ایده جگندن انتقام
ساز چالوب، موت رقص ایده جک و برظلمانی بخار ایچندم
آفات سماویہ پریلرینک قهقهه لری ایشیدیله جک !

حضار

ایشیدیله جک !! ایشیدیله جک !!

بیاضپوش

بوگیجه صلح و سکون مالککمنک نغماتی ایشیدلمز
اولوب - اولوب - ک عشق و سودایه مفتون اولان قزلری
فرط دهشتله سافلینه چکیله جکلر ! توحید و تکبیر ایله
اویویان فتنه، برنام سیار حالنده دوراسواق ایدوب شریعتک
طرد ایتدیگی ماتم ایسه یکتا حکمدار عالم اوله جق !
الحاصل بوگیجه دن اعتباراً دوگونلریر آلتنده اوله جق .
چونکه عزیز بن موسی بوگیجه دن صکره اوراده اوله جق !

برنجی سیاهپوش

قوللر کزده برابر می بولنه جغز عجبا ؟ .. « هپ کولشیرلر »

بیاضپوش

شمدی بنی دیکله یك. سیرایك اكنها محلی نماز گاهدر.
باغچه نك برکوشه سندهدر. بز بوگیجه اونماز گاهه گبروب
اختفا ایده جگزر. عزیزك عادت در. هر صباح اركندن
اورایه گیدر. تك وتنها عبادت ایدر. «سی دیکه رك» آکلا-
یور میسگزر؟ اشته اورای.. اشته او عبادتگاه، یارین
صبح اركندن .. بر سیاستگاه اوله جق !

برنجی سیاهپوش رفقاسنه

آغایور !

« بیاضپوش سندهمکه باشلا دیغدن اعرافی آلیرلر. »

ایچلرندن برایکیسی

امان نه گزر وار؟. نه اولیورسگزر ؟..

برنجی سیاهپوش بلنی صبقارکی یاقه لدیغندن
بیاضپوش سیلکنوب اولنی ایتهرک دوشورکن

ملعون !.. «یورویه رك» گمی حاضر ! کیم گله جکسه
گلسون !..

« هپ کیدرلر. برنجی سیاهپوش الماری یرده دیزلریله یورویه رك تعقیب ایاره. »



منظر

۳۸

اشبیلیه . مسلمك اقامتگاهى ، ايكي يتاقلی بر اوطه . کینجه
یاریمی . مسلم يتاقله . عذرا آياقله .

مضار

مسلم ، عذرا

مسلم

گیجه یاریسندن صکره يتاق اوطه سندو اولسون راحت
ایتمه لم می ، عزیزم ؟

عذرا کزینه کزینه

أوله جك آدملك چهره لرنده کندیلرینك معلومی
اولیان بر گیزی محزونیتك آناری گورونور .

مسلم

پکی .

عذرا

اونلر یواش یواش حیاتدن اوصانمش گی بر تاثیر

حاصل ایدر لر . واوله جکلری زمان تقرّب ایتدکجه علائق
دقانیه دن تباعد ایتدکلرندن قلبلرنده بر محبت الهیه پیدا اولور .

مسلم

پکی .

عذرا

و مجلسلرنده بر آخرت هواسی اسدیگی حس اولور .

مسلم

پکی . فقط ملك الموتك قنـادلری گوردیگی زمان ،
یعنی آن واپسین حلول ایدنجه ، دیدیگك هوا بردن بره
يك گچیجی ، عالم حیاته گچیجی بر روزگار اولور .

عذرا

پکی .

مسلم

بن بر اختیار بیلیرم که تسلیم روح ایده جگی صروده
یتاغندن قیام ایله - بن اولیه جگم - دیه حایق رمش ودر حال
دوشوب اولمش ایدی .

عذرا

پکی .

مسلم

ینه بر دیگرینی تخطر ایدرم که مدت حیاتنده زهد
وتقوی ایله مشغول اولدیغندن وفات ایدنجه روحنک جنات
عالیاته اوچه جنی اعتقادنده بولندیغی حالده تسلیم روح
ایده جگی زمان - یاربی جانمی آله! - دیه فریاد ایتمش ایدی.

عذرا

پکی .

مسلم

وینه بر اختیاروالده خاطر مده در که غائب ایتدیکی یگانه
اوغلنی تعقیب ایتمگی گيجه وگوندوز اللهدن نیاز ایدرکن
صوڪ نفسنده اطرافنده طوپلاناں متعلقاتنه باقہ رق و اوغلنی
مراد ایدرک - بر آدمه قاوشمق ایچون بو قدر کشیدن آیرملق
فنا شی! .. - دیمش ایدی .

عذرا

پکی . فقط سن نه دیمک ایستیورسین ؟ ..

مسلم

بن (پکی!) دیدیگم زمان سن نه دیمک ایستیوردک ؟ ..

عذرا

بن ديمك ايستوردم كه، ديدىگم تغيرات وجهيه ني بوندن
اون بش گون اول و او تمايلات اخرويه ني ده برقاچگوندن
برى امير عبدالعزیز بن موساده گوريورم. او ادم ياشايه ميه -
جق! فقط اولير كن نه اوله جق؟ سنك ديدىگك گي متحسر
ويا متفر حیات اوله رقى اوله جك؟ بيله مم!

« بك اندیشه لی برحالده كنزر »

مسلم

هر حالده بوگيجه اوله جك دگل يا، عزيزم! نه يه
يويله بي حضور اوياورسين؟ يات. راحت ايت، اويو...

عذرا

اويورسه م اوکابوس منحوس، مرقادونك قزی رؤپامه
گيريور! اوقز عبدالعزیزه سؤقصد ايدده جك!

مسلم

جانم، بونی نه دن بیایورسين؟ بزم هپمزك ظنم زجه
اوحتی عزیزى سويور، اويله ديورلر.

عذرا

اشته اونك ايجون قورقيورم يا!.. اشته ارنك ايجون
سؤقصد ايدده جك.

مسلم

تحف ضدیت ! قرالیچه ایله ازدواجندن طولانی
رقابت سائقه سیله می بو حس خصوصت پیدا اولمش ؟...
حال بوکه سن بالعکس عزیزی وقایه ایدیورسین ..

عذرا

بن عزیزک هوادارلقاسی دگلم ، طلبکار بقاسی یم ..

مسلم سئوله رک

بن اوילה دیمک ایسته مدم . مقصدم اونی دیمک دگلدی ..

عذرا

سن اگر بنم نه حسیاتده برقادین اولدیغمی اکلامدکسه
یات ، او یو .

مسلم

بن سنک قادین اولدیغکی اکلامدم که ! گوزل بر
مخلوقسین ، اشته اوقدر ! .

عذرا تهوره

گوزلمی ؟ ...

مسلم

یوق یا گلش سویلدم ، گوزل دگلسین ، عزیزم ،
 عفواید ر سین «توقدن صکره» مد نیت قلبیه الک حقیقی مد نیت در که
 اکثریت اوزره عالم بداوئده گورولور . زوال قبول ایتمه یین
 گوزللك ایسه الهام الهی دنیلان حسن مغویدر که اوندن
 حسانت ملیه نشئت ایدر . «ینه صکره جه» دین اسلام عین الهامدر .
 انجق قلباً متمددن بولنانلره نازل اولور . بوگون یوزیاشنده
 اولان اسلامیت اگر خلیفه ولید گبی ، موسی بن نصیر گبی ،
 طارق بن زیاد گبی ، عزیز بن موسی گبی ارلر ؛ زهرا بنت
 موسی گبی ادیبه وصلحا گبی فدا کارو عذرا گبی مجاهده لر
 یتشددیر مکده دوام ایده جک اولور سه الی الابد معمر
 اوله جفنده شبهه یوقدر . فقط سلیمان خلیفه گبی ماحی
 اسلاف و اخلاف و اونک اسپانیایه ابعاث ایتدیگی جانیلر
 گبی واجب الاتلاف آدملرک ظهورینه مانع اوله مازسه عمری
 قصیر اولور . «صکره جه» ایلر ، کوتوردن ایلرک انتقامنی
 المیدر . بشقه طریق اصلاح یوقدر .

عذرا

انتقام آله جقدر . آله جقایلردن بریسی ده بنم !

منظر

۳۹

اشبیلیه . سرای حکومتك باغچه‌سند، وقتیلله کایسا اولوب صکره‌دن
تمازگاه اتخاذا ایدلش بر محل واسع . پنجره‌لردن سحرک تقریبی نمایان ، فقط
ایچریسی حالا قراکلق . کیسه‌لر یوق . یالکیز اصوات غائبه :

صوت اول

ولید !

صوت ثانی

لبیک !

صوت اول

بقی !

صوت ثالث

لبیک !

صوت اول

عبدون !

صوت رابع

لبیک !

صوت اول

سلمان! ...

صوت خامس

لبیک! ...

صوت اول

زیدون!

صوت سادس

لبیک! ...

صوت اول

هپ برلشدیگزی یا! ...

اصوات خمسہ

هپ برلشدک! ...

« برآیاق سدی کلیر وبر ایصیلق ایشیدیلیر . »

صوت اول یواش واوزون

صوص! ...

اصوات خمسہ کذلک یواش واوزون

صوص! ...

ابن موسیٰ

برآمد کلوب محرابہ طوغری کیدر۔ محراب ایلہ منبر آردہ سنده کاه قعود
وکاه قیام ایلہ مناجات ایدر ۔

مضار :

عبدالعزیز بن موسیٰ ۔ صکرہ بیاضپوش ایلہ معیتندہ کیلر ۔

عبدالعزیز بن موسیٰ یالکنز

یار بی!.. شو آندہ نہ قدر علوی بر ملال ایچندہ بولندیغ
آنحق سنک معلوم ربانیتکدر۔ نظر مرحمتک اور بانیتی انکار
ایدنلرک بیلہ قلوبسندہ آرام ایدر ۔ بنم بو آندہ کی حزن
وملامہ بتون شوق وامللمرم فدا اولسون!..

یار بی!.. بن موحدده، ملحدده سنی بولدم؛ سنک
غیرک قیاس ایدرک هر دوشندیگمک صوکنده ینه آنحق
سنی بولدم!.. هیچ بر یرده سنی گورمدم؛ هیچ بر یری سنسنز
گورمدم۔ هر نه یه عزم وتشبث ایتدمسه سن حاضر
وبولندیغک محیط لامکان بی تناهیدن بکا ناظر ایدک،
یار بی!..

یار بی!.. سن ذات صمدانیتکی بو عبد خا کسارک
اک گوزل آثار قدرتکدن اولان بر صاحبہ جاذبه ده
گوستردک!.. بز مخلوق ضعیفک آواز انکسارنده وبرملت
معظمه نک آمین عمو میسنده گوستردک!.. بن سنی هم سرای

شاهده ، هم لانه عنكبوتده گوردم . دوستمده ، دشمنمده ،
 نفسمده گوردم ؛ ذرات و سیاراتده ، بحر محیطده گوردم ، قطره
 دموعده گوردم !... بونه معجز سر و حکمت ، نه وله بخشا
 صنعت و قدرت درکه ، یار بی .. ائک بیوک ساحه مغنویت
 اولان عقل انسانی به صیغیان تجایاتکله و بتون مکوناته
 شامل اولان عظمت و جبروتکله برابر ائک کوچوک ذره لرده
 وجود واجب السجودک گورینور !... او وجود ازلی
 وابدی که طبقات سمان درکات سافلینه قدر کافه موجوداتک
 روحانیتی دینلمکه سزا مایه اصلی خود آفرینده سیدر !...
 مشهودات و مخیلاتمزه سیر و سفری سنک حرکتک ،
 صوت و صدای سنک خطابک ، صمت و سکونی سنک
 تفکیر کدر . یار بی !.. طوفان هوا دن تنفس اطفانه ، زلزله
 ارض دن خایجان قلوبه قدر هر شی سنک ، وجود و عدم سنک ،
 اختلال و آسایش سنک ، نوم سنک ، موت سنک ، فریاد
 و قهقهه لر سنک ، نفعه لر ، نغمه لر سنک ؛ سنک اولمایان ،
 یالکز سفین الہی !.. چونکه سن بزمین . بر عصر دن
 بری یر اتقمده اولدیغک عالم اسلام سنک ایسه ، سن ده عالم
 اسلامکسین !... ” بخرم لولاینه سید و ب باقرق ” بوسحرا و عالمه سنک
 التفاتکدر . بواقان صولر روضه مطهره نکدر . بواسن

روزگار ایله اوتن قوشلر بکا مکه مکر مه دن کلیور ، بکا
 اوپله کلیور .

یار بی !.. قولک عبدالعزیز که نفسی بیلدیکنه ذاهب
 ..وعقل و فکرینه صاحب اولدینی گوندن بری سنک
 جناح شریعتکه صغدی ؛ مرعزم وتشبته مراجعتگاهی
 ابنای بشرک سلامتی ایچون احسان ایتدیگک اوقانون
 مقدس اولمشر . بن ید اداره مه تودیع اولتان عبادکه
 مدت عمر مده ظلم ایتماش اولمقه مباحی بولنیورم . هر نه
 یاپدمسه خیرات و حسنات ظنیله و حسن نیتله یاپدم ؛ اگر
 ظنمله نیتمه خطا و ارسه کیمسه بیلمز ، سن بیلرسین ،
 یار بی !... هانگی قولک وارد که بر چوق ثواب ایشله مش
 اولدینی حالد کهنکار اولدیغندن امین اولسون ؟.. احتمال که
 بن ده سیئاته حسنات ، حسناته سیئات حکمی ویره رک نیجه
 نیجه یا کلسقلر ایتمشدر ؛ اشته اونک ایچون بن سنک درگاه
 الوهیتکدن نیاز عفو و غفران ایدیورم . یار بی !.. یار بی !..
 سنک کتب مقدسه گدن بریسی ده وجدان انسانیدر . هم ده
 الک قدیمی در . وجدان انسانینک محتویاتی سنک آیات بیناتک
 کبی تلقی اولنه بیلیر . او کتاب مقدسه گوره بن ، ولونتیجه
 اسناد اوله رق ، بر کره منفوری اولدیغم بر جماعته ریاسته

دوام ایتمگی ایسته یه جک در جه ده مشتاق حیات و حکومت
اولما ملی یم .

یار تی !... عبدالعزیز قولکله عمومک اسناد ایتدیگی .
قبایحدن بری ده سنک کتاب کریمکده مدوحاً مذکور
اولان حبّ جمال دگلمیدر؟.. بن اوصاحبه جمالک رفاقتی .
ایکی ملت محاربه نك ، ایکی قوم مخاصمک توحیدی ایچون .
اختیار ایتدیمی ؟.. مدت حیاتمه هپ دوشوندکرم نفسم
ایچون میدی ؟.. عموم ایچون جالشوب ده استحصال ایتدیگم .
منفعتدن حصه می آلقله اکتفا ایتمور میدم ؟... حیات
واجرا آتمک اهمیت و مزیتی افکار و اذکارمک سنک عباد
و عبادتکله منحصر اولسندن منبعث دگلمیدی ؟.. عبده .
اصنام ده سنک عبادتکدر ، الهی !. عبادی صیانت عین عبادت
دگلمیدر؟.. وجدانم بگا- اویله در!... دیور. رحلتلرک اڭ
مقبول و معصومی شهادت دگلمیدر؟.. وجدانم- اویله در!...
دیور. بو ایسه - سن اویله ایستیور سین- دیمکدر . اویله
اولماسه قولکده بو میل شهادت حاصل اولمازدی . نفسه .
مخصوص اوله رق عرضه جرات ایتدیگم بو استرحام هم
برنجی ، هم صوڭک تضرعدر ، یار تی !... «بو حال ایله مراقبه ده ایکن» .

بر صوت غائب

— الا ای عبدالعزیز بن موسی! .. — خطابنی ایتمکله استغراق
 کوستر و صوت غائبدن آئیده کی تلقیاتنه مظهر اولور :
 مسرور و مبشر اول که تمنی عبدیتک مستجاب اولور! ..
 برازدن شهیداً اوله جکسین! ... ای عبد مسعود! .. مشغول
 نماز اول! ...

عزیز بن موسی کندندن کچمش بر حالده یورو به رک محرابه توجهله نمازه
 ابتدار ایدر . و بوضو دهده :

ینه صوت غائب

قلعه لر فتح ایلدک اسلام ایچون پاینده ،
 لوح علیینه افعالک محرر در سنک !
 مشهدک ایت خدادار جانه منت بیل عزیز! ...
 منزلك دار جنان اولق مقرر در سنک! ...

بر مدت سکوت . متعاقباً صوت غائبک کلدیکی جهتدن خفیف بر ایصیلق
 چالغله بش شخص سیاهپوش اختفا ایتدکاری یرلردن چیقوب آلرنده خنجر
 عزیز بن موساتک اطرافنده ، باخصوص اوک طرفنده بروضع تهدیدکار ایله
 طولاشورلر ایسهده عزیز اصلا فتور کتیر میوب کمال متانتله نمازینه دوام ایدر .

مضار :

عزیز بن موسی ، بش سیاهپوش . اک صوکره بیاضپوش .

صوت غائب

ابن موسی! .. بیل بور حلت و قتیدر ،
 صر جمع اصلی به رجعت و قتیدر! ..

حق یولنده ، موت عین سائقه ،
انتقال ایتمکدر ، اولمک ، خالقہ .
روحلر دائم مہیا عودتہ ،
منجذبدرلر وجود وحدتہ .

سجدہ ایت ، دار بقایہ ناظر اول ؛
گلدی وقتک ، ابن موسی ، حاضر اول ! ..

بوصرہ دہ ابن موسی سجدہ ایتیش بولنور . وینہ بر ایصیلق چالمنقلہ
برنجی سیاهپوش خنجرلہ عزیز آرقہ سندن اوور .

عزیز بن موسی تأثرلہ قالقہ رق

آہ ، نمازمی بوزدیلر ! اللہ اکبر ! ..

تکرار دوشمکله سیاهپوشلرک جملہ سی بردن اوزرینہ هجوم ایدوب
خنجرلہ دکری ائنادہ حایقرہ رق بیاضپوش ظهور ایدر .



منظر

۴۰

بینه اونماز کاه . عزیز بن موسانك نعلی عرایك اوکنده . شفقك اشعه
لعلکونی قیو وینجره لردن عکس ایدر .

مضار :

ایوب بن حبیب ، مسلم ، امرا ، مشایخ ، خدمه دن مرکب
جماعت ، صکره ام الاعصامك نعلنی کتیر نلرله صوللا .

جماعت

محدود ایدی ، محدود ایدی ایام حیاتی ؛
مسعود اوله ، محدود اوله انجام مماتی! ...
بر تجربه گهدر بوجهان پیش قدرده ؛
البته نهایت گوریلور تجربه لرده .
دهراک کیمی آزاد ایده کلمش صدماتی ؟ ...
کافی که گورلمش اوله آزچوق خدماتی .
بر منزله واصل اولورز بز بوسفرده ،
هر فردك اوگا وارمق ایچوندر حرکاتی .
بر بارقه در عمر بشر حین گذرده ،
یکدانه رحمتدن عبارت برکاتی ! ...

ایوب بن حبیب قورقوتج برمکانتله خارجه

کثیرکاتم الاعصامک جنازه سنی!... رفیق محترمک یانسه
قویک! براق کشی ام الاعصامک جنازه سنی کتیر لر. موللا یانلرنده بولنور. «
اشته نعل مبارکی محرابک اوکندمه سجده ایتمش، قانلر
ایچنده یاتیور!...

مسلم

نه الیم، نه مؤثر تماشا و تصادف!... بر طرفندن ده شفق
سوکور. سمانک کونشی طوغارکن عالم اسلامک کونشی
غروب ایدیور. آفاق مسجده، بوراده حاضر بولسان
جماعته منعکس اولان بوهرت، اثر آفتابی یوقسه عزیز
حفظ ایتمکی بیلمدیگمز ایچون اثر خجلت و حجابی در؟...
یارتی!..

ایوب بن حبیب

بو امر واقعدر، مسلم، یاخود امر حقددر. تغیر
ایدلر. تغیر ایدمه دیگمز ایچون گنهکار اولماز. شوپچاره
قادینک اتحاری اوزرینه اویاندق. بز بو فاجعه ایله مشغول
ایکن بو هائله واقع اولمش. ام الاعصامه گلن جنت نه قدر
دعوتسز اوله رق کلمش ایسه وقلبنده بولدیغمز آلت قاتله

نه قدر غیر مسئول ایسه بوشهادتی منع ایده مدیگمز ایچون
 یزده او قدر معذورز. شهادتک وقوعبولدینی بونمازگاهدن
 چیقان برقاج سیاهپوشک حایقره رق گوتوردکلری بیاضپوش
 « - عزیز اولدیرلدی. - اسپانیا انتقامنی آلیور. - بن ادلینا
 مرقادویم - » دیه فریاد ایتماش اولسه هیچ بر شیدن
 خبرمز اولیه جقدی !... حتی سنک رفیقہک عذرا ، ادلینا
 مرقادو اسمنی ایشیدنجه او سیاهلیلرک ارقه لرندن گیتدی.
 فقط رجال الغیبه کیم یتشه ییلیر ؟... « تأثرله عزیزک نعشنه توجه ایدرک »
 یاعزیز بن موسی !... مقرر سفرک سفر عقبامی ایدی ؟...

صوللا

آه ، ای بنم ماتملر ایچنده طوغوب ماتملر ایچنده باتان
 ولیه نعمتم !.. برسیاه ییلدیز بتون مدت عمرکده باش
 او جکده طولاشدی ؛ بلکه مزارکک چیچکلری ده سیاه
 آچه جق !...

بتون حضار

واه ، امیر عبدالعزیز ! واه ، آم الاعصام !..

ایوب بن حبيب

ای جهان برتردن ، جنات عالیاتدن شو حاله ناظر

اولان ارواح و عقول! ای نجوم بی شمار!... نیلر، و لیلر،
ملککیر!... عزیز بن موسی گلیور!... استقباله اینک!..

بتون حضار

واه، امیر عبدالعزیز!... واه امّ الاعصام!...

مسلم

ای ارض قدیم و قدید! ای خاکدان سفیل و سرگردان!...
سنک رسامک اولان قدرت فاطره بو ایکی نادره سماویه بی
سکایا قشدیر مدیغی چون اشته انظار سکنه کدن نهان ایدیور!...
بو ایکی سیاح بقای قریبگاه یزدانه ایصال ایچون گردونه
جهان هوالنوب سماره پرواز ایتسه لایقدر!... واه، امیر
عبدالعزیز!... واه، امّ الاعصام!...

صوللا

امّ الاعصام که گتند که گوزلگی روحانیت کسب ایدیور!...
الهه حسن و آن که اعضای میته سی بریره طوپلانسه ینه
شایان پرستش بر صنم وجوده گله جک!...

ایوب بن حبیب

واه، خراب اولمش محراب طاعت!... ای قصر جنتک
انقاض فکرت انگیزی، واه!...

مسلم

واه ، ای کسلمش امیداستقبال !... ای غروب ایتش
آفتاب نصرت ، واه !...

صوللا

آه ، قره کون ، قره کون ، قره کون !... واه ، ای
نورالهی به منجذب اولمش ملک ، واه !...

بتون حضار

واه امیر عبدالعزیز !... واه آم الاعصام !...



منظر

۴۱

اشبیلیه جوارنده بر خرابه ده بر غار مظلم که دروننه قپوسه مقامنده
یرتبه دن ضیا عکس ایدر . وقت صبح . رعد و برق . آواز روزگار . طوپراندن
برسدیر اوزرنده اوتدن بریتاق ، طاش یا صدق . چول بورغان . یتاقده اینسکاره
مستقارب احتضار بر قز . یاننده رعشه دار احتراض بر شخص .

مضار :

ادلینا مرقادو ، ولید

ولید

شمدی نصلسین ؟ ... ویر الکی باقیم .

ادلینا مرقادو

براق ! ..

ولید

سن نه علوی بر خلقتسین ، ادلینا ! ... گلر صباحلین
آجیلیر ، قوشلر اکثریت اوزره صباحلین اوترلر . گونش
صبحلین طوغوب یر یوزنده کی اشیا و موجودات صباحلین
حیات تازه کسب ایدر . یالکیز سن ، مهتاب گبی صباحه
یا قن ضعیف لانه یه ، صولمه یه باشلا یورسین . بونه دیمکدر ؟ ...

ادلینا مرقادو کوجلکله تنفسده

المی براق!...

ولید

ینه می نوبت؟...

ادلینا مرقادو

براق!..

ولید

باق، بنده تریورم. الکنن طوتاسهم یقیله جغم!...

ادلینا مرقادو

یقل!...

ولید استمه طوغری چوکه رک

بکا آجیاز میسین؟...

ادلینا مرقادو

ملعون، چکل!..

ولید

ملعون دگل، مفتون!... منقر فکم سنک بن!... «ادلینایی اوپر»

ادلینا مرقادو کسیک کسیک سویلیه رک

آه ، دنیایی .. حیاتی .. یالکز ، یالکز بر دلیکدن
گورمک !... بر ، بر مزارک ایچنده ، متأثر ، متحسس بر
میت ، بر جسد اولمق ، بر لاشه اولمق !... بوالویر میورمی ؟...
بوالویر میورده قارشده برده بر جانی ، سنک گی بر عفريت ،
بر زبانی طوره جق ؟... ییقل !...

ولیدینه اویپرک

دنیا ییقلسه گیتیم !... سکا مالک اولدجه ، جنته بیله ،
گیتیمک ایسته م !...

ادلینا مرقادو

بن ، گور میور میسین ؟... آلمی براق !... بن ، بن ..
أولیورم !... أولیورم !... یبان آدمی !..

ولید

بن بر حییم ، سکا صاریله جغم ! بو مزهرده یاتمق ،
زهرمی دوکمک ایستیورم !... بگا آجیمیور میسین ؟...

ادلینا مرقادو

سن بر صر تلان سین !... بر مزاره گیرمک ایستیور سین !...
گری !..

ولید

کری می؟ ... مزاره گیرن هیچ کری دونرمی؟ ...
 ارقداشلرم هپ کتدیلم. دهاطوغریسی جنایتدن صکرمه فرار
 ایتدیلم که بنی مغرب زمینده بکلیه جکلم. بن محضا سنک
 ایچون قالدیم، ادلینا! ... سنک ... سنک ... آه .. سنک
 و صلتک ایچون؛ سنک وجودک ایچون قالدیم بن! ... « ادلینا نک
 چیلاق بولنان ایاقلیله دیزلرینی اوپر »

ادلینا مرقادو

آه! ... آه! ... آه! بن اولوم دوشگنده میم، یرتیجی
 مخلوق! ... اولوم سندن می اورکوب گلمیور؟ ..

ولید

اولسه کده المدن قورتوله مازسین. بونه وجود! .. نه
 جاذبه در بو! ...

« ینه اوستنه چوکوب راست کلن هر طرفی اوپر »

ادلینا مرقادو

آه! .. نفس ... نفس آلهیه طاقم یوق! .. عجب اونیده
 سنی آلیورسین؟ ... باری صوگ نفسمی ده ال! ...

ولید

سویورم سنی بن! .. ینه اویهرک اوپدیکم یرلرده چوریورمی
بیلیم؟ ..

ادلینا مرقادو

خیث انسان! .. یوزمه باقیورمیسین؟ .. بن اوپلورمی یم؟ ..
هیچمی؟ هیچمی مرحتک یوق؟ .. قان تو کوریورم! .. مردار
طیعتک خوشلانیورمی؟ ..

ولید

آه، بیلسه نه که بوخسته لق سکا نه قدر کوزللك ویریور! ..
گیتدجه رنگک اوچیورده بر بیاض گله بگز یورسین .
رایحه دگل، روح نشر ایدیجی بر بیاض گیل! .. سیاه
سنبللار ایچنده نه کوزل اوچوب گیدیور! .. صاچلرینی قوقلار ،
اوپر ، اوقشار ،

ادلینا مرقادو

آه، آه ای موت، یتیش! .. سن سپراول بکنا! .. سنک
دوشگنکده یم . ای ملک الموت ، آچ آغوشکی! ..

ولید

موت بر روحه نه یاپه بیلیر؟ .. سن روحسین ، سن بنم
روحسین! .. موتک دگل، بنم آغوشمه گیره جکسین! ..

منظر

۴۲

ينه اوغارك براز مكره كورونشي . ادلينا مرقادو يتاقده ايكتر . وليد
كيتمش . عذرا كيرر .

مضار :

ادلينا مرقادو ، عذرا بنت عنز .

عذرا

كيم ایدی او؟ .. بر جانورگی بوایندن چیقدی گیتدی! ..
نه دیوردی؟ .. جان چکشیر کنمی جسمنه مالک اولمش؟ ..

ادلينا مرقادو ايكتر كې

أور! ..

عذرا ابتدا قورقار مكره يتاغه تقريله

بوکیم ؟ .. برخسته ! .. بر مجروح ! ..

ادلينا مرقادو

أور! ..

عذرا دقتله ادليناك يوزيشه
باقد قدن مكره حايقره رق

آه ؛ مرقادونك قزی ! ..

ادلینا مرقادو

أور!..

عذرا هیجان ایچنده

اڭ بیوک دشمنی گوگده ارارکن یرده بولدم ! هم
ناصل یرده ونه حالده ..؟ اڭ صوگره سنی بولدمی ،
اسپانیا منتقمه سی!..

ادلینا مرقادو

أور!..

عذرا

سنی بو حالده گوردیمی ؟ سنی بو حالده گورمك بڭاده
میسر اولدیمی ؟ صیدلر قاتله سی!..

ادلینا مرقادو

انصاف ایتده اور!..

عذرا

ذاتی اور لمشسین!.. یاره لیمسین ملعون!.. نه در بو قائلر!..

ادلینا مرقادو لرزان خجلت

ا. ا. اونی ده می گوردك!.. اور!..

ابن موسیٰ

عذرا

رذیل!.. عذرا بنت عنزہ حضورندہ عار کدن گبر!..
نہ مستکرہ جریحہ!..

ادلینا مر قادو

گبر د کدن صکرہ دہ اور!..

عذرا

بورادن چیقان ملعون کیمدی؟.. ولید د گلمیدی؟..
ادلینا باشیلہ اشارت تصدیق ایدر. " سنک زنداندن قورتاردیغک
ولید د گلمیدی؟.. " ادلینایہ اشارت تصدیق ایدر " اک صو گندہ
سنک دہ می قانکھ گبردی؟.. ہم دہ نصل قان!.. " آخی بر
تہقہہ دن صکرہ طفو ایتمکله "

ادلینا مر قادو

اور!..

" بر حرکت مذبحانہ دن صکرہ نفسی طور . "

عذرا تقربلہ

اور مہیہ لزوم یوق . سندن انتقامکی سن کندک
آلمش اولیور سین!.. عالم اسلام دہ بنم گوزلرملہ سنک
بوزوالکی گوریور!.. لغت!.. " بر تشکردن وادلینایہ باقدقندن صکرہ "
لغت ، فقط اولد کدن صکرہ جائز دگل . صاغ ایکن

جا ز می ایدی ؟ .. مسلمانچه محاکمه ایدیلیرسه بوقز بلکه
 شایان لعنت ایدی . فقط اسپانیول نقطه نظرندن بویک
 بیوک بر قزدر . اسلامیتک ظهورندن اول ، مثلاً بوندن
 بر بحق عصر مقدم دنیایه گلمش اولسه ایدم ، بن بوقز
 حقنده نه دوشونه جکدم عجباً ؟ .. بوگون نصرانیت نه دیورسه
 بن ده اونی دیه جک دگلمی ایدم ؟ .. بیلیم هانگی بیطرف
 عقیده نک سوقیله بوقز حقنده اولد کدن صکره اولدیغیچونمی ،
 نه در ؟ شمدی بیله قلمده بر میل احترام حس ایدورم .
 محاربه ده مقتول دوشن پدری مرقادو حقنده طارق بن
 زیادک سویلدیگی تعظیم کارانه سوزلر خاطر مه گلیور .
 موسی بن نصیرک تدمیر ایچون اوغلی عبدالعزیزه ایتدیگی
 توصیه لرله عبدالعزیزک تدمیره اولان قدر شناسانه
 معامله لرینی شوآنده دوشنمیوردگلم . بو بیوک مسلمانلرده
 عیسویت و موسویت حسیاتی ده جامع بر عظمت انسانیه
 گورونیوردی ! .. مرقادونک قزینی بنم سومدیگم حالله
 سائق ، حیت ملیه دگلمی ؟ .. بر اجنبینک حیت ملیه سی
 نه دن منفور اولسون ؟ .. بر اجنبی عظمت اخلاق ، بیوک
 بر اجنبیلک ، بر خصومت فداکارانه ، عشق وهوایه غالب
 بر فضیلت ؛ اشته مرقادونک قزینی جنایته سوق ایدن

احوال!.. ولیده نه دیه لم؟.. رفقای جنایتی اولان خلیفه
 سلیمانک عونہ سنی او جانیلری فصل تلقی ایتلی؟.. یابونلرک
 آمر مجبری اولان خلیفه سلیمان، اوسلیان بی امان نه در؟..
 «بر حرکتدن سکره» خبرویریم ده شوقز جغز اولدیکی یرده دفن
 ایدلسون. وبوغار وحشت مدار اوکا مخصوص بر مبارک
 مزار اولسون!.. «تعظیمکارانه توجه لرله» ای بیوک مرقادونک
 حمیتکار وفدائی قزی!.. ایتدیگم تویخلر ایچون بن سنک
 ووحکدن تمنی عفو ایدرم. شمدی وظیفه م سنک خاطره
 وخیالکه عرض احترام، او آمر مجبردن ایسه اخذ انتقام در..
 بر الشامه قدر گیده جگم.



منظر

۴۳

حجاز . موسی بن نصیرك مسكنی ، بر خراب حجره . اور ته ده بر صراط .
زیتون ، خرما . اكلك . هر شی فقیرانه سباطك اطرافنده .

منظر :

موسی بن نصیر ، طارق ، زهرا ، معین الدین ، صکره عقبه ،
دها صکره ولید .

موسی بن نصیر

بوگون نه یابدك باقه لم ؟ .. معین الدین ! ..

معین الدین

بوصباح ده ، هر صباح اولدینی گبی ، بر ختم شریف ایله
اشتغالنه ابتدار ایتدم . صکره ادبیات و فتوحاته دائر
منظومه لر اوقودم . سکسان قدر بیت از برله دم . دها صکره
اوق تعلیمی یاپدم . قلیچ ، مزراق اویناتدم . شمدی ده
اوروجلی اولدیغمدن اشته افطار سفره سنه گلدم .

موسی بن نصیر

بوسنك دیدیگك شیلر مشاهیر عرب اولادینك

ابن موسی

مشاغل عادیه سیدر . سن فوق العاده برشی یاملیسین که
طارقه زهرانک نجلی اولدینگ آکلاشلسون .

زهر ا کولرک

اون یاشنده ، اوروجلی بر چوجقدن ، دهها زیاده
نه بکله نیلیر ؟..

موسی بن نصیر

مادرانه تصاحب .

عقبه القریشی

السلام علیکم !..

سفره نشینلر

وعلیکم السلام !.. اهلاً وسهلاً !..

عقبه القریشی

زائر قبول ایدرمیسکمز ؟..

موسی بن نصیر

برقاج زیتونله خرمايه قناعت ایدن بیورسون !..

عقبه القریشی سفره به کچه رک

بز ارباب قناعتدنز .

زهرا کندی کندی

بو آدم بر کره دها گلمش ایدی .

موسی بن نصیر

بوسفره ، سباط فقر و ضرورتدر ، معذور گورلسون .

عقبه القریشی

فقر و ضرورت جوهر ذاتك قیمتی آرتیر ، امیر
موسی حضرتلری ! بن اوجوهر دن مستفیض اولغه گلدم .

طارق بن زیاد

بزدن هر کس متضرر اولور کن ، سزقاعت اصحابندن
اولقله مستفیدی اوله جقسکیز ؟ ..

عقبه القریشی

بن صاحب خانه لرك عظمت قدر و قیمت و ثروت طبع
و طینتلرینی بیلنلر دنم .

زهرا دیکله یرک

غالبا اذان اوقتیور .

معین الدین یرده کی قوم ساعتنه باقهرق

حایر ، دها اوج درت دقیقه وار .

موسیٰ بن نصیر

تسیح ایله مشغول اوله لم .

« سکوت، اشتغال درونی »

عقبه القریشی خود بخود

طالعسر اختیار !.. سنک جگر پاره لریکی یسیدلر .
 بوسماط فانیده دهانه رزقی بکلسین ؟.. گیت ، گیت ده عزیز
 ایله مروانکی ، امار عمر و عرفانکی جنت باغچه لرنده گور !..
 « سفره فطوری معمول نظر ترحم ایدرک » اللی ، التمش سنه لك خدمات
 جلیله سیله مشهور اولان ، افریقیه گبی ، اندلس گبی ایکی
 بیوک قطعه جهانی سلطنت مسلمینه یادگار براقان موسی
 بن نصیر ، آخر عمر نده برقوری اکمک پارچه سیله افطار
 ایدیور !.. طارق ، سیف و قلمیله سموات اشتهارده بارق
 اولان طارق بن زیاد ، دهها بر حیات ایکن آخرتک
 برکوشه سنده بولنیور !.. رفیقہ سی ، اوخادمه حرمین عنوان
 بلند یله مخدومه ملوک اولمغه سزا اولان زهرا ایسه بلکه
 چاماشیر بیقایوب اورته لق سوپوریور . اوچنک ده
 تسلیلری بصره ده اذان شریف اوقونور . بسمله ایله اوروجلرنی
 بوزارلر . »

معین الدین قیام ایله

دستی بی سفره نك یاننه قویمه بی اونو تمشم . عفو
ایدر سگزر . زمزم شریف زرده .. آشته .

موسی بن نصیر

معین ، سن نه زمانه قدر تام خدمت ایتمگی او گر نیه .
جکسین ؟ ..

عمبة القریشی

اوسزك حفید یگزر در ، امیر حضر تلی ! .. سیف و قلم
خدماتی بیلیر . او خد مه سندن اوله ماز .

طارق بن زیاد

انسان اوشاغه محتاج اولماق ایچون اوشاقلنی ده
بیلملی در . ممکن مرتبه هرایش آلدن گلملی در . بن او غلم
معینه هر زمان سویلرم . مشاق سفره حال حضرده آلملی .

موسی بن نصیر

اونك باباسی بگا کوله لك ایتمش ایدی . کندی نیچون
اوشاقلق ایتمسون ؟ .. طارق بن زیاد ایچون بو برذل دگلدر .
نم کوله ام اسپانیایی فتح ایتدی .

طارق بن زیاد

او محضاً اقدامك سایه سنده میسر اولدی .

عقبه القریشی

بن ، حفید یکنز امیر معین الدینك بر نشیده سنی کوردم .
اتفاق سز لغه دائر اولدیفیچون قلبه خنجر یاره سندن دها
آجی کلدی .

زهرا

أوت ، معین ، بنم نفاق و وفاقدن باحث بر منظومه می
تبیض ایتمشدی .

عقبه القریشی

شبهه یوق که اوده سز لر گی بر بیوک آدم اوله جقدر .

طارق بن زیاد

بیوک خدمت لر ایتك ایچون بیوک آدم اولملی .

موسی بن نصیر

یاخود ، بیوک آدم اولمق ایچون بیوک خدمت لر ایتلی .

طارق بن زیاد

بن او غلمك بر معین دین و دولت اولمسی ایسترم که
اسمنك ده مفهومی اودر.

موسی بن نصیر قیام

نماز وقتی . گچیرمیه لم . صحبت صکره یه قالسون . بو
فریضه یی دیشاریده ، آچقده ایفا ایده لم . بن سما یله
کندی آرامده حائل ایسته مم . الك بیوك قبه گوک ، الك
درین سجادده طوبرا قدر .

« هب چیقار لر . متعاقباً ولید کیرر . »

ولید

عقبه صاغ!.. ادینا مرقادو اولدی!.. « کز ندکدن صکره . »
بوایکی فکر آتشین یلدرم گبی باشمک ایچنده طولاشیور .
دوشونجه بیته جگم!.. عقبه کیمدر؟.. بنم یگر می بش سنه لك
ارقداشم . بن یگر می بش سنه اول هیچ برشی بیلمزایدیم .
فقط عقبه یی بیلیردم . و قالقارم بنمسه ، ایلکلری هب
اونك سایه سنده بیلیمشیدیم . سایه سنده بیلدیگم ، گوردیگم
ایلکلری اوئودوب او عقبه یی اولدیرمشیدیم . او عقبه
صاغ!.. بنی اونك نجه انتقامندن یالکئزادینا مرقادو

قورتاره بیلیدی . ادلینا مرقادو صاغ دگل ، اولدی . هم
نصل اولدی ؟ .. « زهر خند تفخرله » فقط باس یوق . بورادم
بریمی وارکه صاغ قالدینی حالده اونک پنجه سندن شیطانلر
قورتوله ماز . مروانی ، عزیزی ، ام الاعصامی ، هر برینی
بر صورتله ، حتی پچلری ده داخل اوله رق یرک دیینه
گوندردیگی گبی بوگون ده ابن نصیرک ، ابن زیادک ، زهرانک ،
بتون نصیرعائله سنک وجودلرینی قالدیرمق ایچون بورایه
گلمش بکلور . او آدم بوایشلری بتوردکن صگره
خلیفه سلیمانک خزینه لرینه مالک اوله جق . حتی خلیفه
اندلسه ، حجازه ، مصره ، برالشامه ، بتون عالم اسلامه حکومت
ایده جکسه اوده خلیفه نک شخصه حکمران اوله جق ! ..
او آدم ولیددر . ولیدسه ایشته بن ! سلفی خلیفه ولیداولان
خلیفه سلیمانک خلفی ده بر خلیفه ولیداوله مازمی ؟ .. بن کیم ؟ ..

کیفم اوزره خدمته آماده داثم روزگار ،

روزگارک حاکم دورانی مرد زورکار !

« یووجهله رقضان ایکن بردنبره یأسلنهرک » فقط عقبه صاغ !
« طارق ابن زیاد ایله زهرانک کالدکلرینی کورد ، حرمتله سلام ویرر »

طارق بن زیاد

بزی گورمک ایسته مشسکمز . بر خبر گنیر مشسکمز .

ولید تصنیع کدورتله

آه ، امیر ، مع الاسف پک فنا بر خبر ! . .

طارق بن زیاد

یواش سویلیگز .

زهرا

اندلسده کی جنایتلرک بز جمله سندن خبردارز . یالکز

پدرمله معین بیلمیور .

طارق بن زیاد

بیلملری ده ایجاب ایتمز .

ولید ألفده بر قندیل ایله موسی بن نصیرک
وآرقه ده معین الدینک کلدکلرخی کوره رک
تباکی ایله

یا موسی بن نصیر ! .. سلیمان خلیفه ، سنک خاندانگی

سوندیریور : ایکی نجلنجیگی قتل ایتدیردی .

طارقله زهرا متهورآ

.. یالان !

موسی بن نصیر

یالان ! .. « آلدن قندیل دوشر و قهقهه لر ایدر . »

طارق بن زیاد

یا لانی آدم! ..

معین الدین

بو بایقوش کیمدر؟ ..

موسی بن نصیر

یا لان! ..

آزاده سرم غائله شوق و کسلدن ،

مادام که انجام حوادثده فناوار! ..

ولید

جمله گزی انتباهه دعوت ایدرم . خلیفه نك جمله گزه

سو قصدی وار .

موسی بن نصیر کیمتدیکجه کسب
هزال ایدرك

یا لان! ..

بحث ایتمه بکا دغدغه یأس وأملدن

اول تجربه دن نزد کالمده غنا وار! ..

ولید کندی کسندینه

بوکا بنم پنجه مدن اول نزول اصابت ایده جك غالبا! ..

موسی بن نصیر

هر ویردیگی چیمقدده ایکن عاقبت آلدن ،
دنیا او قدر رغبتنه اولسونمی سزاوار ؟

یا لان ! « قهقهه دن صکره »

موسایه نه غم ، ضربه جلا داجلدن ،
جسماً او فنا بولسه ده اسمنده بقا وار .
مقصود بودر ایله دیگم سعی و عملدن ،
موسی دنیلیر اورته ده برصیت و صداوار !

« اطرافنه طو پلانقلاری صره ده » بن اونلری هرگیجه رؤیامده
گوریورم ! شمدی بیله گوزمک اوکنه گلیورلر . قتللری
خبری یالان ! یالان ! یالان ! « مردانه برطور ایله و متحکمانه »
هپ حاضر اولک ! کیده جگم ! عسکر ارسلانلرم ده
حاضرلنسونلر ! کیده جگم ! سوریه نی فتح ایده جگم !
دشمن ... اک بیوک دشمن سوریه ده !
« حضارایله محاط اوله رق قائماً ارتحال ایدر »

معین الدین

بونی می گورمک ایستور دك ؟ مصیبت تاتاری !

ولید چیقارکن

بن سنک اودمیر یورکلی جدک برچوجق گبی
اولیویره جگنی نصل بیلیردم ؟

طارق بن زیاد

کوله سی طارقک قوجاغنده رحمت حقه نائل ، قائماً
ومردانه بر صورتده زائل اولیور ، چوجق گبی دگل !
« نعلشی بر طرفه اوزاندقلری صرهدده »

زهرا

کریمه سنک سینه سی ده سرمبارکنک بستر ی اولسون !
« اوتوروب اغلا یه رق پدرینک باشی کوکسنه وضع ایدر »

معین الدین

بن نه یاپه یم والد جگم ؟ بن ده بیوک بابام گبی اولسه م
اولمازمی ؟

زهرا

سن شمذیلک اونک گبی یاشامه یی تمنی ایت ، اوغلم !



منظر

۴۴

برالشام . بیوک برقایا . قایانک ایکی طرفده یکدیگرندن ییخبر عقبه ایله ولید .

عقبه القریشی کندی کندی

قارشمه چیقسه بنم آه ..! اولعین ابن لعین !

ولید کندی کندی

ملك الموت ، جنایتی در ، اولدمسه معین ؟

عقبه القریشی

آلیر مطلق اوگون آل نصیرك ناری !

ولید

هم ده دشمن قاننك واجب ایکن ایثاری .

عقبه القریشی

اولمور طوتمه یه امکان اونی مانند خیال .

ولید

اولدم حالبوکه بن کندیلکمدن میال .

عقبه القریشی

أولولردن دها مخفی ، ینه هر سووده بدید !

ولید

غالبا ایستیورم نفسه بر عذر جدید .

عقبه القریشی

وقت مرهون ایریشور ، اولسه ده آزچوق تعویق .

ولید

طینه قاتل اولان ایسته مز اصلا تشویق .

عقبه القریشی

صبره البته ویرر فاصله مولای صبور !

ولید

مجبور امرینی انفاذه دگلدیم مجبور .

عقبه القریشی

وقت مرهون دیورم ، بلکه ده محشردر او !

ولید

عقبه صاغ ، بلکه ده مسعود و مبشر در او !

ابن موسی

عقبه القریشی

او قدر طوله تحملى ايدر عمر قصير ؟

وليد

نه يه دشمن اوليور مش عجبآ آل نصير ؟

عقبه القریشی

جنحه دنياده ، مجازاتی ده دنياده گرك .

وليد

طوغيور مهر حقيقت قره گونلر كچهرك .

عقبه القریشی

قهر يزدانه بو عالم گرك اولمق شاهد .

وليد

نشر اسلامه دگلمیدی او ارلر جاهد ؟

عقبه القریشی

غيره الله ده براز بکله تيور انسانی :

وليد

هانیا نرده اولو الامر منك احسانی ؟

عقبه القریشی

اونی بزگور میوز بلکه گوردر خلاف .

ولید

بنت موسانی ده بن ایتلی میشم اتلاف .

عقبه القریشی

محوه برعادی قادر نیچون اولسون ظالم ؟

ولید

طارق اوغلیله برابر قاله مازمش سالم .

عقبه القریشی

نه در ای نورالهی ، نه قارا کللق حکمت ؟

ولید

نه زماندن بری اولدیرمه مک اولمش تهمت ؟

عقبه القریشی

بونده غالب گلیور عقلمه برچوق اوهام !

ولید

المشته بن شمدی اوتهمتله اولندم اتهام !

عقبه القریشی

دها بیلیم نه دیرم ، اولماسه دینم مانع ؟

ولید

بیلیم بن او بو اتهام ایله اولماز قانع .

عقبه القریشی

کشی قلبنده اولان حسلری بیلیمز تکمیل .

ولید

حکم اعدامه قدر ظلمنی ایلر تشمیل !

عقبه القریشی

بیلیمه مکدن ایدیور بلکه او حسلر نشأت .

ولید

کندی امریله جنایتلره ایتدک جرأت ؟

عقبه القریشی

علم کافیمی دگل گو کده یازلمش ارقام ؟

ولید

قتله محکوم اولیور شمدی او یوزدن رفقام !

ابن موسی

عقبه القریشی

اونلرک هر بری بر آیت حقدر ، حسنا !

ولید

اینالماز، بنی ایتدیسه بوگون استنا .

عقبه القریشی

بیله م صوجل می صوچسزمی حقیقتده ولید ؟

ولید

دها بیلم نه جنایات ایده جکدر تولید !

عقبه القریشی

بیطرف قالمغه ویرسم دیورم بونده قرار .

ولید

عقبه بی بولسم اولوردم اوکا همراه فرار .

عقبه القریشی قاییه خطاباً

سکا تودیع ایدرم سّرمی ای رأس حجر ! [*]

[*] یاخود - برج حجر - ع . ح

ولید

یا بنم قلبمه یا خود یره گچسون خنجر !

ینه بر برلرینی کورمیه رک ، عقبه القریشی باشنی قایایه طوقوندقدن صکره
بر طرفه ولیدده خنجرینی یره آتیه رق دیگر طرفه کیدر لر .

عقبه القریشی کیدرکن

نیجه اسرار ابد زنده یه مالک تر به !

ولید کذلک کیدرکن

بعدهما بر ییلان اولدیرم ، الهی ، توبه !



منظر

۴۵

شام ، بریول ، برچشمه سار ، بردیوارجسیم ، برقبو ، چنہ صحرا .
جبال دورادور . برقچ عرب دلیقانلیسی وبرچوق کنج قزلر ، شرقی سویلیه رک
کولوب اکلنہ رک ، چشمه لردن دستیلرینه صوآملقله مشغول . وقت شفق .

مضار

دلیقانلیلر ، کنج قزلر

دلیقانلیلر

افق نہ گوزل ، شفق سوکیور ؛ نصلده ظریف ؛
اوسایه ده درکه یر بوقدر لطیف اولیور .

کنج قزلر

نصلده یواش هبوب ایدیور نسیم خریف ؛
سحاب سحر چنده اوکٹا ردیف اولیور .

عموم

تنفسی بویله زار و نزار ؛
بو حاله دینور وداع بهار .

دلیقانلیلر

اونخل گلك شتاده بيله طراوتی وار ؟
چیچك قوقیور، كوكل آلیور، صفاویریور !

کنج قزلر

نه صاچدر اوصاچ که شمه سنك حلاوتی وار ؟
نه گلدر اوگل که خنده لری صدا ویریور ؟

عموم

بو حالی گوروب صفا بولیور ؟
صفالرایله خراب اولیور !

دلیقانلیلر

خرابه لرك يانندن آقان شوایرماغه گل ؟
سرشك بهاردر که روان اولوب گیدیور !
فرشته لرائ مکانی میدر عجب شوجیل
که ذروه سی گوک یوزنده نهان اولوب گیدیور .

عموم

حقیقه روح ! اریکه حور !
وزان اولیور بخار ایله نور !

دلیقانیلیر

سمن دوکهرک اونخل روان جباله گیدر ؛
بواثره باقوب ، شتاب ایدرم ، قرین اولورم .
گونش چکیلیر . اودمدہ صبادلات ایدر ،
گوزل قوقولی طرفده اونی ارار بولورم .

عموم

تصوّر ایدک باقوب ایزینه
نه حاله گلیر یاتان دیزینه !
« قادیزارک بربرلرینک قولارینه کیروب رقص ایتدکن صکره »

دلیقانیلیر

ضیا دیله مم بوماهلقا
طوغارسه بکا
که بنچه اوکا
گونش ده فدا ، قرده فدا !

کنج قزلر

نه وارسه ویرردم ایسته مدن
بورهنه نه بن ؛
همان یولمی او اولسه کسن ،
سفر بر ایکن .

عموم

او حالده نیچون قرار ایده لم ؟

روان اوله لم ، امان بوله لم !

برابر اولوب فرار ایده لم !

اولنجیه دك روان اوله لم !

شادوخندان قیرلره ضوغری شتابان اولورلر ایکن آق صقاللی بر بدوی ایله
قاریسی کلیر .

مضار :

بدوی ایله قاریسی

بدوی

شوگیدن تازه لرده باق ، قادین ، ماضیمزی گوریور میسین ؟

قاریسی فرط اسکار اینچنده

صاغقله گورمیه یدم !

بدوی

نیچون گورمیه جکسین ؟ ماضی بر روحانی غروبدر .
ماضیده کی خرابه لر بهارستان گورونور . حال نومیدی ده
ایسه گلستانلر خرابه زارددر . غروب گونشك الوهیمه
سجده سیدر . سن ده سجود ایت که یارین خندان وشادان
ینه عرض وجود ایده سین .

قاریسی

آه، عبدون ! آه !

بدوی

بر خرابه زار نهدر ؟ اختیار اولمش بر شهر ؛ تازه
بر قبرستان !

قاریسی

خی گوتور، اوراپه گوتورده، گوزلر مه طاش
طوپراق طولسون !

بدوی

قادین، ماضی بر سحابدر؛ شباب اوسحابك بر چنزار
اوستنده یوروین سایه سیدر. عمر گذشته مزك متحرک بر
جسمانیتی اولان شوارباب شبابی گور میورسهك شوقاپویه باق !

قاریسی

قابالی !

بدوی

آچیله جق !

قاریسی

یار تې، یار تې ! بوگون دنیاده نه قدر قابو وارسه قابالی ،
جنت قابولری ده قابالی طورسون .

بدوی

اوزندانله مزار آره سنده بر قابو در . گیرن محبسه در ،
چیقان مقتله گیدر .

قاریسی باشی دوکدرک

آه ! ..

بدوی

اونك درونتی ملك الموت قاناديله رفع ایدوب جهنمه
آتار ! ..

قاریسی ینه او وضع ایله

آه ، آه !

بدوی

اوقاپو آچيله جق قادین ، طوپراق گبی ، یاره لر گبی
آچيله جق ! واوندن برچوق قاتلرله برابر ، سنگله بنم
اوغلنر عبدون چیه جق !

ابن موسی

قاریسی

آه، آه، آه...! شدتله آغلار ■

بدوی

اغلا یورمیسین، قادین! گوزیاشی دوکمک، قان دوکن
بر آدم ایچون جر مدر، معصیتدر! بر قاتل ایچونمی اغلا یورسین؟

قاریسی

بر جاهل ایچون اغلا یورم!

بدوی

انسانیته آجمازمیسین؟

قاریسی

او خلیفه مزك قوللانديغی غیر مسئول بر واسطه،
بر سلاح ..

بدوی

قوللانقلری وقت نیچون اغلامدك؟ شمدی اوسلاح
آصیله جق، بردها کیمسه نك یورگنه صاپلانه میه جقدرو.
اونك ایچونمی اغلا یورسك؟

ابن موسی

قاریسی

اوغلمز !

بدوی

بگا اویله اوغل لازم دگل ! یوق اولسون !

قاریسی

نه مرحمتسز بابا !

بدوی

اونک باباسیم ! « بوارلق قاپولر آچلمغه » اشته قاتلر

آلابی چیقور !

قاریسی

آه !

برچوق عسکر وجلادلرله محاط وزنجیرلرله باغلی سکنز محکوم اعدام
قاپودن چیقاریلور.

عبدون

آه ، آنهه !..

بدوینک قاریسی

آه ، عبدون ! عبدون ! « بایلهرق دوشر »

ابن موسى

عبدون

بابام !

بدوى

يورى !

عسكرلر

يورىك ، يورىك !

بدوى

الكه يتشديرديگك دار آغاجى سنى بگليور ، يورى !

جلادلر

يورىك ، يورىك !..

بقى

دار آغاجى اورمانه ، خليفه مسيره سىنه ! استبداد

باغچه سىنه !

بدوينك قارىسى

آه ، عبدون !.. عبدون !.. « آلايك كىتمكده اولديغى طرفه

طوغرى سورينه سورينه حركت ايدرك » عسكرلر ! عسكرلر ! اللهك

قوللری دگلمیسکمز ؟ ای خلیفه نك جلادلری ! او گنج ،
اوجوان ، او گوزل عبدون نیم او غلمدر . آه ، آه عبدون ! ..

بدوی

او بر قاتلدر ، سیاستگاهه گوتوریلیدور . آتمیز اولمق
لازم گلیرکن ماضی به گیدیور !
■ هپ کیدرلر . بدوی دهشتلی بر شکله طورر قاریسی سوروندیکی .
یرده قالور ■



منظر

۴۶

شام. سرای خلافتده برمهین دیوان. خارجنده مهمربستوانلی کنیش بر
محل، بر بیوک نردبان، ایکی فواره لی بر حوض. پنجره وقاپولر آچیق، بونلر
اوزون اغاجلره ناظر. وقت اقشامه یاقین. البسه زرین و مرصع کینمش بر
کنج قادین آئنده بر کاغد. کزینور.

مضار

ذات الجمال. صکره چارلی برقادین. دها صکره برقاچ جاریه
کلوب کیده جکدر.

ذات الجمال یالکیز

بومکتوب، بومکتوب!.. نه دوشندیر یحیی شی؟..
دیمک که حالا بنی سویور! برقاتلک سوگیسنه مظهریت!
نه مستهجن مظهریت! فقط اوزمان قاتل دگلدی. کیم وار
اوراده؟.... «کان جاریه» مکتوب گتیرن قادینی ایسترم.
«جاریه چیققدن صکره» انسان بعض کره اڭ یرتیجی وحوشده
آجیور! انسان بعض کره اڭ چرکین بر آدمکده محبتدن
حظ ایدیور! «چارلی قادین عسکرانه بریور ویشله کلوب طورور. - لاملاشدقدن
صکره» گتیردیگنلر امضاسز مکتوبی او قودم.

ابن موسی

چارلی قادی

محتویاتی هضم ایندیگز می ؟

ذات الجمال

ممکن مرتبه .

چارلی قادی

البته کیمدن اولدیغنی آکلادیگز .

ذات الجمال

برشخص افسانوی . گچمش زمان .

چارلی قادی

برعشق تاریخی دگلمی ؟

ذات الجمال

فقط سز کیمسکز ؟

چارلی قادی

بیم کیم اولدیغمی صکره آکلارسکز . فقط سز ،

• برحرکتدن صکره « [*] سز خلیفه ولیدک صاغلغنده بوسرایده

[*] ذات الجمال بوسوزلری دیکلرکن کاه مکانت ، کاه ده .

هیجان وحدت اوضاعی کوستره جکدر .

بر جاریه ایدیگنز . اوزمان ولی عهد اولان شمدیکی خلیفه
 سلیمان ، متأهل بولدیغی حالده سزی سویوردی . فقط
 خلیفه ولیددن سزی استحصاله مساعدہ آله میه جفنی
 بیلیوردی . سز حرمده خلیفه ولیدک خادمانندن ایدیگنز .
 صاحب مکتوبسه سلاملقده ولی عهدک ندماسندن ایدی .
 وقتا که سلیمانه بیعت اولنور . بویکی خلیفه اسلام اندلسه
 بر مأموریت خفیه ایله اون کشتی اعزام ایدر . بو آدم لک
 مأموریتلری ابن نصیر اوغللرینک وبتون ابن نصیر عائله سنک
 وجودلرینی ازاله ایتک ایدی . بونلر سوریه دن گیدر گیتمز ،
 سز ، یعنی خلیفه ولیدک جاریه سی ، سلیمان خلیفه نک مستقر شه سی
 اولدیگنز . ملکه اعتزاله مجبور اولور . آرهدن برخیلی زمان
 گچوب بومأمورلر عودت ایدرلر . عودت ایتمه ین عقبه ایله
 عودت ایتدکدن صکره فرار ایدن صاحب مکتوبدن بشقه
 بومأمورلرک سکزی ده بوصباحه گلنجه یه قدر محبوس
 ایدیلر و بوصباح صلباً اعدام اولندیلر . جنایت واقعه اونلرک
 مأموریتی ایدی . اومأموریتی ایضا ایتدکلر یچون صلب
 ایدلدیلر . شمدی الک بیوک جانی کیمدر ، بکاسویلر میسکنز ؟ ..

ذات الجمال لرزان

سز ، سز کیمسکنز ؟ اولا اونی سویله یگنز . کیمسکنز ؟

ابن موسی

چارلی قادین

قونت تد میر، مرسیده والی ایکن، ادلینا مرقادو نامنده
بر آفتک تشویقیله خرسیان اهایلی تسلیح ایتمش، عصیانہ
حاضر لیورکن اولمش ایدی. خلفی اولان مهتدی مسلم ایسه
زوجه سی عذرا بنت عنزک دالتیله عصیانی تسکینه موفق
اولمش، تأمین آسایشه ابتدا ایتدیکی صرہ ده خرسیانلر
طرفدن شهید ایدلمش ایدی. او عذرا بنت عنز بوجاریه کوزم.
« یوزنی آچار. »

ذات الجمال هیجان ایچنده

پکی !. نه ایستیورسکوز ؟

چارلی قادین یعنی عذرا

صاحب مکتوبک ایستدیگنی !

ذات الجمال کیمدی کسندینه

خلیفه دن اخذ ناز !

برجاریه کلرک

افند من سزی ایستیورلر.

ذات الجمال

عفوایتسونلر «قلبا» یا خود عفوایتسونلر. «جهراً» مشغولم.
شمدی گللم. «جاریه کیتدکن صکره مکتوبی آنده صیقه رق»
فقط بومکتوب، بومکتوب اوراق مضره دندر. مهلکدر.
بونی محو ایتلی، یا قلی یم بن! «مکتوبی قویننه وضع ایدر.»

عذرا

یا مق ایچونمی گوگسکزه قویورسکز؟

ذات الجمال

سز صاحب مکتو... یا کیش سویله دم.. عقبه یی
فلانی گوردیکزمی؟ گورمشسکز، زرده گوردیکز؟

عذرا

طوغریسنی صوریگز، صاحب مکتوب اولان ولیدی
زرده گوردیکمی، اونک زرده ونه حالدله اولدیغنی بیلمک
ایستیورسکز.

ذات الجمال

اوله اولسون. حیاتی تهلکه ددر. بنده مصون دکلم.
بیلیمورمی؟ زرده گوردیکز.

عذرا

حياتىڭ تەلەككە دەۋلەتلىغى بىلدىكى ايچون فرار
ايدىوردى. گوردىم، گورشىدىم.

ذات الجمال

پىكى، كىمىسە يە سۈيە مەيىڭ. تشكر ايدىرم. ئىنون
اولدىم. يەنە بىورىڭىز.

عذرا

يامكتوبىڭ صوڭ فقرە سىندەكى اخىڭىز مەسئەلىسى؟

جاريە «كلەرك»

اقدىمىزە جۋابگىزى عرض ايتىدىم. يەنە سىزى ايسىتىورلار.

ذات الجمال

مشغولم، راحتسىزم، مسافىرم وار، نە دىرسەن دى،
گىلەم، گىدەم، گىت بويە سۈيە.

جاريە «كىدەكن كىندى كىندىنە»

يەنە بوگون ناز ايدىور. برايسىتەدىكى اولمى!

ذات الجمال

بردها او مسئله یی قاله آلمه یك . ذاتاً اوله جق شی دگل ،
بشقہ بر ایستدیگگز وارسه سویله یك .

عذرا

وار : عقبه یی ده ، ولیدی ده ابتدا خلیفه یه عفو
ایتدیره جکسگز .

ذات الجمال برطرز اقرار ایله

بنده او اقتدار ، او قدر نفوذ وارمی یا ؟ اطراف گزه
باقمه یك . بوراسی امیندر . یانمزه گلنلر نردباندن اینرکن
گورولور . اشته سربست بر قزم . بو حامدن ممنون اولمایم می ؟
ینه باقنیورسگز .

عذرا

بن سزك حسیات گزه بیدانه دگلم . خلیفه یی اوتنه دن
بری سومدیگ گزی ، ولیده گلنجه اونگلله حالا بر برگزی
سودیگ گزی بیلیرم .

ذات الجمال

ولید دنیلان ذات ، سزی براز مغفلا نه محرم اتخاذا
ایتمش .

عذرا

خليفة به مقارنتدن صكره حسياتكز دگشديمي ؟

ذات الجمال

غريب سؤال ! نه ديمك ايستيورسكز ؟

عذرا

بوسرای، بوسلطنت، بوسعادت حال، سزی خليفه نك
شريكة افعالی اولمغه اماله ايتشمی در ؟

ذات الجمال

باشقه لقردی به باقه لم !

عذرا

بن باشقه لقردی به باقق ايچون گلدم ! بز سزك
معرفتکزه خليفه سليماندن عالم اسلامك انتقامنی آله جغز !

ذات الجمال

سوزيگزی بيليگز . بز ديدیگکز کيملر اوليور ؟

عذرا

بن، عقبه، وليد ! اول امرده عقبه ايله وليدی عفو
ايتديره جکسکز !

ابن موسی

ذات الجمال

فقط نه ایچون عفو ؟

عذرا

ولیدی ، قاتل اولدینی ایچون عفو ، عقبه بی ، قاتل
اولدینی ایچون عفو !

ذات الجمال کلن جاریه

چاق سويله ، نه وار ؟

جاریه

افندمز ، محضا سزی گورمك ایچون دیواندن
ارکن چیقدم ، بیوریورلر .

ذات الجمال جاریه بی اشارتله اعاده ایدرك

اولکی جوابی تکرار ایدرم !

عذرا

گوریورم که خلیفه یه ایسته دیگگز جوابی ویره -
بیلیورسگنز .

ذات الجمال

سزاوایی آدم ایچون کندیگزی مهله که یه القا
ایدیورسگنز ، بيلمش اولك ! شودقیقه ده تهله که ایچنده سگنز !

عذرا

هر کسه اعلان ایدک ، بنی صلب ایتدیرسونلر . امکان
امین اولکنز که بنم یرمه بشقه برگله جک واردر . بریمز ،
ایکیمز اولیرز ! بشیوزمز ، بیکنز اولیرز ! فقط برگون
ینه بریمز موفق اولور . خلیفه قانون طبعی ، قلب انسانی
دگشدره مز ! انسان ، انسانلردن گوریلن مظلله الی الابد
تحمل ایده مز ! بوسرای قالدقار ، سما باقیدر . محکمہ
کبرای آلهی یقلماز ! امین اولکنز که استقبالده بزم فکرمزه
گوره محکمہ لر و بزم مقصد مزه موافق حکمدار لر
گوریله جکدر .

ذات الجمال دوشونه دوشونه

چوق کره برایشه باشلامق اونی بیتمکدن ده
گوجدر .

عذرا

بز باشلایورز . سز بتیره جکسکنز . بز باشلامق
ایچون سزدن یاردم بکلیورز . سز بتیرمک ایچون بزدن
یاردم گوره جکسکنز .

ذات الجمال معنیدارانه

بن برایش گورمگی جداً مراد ایدرسم کیمسه نك
معاونته محتاج اولمام .

عذرا

اویله ایسه نه طور یورسگنز ؟ یاپه یالکز باشلايك .

ذات الجمال

باشلامدیغمی نه دن بیلورسگنز ؟ جواب رد کوتورن
جاریه لر بيله اکلالمشلدرد .

عذرا

سز ، برایسته دیکنز اولدینی زمان اویله می حرکت
ایدرسگنز ؟

ذات الجمال

بلکه . « بحرکتدن مکره » عقبه بی ، ولیدی عفوایتدیره .
جگمدن امین اوله بیلیرسگنز . فقط سزك بو ایکی آمله
نه مناسبتگنز وار ؟ اونی اکلالمق ایسترم .

عذرا

خاطر گزه بر مناسبتسزلك گلمسون . هرا یکسیله ده
ارامزده امتزاج وازدواج پیدا اولدی .

ذات الجمال تلاش ایدرك

ازدواجی؟

عذرا

اوت، انسان عقبه ايله شرعاً امتزاج، جانور ولید ايله
فکراً ازدواج!

ذات الجمال تنفسله

شویله سویله یك .

عذرا

سزی غالباً براز قورقوتدم .

ذات الجمال

حایر، حایر، سز دیمك كه وجدان وحیم ايله شیطان
رجیمی بارشدیر مشسگنز!

عذرا

اك بیوك دشمنی اتلاف ایچون اوایکی دشمن دوست
اولق لازم گلیوردی . هپ طاغ باشنده برلشذك . عقبه
ایله حج نکاحی یاپدق . ولید شاهد اولدی . صـگـره سزه
گتیردیگم مکتوب یازلدی .

ذات الجمال

شمدی اونلر نرہ دہ بولنورلر ؟

عذرا

مکتوبک یازلدینی یردہ .

ذات الجمال

اویر نرہ سی ؟

عذرا

اونی شمدی سویلیہ مم .

» برقاچ جاریہ قوشہرق کلیر »

جاریہ لردن بری

افندمن بورایہ تشریف بیوریورلر .

ذات الجمال عذرایہ

یوزیکیزی اورتکیز ؛ قیصقائمش گبی اولایم .

عذرا پیچہ سنی قویہرق

پکی ، فقط سوزمی صاقلایہ مم .

ذات الجمال

سز سویله یك بن جرح ایده یم . بئكا ذات الجمال دیر لر .
صاقین هیج بر سوزمی رد ایتیمگز . گلیور !
« سلیمان خلیفه کایر ، جاریه لر چکیلیر »

مضار

سلیمان خلیفه ، ذات الجمال . عذرا بنت عنز

سلیمان خلیفه

بوقادین کیمدر ؟

ذات الجمال

ذات الزوجین بر قادین !

سلیمان خلیفه

اونه دیمك ؟

ذات الجمال « کوله رك »

کندیسی او یله دیور : عقبه ایله ولیدك زوجه سی
ایمش . « کولو شور لر . عذرا کولمز »

سلیمان خلیفه

یا خود - زوجه لری - دیملی ! بکی ، نه ایستیمور لر ؟
نیچون بورایه گلمش لر ؟

ذات الجمال

بوجاریه گزده برابر اولدیغ حالده ولیدله عقبه نك عفولرینی
ایستیورز .

سلیمان خلیفه

اونلر میدانده یوق که عفوایده لم . اله گچسد کلری
آنده ... معفو اولورلر !

عذرا بر قاج خطوه ایلر یلیه رک

فقط سنی کیم عفوایده جک ؟ ای خلیفه سلیمان !

« عذرانك بیانات آتیه سنی سلیمان خایفه اوضاع و حرکات متهیجانه ایلله
استماع ، ذات الجمال ایسه کور یله جکی وجهله عرض امتناع ایدر . »

عذرا براز طور دقدن صکره
دوام ایلله

بو قدر جان یا قلوب قان دو کوله جک ، بیگلر جه خاندانلر ،
آسیانلر یقیله جق ده خلاق مکونات عرش اعلادن سیر جیمی
قاله جق ؟ سز ایکینگز ، بر شخصک حضور واستراحتنی ،
دبدبه و داراتنی تأمین ایچون یا خود ، دها طوغریسی ،
یا لکنز استحقاق ارثیسی دوشونیلهرک مقام حکومت
گتیرلمش بر شخصک اداره کیفیه سنی ابقا ایتک ایچون ذکور
ونسوان بیگلر جه ، یوزر بیگلر جه ابنای آدمک حشره

قدر پایمال اوله جقلرینی می امیدایدر سگنز؟ موسی بن نصیر
ایله طارق بن زیاده ، مروان ایله عبدالعزیزه نه یاپدیغکزی
اونوتدیگزمی ؟

ذات الجمال

اونلر نه یاپدیلسه خامفه مزده اونی یاپیور دیمکدر .
موسی ایله طارق یوز ، یوز اللی بیگه یاقین ابنای آدمی
آرقه لرینه آلوب یاریسنی دریای عدمه ، یاریسنی صحرای
شهادته دوکدیلر ! بربریه ده قان نهرلری ، اندلسده اجساد
اوچوروملری آجدیلر !

عذرا

اونلر حیاتدن زیان ایدوب وطندن قازاندیلر . افرادجه
فدا کارلق ایدوب جمعیتی آرتیردیلر ! اوایکی آدم سایه سنده
آلتمش ، یتمش یوز بیک اسپانیول ایله براوقدر بربری ،
جزیره العربک ایکی مثلی بیوکلگنده ایکی اقلیم قدیم
ماتمزله مملکت مزه التحاق ایتدی ! کافه اهل ایمانک منت
وشکرانی ، بتون اصحاب وجدانک وجدانی قازانمش اولان
بوایکی نادره قدرت ، صانکه اللهه تقرب ایدلمک ایچون
حجازه تغریب اولندیلر؟ موسی برحجره ویران ایچنده جان

ویردی . طارقہ زہرا ایسہ بوگون اونک سر مزار معمورندہ
 آغلامغہ محکوم بولنیورلر . آہ ، بن او مقدس زیارتگاہہ
 همان ہر گیجہ گیدردم . عمقندہ کی مخلوق سر مدینک عالمدہ
 ایکن باشندہ نور الہیدن بر تاجک تمثال ظل مثالی حس
 اولندیغی گبی دنیادن زیادہ ابدیتہ یاقین ، مزارینک
 فوقہ مصادف بر بعد نامتناہی ایچندہ ایسہ دلربا بر کوکبک
 پارلادیغی کورونیوردی . دعالرک چیقدیغی بریدہ ، صانکہ
 او پیر منور ضمیرک مبارک روحی عرش اعلا دن کعبۃ اللہہ
 توجہلہ تترہ یہرک صحرائ حشری ، بر الشامی ، انداسلہ
 بربریہ نی اشارت ایدیور و بردن برد روضہ مطہرہ یہ
 دونہرک یر یوزندہ کی اہل اسلامک نجات وسلامتی محضا
 اونک اطرافندہ بولندیغی گوسترمک ایستیوردی . " بر حرکتدن
 سکرہ " حجاز بوگون سوز و گداز ایچندہ ! سر ، خلیفہ
 حضر تلی ، موسانک ، طارقک شوکت اسلامیہ نی اعلا ایچون
 و او واسطہ ایلہ وظیفۂ انسانیہ نی ایفا مقصدینہ اتباع ایدرک
 بیکلر جہ موانع ومشکلاتہ غلبہ ، بیکلر جہ مشاق ومہالکی
 اختیار ایلہ بونجہ مسافہ لر طی ایدرک گلوب فتح ایتدکلی
 بونجہ امصار وممالکی ، عزیزک مروانک حدو حسابی یوق
 مظفریتلر ، مثلی گورلماش صورتدہ عادلانہ حرکتلرہ

اطاعت و انقیاد آلتنه آلدقلری بونجه امم واقوامی کندی
 شیخسکزک بقاسی و نفسکسزک هواسی یولنده فدا ایتدیگز!
 آه، بن تختگاهکز اولان بوشهردن نه حالده ونه حسیات
 ایله چیقمش ایدم! شمدی نصل گیر یورم! نه لر گوریورم؟
 سو قاقلرده اسیردن، یتمدن، علیل و سقپدن جنازه دن
 گچلمیور! خلقی بر خوف و خشیت بورومش... هر طرفه بر
 مسکنت، بر نحوست چوکمش... یأس و ماتم گوندوزلری ده،
 گونشی ده سیاه گوستریور! مرگون بر تهمت، بر جنایت،
 بر توقیف، بر حکم اعدام! خایفه حضر تلی، جنایتک ائ
 فجیعی سزک اغز کزدن چیقیور!

سلیمان خلیفه خوف ایله

ذات الجمال، رؤیای گوریورم؟

عذرا

رؤیا دگل، جزا گوریورسکز! بن فقر، احتیاج،
 غدر، خیانت، قحبه لک قیتلق وبا گوریورم! بوگون بو
 شهرک، بواک مظالم سوراخ دهرک، وقتيله مظفر و منصور
 الایلر مدخلی اولان قابولرندن منفیلر و مجروحلر، قاتللر،
 مقتوللر چیقیور. بر جلرده علملر یرینه دار اناجلر نده

مصلوبلر گوریلور. نیچون؟ سز تختکیزده فریح اوتوروب
یا تاغکیزده مستریح یاته جقسکیز، اونک ایچون !

سلیمان خلیفه

صوص، قادین ! ذات الجماله باغینلق گلیور ! نه
ایستیورسهک ویره لمده گیت !

عذرا

فقط بوگونگی پریشان عمومیتک ایچنده بر جمعیتی
خصوصیت واردر ! بو اکثریت عاطلهک داخانسه
بر اقلیت فعاله بر فرقه ممتازه بولندیغدن امین اولکیز !

سلیمان خلیفه

اوفرقه ممتازه، سن، ولید، عقبه اوچکیزدن عبارت
ایسه هپسینی عفو ایتدم، گیت گوزم گورمسون !

ذات الجمال قاپویه طوغری کیده رک

اونلری ده آلوب برابر گلیکیز. یارین صباح گلیکیز.

عذرا یواش یواش کیدرکن
کندی کندینه

سبحان الله ! برقادین قارشیسنده تیره ین بوقورقاق
آدمدنی بر ملت معظمه قورقیور .

سلیمان خلیفه
کیممکده اولان عذرانک
آرقه سندن

یارین صباح اوچگزده اولیر سکنز !

ذات الجمال
قابونک یاننده یواشجه
عذرایه

کندی بوگیجه اولیر .



منظر

۴۷

شام . بر او طه . کیچه وقتی .

مضار

عذرا ، عقبه ، ولید

ولید

اوت ، سیده عذرا ، قلب انسانیده بویله نیجه نیجه
متروک و منسی علاقه لر واردر . بر طاقم او یومش خاطره لر که
بعضاً سرور و کدر ، بعضاً خوف و حذرله بردن بره او یانوب
بر خیال چشم آشنا و یا قدیدندان نماغی نظر گاهمزده
گزنمگه باشلار لر . بن ذات الجمالی بوسبتون اونو تمش ایدم .
اونکله عنفوان شبابه یاقین بر زمانده جریان ایدن ماجرای
عشق و محبت آقوب گیتمش ، بیتمش ، حالا بر حیات اولان
او گوزل قزک نیجه خیالی بیله ارتحال ایتمش ایدی . اخیراً
بر نور هدایت گبی ، ایشلدیگم جنایتلرک تفکرات مظلمه سی
ایچنده امدادمه یتشیور ! خوف قیامتله ، ظل ندامتله برابر
گیور !

عقبه

ندامت بر نوع مغفرت آلیه در. الله تقصیراتکی عفو
ایله. سنده، بنده هب اونک عبادی ز.

ولید

دیمک که مکتوبمی. حسن قبول ابتدی. او یله می؟

عذرا

نصل قبول ایتدیگی یارین صباح بللی اوله حق!

ولید

بوقاتی یورکلی ولیدک اونی بر کره دها سه وه جگنی
مأمول ایدیورمی؟

عذرا

بن مأمول ایدرم. قادین قلبی یومشاقدر.

ولید

نم بونجه شناختلر، جنایتلر ارتکاب ایتیش بر مخلوق
لعین اولدیغمی بیلیورمی؟

عذرا

بیلیور، فقط آمر مجبری ده بیلیور.

ولید

بوقبایحمله برابر، نه دیرسین، بنی عفوایده جگمی در؟

عذرا

کندیسنی اونوتدیغک ایچون سنی عفوایتمیورسه بیلیم.

ولید

حالا بنی سه وه بیلیرمی ظن ایدرسین؟

عذرا

بونی یارین صباح طوغه جق گونشدن صور!

ولید

خلیفه اوچیزی ده عفوایتمش دیوردک، اینانه لم می؟

عذرا

یارین صباح گیده جگیز گوررسین.

ولید

او عفو ایدرده صکره محو ایدر!

عذرا

اگر کندی صاغ قالیرسه!

ولید

بن توبه لی یم ، شمدن صکره برییلان ، برچیان ، بیه
اولدیره مم !

عذرا

مکتوبکک صوکنده - خلیفه دن انتقام - دیمشین .

ولید

قلبا ایسترمده فعلاً اجرا ایدمم . - خلیفه دن انتقام -
دیدیم ذات الجمالی آمدن آلدیفی ایچون ایدی .

عذرا

ذاتاً او بزدن معاونت ایسته میور . - یارین صباح
گلکنز - دیدی . یارین صباح گیده جکنز !

ولید

آه ، ذات الجمالده خلیفه یی سهویورمی عیجا ؟

عذرا

برکدی بر فاره یی نه قدر ونصل سهورسه !



منظر

۴۸

شام . سرای خلافت . جسم پر او طه . مفروشات کبارانه . مشاعل متعدده .

مضار

خلیفه سلیمان . ذات الجمال

ذات الجمال

او چنی ده عفو ایده جکسگز ،

خلیفه سلیمان

تمامیله عفوایتمک مضر اولور . مملکتی بنم علیهمده بر
طاقم اکاذیب اشاعه ایدر لر . بونکله برابر محضاسنک
خاطرک ایچون حیاتلرینه طوقونلیه جق . برمدت اختلاطدن
منوع بولنسونلر . دها صکره سییللری تخلیه قننور .
اولمازمی ؟ .

ذات الجمال

تشکر ایدرم . فقط بو صباح اعدام ایتدیردیگن
آدملری نیچون عفوایتمدیگن ؟ اونلر سنک امرکزی انفاذ
ایتدکلریچون اولدیرلمش اولیور لر . بونه دیمکدر ؟

خلیفه سلیمان خارجه

گل !.... « کان ایکی حرم اغاسنه » معهود سکیز کشینک
اعداملری اهالی بیننده نه تأثیر حاصل ایتدی ؟ نه دیورلر ؟

برنجی حرم اغاسی

تبعه هاپونگیز جملة اقدمزه حق ویر یورلر . دعا
ایدیورلر . - اگر خلیفه حضرتلری عزیزایله مروانک قتلنی
فی الحقیقه فرمان بیورمش اولسیدیلر ، او جنایتی ارتکاب
ایدنلری آصیرمازلردی - دیورلر .

خلیفه سلیمان ذات الجماله

بواشته بودیمکدر .

« اشارتیه حرم اغالری چیقار »

ذات الجمال

الله ؟ ... اوندن بيله گیزلیمی ؟

سلیمان خلیفه

خالقک هر بیلدیگنی خلقک بيلمسی لازم گلمز .

ذات الجمال

گلیر !

ابن موسی

سایمان خلیفه

ذاتاً علم الهی بر فضای نامتناهیدر . اونده بزم افعال
واصواتمز مؤبداً غائب اولور .

ذات الجمال

بن او خلقه اعلان ایده جگم که اک بیوک جنایتکار
سز سگزر !

سایمان خلیفه

نه ! ...

ذات الجمال

آل نصیری سز قتل ایتدیگنز ! اعلان ایده جگم !

سایمان خلیفه

امان ذات الجمال ! نه سویلیورسین ؟ سمنی اعلان
ایده جکسین ؟

ذات الجمال

اوت ، بن !

سایمان خلیفه

سن ، محبوبه م ، ملگم ؟

ذات الجمال

بن ، جاریه گز ، اسیر گز !

سلیمان خلیفه

سن ، نصف عمرم ، روح مجسمم ؟..

ذات الجمال

بن ، پرورده نعمت گز ، تراب پای گز ! باقیه رق طور در لر .

سلیمان خلیفه

سن اللهك اذ مقرب ، اذ محرم ملائکه ندسین .

ذات الجمال ، بن سندن نصل کتم اسرار ایدیه بیلیرم ؟ فقط سن

بندن نه کوتولک گوردک که بویله قورقونج لطیفه لر

ایدیورسین ؟ هراوچنی ده عفوایتدم دیورم !

ذات الجمال

لسان گز او یله دیور . فقط گوزلر گز او یله گوسترمیور .

بن قاچ کرده سزدن اللهی صوردم ، وجدانی صوردم ،

بیلمه دیگنر . معنویاته دائر ، مقدساته دائر هر نه صوردمسه

بیلک ایسته مدیگنر - بن یالکیز معشوقه م اولان ذات الجمالی

بیلیرم - دیدیگنر . حالبوکه اذ چوق بیلمدیگنر برشی

وارسه ذات الجمالدر. چونکه او، سزدن زیاده اللهدن قورقار!
چونکه او، سزدن زیاده امت محمدی سه ور! چونکه سز
بوگیجه دن صکره اونک بردها یوزینی گورمیه جکسکیز!
چونکه سز بیلمه دیکیز، حالاده بیلمیورسکیز که اوسزک
یارین صباح آرکندن کافه جنایاتکیزی بربر تعداد ایدرک
بتون جهانہ اعلان ایده جک!

سلیمان خلیفه فوران ایله

بن سنی آصارم، کسرم، بوغارم قز!

ذات الجمال

بنی می؟ معشوقه گز، عاشقه گز؟

سلیمان خلیفه

سنی! جاریه! بر ثانیه لک ذوقم!

ذات الجمال

بنی می؟ نصف عمر گز؟

سلیمان خلیفه

سنی! خصم جانم!.. نصل ایسترسه م او یله محوایدرم

سنی!

ابن موسی

ذات الجمال

امراید یگز ، صاحب مردن آسونلر . . براز دها
گچ اولهیم !

خلیفه سلیمان

کندی المله آصارم !

ذات الجمال

دیمک بو گیجه اوله جگمده یارین گیجه یاتاغمه چیانلر
گیره جک ! سزده بوکا تحمل ایده جکسکز ، اویله می ؟
" تبکی ایدر . "

خلیفه سلیمان

ملایمت کسبایدک

صوص ، ذات الجمال ، صوص . هیچ بن سکا
قیار مییم ؟

ذات الجمال

جنایاتکیز بیاندکن صکره سز کندیکزی حبس
ایدوب هوا بیله آله میه جقسکز ! چونکه او طه کزدن گیرن
روزگار سزه مملکتک هر طرفدن لغت صداری
گتیره جک !

خليفة سليمان

يالانلر اُلويرر ذات الجمال !

ذات الجمال

آلتنده ملت وار ظنيله تختگزه چيقه ميه جقسگنز !
 اوستنده وطن وار قورقوسيله دفينه گزه اينه ميه جقسگنز !
 وجودگزي صارمق ايچون بر كفن سرلمش گي
 گوره جگگزدن ياتاغگزه گيره ميه جقسگنز ! بندن ياخود
 خيالمدن جادی گورمش گي اوركه جقسگنز .

خليفة سليمان

بنی ینه حدتلدیره جکسین ! بوسفر اُلمدن گوج
 قورتلورسین ! اُلويرر !

ذات الجمال يئاغی ویره رک

بو ذات الجمالی می اولدیره جقسگنز؟

خليفة سليمان اوپوب اوقشایه رق

یوق، یوق، ذات الجمال، اویله شی اولمز . سن بو گوزل
 قوللر کله بنم حیاتمه صارلمش بر پر یسین ! سن بو اوزون
 قانادلر کله بنم بتون معایمی اورترسین دگلمی ؟ ایکی گوزمک
 نوری .

ذات الجمال

فقط نه یاهیم ، ولی نعمتم ؟ بنم آمدن نه گلیر ؟ بو بنم
ایچمدن گلیور : خلع اولنه جقسکز !

شدتله قیزی ایتوب
دوشوره رک

خایفه سلیمان

ألویریر !.. « ألدنه خنجر طو هرق » سنك اودیدیگك شی
ألومدن بتر. بونی آكلار كن فصل اولور ددی ره گچمیور سین؟

ذات الجمال

اوله بر حاله گله جقسکز که ایاق سسلرینی گولگور مله سی
ظن ایده جقسکز . اغاجلرک صالانیشنندن ، اوتلرک
خیشاتیشنندن ، گولگله لرک تتره ییشنندن اور کوب قاچه جقسکز !
گونش طوغار کن جهنم قاپوسی آچیلور گبی گله جک ! چیچک
تار لالری گلر ، لاله لرسره خاك وطنده دو کدیگکز قانلری ،
قلب ملته آچدیغکز جریحه لری اخطار ایده جک ! سبب ده
بن اوله جغم ؟

خلیفه سلیمان باقنه رق

وای ماعونه وای ! سنی اولدیره جگم . دهانه دیه جکسک
ایشیده می دیه بکیورم ! دهه ؟ ...

ذات الجمال

دردت طرفکزه باقیورسکز . دیدیگم شیلری می گوریور-
 سکز ؟ غالبا گلیورلر . بوسباح اعدام ایدیلنلر می ؟ دها کیم
 بیایر کیملر ! .. فقط ضرری یوق ! سزاطر افکزدده اولانلری ،
 بن دده داخل اولدیغ حالده آورده جقسکز . خیاللری قارشیکزه
 گله جک ، اونلره اوردجه آجیسنی کندی نفسکزدده حس
 ایده جکسکز ! حکومتدن فرار ایدرجه سنه فراغت ایدوب
 تسئله واضی اوله جقسکز ، فقط کیمسه تصدق ایتیه جک !
 عزرائیل علیه السلامه - اولدیر - دیه حایقیره جقسکز ،
 اولدیر میه جک ! دائما گوله جک ! اونک قارشیدسنده دائما
 جان چکیشه جکسکز ، اولوب اولوب دیر یله جکسکز ! فریاد
 وفغان ایده جکسکز ، کیمسه لر ایشیتمه یه جک ! سبب دده بن
 اوله جنم !

خلیفه سلیمان خنجریخی برطرفه فرلاته رق

دها ؟ ...

ذات الجمال سکوله رک

بن ایشیدیرده اینانمزدیم . مگر طوغری ایمش ، ظالملر
 ارتکاب ایتدکلری مظالمک حکایه سنی دیکله مکدن حظ

ابن موسی

ایدیورلر. هم ملعتدن هم ده لعنتدن محظوظ میسکنز؟ " بعض
طرفاری گوستردك " باقکنز! اختیار ابن نصیری گور میور میسکنز؟
اوغللری عبدالعزیزایله مروان ده برابر، گور میور میسکنز؟
گلیورلر! دها باشقه لریده وار، باقکنز! سور بلرله گلیورلر:
هپ سزك یوز گزدن شهید اولمش قدیدلر!

خلیفه سلیمان

چیلدیر یور میسین قز! بی ده قور قوتیور سین! گلن،
کیدن یوق! یوق!... یوق!...

ذات الجمال

شمدی گور رسکنز! بونلر بویله گلیر کن سزالار گزله
طوپراغی قازوب یر آلتنه گیر مکدن بشقه چاره گز قالمیه جق!
دیری دیری یرك دینده قورتانه جقسکنز! اشته اوزمان،
قانلر ایچنده بر قز، بر موقع مرتفعدن اوکتیبه شهیدایه ندا
ایدرك اولولرك بيله التنده یشایان حکمدار جنایتکاری
گوستردك!

خلیفه سلیمان

آلچاق! بن سکا شمدی دارالبواری گوستردجگم!

« آتمش اولدیغی خنجری قوشوب یردن آلهرق طورر » اوراسی بونک
اوجنده در !!

ذات الجمال « حمله ایتمک اوزره اولان
سلیمانک بلنه صاریلهرق »

آه ! آه ! آه ! بیوگیسین سن، ولی نعمتم، هم بیوک،
هم گوزلسین، سهویورم سنی ! سکا یوز بیگ ذات الجمال فدا
اولسون ! ذاتی مبارک جمالکزه باقدقچه بن سرور و غروردن
محو اولیورم . آه ! سزک الکزله اولمک کیم بیلیر نه قدر
طاتلی برأولومدر ! بنی اوزرمه چیقوبده اولدیریگز ! بن
اشته اوزمان حیات بولورم . هیچ برطل آلمینک التمه
ازیلگه اولمک می دیرم ؟ آه بنم گوزل، بیوک، یوکسک
ولی نعمتم ! نیچون ذات الجمالکجه بویله طارغین باقیورسین .
اولدیریگزده باریشهلم ! حالا او یله اوراجق گبی طور یور-
سکیزده اورمیورسکیز ! باری اونلر گلمه دن اول بنی محو
ایدیگزده گورمسونلر ! رجا ایدرم، قولکیزی او یله طوتمه یک،
یورولورسکیز ! « سلیمانک قولنی چکهرک » آه برکده اوقشا !
نه اولور پادشاهم ؟ اوپوب اوقشایهرق اولدیر بنی ! بر بوسه
ایله یوزمده گلر آچاسون ! بوماسلی خنجر الکزده بار
اولور . شورایه قویکیز ! « قلیکاهنی کوسه تره رک و دیزلری اوستنده
یورویه رک » پادشاهم ! شورایه قویکیزده طورسون ! بنی

اوننگله برابر گومسونلر! اور، ولی نعمتم، اور! سایه گزده
مرصع بر قلاب اولسون! سز دائما بنم قرمز یلر گیدیگمدن
خوشلانمازمی ایدیگنیز؟ باقمگنیز، اون سکنز یاشنده بر قزم.
ینه سزك انفاسگنیز بر کتی درکه بوندن زیاده یاشامق
ایسته میورم! اولدیر یکنیز بنی!...

خلیفه سلیمان

الله بنم جانمی آمدقچه سنی آمدن آلماسون. هیچ سن
اولور میسین، ذات الجمال!

«خنجرینی بلده کی قیفته وضع ایدو»

ذات الجمال

اولیر سه م بلکه دها زیاده خوشگنزه گیدرم. اوزمان
بگا، بعض کره لر دیدیگنیز گبی، - اطاعتسز - دیمز سکنز.
بر مطیع و مقاومتسز او طه اغنیز اولورم. بلکه حضر تلی ده
عز لتدن قور تولوب... یا تا قلاغنیز اولور!

خلیفه سلیمان

بو ستملری ایسته م، ذات الجمال. بن سکا نصل قییا بیایرم؟
بر آری بر چیچکه نه یاپه بیایر؟ «سندی کندیته» سلیمانده ذات
الجمال، بر پنجه نك ایچنده بر یوردك، ذات الجمالده سلیمان
بر ماسکک النده بر ییلدیرم!

ابن موسی

ذات الجمال

اگر بنی بوگیجه صاغ براق رسه گز یارین سزنی خلع
ایتدیر جگم !

خلیفه سلیمان

اوله ایسه شمدی گیت ده بنم جنایاتی محترده اعلان
ایت !

ذات الجمالک اوستنه یوررکن ذات الجمال قاپار . سلیمان خلیفه انک کیتدی
طرفه اره سندن اورمق اینچون خنجری اتار و سکر . قوشهرن ذات الجمالی تعقیب
ایدر . ذات الجمالک صانکه وروملش کبی یانسدکی اوطده ، برفریاد آنیسی ایشیدیلر .
سلیمان خلیفه قودوروش برحانده ینه بواوضیه عوت ایدر . کاه حایقره رق
کاه سسی قیصیلهر رق طولاشور :

مضار

سلیمان خلیفه ، صکره کیروب چیمه جق خدمه وخدمات .

خلیفه سلیمان
تعریف ایدیلان حالده
وایشیدلر سورته یواش

أولدی! أولدی! ذات الجمال أولدی! « بردن بره حایقره رق »
أولدی!.. أولدی!.. ذات الجمال!... ذات الجمال!... بنی
أولدیر دم سنی! « اوته کی اوطیه قوشهرق » ذات الجمال! ذات الجمال!
آه! جواب ویر میور! أولدی! دوداقلری تیتیرورده ینه
صاغ دگل! سـویله! آه! سـویله ذات الجمال! صاغ
دگلمیسن؟ سـویله ، بنی اوردم سـنی؟ بورایه گلمک!

اورادہ کیمسہ یوقی ؟ ... آد !.. آد !.. « ظاہر اولہرق »
 اولدی ! اولدیردم ! ذات الجمال اولدی ! ذات الجمال اولیور !
 گلہ گز آ بہ حریفلر !.. قادینلر ، قزلر ، جنلر ، پریلر !
 قوشک !.. یتیشک ، قورتاردم ! « کورینلن مختلف خدمتچیلرہ »
 یتیشک دیورم سزد ! نرہ ددہ سکنز ؟ آچاقلر ! گیدک ،
 چیقک طیشاری ! « خدمتچیلر چیقار . کندیسسی نہ ادر اوضہ بہ قوشہرق »
 آد نہ اولدی ، سکما ذات الجمال ؟ نصل اولدک ؟ نرہ کڈن
 یاردلندک ؟ اویان ذات الجمال ! دیرل ، ذات الجمال !
 اولدکسہ دہ دیرل ! رجا ایدیورم ، امر ایدیورم ! دیرل !
 قالق ، ذات الجمال ، قالق ! بن بویہ طور وشکی ایستہم .
 بویہ یاتدیغکی ایستہم ! اولمہ جکسین ! اطاعتسز اولدہ
 اولمہ ! آد ، آد ! « ینہ غائب اولہرق » اولدی ! ذات الجمال
 اولیور ! اوشاقلر ، حیوانلر ! باغیرک ، چاغیرک ! اویانسون !
 ذات الجمالی اولدیر یورلر ! جان قورتاران یوقی ؟ علاج
 گتیرک ! نرہ ددہ سکنز بہی جانورلر ! گل ، گل ! .
 « کندیسیلہ برابر ظاہر اولان خدہ تعجیلرہ » دیشاری ! اوغور سزلر !
 دیشاری ! بن سکوت ایسترم ! سکوت ، سکوت ، سکوت !..
 « خدمتچیلر قاچار . ینہ غائب اولہرق ایصیلق کبی برسہ » اویو یورسین ،
 ذات الجمال ، اویو ، اویو ، اویو ! ایسترسک بن نفس بیلہ

آلهیم . او یو ! « ینه ظاهرا ولرق » دیوار لر ! قاپولر ، پنجره لر !
 ذات الجمال او یویور ! سزده او یویک ! « اطرافنه خطاب ایله
 فیصلدایه رق بارماغی دوداغنده » صوص ! صوص ! صوص !.. هپ
 صوص اولک !... صوص !... « کورلتیلر اولور او طه صاللانور »
 سکوت ایسترم سکوت ! بوسسلر ، بوگورلتیلر نه در ؟
 بورایه گلک ! گل ، گل !... « شتاب ایدن خدمتجیلره »
 ذات الجمال او یویور ، دیورم سزه ! هپ او یویک !.. سس
 چیقارمیک ! گیدک ، یاتک ! اولک ! سکوت ایسترم سکوت !
 یر ، گوک سکوت ایتسون ! مادامکه بنم ذات الجمال او یقوده ،
 بتون کائنات او یوسون ! مادامکه بنم گوزلم ، سوگیلیم ،
 ذات الجمال او یانیق دگل ، او یانیق ایسته میور ، ارتق بتون
 جهان خلقی ، محشر خلقی ، عرش اعلا خلقی او یامسون !
 ثابت و سیاره لر ، فلک لر ، ملک لر الی الابد او یوسونلر !
 « شدتلی بر زلزله اولور ، بتون مشعل لر سونر » الله می گلیور ؟..
 بوقیامت ندر ؟..

ذات الجمال کلوب بر طرفی اشارت ایدرک

حایر ، وجدانک گلیور !.. باق !.. « شیمشکار چاقوب
 هر شیمشکده مناظر آتیه بی کوره جک اولان خلیفه سلیمان دوشوب ایکی الی ارق - نه
 طوغری یرده اولرق ترسان ولرزان بولنور . »

ذات الجمال

« برنجی شیمشکده کی منظره ایچون »

اشته سنک یوزگدن سورگونده اولن اختیار ابن نصیر
ایله شهید ایتدیردیگک اوغللری عزیز ایله مروان!
صرتلرنده قانلی کفن ، سنی اللهه گوستریورلر !..
« ایکنجی شیمشکده کی منظره ایچون »

باق ! .. اشته بو صباح قتل ایتدیردیگک آدملری
گوریورمیسین ؟ .. آصیلقلری دار اغاجلرندن سکا اسفل
سافاینی گوستریورلر !..

« اوچنجی شیمشکده کی منظره ایچون »

باق ! سنک یوزگدن شعورینه خلل گلوب اتحار
ابدن ام الا عصام ایله خنجرله ن نوزاد معصومی !..
گوریورمیسین ؟ .. سکا لغت خوان اوله رق عرش اعلایه
گیدیورلر !

« دردنجی شیمشکده کی منظره ایچون »

باق ! طارق بن زیاد ایله زهرا بنت موسی ، اوغللری
معین الدینله برابرینه سنک و همک ، ظلم و غدرک یوزندن
دیله نیر حاله گلمش ، حجاج یشماره سنی گوستردک کعبه اللهی
طواف ایدیورلر !

« بشنچی شیمشکده کی منظره ایچون »

باق!.. خلیفه ولیدک زماننده او بیوک ارلرک فتح
ایتدکاری ممالکتی گوریور میسین؟ سنک زماننده نه حاله
گلمش؟ باق، ایوب بن حبیب بر چوق امرا و مشایخله برابر
آغلایه صیزلایه ذروه جبلدن شهرک اسواق و اطرافنده
خرستیانلرله مسلمانلرک یکدیگری قتل عام ایتدکارینه
شاهد اولور!

« آلتنجی شیمشکده کی منظره ایچون »

باق!.. مسلم ولایت دائره سندن اوینه عودت ایدرکن
اسپانیالی حیدودلر طرفدن گجه یاریسی اتلاف اولیور!...

« یدنجی شیمشکده کی منظره ایچون »

باق!.. طریف بن مالک محاربه ده شهید اولمش، عسکرلری
منهزما فرار ایدیورلر!

« سکزنجی شیمشکده کی منظره ایچون »

باق!.. مغیزالرومی اردوسیله بر شهره گیرکن حبیب
بن غازان اردوسیله بر شهری تسلیم ایدیور!

« طقوزنجی شیمشکده کی منظره ایچون »

باق!.. ام الاعصامک ندیمه سی صوللا سیاه طاشلی بر
مزارک باشنده اغلایور. گوریور میسین؟...

« اونجی شیمشکده کی منظره ایچون »

باق!.. زید بن کسادینک زوجه سی فلورینه دای

راهب لر جبراً کلیسایه گوتوریورلر : قادینک فریادی
ایشیدیورمیسین ؟...

« آغر آغر یورویه رک خلیفه یه تقریبه »

قالق !.. برده شو طرفه باق : اشته سنک یوز کدن محاربه ده
اولنلر !

« شیمشک . کفن پوشان الیلری کچر . سلیمان قالقوب ینه دوشر »

قالق !.. بو طرفه ده باق : اشته بونلرده اوشهدانک
اقربا و متعلقاتی !

« شیمشک . ذکور و نسوان و صبیان دن مرکب جماعتلر کریان و نالان »
« کچرلر سلیمان خلیفه قالقوب ینه دوشر »

قالق !.. بر کره ده شو طرفی گور ! اشته سنک جزا کی
ویرمکده اولان محکمه کبرا !..

« شیمشک . طبقات فلکیه . کتائب ارواح مجسمه . بنات و اطفال »
« ذی الاجنه . سلیمان خلیفه ینه دوشر »

قالق !.. بوده اشته سنک حکومت ایتدیگک مملکت :
وطن !

« شیمشک . عظیم بر خرابه ، جسیم بر مرزا رستان . سلیمان قالقوب ینه دوشر »
قالق !.. شمدی ده سر اینک ییقلدیغنی و تخت و تاج کک
یرلره کچدیگنی گور !..

« شیمشک . بودنیلن شیلرده اولور . انجق سلیمان خلیفه بودغه
قالقه میوب اولدینی یرده مذبح خانه بر حرکتی متعاقباً ییقیلور . ذات الجمال چیتار . »

مضار

عذرا ، عقبه ، ولید . براز صکره ذات الجمال .

ذات الجمال یوزی مهرکبی بیاض

یارین صباح گلیکنز دیمشدم . تام وقتنده گلدیکنز .
کیمسه دن یاردم ایسته تم دیمه مشمی ایدم ؟ شوراده یاتان
آدم برازا اول خلیفه سلیمان ایدی . شمدی بر جسم بی جاندر ،
ظن ایدرم .

عذرا ، ولید ، عقبه معاینه ایدرلرکن

اوت او یله ! حقکوز وار ! انتقام آلمشدر ! نفس آلمایور !

ذات الجمال

آرتق وطن یاشاسون وملت نفس آلسون ..!

عقبه

سجده شکرانه قاپانه لم !

«عقبه نك دیدیکنی ولید ايله عقبه وعذرا اجرا ایدرلر ایکن ذات الجماله
فنالق کلیر .»

عقبه قیام ايله

سز شمدی بزم ملکه من اوله جقسکوز !

ولید

نمرد معشوقه م ..!

ذات الجمال - منده لیورک

اصل ملکه صاغ ، معشوقه ده اوله مام . ذاتاً یاشایه جق
دگلم . سلیمان جریحه لساندن اولدی . بن جریحه سناندن !

عقبه ، ولید ، عذرا اطرافنی آلهرق

امان نه اولیورسکمز ؟ .. نه کز وار ؟ ..

ذات الجمال بی عجل

دمینجک یاره لنش ایدم ، شمدی شمدی
أولیورم !

عقبه ، ولید ، عذرا

نرده ؟ کیم ؟ نه دیورسکمز ؟ کیم یاره لدی ؟ ..

ذات الجمال دوشورک

او ! ...

« هپ حیرت وضجرتده قلیرلر »

ختم

تاریخ تسویدی (۱۲۹۷ ریزه ۱۸۸۱)
تعدیل طبع ونشری تاریخی (۱۳۳۳ صیره سرویلر (بک اوغلی) ۱۹۱۷)

خطا و صواب جدولی

صواب	خطا	سطر	صحیفہ
رجال واجب الایحالی	برحال واجب الایحالی	۱۶	۸
پرورده سی	پرورده سی	۳	۱۰
مریدیسی	مریدیسی	۱۲	۱۰
بن صباح محشرله	بن محشرله	۲	۱۳
سما و شمائلنده	سما و شمائلنده	۹	۲۶
یکد کردن	یکدیک کردن	۱۰	۳۴
- ناپه - سر	- ناپه - سر	۶	۴۰
نایاد	نایاد	۶	۴۰
کورنیوردی	کورنیوردی	۳	۴۲
اصالت پروان	اصالت پروان	۱۴	۴۲
صائت تبسم	صائت تبسمی	۱۵	۴۵
اوشراب	اوشر	۲	۴۷
اوغلم مروان	و غلم مروان	۶	۶۷
قرالچه	قرلیچه	۱	۶۹
شمدی بنی بشقه	شمدی بشقه	۳	۷۰
یاخود زید کیده جک	یاخود زید جک	۱۱-۱۰	۹۰
خرص	حر	۱۵	۹۹
اعلابه	اعلابه	۹	۱۰۴

خطا و صواب جدولی

صواب	خطا	سطر	صفحہ
منظور آنیسی	منظور آنیسی	۱۴	۱۰۹
صوالا ایلہ	سوللا ایلہ	۱۲	۱۲۲
اللہ	للہ	۴	۱۲۴
بکاشمیہ لم	بکاشمیہ لم	۱۵	۱۲۹
سویلہ دم	سویلہ م	۸	۱۳۱
کلش	کلش	۱۹	۱۳۲
خلیفہ سلیمان	سلمان خلیفہ	۲	۱۳۷
سلیمان	سلمان	۱۳	۱۳۸
زیر وزیر	زیر وزیر	۱۷	۱۵۷
چیقار دیگمزہ مقابلہ	چیقار دیکزہ و مقابلہ	۳	۱۶۰
بوهیتکھ	بوهیتکھ	۱۲	۱۹۳
استبعاد	استبعاد	۱۷	۲۰۰
فرزند موسیٰ	فرزند موسیٰ	۱۲	۲۰۵
امیر مروان	میر مروان	۸	۲۰۷
مؤذ نلر دہ	مؤذ نلر دہ	۱۱	۲۲۵
مروانک	مروانک	۳	۲۳۰
آچوب	آوب	۲	۲۳۱
ایشید یورم	ایشید یوم	۱۱	۲۳۸
کید یورہ	کید یورہ	۶	۲۴۱
ایتام	ایتام	۱۰	۲۴۹
فقط	فقط	۳	۲۵۶
سلمان	سلیمان	۱۵	۲۶۷
ذهنمزدن	زہنمزدن	۱۱	۲۷۴

خطا و صواب جدولی

صواب	خطا	سطر	صحیفہ
قویدیفکزی	قویدیفکزی	۲	۲۷۶
قروفا تله دیزلمشدر.	سہوآ کوچک	۲	۲۹۳
روؤیامہ	روؤیامہ	۱۲	۳۱۷
اوستنہ طوغری	استنہ طوغری	۱۱	۳۳۴

اخطار

۳۸۵ ، ۳۸۶ ، ۳۸۹ ، ۳۹۰ ، ۳۹۱ ، ۳۹۷ ،
 ۳۹۸ ، ۳۹۹ ، ۴۰۰ صحیفہ لردہ (خلیفہ سلیمان) یرینہ
 سہوآ (سلیمان خلیفہ) یازلمشدر .



آثار مفیده کتبخانه سی

آثار مفیده منسوب اولدقلری ملتک سامان عرفاتی
احتوا ایدن برر خزینه در . بونلرک ضیاعی، حیات امتده
تضمینی ناقابل ضرر لر ایقاع ایدر . بر طرفدن متوالی
ومستولی حریق لر ، دیگر طرفدن قدر شناسان اجانبک
بذل ایتدیکی نقود قارشیننده اراده لری صارصلان ومغلوب
اولان اصحاب ویا حفاظ کتبمزرک لاقیدی وجدانسوزی
یادکار اسلافک بر قسمی کتبخانه فایه ، بر قسمی ده
اوروپا و آمریقایه طاشیمقده در . اوپله بر حالده که کونک
برنده خزائن عرفانمزرک بسبتون بوشانمندن قورقولور! ...
کتب غیر مطبوعه مزرک حال ومقدراتی بو . مطبوع
اولانلرینه کلنجه : بونلر میاننده، مثلاً، مطبعه عامره ایله
مصر بولاق مطبعه سنک و قتیله فوق العاده التزام دقت
واعتنایده رک طبع وتمثل ایتش اولدینی کتابلردن بر

خو غنك و اك قيمتلى و دكر ليرينك نسخ موجوده سی
آزاله آزاله تداركى كسب عسرت و، ينه مثلا، برقاج سنه
اول يكرمى، اوتوز غروشله ممكن التدارك اولان بر
مريم ديوانى بوكون يوز اللى، ايكي يوز غروش راده سنه
ترفيه فيئات ايتمشدر.

مطبعة عامره ومصر مطبعه سيله مطابع وطباع سائر دنك
الى الابد حافظه آراى شكران اوله جق صورنده خدمت
ايتمش اولمقله برابر، انتخاب آثار خصوصنده دائما اصابت
ايدم مامش اولدقلىرني آثار مطبوعه كوسترييور. مثلا
شيخ الاسلام يحيى افندى كجى لسان واديبا تمزده
اساتيد معدوده دن اولان برذاتك ديوانى اهاال اولنه رق،
سنبليزاده وهبى وعينى ديوانلىر كجى قيمت تاليه يي حائز
ايرلر باصلمشدر. استانبول لهجه بيانك شعر مزده استاد
اولى اولان باقى نك ديوانى بيله بواهاال دن قورتوله مادي.
آلتمش، يتمش سنه اول طاش باصمه سيله وغايت نامطبوع
صورنده طبع وتمثيل اولنان مجموعه اشعارى - كه بوكون
ناياب ويا كميابدر - بيوك مطبعه لرمنك تفريق و انتخاب
آنارده كي لاقيديسى كوسترر.

اساسده کی بواطرادسزلق اشکالدهده مشهود اولور :
 مثلا شاعر اعظم **عبدالحق حامد** بکک شمدي يه قدر
 انتشار ايتمش اولان يکرمي يي متجاوز اثرلري مختلف کاغذلر
 اوزرينه ، مختلف شکل و قطعدهده باصديغندن بونلردن
 اوچ، دوت دانه سني بربرده جمع و تجلید ايتمک قابل دکلدر .
 اساسندن پريشان قالمغه محکوم اولان آثار مطبوعه نك
 کتبخانه لرده نه قدر مدت پايدار اوله بيله چکی ايسه معلوم !
 معارف ناظري **شکري** بک افندي آثار
 قديمه يي ، متوالياً تهديد ايتمکده اولان آفات ضياعدن
 و مؤلفين جديده يي ده طبع آئارده متمادياً مصادف
 اولمقده بولندقلري مشکلات و تردددن وقايه و تخليص
 مقصديله (**آثار مفیده کتبخانه سی**) هيئتني تشکيل
 و بوهيئتک رياستني بالذات درعهده ايدم رک وسائط موفقيتي
 احضار صورتيله وظيفه سنک امرايقاسني تسهيل بيور مشلردر .
 کرک بوکتاب ، کرک بوندن بويله ساحه انتشاره چيقه جق
 آثار ، مساعي واقعه نك درجاتي کوسترر .
 هر تشبثک بدايتنده بر جوق نواقص بولمق غير منکر در .
 (**آثار مفیده کتبخانه سی**) هيئتني آرزو اولنان مکملتي

تمامیله تأمین ایدمه مدیکنی اعتراف ایدر . حرب عمومیدن
متوالد مصائب و مشکلاتک حشر و نشر اولدینی بر زمان
و مکاندهدها زیاده کمال کوسترمک آسان دکلدی . مع مافیه
خطوات مساعیمزک بر فراز تکاملده قطع مسافات ایتمسینه
مستمراً چالیشه جعفر . اللهدن توفیق دیلرز .

استانبول ، ۵ رمضان ۱۳۳۴

سلیمان نطیف جناب شهاب الدین اسماعیل حق

محمد کمال عثمان کمال



